

10081



Palat. LVII-27(2)

~~Palat. LVII-27(2)~~

590257 56N
THEOLOGIA
MORALIS

DIVI
ALPHONSI DE LIGORIO

EPISCOPI S. ACATHE GOTHORUM, ET RECTORIS
MAJORIS CONGREGATIONIS SS. REDEMPTORIS,
ADJUNCTA IN CALCE PERUTILI INSTRUCTIONE
AD PRAXIM CONFESSARIORUM,

UNA CUM ILLUSTRISSIMI AC REVERENDISSIMI

JOANNIS DOMINICI MANSI
ARCHIEPISCOPI LUCENSIS

EPITOME DOCTRINÆ MORALIS, ET CANONICÆ
EX OPERIBUS BENEDICTI XIV.

~~~~~  
**EDITIO NOVISSIMA NEAPOLITANA,**

**IN QUÀ PRÆTER EA OMNIA, QUÆ IN CÆTERIS**  
**ADDITA FUERE, -**

Auctor ipse plura olim reformavit, aliquibus sententiis  
clarius explicatis, aliis de novo additis, aliis re melius  
perpensa immutatis, et novas animadversiones  
magni ponderis adjecit.

**TOMUS SECUNDUS.**



**NEAPOLI, 1840.**  
**EX TYPOGRAPHIA SIMONIANA.**  
*Superiorum Permissu ac Privilegio.*

1871

1872

1873

1874

1875

1876

1877

1878

1879

1880

1881

1882

1883



## LIBER II.

## DE PRAECEPTIS VIRTUTUM THEOLOGICARUM.

## TRACTATUS PRIMUS

## DE PRAECEPTO FIDEI.

## CAPUT I.

*Quæ Mysteria Fidei necessario credenda sint?*

1. *Quæ Mysteria credenda necessitate medii?*
2. *An Mysteria Trinitatis, et Incarnationis sint credenda explicitè?*
3. *Quæ ex præcepto scienda? et an memoriter?*
4. *Quale sit objectum fidei materiale, et quale formale?*

**E**X iis, quæ fideles explicitè credere tenentur, quædam necessario credenda sunt necessitate medii, seu finis; sine quibus, etiam inculpabiliter ignoratis, finis ultimus obtineri nequit: alia necessitate præcepti, sine quibus, inculpabiliter omissis, finis potest obtineri.

*Sanch. 2. mor. c. 2. Azor. Val.*

» Resp. 1. Necessitate medii necessaria sunt hæc duo: 1. Explicitè credere, Deum esse, et Remuneratorem bonorum esse, juxta illud Apostoli ad *Hebr.* 1. *Credere oportet. Trid.*

4 Lib. II. Tract. I. De Præcepto Fidei.

» sess. 6. c. 8. 2. Post sufficientem Evangelii  
 » promulgationem, credere explicite, ut vult  
 » Mol. aut saltem implicite ut probabiliter qui-  
 » dam docent cum *Con. et Laym.* Christum,  
 » et Sanctissimam Trinitatem. Vid. *Escob. ex*  
 » 2. c. 9. n. 20. ubi ex *Vasq. lib. 2. d. 116.*  
 » c. 3. docet culpabilem ignorantiam horum my-  
 » steriorum, sive negligentiam ea discendi, esse  
 » grave peccatum, distinctum ab eo, cujus est  
 » causa. » Vid. *Dian. p. 3. t. 5. R. 47. et 48.*

2. Fides definitur: *Est virtus theologica, a Deo infusa, inclinans nos ad firmiter assentiendum, ob Divinam Veracitatem, omnibus quæ Deus revelavit, et per Ecclesiam nobis credenda proposuit.* Dicitur 1. *Virtus Theologica*, idest, quæ Deum respicit, fides enim, prout etiam Spes, et Charitas, Deum directe spectant, ad differentiam virtutum moralium, quæ indirecte eum respiciunt. 2. *A Deo infusa*, quia Fides est donum supernaturale Divinum. 3. *Inclinans nos ad firmiter credendum*, nam assensus Fidei nequit cum formidine consistere, prout perperam dicebatur Propositione 4. ab Innocentio XI. proscripta, sed omnino firmus esse debet. 4. *Ob Divinam Veracitatem.* Veritas enim infallibilis (quæ est ipse Deus) est formale objectum Fidei. 5. *Omnibus quæ Deus revelavit*: omnia enim a Deo revelata, sunt objectum fidei materiale. 6. *Et per Ecclesiam nobis credenda proposuit.*, nam Divina Revelatio nobis non patefit, nisi per Ecclesiam quæ Revelationes proponit; cum sit aliunde evidens propter signa credibilitatis (qualia sunt Prophetiæ, Miracula, Constantia Martyrum, et similia) quod Ecclesia nec falli, nec fallere potest. Præterquamquod S. Augustinus illud celebre dictum protulit: *Evangelio non crederem, nisi me Ecclesiæ Catholicæ commoveret auctoritas.*

Cap. I. Quæ Mystéria Fidei etc. 5

Quæritur, an Mystéria SS. Trinitatis; et Incarnationis post promulgationem Evangelii credenda sint fide explicita de necessitate mediæ, vel præcepti? *Prima* sententia, quæ est communior, et videtur probabilior, docet credenda esse de necessitate mediæ; ita tenent *Sancti. Dec. lib. 2. cap. 2. n. 8. Valent. 2. 2. D. 1. qu. 2. p. 4. Molina 1. part. qu. 1. art. 1. D. 2. Cont. Tournely 10. 3. tr. de Decal. cap. 1. art. 1. §. 2. concl. 1. Juven. tom. 6. diss. 4. art. 3. Antoine de Virt. Theol. cap. 1. qu. 2. Wigandt tr. 7. Ex. 2. de Fide n. 22. Concina tom. 1. Diss. 1. de Fide cap. 8. nu. 7. cum Ledesma, Serra, Prado, etc. item Salm. tr. 20. cap. 2. p. 2. n. 15. Cuniliat. tr. 4. de 1. Dec. Præcept. cap. 1. §. 2. et Roncaglia tr. 6. cap. 2. qu. 2. Sed postremi hi tres dicunt, quod per accidens, et casu raro posset quis justificari fide tantum implicita. Id probant ex Scripturis, quibus (ajunt) clare probari necessitatem mediæ. Probant etiam ratione, quia licet ante promulgationem Evangelii sufficiebat fides implicita Christi, post tamen promulgationem, eo quod status gratiæ est perfectior, perfectior requiritur notitia, nempe explicita fides Christi, et Trinitatis. *Secunda* vero sententia satis etiam probabilis, dicit necessitate præcepti omnes teneri hæc Mystéria explicitè credere, necessitate autem mediæ sufficere, si credantur implicitè. Ita Dominicus Soto (in 4. sentent. tom. 1. Dist. 5. qu. un. art. 2. concl. 2.) ubi ait: *Quamvis præceptum fidei explicitæ (sc. Trinitatis, et Incarnationis) absolute obliget universum mundum, nihilominus possunt multi ignorantia invincibili ab eadem obligatione excusari.* Franciscus Sylvius (tom. 3. in 2. 2. qu. 2. art. 7. et 8. concl. 6.) scribit: *Post promulgatum sufficienter Evangelium, fides Incarnationis expli-**

6 Lib. II. Tract. I. De Præcepto Fidei.

*cita est omnibus ad salutem necessaria necessitate præcepti, ac etiam (ut probabile est) necessitate medii.* Et in sequenti conclusione. idem profert de Mystério Trinitatis. Card. Gotti (*Theol. tom. 2. tr. 9. qu. 2. D. 4. §. 1. n. 2.*) ait: *Dico 1. sententia negans fidem explicitam Christi, et Trinitatis esse ita necessariam, ut sine ea nemo justificari, aut salvari queat, valde probabilis est.* Et asserit n. 1. Scotum hanc tenere sententiam. Euseb. Amort recens Scriptor et valde doctus (tom. 1. D. 3. de Fide quæst. 17.) absolute eandem sententiam tuetur. Elbel (tom. 1. Conferent. 1. n. 17.) scribit hodie hanc sententiam teneri ab insignibus DD. Castropal. part. 1. tr. 4. D. 1. p. 9. Viva in Prop. 64. damn. ab Innocent. XI. n. 10., Sporer tr. 11. cap. 11. sect. 11. §. 4. n. 9. Laym. lib. 2. tr. 17 cap. 8. n. 5. qui dicit hanc non esse minus probabilem, quam primam cum Richard. Medin. Vega, Sa, et Turriano, Card. de Lugo de Fide D. 12. n. 91. vocat primam speculative probabilem, sed hanc secundam absolute et fuse ut probabiliorē tuetur cum Javell. Zumel, et Suarez D. 12. secti 4. n. 10. scribitque de Lugo eandem sententiam videri esse S. Thomæ 3. part. qu. 69. ar. 4. ad 2. ubi S. Doctor ait: Ante Baptismum Cornelius et alii similes consequuntur gratiam et virtutes per fidem Christi et desiderium Baptismi implicate vel explicite. Unde arguit Lugo, sicut Cornelius gratiam est consequutus per fidem implicitam, quia nondum in illa Religione Evangelium perfecte promulgatum fuerat, ita pariter consequi poterit ille qui Mystéria hæc invincibiliter ignorat; ipsi enim pariter non satis Evangelium est promulgatum. Dicunt autem repugnare bonitati, et providentiæ Divinæ, ut damnet Adversos invincibiliter igno-

Cap. I. Quæ Mysteria Fidei etc. 7

rantes, qui juxta lumen naturæ honeste vivunt, dum contra (Actor. 10. 34.) habetur: *In omni gente qui timet eum, et operatur justitiam, acceptus est illi.* Respondent vero quod omnes Scripturæ, et SS. Patrum testimonia quæ opponuntur, de facili explicari possunt de necessitate præcepti, vel qui ordinarie nullus fere salvatur sine fide explicita horum Mysteriorum, quia post Evangelii promulgationem fere nullus de his laborat invincibili ignorantia; vel quia, ait Lugo, explicari possunt de fide implicita, sive explicita in voto. Præterea, ait Laymann, vir adultus si esset mutus et surdus a nativitate, quamvis baptizatus, non posset alia Sacramenta accipere, si optaret; imo nec salvari, quia hujusmodi homo incredibile est quod vero conceptu apprehendat, et explicite credat Mysteria Incarnationis, et præsertim Trinitatis.

Notant autem Tannerus in 2. 2. D. Th. d. 1. quæst. 7. dub. 2. num. 49. Sylvius ibid. quæst. 2. artic. 8. concl. 8. Azor. tom. 1. lib. 8. cap. 2. quæst. 6. et Valent. cum Guillelmo Paris. apud Sanch. Dec. lib. 2. cap. 3. n. 18. quod si quis adeo sit rudis, ut ea mysteria percipere nequeat, tunc excusatur ratione impotentiae, et comparatur infantibus, ac fatuis. Attamen Sanch. loco cit. dicit, quod aliud est credere, aliud scire mysteria, nempe rationem de eis reddere; unde censet, omnes adultos teneri necessitate medii, aliquando hujusmodi mysteria credere, necessitate vero præcepti ea scire; a quo præcepto scientiæ excusari mente obtusos; et sic intelligendos ait AA. citatos. Concluditque eum Gabriele, qui dicit: *Sufficere eis* (scilicet rudibus) *quod singulos articulos explicite credant dum eis proponantur.* Quamvis autem sint damnatæ Propos. 64. et 65. ab Inq. XI.

8 Lib. II. Tract. I. De Præcepto Fidei.

quæ dicebant : *Absolutionis capax est homo , quantavis laboret ignorantia Mysteriorum Fidei , et etiamsi per negligentiam culpabilem nesciat Mystrium SS. Trinitatis , et Incarnationis D. N. Jesu Christi . . . Sufficit illa semel credidisse.* Dicit tamen *Viva cum March.* probabiliter non esse necessario repetendas Confessiones factas cum ignorantia prædictorum Mysteriorum ; cum ex præfata opinione jam probabile sit fuisse validas , si ignorantia fuit inculpabilis. Certum enim est talem ignorantiam , si sit vincibilis , peccatum esse lethale. Prædicta autem Propositio merito damnata est , quia dicebat capace esse absolutionis etiam illum , qui tempore Confessionis laborat ignorantia prædictorum Mysteriorum. Ceterum opinio Patris *Viva* mihi non est satis probabilis , quamvis enim Pœnitens probabiliter validam Confessionem expleverit , ita ut videatur deinde possidere exemptionem ab iteranda Confessione , cum prius bona fide se confessus fuerit ; attamen respectu ad eum , qui certo graviter peccavit , semper urget , ac possidet antecedenter obligatio explendi Confessionem , non tantum probabiliter , sed certo validam. Quapropter , cum ipse adverterit Confessionem suam ob ignorantiam Mysteriorum SS. Trinitatis , aut Incarnationis Jesu-Christi fuisse probabiliter validam , sed etiam probabiliter nullam , tenetur , postquam de illis Mysteriis instructus fuerit , Confessionem iterare.

» Forro implicite credere dicitur , qui credit  
 » aliquid explicite , in quo alterum implicite  
 » est ; v. gr. si credas , quod credit Ecclesia ,  
 » Vid. *Schol. et Laym. lib. 2. tr. 1. cap. 8.*  
 » 3. Resp. 2. Necessitate præcepti quivis fi-  
 » delis sub mortali explicite credere , et scire ,  
 » crasso saltem modo , et quoad substantiam ,  
 » tenetur hæc.



Cap. I. Quæ Mystèria Fidei etc. 9

» 1. Symbolum. 2. Orationem Dominicam.  
 » 3. Præcepta Decalogi, et Ecclesiæ. 4. Sacra-  
 » menta maxime necessaria; ut Baptismum, Eu-  
 » charistiam, et Pœnitentiam, reliqua autem  
 » tunc, quando vult suscipere. *Suar. Sanchez,*  
 » *Fill. n. 39.* Quæ omnia intellige, nisi impo-  
 » tentia, aut invincibilis ignorantia excuset.

*Unde resolvitur.*

» 1. Non omnes tenentur sub mortali hæc  
 » prædicta scire memoriter, aut eo ordine, aut  
 » iis verbis, quibus proponuntur; sed quoad  
 » Orationem Dominicam, scire omnia bona pe-  
 » tenda esse a Deo, quæ est ejus summa: quoad  
 » Symbolum vero, Præcepta, et Sacramenta,  
 » sufficit, si quis rogatus de singulis recte re-  
 » spondeat. *Bonac. Laym. l. c. cap. 9. San-*  
 » *chez lib. 2. cap. 3. \** (*Hoc est conforme ad*  
 » *id, quod tradidit S. Carolus Borromæus in*  
 » *sua Instruct. ad Confessarios, ubi docuit sa-*  
 » *tis esse, quod Fideles rudes sciant Credo sal-*  
 » *tem in substantia*) \*

» 2. Quamvis sit præceptum Ecclesiæ discen-  
 » di memoriter Symbolum, et Orationem Do-  
 » minicam, et Salutationem Angelicam, velit-  
 » que *Barb. p. 3. c. 27.* non esse absolvendum,  
 » qui ob negligentiam, vel verecundiam ea ad-  
 » discere non curat; consuetudo tamen, ut no-  
 » tat *Navarr. et Lopez,* exposuit obligationem  
 » non esse ultra veniale \*. (*Ita tenet etiam Vi-*  
 » *va super Prop. I. Alex. VII. cum Azor. Trull.*  
 » *et Villal. apud Salm. de Præc. Fidei cap.*  
 » *2. num. 47. ex Concilio Rhemensi et Tolo-*  
 » *tano 4. Vide Præc. Confess. in fin. tom. 11.*  
 » *n. 22.*) \* uti nec est ultra veniale, nescire  
 » facere Crucem, ut docet *Sanch. contra Sylv.*  
 » qui docet esse mortale.

10 Lib. II. Tract. I. de Præcepto Fidei.

» 3. Moraliter nihilominus necessarium est,  
» ut rudiores memoria teneant Symbolum sua  
» lingua: quia alioquin non possunt habere suf-  
» ficientem cognitionem articulorum.

» 4. Falsa est opinio quorundam Canonista-  
» rum, rusticis esse satis, articulos Fidei; alia-  
» que dicta credere implicite, credendo quicquid  
» credit Ecclesia.

» 5. Excusantur ii, quibus aut desuit doctor,  
» aut nunquam venit in mentem obligatio simi-  
» lia discendi, aut qui nimis sunt rudes, ita  
» ut non possint ea comprehendere, aut retine-  
» re; quod sæpe contingere docent *Azor. et Béc.*  
» contra alios.

» 6. Si Confessarius probabiliter judicet pec-  
» nitentem ignorare ex Doctrina Christiana ea  
» quæ scire tenetur (quod de literatis, vel fre-  
» quenter confitentibus præsumendum non esse,  
» monet *Sanch. 2. mor. c. 3.*) debet eum in-  
» terrogare de negligentia in iis addiscendis: cum  
» per eam plurimi graviter peccent. *Led. Azor.*  
» *to. r. l. 8. c. 8. Trull. l. 1. c. 1. d. 4.*

» 7. Possunt absolvi (contra quosdam) qui  
» ignorant ea, quæ sub mortali scienda esse dixi.  
» Ratio est, quia licet peccarint omittendo di-  
» scere, possunt tamen de hoc dolere, cum pro-  
» posito discendi. *Sanch. \** (cum *Salm. de Præc.*  
» *Fid. cap. 2. n. 58. Nisi prius admoniti ne-*  
» *glexerint addiscere*)\*. Quod si tamen igno-  
» rarent ea, quæ necessitate medii scienda sunt,  
» deberent instrui apte absolutionem. *Bon. d. 3.*  
» *qu. 2. p. 2. Sanch. l. c. cap. 3. n. 21.*

» 8. Parochus suas oves (sicut parens liberos)  
» tenetur sub mortali per se vel alium docere  
» ea saltem, quæ sub mortali scire tenentur.  
» *Sanc. 2. mor. c. 3. Filius. Pallaus, \*Trull.*  
» *l. 2, c. r. Kon. etc.*

Cap. I. Quæ Mystèria Fidei etc. 11

Notandum quod objectum *Materiale* fidei (nimirum id quod credere tenemur) principaliter est ipse Deus, et deinde omnia a Deo revelata : ita *S. Thomas* qu, 14. de *Verit.* art. 8. dicens ; *Fides quæ hominem divinæ cognitioni conjungit per assensum, ipsum Deum habet sicut principale objectum, alia vero sicut consequenter adjuncta.* Objectum autem *Formale* (idest motivum propter quod revelata credere tenemur) est Dei Veracitas. Disceptatur autem inter Scholasticos, an *Revelatio Divina* sit etiam objectum *Formale* fidei. Pro sententia affirmativa sunt *Jueninus et alii*, qui dicunt Veracitatem Dei esse objectum formale, *Quod*, nempe rationem præcipuam, ob quam credimus : revelationem vero esse objectum formale *Quo*, hoc est medium quò credimus. Sed communior sententia *Haberti, Card. Gotti, et Holzmanni cum Scoto etc.* docet totale objectum formale fidei esse Veracitatem Dei, et Revelationem esse tantum conditionem, sine qua non crederemus, sive medium per quod nobis applicatur notitia eorum quæ credimus.

## CAPUT II.

*Quomodo obliget præceptum Fidei.*

5. Quos, et quando obliget præceptum Fidei?
6. Notandæ Propos. damnatæ in hac materia.
7. Quoties teneamur in vita elicere actus Fidei, et Spēi?
8. Quoties circa Charitatem?
9. Quando Hæreticus teneatur suam Sectam ejicere?
10. An circa Fidem liceat sequi opinionem minus probabilem?
11. Quando teneamur Fidem exterius confiteri? Et qui teneantur jure Ecclesiastico ad eternam Professionem Fidei?

» 5. **R**esp. 1. Præceptum Fidei internum obligat 1. Pueros inter fideles educatos, quando  
 » rationis usum perfecte consecuti; Mysteria Fi-  
 » dei audiunt apprehenduntque, quod illa cre-  
 » dere sit res necessaria ad salutem; peccantque  
 » mortaliter omittendo, *Sanch. Bon. tom. 2.*  
 » d. 3. p. 3. addens plurimos eorum excusari  
 » inadvertentia, aut invincibili ignorantia. 2. A-  
 » dultos infideles, quando ratio incipit dictare,  
 » res Fidei sufficienter propositas esse, et con-  
 » trariam sectam esse falsam. *Sanchez lib. 2.*  
 » mor. cap. 1. Con. d. 14. de Fide. Fill.  
 » n. 25. 3. Quando urget tentatio contra Fi-  
 » dem, quæ aliter vinci nequit. Quod tamen  
 » non convenire scrupolosis, recte monet *Sanch.*  
 » quia hi, avertendo mentem ad alia objecta,  
 » facilius superant. Et in his duobus casibus  
 » præceptum obligat per se, in sequentibus per

» accidens. 4. Quando tentatio urgens contra  
 » alias virtutes aliter superari nequit. 5. Quan-  
 » do facienda est confessio Fidei exterior, vel  
 » ex præcepto eliciendus est actus alterius virtu-  
 » tis, v. gr. Spei, Charitatis, Pœnitentiæ, quæ  
 » Fidem supponat. *Bonac. q. 2. p. 2.* His ad-  
 » dît *Hurt.* contra *Sanch.* 6. In hora mortis,  
 » et 7. Semel quotannis. Vide *Dian. p. 5. t.*  
 » 13. *R. 19.*

6. Certum est hominem teneri ex lege naturali  
 ad Deum per Fidem, Spem, et Charitatem se  
 convertere; et ideo elicere earum virtutum actus,  
 cum quæque virtus suis actibus vivat. Hinc ante  
 omnia notandæ sunt omnes Propositiones proscrip-  
 ptæ super hac materia; Videl.

Prop. 1. ab Alex. VII. *Homo nullo unquam  
 vitæ suæ tempore tenetur elicere actum Fidei,  
 Spei, et Charitatis ex vi Præceptorum Divino-  
 rum ad eas virtutes pertinentium.*

Prop. 16. ab Innoc. XI. *Fides non censetur  
 cadere sub præceptum speciale secundum se.*

Prop. 17. ab eod. *Satis est actum Fidei se-  
 mel in vita elicere.*

Prop. 6. ab eod. *Probabile est ne singulis  
 quidem rigore quinquenniis pro se obligare præ-  
 ceptum Charitatis erga Deum.*

7. Quæritur autem; quoties in vita teneamur  
 elicere actus Theologales.

Quoad Præceptum Fidei spectat, plures sunt  
 opiniones. *Scotus* censet teneri nos ad eliciendos  
 actus Fidei omnibus diebus Festis. *Nider* quoties  
 Mysteria in Ecclesia celebrantur. Sed *Salm. de*  
*Præc. Fid. cap. 2. n. 31. et Croix l. 2. n. 51.*  
 horum opiniones minime approbant; Imo *Ovie-*  
*do apud Croix ibid.* asserit illas passim rejici  
 ab aliis. *Lugo apud Croix d. n. 51.* recte di-  
 cit, toties Fideles teneri ad repetendos actus Fi-

14 Cap. II. Quomodo obliget etc.

dei; quoties sufficiat ad profitenda Myſteria noſtræ Religionis. At quia hæc regula eſt obſcura; ſat probabiliter putant *Salm. dict. cap. 2. cum Sanch. Trull. Bann. Led. et aliis*, teneri ſaltem ſemel in anno Fideles ad exercendum actum Fidei; et idem ſentiunt Concina et Franzoja cum communi. Advertant tamen cum *Suar. Prado*; et idem dicit *Croix l. 1. c.* quod huic præcepto ſit ſatis etiam per exercitium aliarum virtutum; ſive per ſuſceptionem Sacramentorum, ſive ex quacumque alia occaſione actus Fidei ponantur.

Num. autem teneamur ad eliciendos hos actus Fidei formaliter ſcilicet ex motivo Dei revelantis? Aſſirmant *Viva d. prop. I. Alex. VII. n. VI. Quicquid ſit*, ut addit, *an ſemper Fidei ſit ſupernaturalis*; ſi nitatur huic motivo ſaltem languide attacto. Notat vero num. 7. in *Fine*, quod viri timorati nullo modo circa hoc anxii ſint; cum vix accidat, eos abunde huic præcepto non ſatisfacere. *Croix d. n. 51.* dicit non eſſe rationem, cur quis ob id ſcrupuloſe ſe divexet, cum huic præcepto fiat ſatis (ut aſſerit n. 27.) audiendo Miſſam, adorando Crucifixum, formando Crucem; orando, etc. quamvis hæc non ſiant reflexe ex motivo Fidei. Qui enim, ait, ſæpius poſuit Fidem tamquam regulam ſuarum actionum, quibus ad Deum vult tendere, quicquid poſtea boni agit, ex eadem regula jam ad Deum dirigit exercite, licet non advertat. Aitque *Hurtad. apud Carden. in præf. 17. Innocent. XI.* hos actus eſſe vere actus Fidei, quia radicaliter ex motivo Fidei oriuntur. Insuper *de Lugo de Fid. diſſ. 13. n. 45.* ſic docet: *Cum materia honeſte, et inhoneſte operandi frequenter occurrat, non eſſe dubitandum, quin homo, qui Fidem Chriſtianam ſemel amplexus eſt, plauſquam ſufficienter ſatisfaciat præcepto Fidei.*

8. Quod autem pertinet ad actus erga præceptum Charitatis; jam adnotavimus supra damnatam fuisse propos. *Ne singulis quidem rigorose quinquenniis* hoc præceptum obligare per se, *Paulus apud Croix d. lib. 2. num. 141.* dicit esse peccatum grave differre actum Charitatis per triennium. Alii, ut *Hurtad. Ills. Mendo etc.* apud *Croix loc. cit.* dicunt requiri elici actum Charitatis erga Deum saltem semel in anno: Et hæc sequuntur *Salm. tract. 21. cap. 6. n. 12. cum Trull. Tapia, Lastra.* Alii vero, ut *Gibr. Almain. Tup. ap. Croix num. 133.* ajunt hoc præceptum obligare quolibet die festivo. *Cardenas* tandem in 2. *Crisi d. 6. num. 8.* (cui adhæret *Croix num. 141.*) censet non excusari a mortali qui per mensem actum charitatis differt; Hancque sententiam omnino ego suadendam puto, cum difficulter possit Homo diu mandata divina servare; nisi dilectionem erga Deum frequenter foveat, quæ nonnisi per actus charitatis fovetur; et nutritur. Notat autem idem *Cardenis a n. 14.* quod sufficit elicere actus Amoris, etiamsi eliciantur in ordine ad implenda alia Præcepta, vel ad aliam virtutem exercendam, puta ad se confitendum, ad vincendam tentationem. Insuper dicit *Croix num. seq. 143.* esse veros actus Amoris quibus bene satisficit huic præcepto, omnia opera meritoria exercitata ad finem placendi Deo, ut eleemosynam, jejunium, et similia: Talis autem rectus finis dicit quod præsumitur in eis, qui jam sciunt sic placere Deo, modo non operentur ex fine pravo. Addit etiam *Croix* satisfieri adhuc orando, signanter cum oratione Dominicali, ubi dicitur: *Sanctificetur etc. Adveniat etc. Fiat voluntas tua, etc.* Advertatur hic Prop. 10. damnata ab Innocentio XI. quæ dicebat: *Non tenemur proximum*

*diligere actu interno, et formali.* Recte igitur dicit *P. Viva* in cit. *Prop. 10. n. 8. et 9.* quod sicut tenemur elicere actus formales caritatis erga Deum, sic etiam tenemur erga Proximum ex motivo supernaturali, nimirum propter amorem Dei, vel ut præcepto Christi pareamus, qui dixit: *Mandatum nostrum do vobis, ut diligatis invicem. Jo. 13.* Unde S. Thomas docet: *In dilectione proximi includitur dilectio Dei, sicut causa in effectu. In Epist. ad Rom. 13. sect. 2.* Sicut ergo tenemur saltem semel in mense elicere actum amoris erga Deum, sic etiam saltem in mense exercere actus caritatis erga proximum. Ceterum sapienter scribit *P. Suarez Disp. 5. de Carit. sect. 4.* cum aliis ex S. Thoma 2. 2. *quest. 25. art. 8.* quod aliquando hi actus caritatis bene exercentur occasione vitandi odium, aut largiendi eleemosynam. Et cum hujusmodi occasiones frequenter occurrant, hinc ait *P. Viva* esse moraliter impossibile, quod Fideles christiane viventes huic præcepto abunde satisfaciant.

*Ex iis resolvuntur hi Casus.*

9. » 1. Hæreticus, quandiu suam sectam judicat esse credibiliorem, vel æque credibilem, non tenetur credere; quia Fides nondum est sufficiens proposita, ageretque imprudenter. *Sanch. 2. mor. c. 1. Laym. l. 2. t. 2. c. 10. et 12.*
- » 2. Quando iis qui in hæresi nutriti sunt, persuasum est a pueritia, nos abjicere, et persequi Verbum Dei, esse idolatras, pestilentes deceptores, ideoque, tamquam pestem fugiendos; non possunt, stante hac persuasione, salva conscientia, nos audire, et laborant ignorantia invincibili, cum non dabi-



» tent esse in bona via. *Laym. cap. 10. Sancti.*  
» *lib. 2. cap. 1.*

» 3. Si talibus oriatur dubium de sua secta,  
» tenentur ulterius inquirere, et a Deo petere  
» lumen: quod si negant, peccant contra Fi-  
» dem, cum non adhibeant media ad imple-  
» dum præceptum Fidei. Quod si deinde nostra  
» Fides eis sufficienter proponatur, tenentur  
» amplecti, *ibid. V. Ferdin. de Castr. Pal.*  
» *l. 4. d. 1. p. 12. et d. 2. p. 2.*

10. Notanda est hic *propos. IV. damnata ab Innocent. XI. Ab infidelitate excusabitur non credens, ductus opinione minus probabili.* Ex hac aliqui non recte inferunt prohiberi in omni materia sequi probabilem, relicta probabiliori: Nam respondet *Viva in dicta propos. n. 5.* et alii communiter, quod, etsi licet sequi opinionem minus probabilem, nunquam tamen liceat cum periculo gravis damni, quando illud vitare non pendeat ab opinionis probabilitate; ut est in collatione Sacramentorum, in medendo etc. et hoc esset pariter in sequendo sectam minus probabiliter veram. A probabilitate enim opinionis fit quidem, ut peccatum formale vitetur in aliis humanis actionibus, sed non potest fieri, ut sit vera secta non vera. Et semper ac secta sit falsa, nunquam cum quacunque probabilitate vitatur periculum damnationis, cum non vitetur periculum carendi Fide necessaria ad salutem, Gratia Sacramentorum, etc. Adde quod Infidelis nunquam habere potest veram probabilitatem suæ sectæ sine culpa: Si enim oraret, Deus absque dubio infunderet lumen suum in illum de vera Religione. Ita *Viva.*

» *Resp. 2.* Præceptum exterius Fidem confi-  
» tendi jure naturali obligat, duplici casu, sci-  
» licet, cum vel honor Deo debitus, vel utilis

18 Lib. II. Tract. I. De Præcepto etc.

» tas proximo impendenda , privative , vel con-  
 » trarie subtraheretur. Dixi *privative* , ut si ideo  
 » cessaret magnus honor in Deum , vel utilitas  
 » in proximum redundans. Dixi 2. *contrarie* ,  
 » ut si alioqui Deus afficeretur injuria , vel pro-  
 » ximus gravi malo ; v. gr. si inde penderet  
 » aliorum conversio , aut perversio , contemptus  
 » Religionis , scandalum , etc. Ratio responsio-  
 » nis est , quia actus virtutis tunc videtur præ-  
 » ceptus , quando est necessarius ad finem præ-  
 » cepti , quod hio contingit ; quia finis præce-  
 » pti est Caritas. *S. Th. 2. 2. quæst. 3. art. 2.*  
 » *Suar. Reg. Fill. tr. 22. cap. 2. quæst. 1.*

Unde resolvuntur hi Casus.

» Si hæretici conculcent Imagines , aliisque  
 » injuris Fidem afficiant , tenetur eam sua con-  
 » fessione tueri Catholicus ; si quidem inde pru-  
 » deuter speret profectum.

» Resp. 3. Ad professionem Fidei externam  
 » jure Ecclesiastico tenentur sub mortali , segun-  
 » dum *Tridentinum* , cum juramento obediendi  
 » Ecclesiæ Romanæ , ut docet *Fill. t. 2. tr. 22.*  
 » *cap. 3. sequentes personæ.*

» 1. Provisi de Beneficio curato , idque intra  
 » duos menses a die possessionis coram Episco-  
 » po , aut ejus Vicario Generali , vel Officiali ,  
 » *sess. 24. cap. 22. de ref.*

» 2. Provisi de Canonicatu , vel Dignitate in  
 » Cathedrali Ecclesia : idque non tantum coram  
 » Episcopo , vel ejus Vicario , sed etiam in Ca-  
 » pitulo. *ibid.* addita poena , (ad quam non vi-  
 » dentur teneri ante sententiam) , ut alioqui  
 » fructus non faciant suos. Vid. *Sanch. lib. 2.*  
 » *c. 5. Barb. de potestate Episc. 3. p. ar. 61.*  
 » *num. 29.*

» 3. Primates, Archiepiscopi, Episcopi, in prima Synodo provinciali, cui intererunt, *Trid. sess. 25.*

» 4. Extendit Pius IV. hanc legem ad omnes  
» Prælatos Religionum, etiam militarium; Pius  
» V. autem apud *Rodr. t. 2. q. reg. quæst. 72.*  
» ad omnes promovendos in Doctores, Magi-  
» stros, Regentes, Professores, addita excom-  
» municatione latæ sententiæ, et privatione o-  
» mnium beneficiorum in eum, qui alios pro-  
» movet ad talem gradum, sine prævia pro-  
» fessione. Vid. *Fill. t. 22. cap. 3. quæst. 11.*  
» *Barb. remiss. s. 24. num. 12.* Verum, ubi  
» hoc decretum non est receptum usu, et non  
» obligare monet *Sanch. cap. 3. num. 4.*

*Unde resolvitur.*

» 1. Non tenentur ad dictam professionem pro-  
» yisi de Canonicatibus in Ecclesiis tantum Col-  
» legiatis, vel de Beneficiis tantum simplicibus,  
» 2. Etsi probabile sit hanc professionem posse  
» fieri per procuratorem, ut docet *Azor. Navarr.*  
» et *Sanch.* probabilius tamen est teneri perso-  
» naliter, ut docet *Fill.* Ratio est, tum quia  
» alias non videtur fieri satis juramento, quod  
» personaliter faciendum esse docet Glossa apud  
» *Fill.* tum quia ita decidit Rota apud *Garc.*  
» *lib. 3. de benef. cap. 3.*

## CAPUT III.

*An aliquando liceat exterius Fidem veram  
negare, aut falsam profiteri.*

12. *An liceat unquam positive Fidem negare?*

13. *An uti verbis ambiguis? An tacere?*

14. *An fugere? Vide alia ibid.*

15. *An uti vestibus, vel signis Infidelium.*

16. *An audire conciones Hæreticorum? Vide  
alia ibidem.*

» 12. **R**esp. Nullo casu licet, sive voce, sive  
» alio signo fiat, dicente Christo: *Qui negave-*  
» *rit me coram hominibus, etc.* Interim vero,  
» etsi licitum non est mentiri, seu simulare,  
» quod non est, licet tamen dissimulare, quod  
» est, sive tegere veritatem verbis, aliisve si-  
» gnis ambiguis, et indifferentibus, ob justam  
» causam, et cum non est necessitas fatendi. Est  
» *comm. S. Thom. Kon. dis. 15. dub. 2. n. 9.*  
» *Laym. lib. 2. c. 1. c. 11.*

*Unde resolvitur.*

13. » 1. Rogatus de fide in odium religionis,  
» sive publica auctoritate, sive privata, nullo  
» modo potest utendo restrictione mentali, aut  
» verbis ambiguis ita respondere, ut præsentibus  
» videatur Fidem negasse; multo minus, dicere  
» esse hæreticum, vel Calvinistam, vel non Ca-  
» tholicum. *Azor. Fill. cap. 3. n. 97.*

» 2. Qui rogatus seu privata, seu publica au-  
» ctoritate, vel tacet, vel respondet obscure,  
» vel ait se nolle respondere, se jure non ro-

Cap. III. An aliquando liceat etc. 21

» gari, non teneri se, nec velle aliis dicere  
 » quid ipse credat, ac simili modo tergiversa-  
 » tur, non videtur negare Fidem, sed nolle  
 » prodere. Unde, si sic potest molesta inquisi-  
 » tione liberari, licet; ut habet *Roncaglia l. c.*  
 » Generatim enim verum non est, quod inter-  
 » rogatus auctoritate publica teneatur positive  
 » Fidem profiteri, nisi quando id necessarium  
 » est, ne præsentibus videatur Fidem negasse.  
 » *Kon. d. 15. dub. 2. Navarr. Aror. Sanch.*  
 » *Bec. cap. 9. quæst. 4. \** (Hæc de re vide  
 » *Propos. 8. inter damnatas ab Innocent. XI.) \**  
 » 14. » 3. Non negat Fidem, sed prodit, qui  
 » fugit: quod etsi liceat, non tamen Pasto-  
 » ri, tunc cum ejus opera oves indigent, uti  
 » contra, si eis consultius est, ut ad tempus  
 » subducat, et in honorem earum reservat, tene-  
 » tur fugere. *Reg. lib. 17. n. 26. Bec. c. 9.*  
 » *Fill. n. 75. etc.*

» 4. Si quo casu tacere esset negare, tunc id  
 » non liceret; verbi gratia si, aliis rogatis, an  
 » Fidem negare vellent, iisque respondentibus,  
 » quod non, tu taceres. *ibid. Vide Bonac. l.*  
 » *c. Laym. l. c. tom. 1. c. 11. Tol. lib. 4.*

» 5. Si Princeps generali lege jubeat, ut fi-  
 » deles se prodant, gestato signo, vel sistendo  
 » se, vel aliter, non tenentur, cum nemo te-  
 » neatur verum dicere, nisi specialiter rogatus.  
 » Excipe, nisi eæ sint circumstantiæ, ut hoc  
 » ipso, quod se non prodant, videantur Fidem  
 » negasse, ut v. gr. si quidam antea noti es-  
 » sent et tunc ex hoc putarentur defecisse. *Sanch.*  
 » *n. 19. Bec. Reg. Fill. n. 88. etc.*

» 6. Cum non rogaris de Fide, non solum  
 » licet, sed sæpe melius est ad Dei honorem,  
 » et utilitatem proximi tegere Fidem, quam fa-  
 » teri: ut si latens inter hæreticos plus boni fa-

22 Lib. II. Tract. I. De Præcepto etc.

» cis ; vel si ex confessione plus mali sequere-  
 » tur , verbi gratia , turbatio , necesse , exacerba-  
 » tio Tyranni , periculum defectionis , si tor-  
 » queris . Unde temerarium plerumque est of-  
 » ferre se ultro . *S. Th. Sanch. Laym. cap. 11.*

» num. 2.

» 7. Redimere pecunia , ne de tua Fide fiat  
 » inquisitio , licitum est , et sæpe magna virtus  
 » discretionis est vitam ad Dei gloriam servare ,  
 » ac Fidem tegere modis licitis .

» 8. Talis modus non est uti vestibus , aut  
 » signis infidelium , quæ alium usum non habē-  
 » rent , quam quod essent signa professiva falsæ  
 » Religionis , seu cultus : uti essent vestes , qua-  
 » rum usus est in sacrificiis : item incensio thu-  
 » ris , aut genuflexio coram idolo ; item sumtio  
 » cœnæ hæreticæ , etc. *Sanch. l. 2. cap. 4.*

» *Fill. n. 9. etc. comm.*

» 9. Licitus autem modus est , quando subest  
 » causa ( ut v. gr. ad evitandum grave pericu-  
 » lum , ad obtinendam victoriam , eludendos ho-  
 » stes ) , uti vestibus ; et signis infidelium , quæ  
 » aliquem alium usum habent , quam profiten-  
 » dæ Religionis , quales sunt vestes talis Natio-  
 » nis ( non Religionis ) , quibus uterentur , etsi  
 » converterentur , ut sunt vestes , et signa Na-  
 » tionis Turcicæ , quod verum est , etsi sint ve-  
 » stes ipsorum Religiosorum , dummodo non ha-  
 » biant peculiare signum profitendi erroris , sed  
 » aut tantum indicium ditidioris cultus , ut saga  
 » Prædicantium in Germania ; vel eminentioris  
 » vitæ inter suos , ut togæ Bonziorum in Japo-  
 » nia . Idem dicendum est de signis , quibus Ju-  
 » dæi utuntur , v. gr. flavo annulo in pallio  
 » Francofurti , etc. quia hæc sunt signa mere  
 » politica , et distinctiva unius generis hominum  
 » ab alio , et non proprie professiva Fidei . Quæ

Cap. III. An aliquando liceat etc. 23

» sententia probabilis est. Vid. *Sanch. 2. mor.*  
» *c. 4. Bec. 2. 2. cap. 9. quest. 5. d. 6.*  
» *Laym. l. 2. t. 1. cap. 11. Covarr. contra*  
» *Caj. Nav. Tol.*

» 10. Licitus item modus est, cum Catholi-  
» cus transit per loca hæretica, et periculum  
» grave ei imminet vitæ, v. gr. vel bonorum  
» (non tamen, si derisio tantum, vel vexatio,  
» ut habet *Bec. cap. 9.*) ad dissimulandam Fi-  
» dem, vesci carnibus die prohibito; quia præ-  
» ceptum Ecclesiæ non obligat sub tali pericu-  
» lo. Nec hoc est Fidem negare, cum esus car-  
» nium non sit institutus ad professionem Reli-  
» gionis; et Catholici mali, et gulosi id fa-  
» ciant. Si tamen ex circumstantiis fieret si-  
» gnum professivum, ut si v. gr. in odium Fi-  
» dei convivæ statuerunt, ut qui est hostis Fi-  
» dei Pontificiæ, comedat carnes, peccaret con-  
» tra Fidem, qui ederet sine protestatione; se-  
» cus, si protestaretur. *Sanch. Azor. Bec. etc.*  
» *comm. loc. cit.*

» 16. » 11. In Germania audire conciones hæ-  
» reticorum, deducere funus, assistere Baptis-  
» mo pro patrino, non habentur signa profes-  
» siva Fidei, vel communionis cum hæretico-  
» rum sacris. *Fill. Azor. Sanch. il. cc.* Unde,  
» seclusis aliis, v. gr. scandalo, periculo, pro-  
» hibitione, et si ex justa causa fiant, licent\*.  
» (At in Synodo Neapolitana expressè prohibe-  
» tur assistere concionibus, catechismis, et qui-  
» buscumque litibus hæreticorum, ex quocumque  
» prætextu. Estque Casus reservatus cum excom-  
» municatione ipso facto. Ceterum *Salm. Tract.*  
» 21. c. 2. n. 522. tenent licere, modo absit  
» scandalum, periculum perversionis, et commu-  
» nicatio impietatis.) \*. Imo patrinum fieri ta-  
» lis infantis, videtur potius optandum, seclu-

24 Lib. II. Tract. I. De Præcepto Fidei.

» sis aliis, quia non est aliud, quam obligare  
» se ad eum olim erudiendum in Fide Catho-  
» lica.

» 12. Infidelium, et hæreticorum sacris non  
» licet ita interesse, ut ei communicare censea-  
» ris; alioquin licet, v. gr. ut quis spectet tam-  
» quam comediam, aut famulatum præstet po-  
» liticum domino suo, exemplo Naaman Syri,  
» de quo vide *Bec. Fill. Sanch. loc. cit. Laym.*  
» l. 2. t. 1. c. 11.

» 13. Si princeps hæreticus mandet sub gra-  
» vissima pœna omnibus subditis, adire concio-  
» nes hæreticorum, etiamsi verbis dicat, se hac  
» re aliud nihil exigere, quam obedientiam ci-  
» vilem, nec velle cogere, ut a Fide discedant,  
» cum tamen reipsa contrarium velle videatur  
» (nam obedientiam suorum aliter exercere po-  
» test, et hæc res ex se apta est Catholicos pau-  
» latim pervertere, et insuper conciliare aucto-  
» ritatem hæresi, ac vilipensionem veræ Fidei),  
» non licet obedire. Atque ita bis rescripsit An-  
» glis Pius V. apud *Sanch. l. 2. c. 4. n. 27.*  
» *Fill. et Azor. ll. cc.*

» 14. Catholici viventes inter hæreticos, si  
» ex præcepto Magistratus contrahant matrimo-  
» nium coram Ministro hæretico, peccant con-  
» tra Fidem, etiamsi contraxerint ante, vel  
» contracturi sint postea coram Sacerdote Catho-  
» lico. *Kon. d. 15. art. 3. Pal. tr. 4. d. 11.*  
» p. 13. quæst. 12. 13. 14. testaturque contra-  
» hens ceremonia illa se illum agnoscere vere  
» Fidei Ministrum: quæ sunt intrinsece mala.  
» *Mald. 2. 2. quæst. 2. art. 3.* quia auctoritas  
» Ministri, et sequenter doctrina ejus augetur,  
» concurriturque ad ritus hæreticos, quos Mi-  
» nister isto actu exercet. Licite tamen contra-  
» hunt coram Magistratu civili, vel potius te-



» stantur se contraxisse ; modo prius , vel po-  
 » sterius ritu Catholico contrahant : quia hæc  
 » actio est instituta ad finem politicum , ut con-  
 » iuges habeantur , et proles non censeantur il-  
 » legitimæ.

## C A P U T IV.

De Infidelitate et vitiis Fidei oppositis.

### D U B I U M I.

*Quid , et quotuplex sit infidelitas ?*

17. » **R**esp. 1. Infidelitas generatim est triplex ;  
 » *Prima* dicitur *Negativa* , eorum scilicet , qui  
 » nihil unquam de Fide audiverunt. Quæ non  
 » tam est peccatum , quam pœna peccati ; quia ,  
 » si fecissent , quod in ipsis erat , Deus Fidem  
 » eis non abscondisset. *Secunda* dicitur *Contra-*  
 » *ria* , eorum scilicet , qui Fidem sibi sufficien-  
 » ter propositam vel contemnunt , vel ei contra-  
 » dicunt pertinaciter , ut Hæretici. *Tertia* dici-  
 » tur *Privativa* , quod privative opponatur Fi-  
 » dei , et est culpabilis ignorantia , vel error  
 » circa res Fidei. *Thom. Sanch. Vasquez Laym.*  
 » *cap. 10.*

» Resp. 2. Infidelitas Contraria ex triplici mo-  
 » do repugnandi Fidei est triplex , scilicet Pa-  
 » ganismus , qui fidei nondum susceptæ ; Judais-  
 » mus , qui Fidei susceptæ in typo ; et Hære-  
 » sis , quæ Fidei susceptæ veritati repugnat.  
 » Apostasia a Fide revocatur ad hæresim , a qua  
 » tantum differt , quod Hæresis sit error Fidei  
 » ex parte tantum contrarius , Apostasia vero ex  
 » toto. *S. Thom. Laym. loc. cit.*

*Ligu. Theol. Tom. II.*

## DUBIUM II.

## De Judaismo.

Quæritur hic tantum, quæ communicatio cum  
Judæis sit interdicta Christianis?

18. » **R**esp. 1. Iis casibus, qui colliguntur ex  
» c. Nullus c. Omnes. c. Judæi. 1. Non licet  
» cohabitare. 2. Nec convivii interesse. 3. Nec  
» uti communi balneo. 4. Nec medicos adhi-  
» bere. 5. Nec medicinas ab iis datas recipere,  
» emere tamen licebit præscriptas. 6. Nec Ju-  
» dæorum filios enutrire in ipsorum domibus.  
» 7. Iis non famulari. 8. Nec servitute subjici.  
» 9. Prohibentur publicis officiis inter Christia-  
» nos fungi. 10. Vetitum est eorum azymis ve-  
» sci. Quibus addit Azor. prohibitum esse, ac-  
» cedere ad eorum nuptias; festa, Synagogas\*.  
» ( Adire Synagogas curiositatis causa, non  
» esse peccatum grave dicunt Salm. Tract. 21.  
» c. 2. n. 123. in fine cum Bon. Con. Pal-  
» etc. ) \* ; cum eis ludere, salutare; etc. Ra-  
» tio horum est, tum ut conservetur dignitas  
» Christianæ Religionis: tum ut caveatur Fa-  
» miliaritas cum Judæis, et periculum perversio-  
» nis, vid. Laym. l. 2. t. 1. cap. 12. et 17.  
» Sanch. lib. 2. cap. 3. Fill. tr. 22. c. 5.  
» num. 128.

» Resp. 2. in decem dictis casibus communi-  
» care cum Judæis ex genere suo videtur esse  
» mortale. Ratio: quia, si Clericus id faciat,  
» incurrit periculum depositionis: Laicus vero  
» excommunicationis ( c. Constitutis, 17. q. 2 ),  
» quæ non nisi ob peccatum mortale imponi so-

» let. Dixi ex genere suo : quia probabile est ,  
 » vel ob materiæ parvitatem , vel ob necessita-  
 » tem , aliamve causam rationabilem ( si tamen  
 » non sit periculum perfidiæ , nec familiaritatis  
 » cum Judæis ) sæpe excusari a mortali , ali-  
 » quando etiam ab omni peccato : Ita commu-  
 » niter. Vid. *Auct. supra cit. et Bon. l. c. item*  
 » *Laym. lib. 2. t. 1. cap. 17. \** ( *Principes*  
 » *Christiani possunt permittère Judæis , et Pa-*  
 » *ganis , aut Hæreticis libertatem conscientia*  
 » *tantum ob bonum Religionis , et ob spem con-*  
 » *versionis : non autem ob temporale emolumen-*  
 » *tum. Salm. Tract. 21. cap. 3. n. 5. Bene*  
 » *autem potest Ecclesia , et quicumque Princeps*  
 » *Supremus compellere Judæos , et Paganos sub-*  
 » *ditos ad audiendam Fidem nostram. Salm.*  
 » *ibid. n. 8. cum Suar. Az. Bec. Bon. etc.*  
 » ( *contra Con. et Val.*  ) ; *et constat ex pra-*  
 » *xi , quæ viget Romæ ).*

## DUBIUM II.

*Quid sit Hæresis ?*

17. » **R**esp. Hæresis est error intellectus,  
 » et pertinax contra Fidem , in eo , qui Fidem  
 » suscepit. Ita commun. *Suar. Becan. cap. 14.*  
 » *quæst. 2. Unde patet , ad Hæresim , ut et A-*  
 » *postasiam , duo requiri. 1. Judicium erro-*  
 » *neum , quod est ejus quasi materiale. 2. Per-*  
 » *tinaciam ; quæ est quasi formale. Porro per-*  
 » *tinaciter errare non est hic acriter , et mor-*  
 » *dicus suum errorem tueri ; sed est eum reti-*  
 » *nere , postquam contrarium est sufficienter*  
 » *propositum : sive quando scit contrarium*  
 » *teneri a reliqua universali Christi in terris Ec-*

28 Lib. II. Tract. I. De Præcepto Fidei.

» clesia , cui suum iudicium præferat : sive id  
 » fiat ex vana gloria , sive libidine contradicen-  
 » di , aliave causa. *Sanch. Vasq. Laym. l. 2.*  
 » *t. 1. cap. 13.* et alii commun. Ratio est ,  
 » quia tunc putat iudicium Ecclesiæ non esse  
 » sufficiens fundamentum credendi , quæ est ve-  
 » ra pertinacia ; quam cum *Koninck* facilius sic  
 » explicant alii , eam tunc esse , cum , etsi ob-  
 » jectum Fidei credibiliter proponatur , ita ut  
 » prudenter de eo non possit dubitare , contra-  
 » rium tamen iudicet , a quo nolit avelli ullo  
 » casu , vel saltem nisi evidenter convictus. V.  
 » *Con. d. 18.*

*Unde resolves.*

» 1. Non est hæreticus , qui exterius tantum  
 » Fidem negat , aut adorat idolum. Ratio est ,  
 » quia non errat. Neque talis incurrit in foro  
 » conscientiæ censuras latas contra hæreticos ,  
 » etsi in foro externo secundum externam proce-  
 » datur. *Fill. t. 22. cap. 6. quæst. 4.*

» 2. Est hæreticus , qui affirmative de aliquo  
 » articulo Fidei dubitat , hoc est , iudicat esse  
 » dubium. Dixi *Affirmative* : quia negative tan-  
 » tum dubius , hoc est suspendens iudicium ; per  
 » se , et simpliciter non est hæreticus , quia  
 » non habet iudicium ; ergo nec erroneum : mo-  
 » do tamen non ideo suspendat , quod virtua-  
 » liter iudicet , non liquere de certitudine ob-  
 » jecti. *Sa. Azor. l. 8. c. 9. q. 5. Tol. con-*  
 » *tra Sanch. et Mald. \** ( Vide dicenda l. 7.  
 » n. 302. ) \*

» 3. Nemo est hæreticus , quamdiu paratus  
 » est iudicium suum Ecclesiæ submittere , aut  
 » nescit contrarium tenere veram Christi Eccle-  
 » siam , esto ex ignorantia etiam culpabili et

» crassa sententiam suam mordicus tueatur ,  
» *Laym. loc. cit. num. 2.*

» 4. Nec est hæreticus, qui ita dispositus est ,  
» saltem habitualiter , ut a suo errore esset di-  
» scessurus , si sciret esse contrarium Fidei ,  
» dummodo pertinaciam actualem nunquam ha-  
» buerit , *ibid. et Kon. loc. cit.*

» 5. Rustici , alique homines simplices in  
» Germania , qui hæretici habentur , et tamen  
» pertinaces non sunt , possunt absolvi a suis  
» Parochis. Ratio est , quia non sunt hæretici  
» formales : habent Fidem Catholicam in Ba-  
» ptismo acceptam , quæ non perditur , nisi er-  
» rando pertinaciter. *Laym. loc. cit.*

» 6. Cum hæresis , et quævis infidelitas mor-  
» talis sit , peccant quoque mortaliter , qui ejus  
» periculo se exponunt , sive conversando , sive  
» conciones audiendo , sive libros legendo ; quæ  
» proinde , si cui periculosa sint , illicita sunt  
» jure naturæ : si vero periculum absit , lectio  
» librorum hæreticorum nihilominus illicita est  
» jure positivo Ecclesiæ , uti etiam formalis di-  
» sputatio Laici de Fide. Quod posterius tamen  
» in Germania , locisque similibus , ubi Catho-  
» lici hæreticis sunt permixti , abrogavit consue-  
» tudo , *Azor. Fill. Bec. Sanch. Bonac. disp.*  
» 3. q. 2. p. 5.

» 7. Matrimonium contrahere cum hæretica ,  
» etsi per se sit illicitum , habeaturque in Hi-  
» spania , et Italia mortale , probabile tamen est  
» ob gravium Doctorum Auctoritatem *Sanch.*  
» *de Matrim. t. 2. l. 7. d. 72. n. 5. Azor.*  
» *t. 1. l. 8. d. 3. c. 3. Reg. tr. 2. l. 32. n.*  
» *196. Basilii Pontii de Matr. c. 6. V. Card.*  
» *de Lugo de Sacramentis in genere , disp. 8.*  
» *sect. 14. n. 120. )* , in Germania licere ex  
» gravi causa , salvo tamen jure naturali , et

30 Lib. II. Tract. II. De Præcepto Speci.

» semoto periculo, tum contrahentis, tum prolis:  
» unde de iis initio constitui debet, ut Catho-  
» lice educantur. Vide *Bec. lib. 5. cap. 19.*  
» *Dian. p. 3. t. 4. R. 269.*

» 8. Eum, qui lapsus est in hæresim, non  
» teneri in Confessione explicare, qualis illa  
» sit, eo quod omnes ejusdem speciei sint,  
» docent *Reg. Dian. t. 1. tr. de circumst. R.*  
» *46. citans alios, et Escob. Ex. 2. c. 9.*  
» Alii tamen contrarium tenent, quos sequitur  
» *Card. de Lugo de pœnit. d. 16. n. 288.*  
» *et n. 291. \** (Vid. dicenda lib. 5. num.  
» 50. ) \*

## TRACTATUS II.

## CAPUT UNICUM.

*De Præcepto Spei.*

20. » **P**ER Spem, quæ est secunda virtus  
 » Theologica, intelligitur amor concupiscentiæ  
 » erga Deum, quo Deum, et Divina, præ o-  
 » mnibus alijs concupiscibilibus, nobis concu-  
 » piscimus, ita ut omnia potius parati simus  
 » perdere, quam Deum, et Divina. De hac  
 » quæritur, quando ejus præceptum obliget?

» Resp. 1. Probabile est præceptum Spei obli-  
 » gare per se, cum primum homini usum ra-  
 » tionis assecuto Deus, et Beatitudo, tamquam  
 » finis, ad quem tendere debet, sufficienter est  
 » propositus, ita ut notabili tempore non disse-  
 » rat. Ita *Becan. cap. 17. quæst. 7. num. 2.*  
 » *Turr.* et ceteri commun. Et est ratio, quia  
 » sine actu Spæi, nec justificari, nec in Justitia  
 » Divina persistere, nec meritorie operari pos-  
 » sumus. *Schol.*

» Resp. 2. Præceptum Spei per accidens obli-  
 » gat, 1. Quando actus Orationis, Pœnitentiæ,  
 » Charitatis, etc. in præcepto sunt, qui sine  
 » prævio actu Spæi exerceri non possunt. Ita  
 » *Auct. cit. et Fill. tract. 22. cap. 8. n. 255.*  
 » 2. Quando quis ita tentatur, ut periculum  
 » sit consensus, nisi animum spæi erigat. Vid.  
 » *Fill. loc. cit. 2. Laym. lib. 2. t. 2. cap. 2.*  
 » *Bonac. d. 5. quæst. 3.*

*Unde sequentes casus resolvuntur.*

» 1. Mortale peccatum est sperare , sive ama-  
 » re magis ( amore concupiscentiæ ) terrena  
 » hæc , quam cælestia : v. gr. si quis ita com-  
 » paratus sit , ut desideret perpetuo degere in  
 » hac vita , et Deo relinquere Cælum , si sibi  
 » relinquat Terram.

» 2. Mortale item est desperare de consequen-  
 » do Deo , aut salute , et venia peccatorum ,  
 » aut mediis ad illam consequendam necessa-  
 » riis , verbi gratia , auxiliis Gratiæ , et emen-  
 » datione vitæ. Quod peccatum ratione parvita-  
 » tis materiæ non potest esse veniale , cum sit  
 » injuriosum Misericordiæ Dei. *S. Thom. q.*  
 » 20. *art. 3. Laym. lib. 2. t. 2. cap. 2.*  
 » *num. 3.*

» 3. Mortale etiam est præsumere de Miseri-  
 » cordia Dei , v. g. dum quis sperat id , quod  
 » est impossibile secundum legem Dei ordina-  
 » riam ; ut si speres remissionem peccatorum ,  
 » et salutem sine pœnitentia , vel per propria  
 » merita , et vires naturæ : vel etiam si quis  
 » statuatur perseverare in peccatis , quandiu bene  
 » valet , et tamen speret se acturum pœniten-  
 » tiam ante mortem. *S. Th. q. 21. ar. 1.*  
 » *Laym. l. c.*

» 4. Denique mortale est odisse Deum ( odio  
 » scilicet abominationis , seu aversionis ) v. gr.  
 » si Deus displiceat tamquam nobis infestus pro-  
 » pter vindictam peccatorum. Vid. *Laym. l. c.*  
 » *Bon. disp. 3. q. 3.*

21. Spes brevius et congruentius sic definitur:  
*Est virtus per quam cum certa fiducia futuram*  
*Beatitudinem , et ejus media assequenda exspe-*  
*ctamus per Dei auxilium. Objectum Materiale*



Cap. Unicum De Præcepto Spei. 33

*Præmarium* Spei ( nempe id quod sperare debemus ) est æterna Beatitudo , quæ est ipse Deus fruendus : *Secundarium* autem sunt Divinæ gratiæ , atque nostra bona opera Divino auxilio exsequenda. Objectum vero *Formale* ( sive motivum propter quod sperare tenemur ) alii dicunt esse Dei Misericordiam : alii Divinam Omnipotentiam , prout communiter tenent Thomistæ : alii divinam Promissionem , sicut sentit *Juvenius* : alii tandem dicunt esse Divinam Bonitatem , in quantum ipsa bonis communicat auxilia ad salutem assequendam , et juxta hanc intelligentiam bonitas idem est quam divina Misericordia ; si quis enim vellet objectum formale Spei esse Dei Bonitatem , in quantum ipse est res sperata , sapienter ait *Contin. Tourn. tom. III. de Spe pag. 226. Concl. 2.* quod non bene loqueretur.

His autem positis , concludendum puto quod prima tria præfata motiva constituunt objectum *Formale* Spei , nempe Misericordia , et Omnipotentia Divina , qua Deus nobis auxilia impertitur ad salutis hostes superandos ; et hæc duo motiva expresse docentur a S. Th. in *Quæstionib. disp. qu. un. de Spe* ; ubi ait : *Ita objectum Formale Spei est auxilium Divinæ pietatis , et Potestatis , propter quod tendit motus Spei in bona separata ; quæ sunt Materiale objectum Spei.* Censeo insuper his duobus omnino tertium addendum motivum , nempe Divinam Promissionem , prout recte docet *Juvenius* , sive Divinam Fidelitatem circa promissionem quam exhibuit salvandi nos propter merita Christi ; alias sine hac promissione non valeremus salutem cum certa fiducia sperare.

Vitia autem opposita Spei , ut supra dictum est , sunt Desperatio , et Presumptio. Circa Præ-


34 Lib. II. Tract. II. De Præcepto Spei.  
sumptionem notandum, quod ille de Præsumptione peccat, qui salutem sperat vel tantum propter merita propria, vel tantum propter merita Christi absque ulla cooperatione suorum bonorum operum.

Dicit *Busemb.* hic n. 3. peccare graviter eum qui vult in peccato perseverare usque ad mortem, sperans quod se poenitebit ante mortem. Et citat *S. Th.* et *Laym.*, sed hoc non dicunt neque *S. Th.* neque *Laym.* *S. Th.* enim 2. 2. q. 21. art. 1. in corpore circa finem docet tantum, quod præsumptio sit (sunt ejus verba) *sperare veniam sine poenitentia, vel Gloriam sine meritis.* Addit autem d. l. a. 2. art. 2. ad 4. quod peccare cum proposito perseverandi in peccato sub spe veniæ, sit præsumptio, et auget peccatum. Peccare autem sub spe veniæ quandoque percipiendæ, cum proposito abstinendi à peccato, et poenitendi de peccato, non sit præsumptio, et minuit peccatum; Quia per hoc videtur habere voluntatem minus firmatam ad peccandum. Quare secundum *S. Th.* non est peccatum contra Spem, velle perseverare in peccato sub spe aliquando poenitendi. Verum est tamen, quod difficulter hic posset excusari a peccato gravi contra charitatem erga seipsum; cum ex communi consensu DD., qui sic proponerent, magno periculo suæ damnationis se exponeret.

Hinc recte ajunt *Bonac. Spor. de Præc. Spei.* c. 4. n. 17. et *Croix* l. 2. 126. quod qui differt poenitentiam sub spe veniæ, non peccat contra Spem, dum spes illa remissionis tantum comitanter se habet ad peccatum, sed non efficitur illi motivum sive ratio peccandi. Idem dicendum de eo, qui peccat sub spe veniæ. Tunc autem judicandus est aliquis contra Spem pec-

Cap. Unicum De Præcepto Spei. 33

care , quando spei facilitas de venia obtinenda fieret illi ratio , seu motivum ad peccandum influens. Secus vero dicendum , si ille peccaret ex Passione , sperando concomitanter peccatum illud postea simul sibi remitti. Qui autem augeret peccata , prætextu quia Deus tam facile ignoscit decem , quam quinque peccatis , peccat ex præsumptione , ut *Tourn. t. 3. pag. 250. v. Ratio.*



# TRACTATUS III.

## De Præcepto Charitatis.

### CAPUT I.

*An quando, et quomodo obliget Præceptum Charitatis Dei?*

22. *Quando Deus amandus?*

23. *Quando obligat præceptum Charitatis?*

24. *Resolvuntur Casus. ?*

22. » **C**haritas Dei est amor amicitiae, quo  
» Deo bene volumus, et omnia bona ipsi cupi-  
» mus, ob summam, et infinitam ejus Divinae  
» Naturae perfectionem.

» Resp. 1. Præceptum Charitatis Dei præcipit  
» Deum super omnia amandum. Patet ex Scri-  
» ptura. Ratio est, quia finis ultimus plus est  
» diligendus, quam omnia media, quæ ad eum  
» referuntur: non quidem intensive ( etsi enim  
» hoc etiam deceat, non tamen est in præce-  
» pto ), sed appretiative, ita ut nullam crea-  
» turam pluris facias, quam Deum; velisque  
» potius omnia perdere, quam Deum offendere  
» ; et sic illi male velle. *S. Thom. 2. 2. quæst.*  
» 27. art. 3. *Azor. Sanch. Bec. 2. 2. c. 19.\*.*  
» ( Vide dicenda *Tom. II. lib. 6. n. 442. v.*  
» *Id clare* ) \*.

23. » Resp. 2. Probabile est præceptum Cha-  
» ritatis Dei obligare I. quando homo adeptus  
» est sufficientem cognitionem Dei infinite boni,  
» a quo omnia sua bona habet, et cui omnia  
» debet. Ratio est, quia cum teneatur Deo ex

38 Lib. II. Tract. III. De Præcepto Charitatis.

- » filiali amore tota vita servire, id non vide-  
 » tur posse fieri, nisi eliciat actum amoris.  
 » \*. Hac de re vide *Propos. oppositam damna-*  
 » tam ab *Alexand. VII. Prop. 1. \** Ita *S.*  
 » *Thom. quæst. 89. art. 6. Navarr. Valent. etc.*  
 » communiter ( notat autem *Con. disp. 24. d.*  
 » 3. n. 50. non statim post talem notitiam pec-  
 » care mortaliter, sed tantum, si differat nota-  
 » bilitate, v. gr. ultra annum ) contra *Palaum,*  
 » qui dicit probabile esse, quod non obliget. Si  
 » scrupulus te angat, an præcepto huic satisfac-  
 » ceris, docet *Escob. ex Petro, Hurt. 2. 2. d.*  
 » 172. f. 1. §. 24. quod, si positive non me-  
 » ministi te omisisse, tenere possis te satisfacisse.  
 » *Trull. tamen lib. 1. cap. 5. dist. 13. n. 9.*  
 » monet expedire, ut qui se in Confessione ali-  
 » quando accuset sub dubio, si forte præceptum  
 » istud violarit, vel alia præcepta affirmativa,  
 » de quibus non certo constet, quando obligent  
 » vel violentur. II. Quando est periculum la-  
 » bendi in odium Dei, nisi actum Charitatis  
 » elicias. III. Quando quis tenetur conteri,  
 » v. gr. moriturus, aut celebraturus, cui Con-  
 » fessarius deest. Ratio est, quia contritio in-  
 » cludit actum Charitatis. IV. Si quis gravem  
 » tentationem, præsertim in articulo mortis,  
 » putet se aliter vincere non posse. Quibus ali-  
 » qui addent articulum mortis absolute, eo quod  
 » tunc securissima via eligenda sit. Vid. *Laym.*  
 » *lib. 2. tom. 3. cap. 2. Bonac. lib. 3. q. 4.*  
 » *part. 2. Hurt. 2. 2. dist. 174. sect. 6. §. 17.*  
 » \*. ( *Et probabilissimum est, ut Sporer num.*  
 » 45. et *March. et Tourn. tom. 5. pag. 261.*  
 » n. 2. cum *Antoine, et communi* ) \*.  
 » 24. » 1. Mortale est, si quis omittat dilectio-  
 » nem Dei tunc, quando præceptum obligat.  
 » 2. Mortaliter peccat etiam, si quis amet

Cap. I. An quando, et quomodo etc. 39

» Deum amore appetiatiue seu æstimatiue mi-  
» nori, quam creaturas.

» 3. Peccat item contra Charitatem Dei, si  
» quis Deum non diligit principaliter propter  
» se, tamquam finem ultimum omnium rerum;  
» sed tantum propter aliud, v. gr. vitam æter-  
» nam, vel ad evitandum infernum: Quod esse  
» mortale docet *Sylvest. et Navar.* quia scili-  
» cet Deus non diligeretur appetiatiue super  
» omnia, si aliud ab illo amaretur, ut finis  
» principalis. Addo, *principalis*, quia ( ut  
» bene ait *Tolet. lib. 4. cap. 9.* ) Deus propter  
» retributionem vitæ æternæ amari potest, sed  
» minus principaliter, ut scilicet vita æterna,  
» vel alia Dei bona sint tantum causa movens,  
» ut facilius, expeditius, et ferventius diligatur.

» 4. Mortale, et gravissimum omnium est,  
» si quis Deum formaliter oderit odio inimicitiae,  
» seu malevolentiae ( amori amicitiae opposito ),  
» v. gr. si optes Deum non esse, non habere  
» scientiam, potentiam, etc. De his. vid. *Laym.*  
» *Bon. 11. cc. Sanchez lib. 2. cap. 5. Reg.*  
» *lib. 27.*

Objectum materiale Charitatis erga Deum pri-  
marium est Deus, secundarium nos, et Proxi-  
mus, indirecte autem sunt omnia, quæ augment  
Divinam Gloriam. Objectum vero formale est  
Deus, quatenus est infinita Bonitas prout est ag-  
gregatio omnium perfectionum, sive infinita per-  
fectio, ut ait *Tourn.* .... Sed *Gonet* censet ob-  
jectum formale Charitatis esse Divinæ naturæ  
Bonitatem, prout est radix cunctarum perfectio-  
num, sed virtualiter distincta a perfectionibus.  
*Boyvin* autem dicit esse quamlibet perfectionem  
Divinam, propter quam Deus diligitur. Cete-  
rum ex communi sensu Sapientum verus actus  
amoris est dicere: *Deus meus, quia es Bonitas*

40 Lib. II. Tract. III. De Præcepto Charitatis.  
*infinita, sive quia es infinite Bonus, amo te  
super omnia.*

Hic Dubitatur 1. an desiderium possidendi Deum sit objectum Charitatis! Et dicimus affirmandum, quia Charitas (ut supra dictum est) tendit in Deum tamquam ultimum finem, et ideo desiderium possidendi Dei, qui est ultimus quidem noster finis, est proprius actus Charitatis; imo perfectior aliis; nam possessio Dei est Charitas consummata. Hinc perfectum Charitatis Actum Apostolus emisit, cum dixit: *Desiderium habens dissolvi, et esse cum Christo. Phil. 1. 23.* Idque expresse docet S. Augustinus, scribens: *Charitatem voco motum animi ad fruendum Deo propter ipsum.* Nec obstat dicere, quod hoc modo objectum Charitatis idem evaderet ac objectum Spei, quod pariter est possessio Dei sperati. Recte enim respondet *Habert tom. 3. de Spe Cap. 2. quæst. 2.* dicens quod Spes tendit in possessionem Dei uti bonum nostrum, sed Charitas Deum possidere cupit propter ipsius Dei gloriam; dum (ut ait S. Bernardus) *cum Homo Deum possidet, sui obliviscitur, et Eum totis viribus diligit.*

Dubitatur 2. an sit Charitatis actus, Divinam diligere Bonitatem, tamquam nobis convenientem, cum hic actus videatur potius esse amoris concupiscentiæ, quam amicitiae? Bene respondent *Jueninus, Habert, et Gotti*, quod si in hujusmodi actu respicimus nostrum proprium bonum tamquam terminum, talis actus revera est amoris concupiscentiæ, qui ad spem tantum pertinet. Si vero respicimus bonum nostrum ut terminum gloriæ Dei, diligendo Divinam Bonitatem, tamquam nobis convenientem, eo quod Ipsa nos adjuvat ad Dei voluntatem adimplendam, et consequendum ultimum nostrum finem,



Cap. I. An quando , et quomodo etc. 41  
qui est diligendi Deum , et propter quem *Deus*  
nos creavit , hic est verus actus Charitatis: Un-  
de S. Augustinus ajebat : *Sic amare debes , ut*  
*ipsum ( Deum ) pro mercede desiderare non de-*  
*sinas , qui solus te, satiet. In Psalm. 134.*

Diligere autem Deum propter beneficia , non  
est verus actus Charitatis , sed gratitudinis , ut  
dicunt *Habert , et Croix lib. 2. num. 147.* Nisi,  
ait *Habert* , spectentur beneficia uti communica-  
tiones Bonitatis Divinæ ; tunc enim in iis ama-  
mus non utilitatem nostram qui accipimus , sed  
Bonitatem Dei qui communicat.

Nota hic propos. damn. 10. ab *Alexand. VIII.*  
*Intentio , qua quis detestatur malum , et prose-*  
*quitur bonum , mere ut obtineat cœlestem Gloriam,*  
*non est recta , nec Deo placens.* Tunc tamen  
( dicit *Laym. de Charitate cap. 2.* ) quis in hoc  
peccaret, quando actuali intentione nollet amare  
Deum , nisi propter spem , aut timorem.

## CAPUT 11.

*De præceptis Charitatis erga Proximum.*

» **C**haritas proximi præcipit 1. Ordinem in eo  
 » diligendo. 2. Dilectionem inimicorum. 3. Eleē-  
 » mosynam. 4. Correctionem fraternam. Deinde  
 » prohibet. 1. Odium proximi. 2. Scandalum.  
 » 3. Ne injuria, bellum, aliudve grave damnum,  
 » vel malum inferatur. De quo postremo agitur  
 » in Decalogo: de reliquis hic.

## DUBIUM I.

*Quis ordo servandus inter personas, quæ  
 diliguntur?*

25. *Qualis est ordo Charitatis erga seipsum, et  
 Proximum?*  
 26. *An liceat aliquando se privare bonis spiri-  
 tualibus? Vel se exponere periculo pec-  
 candi ob Charitatem?*  
 27. *Quando teneamur succurrere proximo?*

25. » **R**esp. 1. Ordine Charitatis quisque te-  
 » netur post Deum diligere 1. Seipsum, secun-  
 » dum bona spiritualia. 2. Proximum, quoad  
 » eadem bona. 3. Seipsum, quoad bona corpo-  
 » ralia. 4. Proximum, quoad eadem. 5. Deni-  
 » que seipsum, et deinde proximum quoad bo-  
 » na externa. Ita Laym. l. 2. t. 3. cap. 3. ex  
 » S. Th. communiter.

*Unde resolvuntur hi Casus.*

» 1. Peccat contra Charitatem sui, qui salutem  
» suam spiritualem, vel corporalem negligit:  
» quod grave est, si fiat sine causa, et cum  
» gravi damno, v. gr. mortis, vel gravis mor-  
» bi: *Trull. l. 2. c. 6. d. 1.*

» 26. Nota, quod per se loquendo potest quis  
privare seipsum bonis spiritualibus non necessa-  
riis ad salutem ob bonum Proximi spirituale,  
vel corporale, ut esset omittere ingredi in Re-  
ligionem, ad alendos Parentes suos, vel Filios.  
*Salm. de Præcepto Charitatis cap. 6. n. 26.* Sed  
vide dicenda *lib. 4. num. 78.*

Pariter ficitum est ob salutem spiritualem Pro-  
ximi se exponere probabiliter periculo peccandi;  
quia periculum illud, quando adest gravis causa  
illud subeundi, non judicatur voluntarie suscipi.  
Ita *Salm. d. lib. n. 27. cum Sanch. ex S. Ba-  
silio. Imo n. 18. cum Val. Azor. et communi*  
dicant ad hoc teneri, qui dubitat de suo peri-  
culo, dum periculum Proximi e contrario est  
certum; nempe si infans certo sit moriturus sine  
Baptismo, si tu non accedas, licet accedere non  
possis sine subversionis periculo. Vide *lib. 5.  
num. 63. et lib. 6. num. 453.*

» 2. Nullius boni consequendi causa licet pec-  
» care, etiam venialiter: quia talis vellet sibi  
» malum spirituale. *Laym. ibid.*

» 27. » 3. Tenetur quisque proximo in extre-  
» ma necessitate spirituali constituto succurrere,  
» etiam cum certo vitæ periculo: dummodo sit  
» æque certa spes illum juvandi, neque gravius  
» inde malum immineat; v. gr. teneris cum vi-  
» tæ periculo baptizare, vel absolvere moritu-  
» rum, si alius non adsit, qui faciat. *S. Au-*

44 Lib. II. Tract. II. De Præcepto etc.

» *gustinus l. de mend. S. Thom. quest. 20.*

» *ar. 5. Regin. cap. 4.*

» Dixi, in extrema; v. gr. qua certo putetur moriturus in mortali, quia in gravi tantum obligatur, qui ex officio alienam salutem curat, ut Parochus, cui ideo non licet fugere tempore pestis, nisi substituto æque idoneo. *Valent. et Layman. loc. cit.*

Tenetur quidem quisque succurrere Proximo in extrema necessitate spirituali, adhuc cum iactura suæ vitæ. Dummodo tria constant. 1. Ut sit æque spes juvandi, ut ait *Bus. cum Laym.* 2. Ut Proximus nullum alium habeat a quo sublevetur. 3. Ut Proximus certo damnandus sit, nisi a te adjuvetur; ita ut (addit *Malderus*) tibi constet Proximum aliter non esse convertendum contritione, vel alia operatione Divinæ Gratiae.

Hinc si Proximus sit in necessitate tantum gravi, non teneris ei succurrere cum periculo vitæ, famæ, vel bonorum, nisi sis Pastor, ut ait cum *Busemb. Tourn. tom. 3. pag. 283.* vel nisi tuum damnum temporale esset leve, ut *Salm. Tract. 21. cap. 6. num. 34.* Hinc dicunt *Salm. ibid. num. 32. eum Suar. Pal. Con. ex S. Thom. 2. 2. q. 26. art. 5. ad 3.* quod non teneris retrahere peccatores cum tali periculo nec ad Indos convertendos navigare; cum sint alii, qui hoc facere possunt: et alias fructus sit incertus; ut etiam notat *Tamb. Bon. de Char. p. 4. n. 2. Pal. p. 9. n. 9. at Tourn. l. c. v. Dico 2.*

Secus vero te teneri dicunt *I. Salm. d. n. 32.* si Communitas aliqua esset in gravi necessitate spirituali; quia tunc grave damnum commune præcavendum est magis, quam tuum particulare. Hinc inferunt teneri cum periculo vitæ ministrare Sacramenta Populo, qui alias esset in

periculo amittendi Fidem ; Vel si tempore pestis, Populus sit omni Sacerdote destitutus , ut *Laym. de Char. c. 3. n. 3.*

Dicunt II. teneri in gravi necessitate, qui ex officio debet subvenire, modo speret fructum. Hinc tenentur ex justitia Pastores, scilicet Episcopi, et Parochi cum periculo vitæ, ministrare ovibus Sacramenta necessaria : ut Baptismum, et Pœnitentiam, non vero alia. Nec Pastor potest tunc officium renunciare ( licet possit alios substituere cum juxta licentia Ordinarii, ut *Laym. ex communi cum Valent. de Char. c. 3. n. 3. Pal. p. 9. n. 13.* ). Ita cum *Bus. Salm. d. c. 6. n. 33. et 34. cum S. Th. Pal. etc.* Et hoc certum esse dicit *Croix l. 2. n. 174.* Ubi addit *Suar.* quod Pastor tenetur etiam cum magno suo damno temporali procurare magnam utilitatem spiritualem subditi.

Quænam autem sit necessitas spiritualis extrema, et quænam gravis ? *Croix d. l. n. 175. cum Carden. Valent. etc.* dicit extremam esse, quando Proximus est in proximo periculo damnationis, vel peccandi ex vehementia passionis : (Sed melius dicunt *Salm. n. 32. et Pal. d. n. 9. cum Bonac.* neminem teneri cum periculo vitæ, aut bonorum extrahere alios a peccatis, a quibus possunt ipsi se liberare per seipso, aut per pœnitentiam). Grave autem esse, quando ex circumstantiis salus æterna ei difficilis reddetur.

An autem sit obligatio absolvendi moribundum cum periculo vitæ ? Affirmandum, si is habitatus sit in peccatis, et sit adeo rudis, ut nesciat actum contritionis elicere. Ita *Pal. p. 9. n. 6. Con. D. 13. dub. 7. n. 90. Nav. c. 24. n. 9. Salm. n. 31. Mazz. c. 2. §. 3. etc.* Tempore autem pestis censeo cum *Laym.* ut supra,

contra *Pal. d. n. 6. in fin.* teneri Sacerdotes, deficientibus aliis, absolvere moribundos cum periculo vitæ, quia in tanta multitudine morientium numquam deficient hujusmodi ignorantes.

Quæritur, an quis teneatur occidere nocentem pro tuenda vita innocentis? Affirmat *Laym. de Char. d. c. 3. n. 5.* ut probabilius cum *Nav. Mol. etc.*; nisi non possit accidere sine gravi incommodo. Sed verius negatur, ut *infra de V. Præc. l. 3. n. 3go.*

» 4. Ordinarie non licet vitam suam postpo-  
 » nere alienæ. Addo, *ordinarie*: quia licet, si  
 » sit persona publica, a qua multum pendet;  
 » uti etiam pro amico propter Deum dilecto.  
 » *Less. l. 2. c. 9. d. 6. Laym. l. c.*

» Resp. 2. Quoad proximos inter se servan-  
 » dus est hic ordo, 1. Qui melior est, magis  
 » diligendus est, ea dilectione, quam comitatur  
 » gaudium circa bona possessa, item honor,  
 » cultus, et reverentia. Sic v. g. plus diligen-  
 » dus est vir sanctus, quam parens improbus.  
 » Ratio, quia est magis conjunctus cum præci-  
 » puo objecto Charitatis, quod est Deus. Item  
 » parentes magis quam filii, vel uxor, magis-  
 » que benefactores, quam ii, quibus benefaci-  
 » mus. *Laym. l. c. et comm. 2.* Appretiative,  
 » et dilectione ea, qua alteri optamus bonum  
 » nondum possessum, cum beneficentia, magis  
 » diligendi sunt, qui nobis sunt conjunctiores  
 » quoad ea bona, quæ sunt debita tali conjun-  
 » ctioni, et in quibus hæc fundatur.

*Unde resolves.*

» 1. In bonis pertinentibus ad naturam\*, et  
 » vitam corporalem conservandam, succurren-  
 » dum est (extra necessitatem extremam); Primo  
 » omnium uxori, quia est una caro cum viro.  
 » 2. Filiis \*. (In æquali necessitate primo est  
 » succurrendum filiis, quam Parentibus. Salm.  
 » de IV. Præc. c. un. n. 21. cum S. Th. et  
 » communi) \*. 3. Parentibus, et quidem patri  
 » præ matre. 4. Fratribus, sororibus, deinde  
 » propinquis, domesticis, et familiaribus. Dixi  
 » extra extremam necessitatem, quia in hac pa-  
 » rentes, eo quod vitam dederint, præferendi  
 » sunt etiam uxori, et liberis. Laym. ibid. n. 5.  
 » et 6. \* (ita etiam Tourn. t. 3. pag. 287. et  
 » probabilius, contra Salm. d. n. 21. Nota hic,  
 » quod in extrema necessitate præferendi sunt  
 » Parentes creditoribus. Salm. n. 25. cum Caj.  
 » Soto, contra Nav. etc.) \*.  
 » 2. In rebus pertinentibus ad civilem com-  
 » municationem præferendi sunt concives, in  
 » bellicis commilitones, in spiritualibus spiri-  
 » tuales filii, patres, fratres. Bannez tamen pro-  
 » babiliter docet, parentes carnales, etiam spi-  
 » ritualibus, aliis omnibus præferendo: quia  
 » conjunctio carnalis est fundamentum aliarum  
 » conjunctionum. Vid. Laym. hic loc. cit.

DUBIUM II.

*De odio, et dilectione inimicorum.*

28. *An quisque teneatur inimico exhibere communia signa dilectionis?*  
 29. *An injuriam remittere?*  
 30. *An abominatio sit licita? An in Confessione explicanda sit species mali proximo veliti? Et an aliquando liceat proximo velle malum?*

28. **C**ERTUM est, inimicos aliquo modo diligendos cum sint proximi, cum *S. Th. 2. 2. qu. 25. art. 1. communiter omnes*. Sed quaeritur de modo, et an possint odio haberi?  
 » Resp. 1. Quilibet homo, saltem privatus,  
 » tenetur proximo, etiam inimico, communia  
 » dilectionis signa, et beneficia exhibere ex præcepto; specialia verò ex consilio tantum, nisi  
 » aliunde ratio obligationis accedat. Ita *comm. cum Laym. c. 4. ex S. Th. l. c. q. 25. a. 8. et 9. Dixi. 1. communia, qualia secundum Caj. v. odium, sunt quæ Christiano debentur a quovis Christiano in communi, concivi a concive, cognato a cognato. Ratio autem est, quia ista negare est vindicare injuriam, quod non licet privato. Dixi 2. nisi aliunde accedat ratio obligationis, qualis esset v. gr. 1. Timor scandali ex omissione. 2. Spes salutis inimici, vid. Azor. to. 2. l. 11. cap. 3. 3. Necessitas temporalis, vel spiritualis. 4. Culpæ deprecatio, et exhibitio specialium signorum amoris. Ratio est, quia his casibus, neglectus specialium signorum esset exterior odii declaratio. Lay. l. c.*



*Unde resolves Casus sequentes.*

» 1. Per se loquendo , nemo tenetur ad ini-  
 » micum diligendum positivo, et peculiari actu,  
 » neque ad eum salutandum, alloquendum, æ-  
 » grotum invisendum, moestum consolandum,  
 » hospitio excipiendum, vel familiariter cum eo  
 » agendum, etc. quia hæc sunt signa specialia  
 » amoris. *Fil. tr. 28. c. 1. Dico; per se*, quia,  
 » si ommissio scandalosa esset, aut per aliquid ho-  
 » rum posses sine tuo incommodo inimicum ti-  
 » bi, et Deo reconciliare, id omittere esset gra-  
 » ve: uti etiam, si inæqualis persona soleret  
 » aliam salutando prævenire; v. gr. subditus  
 » Prælatum. *Lay. l. c. \**. (*Sic etiam, si prius*  
 » *consueveras inimico peculiaria signa exhibere,*  
 » *ut Tour. to. 3. p. 261. n. 5. cum Suar. Bon.*  
 » *etc. ad hoc tamen non teneris cum gravi tuo*  
 » *incommodo, modo scandalum amoveas*) \*.

» 2. Non licet inimicum excludere a commu-  
 » nibus orationibus, v. g. oratione Dominica,  
 » quæ pro communitate instituitur, nec a com-  
 » munitibus eleemosynis, resalutatione, respon-  
 » sione, expositarum mercium venditione; quia  
 » hæc sunt communia dilectionis signa, ideoque  
 » contra hæc facere, v. g. cognatos omnes in-  
 » vitare, obvios omnes ex vicinia, vel collegio  
 » ex consuetudine salutare, solo inimico exclu-  
 » so, est ex genere suo, et regulariter morta-  
 » le, *S. Th. Nav. Lay. ll. cc. Addo 1. ex ge-*  
 » *nere suo*, quia si levitas materiæ, aut causa  
 » rationabilis excuset, v. g. si pater, vel Su-  
 » perior filio, vel subdito ob correptionem ea  
 » subtrahat ad tempus, leve, vel nullum erit:  
 » quia habet jus puniendi. Addo 2. *regulariter*  
 » quia, si persona multo major inferiorem non  
*Ligu. Theol. T. II.* 3

50 Lib. II. Tract. II. De Præcepto etc:

» resalutet , v. g. nobilis rusticum , pater fi-  
 » lium , non videtur mortale , ut notat *Sa. ver.*  
 » *Charitas. Bonac. d. 3. qu. 4. p. 3. V. A-*  
 » *zor. 3. p. l. 11. c. 2. 13. \** ( *Notat autem*  
 » *Tourn. t. 3. p. 266. Tertio , quod si nolis*  
 » *cum inimico conversari , quia non aliud quam*  
 » *malum ab eo expectare possis ; vel quia ( ut*  
 » *ait S. Bern. Sen. ) probabiliter times ex hoc*  
 » *pejus evenire , tunc abstinendum ab illis ami-*  
 » *citiæ signis , modo interius diligas , et apud*  
 » *alios scandalum repares ) \**.

Queritur , an tenearis salutare inimicum ?  
 Resp. negative , regulariter loquendo , quia per  
 se ommissio salutationis non est signum odii , nisi  
 antea solebas eum salutare : vel nisi ex circum-  
 stantiis colligatur ex odio non salutare : vel ille  
 sit tuus Superior : vel nisi occurrentibus pluri-  
 bus , inter quos est ille , reliquos , eo excepto ,  
 salutes. Ita *Palaeus de Char. p. 6. n. 5. cum*  
*Val. et Con. Sal. tr. 21. c. 6. n. 21. Mazz.*  
*de Char. c. 21. §. 2. q. 3. Bon. de Char. D.*  
*2. q. 2. Tamb. de Char. c. 1. n. 11. Spor. de*  
*I. Præc. num. 29.* Vel etiam (addendum) si sine  
 magno incommodo salutando inimicum posses  
 eum ab odio et culpa gravi liberare : ad hoc  
 enim bene videtur charitas te obstringere , ut  
 recte ait *Tournely tom. 3. pag. 267. n. 4.* Om-  
 nino autem teneris eum resalutare , quia alias  
 censeris inimicum contemnere , et in hostilitate  
 velle perseverare , ut communiter cum *AA. cit.*  
 docetur. Excipe , nisi esses Prælati , Parens ,  
 vel Iudex ; vel nisi hoc facias non ex odio , sed  
 justo dolore acceptæ injuriæ , ut *Spor. Mazz.*  
*et Hurt. ap. Tamb. ll. cc.* Modo (ut bene ad-  
 vertunt *Ronc. et Maz. cum Tamb.*) ex brevi tem-  
 pore injuriam acceperis. Religiosus autem , qui  
 renueret per notabile tempus , puta post hebdo-

Cap. II. De Præcepto etc. Dub. II. 51

madam, colloqui cum inimico, merito dicit *Spor. n. 34.* non esse absolvendum.

» 3. *Etsi quivis teneatur inimico veniam legitime petenti non tantum interius remittere, sed etiam externa remissionis signa ostendere: negat tamen Trul. l. 15. cap. 5. d. 5. ex Azor. et Fill. teneri statim postquam offensio est illata, eo quod sit res violenta, et supra fragilitatem humanam \*. (Ita etiam probabiliter Spor. de 1. Præcep. cap. 6. num. 44. cum Tamb. ex comm. quia videtur supra humanam fragilitatem læsum cogere statim ad reconciliationem faciendam, nondum sedata perturbatione. Unde expectandum tempus oportunitum; et interea sufficiet, quod offensus deponat odium) \*. Non tenetur autem remittere satisfactionem pro damno si ab eo sit læsus: imo nec eam acceptare, si offerat; sed etiam juridice potest compensationem petere, dummodo in utroque casu ponatur odium, ut docent Valent. Nav. Laym. l. 2. to. 3. cap. 4. Quod si tamen poena sit valde gravis, v. gr. capitis, mutilationis, neque læso ex ea commodum proveniat, non videtur ea, deprecante altero, sine peccato vindictæ posse expectari. Similiter si satisfaciat quantum potest, ad id quod non potest, eum urgeri videtur contra charitatem, ut docet Syl. et Fill. to. 28. cap. 11. qu. 9.*

Licet quis teneatur inimico injuriam remittere, dicunt tamen *Salm. Tract. 21. c. 6. n. 18.* quod nemo tenetur vindictam publicam condonare, cum poena cedat in bonum Reipublicæ. Sed ibi fatetur *Bannes cum Busemb. ut supra,* difficile esse tunc non uti livore vindictæ, si poena sit capitis, vel mutilationis: Et hoc dicendum est de quacumque poena gravi, quia

Difficile est, ut offensus diligat vindictam publicam propter amorem communis boni disjuncte ab amore propriæ vindictæ, ut bene advertunt *Laym. de Charitate c. 4. Assert. 3. Spor. de I. Præc. c. 6. n. 20. Viva de Char. art. 5. n. 3. et Ronc. tr. 6. c. 2. q. 2.* Hinc adhæreo *Antoin. de Virt. Th. cap. 2. quæst. 3.* quod practice loquendo numquam liceat expetere *punitionem inimici, etsi justam, et legitima auctoritate faciendam.* Ceterum ait *Tourn. tom. 3. pag. 269. cum Habert,* bene posse aliquem proæqui coram judice satisfactionem injuriarum, si alias tota sua familia infamiam sit passura. Item *D. Thom. 2. 2. quæst. 108. art. 1.* dicit vindicationem posse aliquando esse licitam, nempe si sumatur *ad emendationem peccantis, vel ad cohibitionem ejus, et quietem aliorum.* Addit: *Et ad justitiæ conservationem;* sed hoc ultimum (ut dictum est) magis speculative, quam practice verum est, vel saltem rarissime.

30. » Resp. 2. Etsi odium inimicitæ, sive  
 » personæ secundum se, et bonorum, quæ in  
 » se habet, volendo scilicet illi malum, ut sic,  
 » sive quatenus illi malum est, ex genere suo  
 » sit mortale; odium tamen abominationis, sive  
 » qualitatis, quo non hominem, sed ejus ma-  
 » litiam, vel saltem personam tantum quatenus  
 » malam, vel nobis noxiam aversamur, sæpe  
 » licitum est, ut docet *Kon. art. 29. dist. 3.*  
 » et communiter.

*Unde resolves sequentes Casus.*

» 1. In Confessione satis esse, si dicas, te  
 » grave malum voluisse proximo: neque opus  
 » esse explicare speciem mali, v. gr. mortem,  
 » infamiam, etc. quod omnia comprehendantur

Cap. II. De Præcepto etc. Dub. II. 53

» sub una ratione mali. *Caj. Bon. Turr. Trull.*  
 » *lib. 1. cap. 5.* docent probabiliter : sed con-  
 » trarium probabilius docent *Suar. et Palaus*  
 » *tom. 6. dist. 3. p. 1. \**. (*Prima autem sen-*  
 » *tentia neque probabilis est, si quis efficaciter*  
 » *proponat aliquod speciale malum alicui inferre ;*  
 » *tunc enim omnino explicanda est species ma-*  
 » *li, quia tunc illud prævum propositum sumit*  
 » *speciem ab opere externo, sive damno inten-*  
 » *to.* Vide dicenda *lib. 5. num. 5. quæst. 5.) \**.  
 » 2. Licet proximo velle malam aliquod, v.  
 » gr. temporale (dummodo non sit justo gravius),  
 » quatenus id illi bonum est, v. gr. morbum,  
 » vel adversitatem, ut a peccatis emendetur.  
 » *Bon. d. 3. q. 4. part. ult. §. 1. ex multis.*  
 » Cavendum tamen est, ne fiat ex vindicta, ex  
 » qua si Psalmum 108. super inimicum tuum  
 » legas, peccas mortaliter. Generatim vero, ob  
 » bonum spirituale, proprium, vel alienum,  
 » licet mala poenæ inefficaci affectu alii velle ;  
 » quia, cum in hoc affectu bonum spirituale  
 » præferatur temporali, non est inordinatus. v.  
 » *Less. lib. 2. cap. 47.* (Vide dicenda *lib. 5.*  
 » *num. 21.) \**.  
 » Sic licet v. gr. mortem optare hæresiarchæ,  
 » vel publicæ pacis turbatori, ob bonum com-  
 » mune, et multorum, juxta illud *Galat. 5.*  
 » *Utinam abscendantur.* Item tristari de eo quod  
 » dignitates conferantur indignis, vel de sanitate  
 » ejus, qui ex illa sumit occasionem peccandi.  
 » Item mortem, egestatem, aut morbum alicu-  
 » jus desiderare, ut cesset a peccatis, et vitam  
 » in melius mutet. Eadem ex causa *Bonac. Azor*  
 » *et Palaus tr. 6. p. 1. n. 11.* excusant a pec-  
 » cato matrem, quæ mortem filiarum exoptat  
 » quod ob deformitatem vel inopiam commode

- » et honeste nuptui tradere non possit. \* (*Sed*  
 » hoc minime admittendum, ut recte dicunt *Salm.*  
 » de *Pecc. tr. 20. cap. 13. n. 46. Roncag.*  
 » *tr. 2. cap. 3.*) \*. Etsi vero sibi ipsi optare  
 » mortem *Nav.* et ceteri dicant esse mortale, ad  
 » evitanda tamen gravia mala, v. gr. afflictio-  
 » nem internam, id licere volunt *Sanch. Sot.*  
 » *Gran. Dian. p. 5. t. 24. R. 92.* \* (*ita etiam*  
 » recte admittit *Viva sup. prop. 14. Innoc. XI.*  
 » *n. 3. si quis vitam experietur morte amario-*  
 » *rem, ex Eccl. 30. ubi: Melior est mors,*  
 » *quam vita amara. Sic enim Elias 3. Reg. 9.*  
 » *petivit animæ suæ, ut moreretur, ad evitan-*  
 » *das Jezabelis insidias*) \*. Ita et *Trull. lib. 1.*  
 » *dist. 2. num. 11.* excusat feminam, quæ si-  
 » bi, vel alteri mortem optat ad vitandam gra-  
 » vem infirmitatem, mendicitatem, vitam acer-  
 » bam, etc. vel alia similia mala a marito,  
 » v. gr. infligenda. Mulierculæ tamen ob mini-  
 » mas molestias mortem optantes *Dian. l. c. mor-*  
 » *talis damnat, nisi (ut plerumque fit) excuset*  
 » *defectus advertentiæ, et deliberationis.* \* (*Et*  
 » *non est improbable cum Potestate de I. Præc.*  
 » *num. 298.*) \*.
- » 3. Privatus, qui aversus ab alio fugit il-  
 » lum, si id faciat ut eum suo colloquio, et  
 » solatio privet, atque ita contristet, et male  
 » illi sit, est odium inimicitiae, et peccatum;  
 » si vero nihil mali optando tantum fugias, quia  
 » tuæ naturæ est difformis, vel tibi solet esse  
 » molestus, est odium aversionis, et peccatum,  
 » si fit sine ratione: quale non erit, si sit per-  
 » sona valde aspera, modo absit contemptus,  
 » scandalum, et vindictæ cupiditas: Vid. *Bon. l. c.*  
 » Nota hic tres propos. damnat. ab *Innocen-*  
 » *tio XI.*
- Propos. 13. *Si cum debita moderatione facias,*

*potes absque peccato mortali de vita alicujus tristiari, et de illius morte naturali gaudere, illam inefficaci affectu appetere, et desiderare, non quidem ex displicentia personæ, sed ob aliquod temporale emolumentum.*

Propos. 14. *Licitum est absoluto desiderio cupere mortem Patris, non quidem ut malum Patris, sed bonum cupientis, quia nimirum ei obventura est pinguis hæreditas.*

Prop. 15. *Licitum est Filio gaudere de parricidio Parentis a se in ebrietate perpetrato, propter ingentes divitias inde ex hæreditate consecutas.*

### DUBIUM III.

*De præcepto Eleemosynæ, seu misericordiæ corporalis.*

31. *An teneamur dare eleemosynam ex bonis vitæ, aut statui necessariis?*
32. *An succurrere pauperibus in necessitatibus communibus?*
33. *An possumus facere eleemosynam de bonis alienis?*

31. » **S**uppono 1. Hujus præcepti obligatio-  
» nem nasci ex duplici capite. 1. Ex necessitate  
» proximi egentis. 2. Ex persona possidentis bona vel necessaria, vel superflua.

» Suppono 2. Duplicem dari necessitatem proximi. I. Dicitur *extrema*, ex qua egenti imminet periculum vitæ, vel etiam gravis, et diuturni morbi, secundum *Dian. p. 6. tr. 8.*  
» R. 1. II. *Gravis*, ex qua imminet periculum

56 Lib. II. Tract. III. De Præcepto etc.

» gravis mali , ut captivitatis , infamiæ , gravis  
 » jacturae bonorum , vel status , unde fiat , ut  
 » difficulter se possit sustentare ; verb. gr. si non  
 » possit vivere secundum suum statum , vel si  
 » nobilis cogitur alteri famulari , vel artifex ,  
 » aut vir honestus mendicare. 3. Dicitur com-  
 » muis , qua laborant mendici triviales , *Lay-*  
 » *man lib. 2. tract. 3. cap. 6.*

» Suppono 3. Bona necessaria , et superflua  
 » dici , vel respectu vitæ , sive naturæ , vel re-  
 » spectu status , vel decentis conditionis perso-  
 » næ ; quo modo seculares raro putant se habe-  
 » re superflua , ut docet *Laym. et Nav. c. 24.*  
 » Nam quæ sunt necessaria ad alendos liberos ,  
 » famulos , honestas donationes , convivia , ho-  
 » spitum tractationem , ( qualia tamen non sunt  
 » quæ ad quemcumque fastum , et pompam quis-  
 » que sibi requirit ) , spectatis etiam communi-  
 » bus eventibus , heredibus , necessitate futura  
 » etc. non sunt superflua \*. ( Nota hic propos.  
 » damn. 12. ab Innoc. XI. quæ dicebat : *Vix in*  
 » *secularibus invenies , etiam in Regibus , super-*  
 » *fluum statui. Et ita , vix aliquis tenetur ad*  
 » *eleemosynam , quando tenetur tantum ex super-*  
 » *fluo statui* ) \*.

» Resp. 1. Nemo tenetur dare eleemosynam  
 » ex bonis sibi ad vitam necessariis , nisi pau-  
 » per esset persona talis , ex qua penderet salus  
 » Reipub. Est communis. Et ratio patet ex or-  
 » dine charitatis.

» Resp. 2. Probabile est , ex superfluis natu-  
 » ræ , et statui teneri aliquem , etiam in gravi  
 » necessitate , succurrere proximo , si probabili-  
 » ter putet alium non subventurum ; idque , ut  
 » *Azor. t. 2. lib. 12. cap. 7. Sylv. et Fumus*  
 » volunt , sub mortali , contra *Medin.* qui vult  
 » esse tantum consilium. Ratio est , quia , cum in



» Scriptura frequenter damnentur homines ob  
 » neglecta opera misericordiæ, hæc non sunt  
 » restringenda ad extremam, et raram necessi-  
 » tatem. Vid. *Laym. l. c. \**. ( *Et hoc tenendum*  
 » cum *Viva* in d. prop. 12. num. 8. et *Bona-*  
 » cina tract. 6. cap. 3. q. 2. cum *Suar. Pat.*  
 » ac *Azor. et Salm. tr. 21. cap. 7. num. 12.*  
 » cum comm. ex *D. Thom. 2. 2. quæst. 32.*  
 » art. 5. ad 3. *Et videtur clare inferri ex præ-*  
 » fata prop. 12. Notat tamen *Viva*, ( et idem  
 » dicit *Tournely t. 3. p. 296. in fin. cum Syl-*  
 » vio ) quod neque in gravi, neque in extrema  
 » necessitate pauperis teneatur dives magnam  
 » pecuniam erogare, cum hæc sint media valde  
 » difficilia, et fere moraliter impossibilia. Tene-  
 » tur vero beneficiarius, nisi reliquum velit aliis  
 » operibus applicare ) \*.

» Resp. 3. Proximo in extrema necessitate te-  
 » neris succurrere ordinarie ex bonis etiam ali-  
 » quo modo ad statum necessariis. *Suar. Laym.*  
 » ex communi. Satisfacis tamen probabiliter, si  
 » des cum onere restituendi, quando erit ditior.  
 » *Vasq. etc. contra Suar. Ron. etc. Vide Dian.*  
 » p. 5. l. 8. R. 5.

» Addo ordinarie: quia, si majus damnum  
 » æstimaretur, te excidere tuo statu, quam mori  
 » pauperis, non teneris. *Azor. loc. cit.*

» Resp. 4. Probabile est, quod proximo in  
 » gravi necessitate constituto quisque teneatur  
 » subvenire cum modico detrimento proprii sta-  
 » tus: quia parvo suo incommodo tenetur ma-  
 » gnum incommodum proximi impedire. *Laym.*  
 » l. c. *S. Thom. Bonacina dist. 3. q. 4. p. 6.*

.. *Ex dictis collige.*

» 1. Homines privati non tenentur inquirere  
 » pauperes. *Vasq. etc.* si tamen dubitent de  
 » extrema alicujus indigentia, tenentur inqui-  
 » rere veritatem. *Sanch. Dian. pag. 5. tom. 6.*  
 » *R. 39.*

» 2. Nemo tenetur magnam vim pecuniæ dare  
 » pauperi, ad pretiosissimam medicinam emen-  
 » dam vitæ servandæ necessariam, vel ad redi-  
 » mendum a periculo mortis, *Sa, et Kon. disp.*  
 » 27. *dub. 135.* Et ratio patet ex dictis.

» 3. Si proximus tantum egeat usu rei, satis est  
 » illam commodare, v. gr. si ab hostibus spo-  
 » liato vestem commodas, vel vulnerato equum,  
 » donec domum revertatur. *Laym. Bonac. ll.*  
 » *cc \**. ( *cum Tournely p. 297.* ) \*.

32. » Resp. 5. In communiibus pauperum neces-  
 » sitatibus tenetur aliquando dare eleemosynam,  
 » qui habet bona naturæ, et statui superflua.  
 » Ita communiter *S. Thom. Suar. Bellar.* contra  
 » *Nav. et Vasq.* qui negant teneri. Ratio est,  
 » tum quia quisque tenetur diligere proximum,  
 » sicut seipsum; tum quia alioquin pauperes isti  
 » inciderent in necessitatem gravem. Videtur  
 » tamen hæc obligatio tantum esse sub veniali,  
 » ut recte *Medina*: idque, si nulla sit justa  
 » causa negandi: alias sub nullo. Vide *Laym.*  
 » *Bonac. loc. cit.*

Quæritur, an in communibus pauperum ne-  
 cessitatibus sit obligatio gravis dandi eleemosy-  
 nam ex superfluis statui? *Prima* sententiâ ne-  
 gat, et hanc tenent *S. Antonin. p. 2. tit. 1. cap.*  
*24. §. ult.* ubi loquendo de divite obstricto ad  
 eleemosynam, de eo tantum loquitur qui *de su-*  
*perfluo utriusque necessitatis, naturæ scil. et per-*

sonæ , non subvenit magnas necessitates patientibus , et si non extremas ; item *Laym. tr. 2. cap. 6. n. 5. cum Alensi, Major, et Gabr. Dian. p. 2. tr. 15. R. 32. cum Turrian. Abbat. Fernand. Victorell. Vasq. et Medina* , item *Sotus et Sylv. apud Croix l. 2. n. 202. item Covarr. P. Nav. et Malder. apud Bonac. t. 2. D. 3. q. 4. p. 6. num. 7. qui num. 8. probabilem putat cum Cardenas apud Croix num. 203. Ratio, quia communiter obligatio eleemosynæ non oritur ex superfluitate bonorum , sed ex urgenti proximi necessitate ; alias non liceret divitibus de superfluis donationes aliis elargiri ; saltem ( ut ait *Laym.* ) cum pauperum communis miseria soleat esse levis , et tolerabilis , non videtur culpa gravis auxilium eis denegare. *Secunda* vero sententia communior , cui adhæreo , affirmat ; et hanc tenent *Palas tr. 6. D. 2. p. 2. num. 15. Holzm. tr. 1. §. 4. num. 177. Viva in Prop. 12. Innoc. XI. num. 3. Contin. Tourneto 3. pag. 295. v. Prob. 3. Sanch. Cons. l. 1. cap. 5. dub. 6. num. 37. cum Aragon. Led. Bann. Abul. etc. Salm. tr. 21. cap. 7. num. 17. cum Cajet. Táp. et Prado ex D. Th. 2. 2. q. 32. art. 5. ubi : Sic ergo dare eleemosynam de superfluo est in præcepto , et dare eleemosynam ei qui est in extrema necessitate. Prob. 1. ex Luca cap. 11. Quod superest date in eleemosynam , et ecce omnia munda sunt vobis. Prob. 2. ratione , tum quia divisio rerum , communium consensu facta , nequit esse in præjudicium pauperum ; tum quia , si divites absolutam non haberent obligationem subveniendi communiter mendicis , possent isti ab omnibus in sua necessitate derelinqui. Et hic notandum id quod dicit *Navar. cap. 24. num. 6. cum Cajet.* scilicet pertinere ad decentem statum conservandum**

60 Lib. II. Tract. III. De Præcepto etc.

omnia quæ requiruntur , non solum ad filios , et famulos , et hospites sustentandos , sed etiam ad honestas donationes , convivias , et moderatas magnificentias exhibendas ; Et sic respondetur rationi primæ sententiæ : Additque *Navarr. ibid. cum eod. Cajet. et Sylvest. ex D. Th.* ; quod necessarium ad decentiam status non consistit in individuo , sed habet latitudinem , et eo majorem quo status est major.

Dicunt autem probabiliter *Viva l. c. n. 11. Mazzot. Tom. 1. pag. 441. quæst. 1. Roncag. de Charit. cap. 3. Reg. in praxi n. 2. Salm. n. 18. cum Lorca , et Tamb. Dec. lib. 5. cap. 1. §. 1. n. 17.* cum aliis , non esse obligationem omne superfluum hujusmodi pauperibus largiri ; hoc enim præceptum non obligat singulos in solidum , sed communiter omnes divites , ex quibus , si singuli aliquid largiantur , satis subvenitur his communibus necessitatibus. Unde sic scribit Sylvius : *Tenetur Dives dare , non omnibus Pauperibus occurrentibus , nec totum superfluum , sed non ita modicum pro quantitate suæ substantiæ , ut si alii Divites sic facerent , Pauperibus deesset subsidium.* Huic consentit *Sanch. l. c. n. 38. cum Ledesma* , dicens quod habens superflua statui non tenetur omnia pauperibus erogare , sed aliquando et modo morali , ita ut satisficiat suæ obligationi dives qui habet curam pauperum , aliquando illis subveniendo ; unde concludit , illum peccare mortaliter qui statuit nullam dare eleemosynam in communibus necessitatibus , vel qui in hoc est notabiliter negligens. Idem etiam sentit *Laym. l. c.* ubi licet hanc obligationem dicat non esse sub gravi , addit tamen in malo statu versari divitem , qui omnes mendicos a se inhumaniter repelleret. Verum subdit quod Confessarius non facile tali diviti

Cap. II. De Præcepto etc. Dub. III. 61  
 absolutionem negare debet, cum de hac obligatione, qualis sit; Doctores non consentiant. Ceterum *Viva*, *Tamb. Mazzot. et Ronc.* cum communiori *l. c.* censent satisfacere probabiliter divites, erogando in pauperes communes quinquagesimam partem suorum reddituum, sive duos aureos ex centum, sed non in eadem proportionem, si divitiæ multum excedant. Ecclesiastici vero tenentur erogare de redditibus Beneficiorum quidquid superest eorum sustentationi; sufficit tamen Episcopis dare pauperibus quartam partem, aliis vero Beneficiatis simplicibus quintam vel sextam, ut dicunt *Viva n. 11. et Ronc. l. c.* Modo alia applicent in alios pios usus. Sed melius, vide dicenda *lib. 3. n. 491. Qu. I.*

*Unde resolvuntur Casus sequentes,*

- » 1. Pauperibus trivialibus, etsi ex puditate, morbo, etc. videantur ostendere signa extremæ necessitatis, raro quis tenetur ex præcepto subvenire, etiam de superfluis: tum quia fere ad movendos spectatores ista necessitas exagatur, tum quia ab aliis juvandi præsumuntur. *Mald. Wigers; Dian. p. 5. t. 8. R. 17.*
- » 2. Si quis dives, et abundans diu neget omnes eleemosynas, cum proposito dandi meliore, et commodiore loco, ac tempore, vel egentioribus, vel in alium pium usum convertendi, is non peccat, cum non habeat iustam causam negandi; si vero talis sine rationabili causa, omnes a se pauperes inhumaniter repellat, eum dicit *Laym. l. c.* versari in malo statu.
- » 3. Nulli omnino, quantumvis diviti, omnes pauperes sine eleemosyna repellenti, facile

62 Lib. II. Tract. III. De Præcepto etc.

» neganda est absolutio, tum ob dubium et dis-  
 » sensum DD. de hac obligatione; tum quia vix  
 » reperitur, qui causam saltem apparentem non  
 » prætendat, si superflua se habere fateatur.  
 » *Laym. ibid.*

» 4. Etsi dicta\* de eleemosyna danda intelli-  
 » gantur respectu omnium egentium, etiam pec-  
 » catorum, infidelium, et inimicorum; damnan-  
 » di tamen non sunt Magistratus excludentes  
 » a suis civitatibus, justa de causa, pauperes  
 » peregrinos. *Laym. ib. Trullench. l. 1. c. 5.*  
 » *d. 10.*

» 5. Religiosis æque, ac aliis pauperibus de-  
 » bentur eleemosynæ, quia eorum paupertas,  
 » et necessitas est vera, et justa, tametsi volun-  
 » tarie contracta, cum voluntas, et causa fue-  
 » rit rationabilis, et grata Deo. *Lore. Dian.*  
 » *p. 5. t. 8. R. 18.* Aliud est de iis, qui spon-  
 » te sua culpabiliter sunt pauperes, ut vagabun-  
 » di. *Ibid. R. 19.*

33. » Resp. 6. Eleemosyna tantum facienda  
 » est ex bonis propriis, et quorum quis liberam  
 » habet administrationem. Potest tamen fieri ex  
 » alienis, quando proximus est in extrema, vel  
 » quasi extrema necessitate, et aliunde succurri  
 » non potest: tunc enim omnia sunt comuni-  
 » nia\*. (*Si vero potuisses rem largiri tuam,*  
 » *et dedisti alienam, videtur quod tenearis ad*  
 » *restitutionem; quia non poterat determinare*  
 » *alienam, cum tibi propria suppetebat. Ita Croix*  
 » *lib. 3. p. 2. n. 344. cum Sporer, quia eo*  
 » *casu præceptum eleemosynæ te obstringebat ad*  
 » *subveniendum de tuis*)\*. In communi vero  
 » necessitate, licet tantum cum consensu domi-  
 » ni tacito, vel expresso. Vid. *S. Thom. 2. 2.*  
 » *q. 32. art. 7. Regin. n. 286. Fill. Laym. Bon.*  
 » *loc. cit. num. 11. Less. lib. 2. cap. 12.*

*Unde resolves.*

» 1. Non licet dare eleemosynam ex bonis  
 » obnoxiiis restitutioni, v. gr. furto ablati: li-  
 » cet tamen ex acquisitis per opus illicitum ( sed  
 » non cum injustitia ), v. gr. ex lucro mere-  
 » tricum. Ratio est, quia hæc sunt propria;  
 » priora non. *Bon. ibid.*

» 2. Pueris, filiis-familias, servis, ancillis,  
 » uxoribus non licet dare eleemosynam, nisi to-  
 » nuem, in qua parentum, dominorum, et  
 » maritorum voluntas præsumitur. Particulares  
 » vero Casus, in quibus uxor dare potest, vid.  
 » suo loco *præcept. 4. et 6. cap. 1. d. 4. v.*  
 » *Bon. disp. 4. quæst. 4. p. 6. Dian. p. 5. t.*  
 » *8. R. 25.* ubi ex *Hurt.* notat, si pater nul-  
 » las det eleemosynas, posse pro eo dare fi-  
 » lium \*. ( *Circa uxores vide lib. 3. num.*  
 » *540.* ) \*.

» 3. Tutores, et Curatores, qui habent cu-  
 » ram bonorum alienorum, possunt facere mo-  
 » dicas eleemosynas ex bonis, quæ admini-  
 » strant, quales nimirum ipsi facere deberent,  
 » quorum sunt. *Vasq. Azor. Con. Dian. p. 5.*  
 » *t. 8. R. 35.*

## DUBIUM IV.

*De misericordia spirituali, seu præcepto  
correctionis fraternæ.*

34. *Ob qualem peccatum Proximi teneamur ad  
correctionem?*
35. *An ob peccatum leve?*
36. *An ob peccatum factum ex ignorantia?*
37. *Quid si correctio omittatur ob timorem?*
38. *An in dubio teneamur corripere?*
39. *An quando absit periculum relapsus? Vel  
si adsit alius idoneus? Vel non sit spes  
fructus? Vel si expectetur occasio?*
40. *Qui teneantur corrigere?*
41. *Quinam ordo servandus in correctione?*
42. *Resolutio plurium casuum.*

34. » **C**orrectio fraterna est admonitio, qua  
» quis proximum conatur revocare a peccato.  
» De qua certum est, præceptam esse jure tum  
» naturali, quò membra unius corporis se mu-  
» tuo juvare tenentur, tum Divino positivo,  
» *Matth. 18. Si peccaverit in te frater tuus,*  
» *corripe ipsum. Bec. 2. 2. c. 21. Laym.*  
» *cap. 7. Fill. Bon. p. 7.* Quæritur autem,  
» quæ sit ejus materia? Et quos, et quomodo  
» obliget?

» **Resp. 1.** Omne mortale peccatum proxi-  
» mi per se est sufficiens materia, ut hoc præ-  
» ceptum obliget sub mortali. Ita communiter,  
» Et ratio est, quia, cum vitam spiritualem  
» tollat, sufficientem necessitatem correctionis  
» inducit. Dixi 1. *omne mortale*; quia, etsi  
» etiam veniale sit materia correctionis, non



» tamen graviter obligans , nec nisi facillime  
» possis.

35. Hinc dicit *Laym.* peccati venialis correptionem rarius esse præceptum ; excipitur nisi esset Prælati Religionis , qui aliquando tenetur sub gravi corrigere leves subditorum culpas , ex quibus incipiat minui vigor disciplinæ cum magno Religionis detrimento. Ita *Tourn. tom. 3. pag. 315. vers. Hæc. Laym. de Caritat. c. 7. num. 3. Cam Bus. infra num. 40. Et vide lib. 4. num. 13.*

36. Quæritur hic , an sit obligatio corrigendi peccata facta ex ignorantia invincibili ? Respondetur distinguendo , si peccata sint contra jus Naturæ , correptio fieri debet : quia tunc illa sunt intrinsece mala , ut commune est apud *Croix l. 2. num. 214.* Et idem dicit *Oviedo* eum communi de ignorantia juris Divini. Nisi tamen desperetur fructus , aut timeatur , quod mala ex materialibus fiant formalia , ut communiter dicunt *Salm. tract. 21. cap. 7. n. 53. et Roncaga de car. cap. 3. quæst. 4. cum aliis.* Si vero sint contra Jus Positivum tantum , probabile est privatis non esse obligationem ; saltem non sub gravi , corrigendi ; secus autem Prælati , Parentibus , Confessariis , Magistris ; quia ipsis specialiter incumbit docere subditos. Ita *Salm. d. n. 53. cum Bann. Ledesm.* Item *Bon. de Car. q. 4. p. 7. n. 11. Nav. n. 24. n. 12. Viva de 4. Præc. q. 11. art. 6. n. 11. Pal. de Car. D. 3. p. 4. n. 2.* Ratio , tum quia proximus non est in peccato , quo deficiente , non urget præceptum correptionis ; tum quia ille nil agit intrinsece malum. Sed probabilius et communius *Pal. n. 3. Con. D. 28. q. 4. n. 38. Sanch. de Matr. lib. 2. D. 38. n. 5. Mazz. de Car. cap. 2. §. 6. Tourn. tom. 3. p. 318. et Croix*

66 Lib. II. Tract. III. De Præcepto etc.

*lib. 2. n. 214. cum Burgh. et aliis* docent omnes teneri ad correptionem, quia illa transgressio, licet materialis, et non intrinsece mala, attamen posita lege, adhuc est mala, et ideo per correptionem tenemur eam impedire.

37. » Dixi 2. *per se*, quia si quis ob timorem, » verecundiam, pusillanimitatem putet se non » non ita stricte obligatum, vel minus esse idoneum ad corripiendum, videtur tantum peccare venialiter. Vid. *S. Th. 2. 2. q. 32. art. 2. et ceteros supra cit.*

Nota hic doctrinam *S. Th. 2. 2. q. 33. art. 2. ad 3.* ubi ita docet: *Huiusmodi omissio est peccatum veniale, quando timor, vel cupiditas tardiores facit hominem ad corrigendum: Non tamen ita, quod si ei constaret, quod fratrem posset a peccato retrahere, propter timorem, vel cupiditatem omitteret, quibus in animo suo proponit caritatem fraternam. Et hoc modo quandoque viri sancti negligunt corrigere delinquentes.*

38. » Resp. 2. Præceptum hoc obligat occurrentibus his circumstantiis, I. Si certo tibi » constet de peccato proximi \*, (*vel de proximo periculo peccandi, ut Tourn. pag. 318. concl. 2.*) indagare enim tenetur solus Superior \*. (*ut etiam Tourn. p. 314.*) \*.

Ita ut, si non constaret de peccato proximi, nempe si notitia de peccato illius nobis perveniret tantum per auditum, aut per alia signa dubia, non tenemur corripere. *Salmant. tract. 21. cap. 7. num. 52. cum Sanch. Dian. etc.* Nisi suspicio sit de homicidio, vel de damno communi, vel nisi quis esset Prælatus, qui in dubio debet corripere, cum is ex officio teneatur peccata subditorum inquirere: licet potius tunc expediat, ut correptionem faciat in com-

Cap. II. De Præcepto etc. Dub. IV. 67  
muni , ut *Salmanticens.* cum aliis *d. num. 52.*  
cum *Busemb.*

39. § II. Si probabile sit non emendasse, nec  
» emendaturum , vel relapsurum : quia eleemo-  
» syna egenti tantum danda est.

Quæritur , utrum , quando abest periculum  
relapsus , sit obligatio corripiendi fratrem non  
emendatum ? *Prima* sententia negat, eamque te-  
nent apud *Salm. Tract. 21. c. 7. num. 49. Sa,*  
*Abul. Pal. Regin. Com. Dian. Villal. etc.* Val-  
de probabilem vocant *Laym. de Charitat. cap.*  
*7. n. 2. vers. Corripe , cum Sylvest. Turian.*  
*et Glossa in cap. Si quis. 24. qu. 1.* Ratio isto-  
rum , quia neque ipse quidem peccator tenetur  
statim peccatum delere per poenitentiam ; tanto  
minus igitur illum a peccato sublevare tenetur  
alter , cui incertus est emendationis fructus. Ideo  
ait *Laym.* præcipi in *Ecclesiast. c. 29. Corripe*  
*proximum , ne forte iteret.*

*Secundam* tamen sententiam contrariam meri-  
to probabiliorem putant *Tournel. t. 3. p. 315.*  
*concl. 2. et Salm. ibid. num. 50. cum Suar.*  
*Bon. Less. etc.* Ratio, quia frater in peccato  
constitutus jam gravem patitur necessitatem , a  
qua teneris illum , si potes , eripere ; ideoque  
Christus Dominus præcepit : *Si peccaverit in te*  
*frater tuus , vade , et corripe eum.* Nec officit  
opposita ratio nam bene per accidens aliquando  
potest esse obligatio major aliena , quam pro-  
pria : v. gr. potest quis ob amorem paupertatis  
non se eripere a gravi egestate , sed alter dives  
tenetur ei subvenire , si potest.

» III. Si alius æque idoneus non adsit , qui  
» correpturus putetur. IV. Si sit spes fructus ;  
» quia desperato fine , cessant media \*. ( *In æ-*  
» *quili dubio , an correptio sit profutura vel ob-*  
» *futura , omittendum esse dicunt Concina de*

» *Elem. cap. 3. n. 9. et Tournely l. 3. pag.*  
 » 320. *cum Habert, et Antoine. Recte autem*  
 » *limitat Tournely 1. Si corrigendus sit in pe-*  
 » *riculo mortis. 2. Si timeatur ex omissione in-*  
 » *ficiatio aliorum in fide, aut moribus. Et sic*  
 » *etiam, si correptio certius sit profutura. Dicit*  
 » *autem idem Tournely 1. Tertio, non esse*  
 » *obligationem corrigendi, si probabile sit quod*  
 » *reus per se resipiscat: ex D. Th. dict. quest.*  
 » *33. art. 2. ubi: Cadit sub præcepto (corre-*  
 » *ptio) secundum est necessaria ad istum finem.*  
 » *Item notat Tourn. p. 321. num. 2. et 4. cum*  
 » *Soto, Bann. et Malder. neminem teneri ad*  
 » *corrigendum in necessitate gravi spirituali cum*  
 » *periculo notabilis damni honoris, vel bonorum,*  
 » *nisi sit Pastor, aut alius, cui ex officio in-*  
 » *cumbat alterius cura) \*. V. Si sit bona oc-*  
 » *casio, locus, et tempus opportunum, possit*  
 » *que sine tuo gravi damno facere. Quod si ho-*  
 » *rum aliquid desit, præceptum non obligat.*  
 » *Unde patet ejus omissionem in privatis vel*  
 » *nullam esse, vel levem culpam. Vid. Bon.*  
 » *loc. cit. \*. (Sed ita generice dictum, non*  
 » *placet) \*.*

» *Resp. 3. Et si hoc præceptum obliget omnes*  
 » *etiam subditos, magis tamen Prælatos. Ra-*  
 » *tio prioris est, quia omnes sunt commem-*  
 » *bra, tenenturque sibi extrema officia Char-*  
 » *tatis præstare. Ratio posterioris est, quia sub-*  
 » *diti ex Charitate, Prælati vero etiam ex of-*  
 » *ficio, et justitia tenentur. Unde peccare pos-*  
 » *sunt etiam graviter, veniales culpas non im-*  
 » *pediendo, si vigor disciplinæ per hoc minua-*  
 » *tur. \*. (Vide lib. 4. num. 13.). Eademque*  
 » *fere est ratio de patrefamilias, præsertim er-*  
 » *ga liberos. Laym. l. cit. n. 5. Pull. Trull.*  
 » *lib. 1 cap. 5. d. 13. et 15. et ceteri.*

Strictius ergo tenentur ad correptionem Episcopi, Parochi, Prælati, Parentes, Confessarii, Domini, Mariti, Magistri, Tutores, et Curatores. Sed dubitatur, an hi teneantur ad corripiendum etiam cum gravi damno proprio? Quoad Episcopos, et Parochos pertinet, non est dubitandum, quin ipsi tum ex officio, tum ex stipendio quod exigunt, teneantur ad subveniendum subditis, ac propterea ad eos corrigendos, adhuc cum periculo vitæ, in eorum necessitate, non solum extrema, sed etiam gravi, ut communiter docent *D. Th. 2. 2. quæst. 185. art. 5. ubi: Et ideo ubi subditorum salus exigit Pastor præsentiam; non debet Pastor personaliter gregem deserere, neque etiam propter aliquod personale periculum imminens, ex illo Jo. 10. Bonus Pastor animam suam dat pro ovibus suis. Suar. D. 9. Sect. 2. n. 4. Pal. tr. 6. D. 1. p. 9. n. 12. Bonac. D. 3. qu. 4. p. 4. n. 5. Viva de 4. Præc. qu. 11. art. 6. n. 13. Mazz. t. 1. pag. 458. et Salm. tract. 21. cap. 6. n. 33. cum Con. Trull. Tap. et Vill. Utrum autem cum periculo damni proprii teneantur ad correptionem Parentes, Mariti, et alii ut supra, qui nullam ad hoc stipendium recipiunt? Videntur affirmare *Salmanticenses tr. 21. cap. 7. n. 58.* dum dicunt quod ipsi tenentur ad correptionem ex officio, ac proinde (addunt) ex justitia. Sed huic additioni seu doctrinæ minime acquiesco; nam licet verius teneantur Superiores ex officio magis quam ex mera charitate, ut docent *Sanchez. Pal. Cajet. Val. et Dian. (contra Suar. Tap. et Lorca) apud ipsos Salm. dicto n. 58.*: attamen tale officium, cum ortum habeat ex obligatione sola pietatis, aut charitatis, non videtur obligare ex justitia ad tantum onus, aliud enim est teneri ex justitia ratione*

70 Lib. II. Tract. III. De Præcepto etc.  
stipendii, ut tenentur Pastores, aliud ratione officii. Addunt *Salm. ibid. n. 67. in fine.* Concionatores teneri peccata publica reprehendere, etiamsi ideo damna privata timeantur. Hoc tamen intelligendum, si ex reprehensione aliquis fructus speretur, et majus damnum commune non timeatur.

41. » Resp. 4. Ordo in correptione servandus  
» est, quem Christus præscripsit *Matt. 18.* sci-  
» licet primo, ut corripias privatim: deinde  
» coram testibus: tum ad Prælatum Ecclesiæ,  
» sive Superiorem deferas. Excipe tamen. I. Nisi  
» præstet Superiori viro probo, et prudenti,  
» quam aliis testibus innotescere prout cautum  
» est in *Regula S. Aug. \**. ( Vide *lib. 4. num.*  
» 243. et seq. ) \*. II. Nisi peccatum sit publi-  
» cum, tunc enim potest publice corripi. III.  
» Nisi vergat in grave damnum tertii, aut Com-  
» munitatis, si Superiori non statim innotescat:  
» v. gr. si quis prodicionem moliatur, hæresim  
» occulte spargat; tunc enim immediate Su-  
» periori indicandum, quia commune bonum  
» præferendum est privato; *Fill. t. 28. cap. 7.*  
» n. 149; et 155 IV. Quando corripiendus est  
» contentus, ut Superiori statim significetur, ut  
» est apud quosdam religiosos, qui quoad hoc  
» juri suo renunciaverunt. Vid. *Suar. Becan.*  
» *Laym. hic, Sanch. Fill. loc. cit.*

*Ex dictis resolvitur.*

» 1. Qui facile potest impedire peccatum mor-  
» tale proximi, et ob mali temporalis timorem  
» neglexit, peccat mortaliter. Ita *Laym. Suar.*  
» *Sanch. lib. 6. mor. c. 18.* Vid. *Pal. hic.*  
» 2. Si certo constet, fratrem perfecte emen-  
» dasse peccatum occultum, nec ex eo esse ul-

Cap. II. De Præcepto etc. Dub. V. 71

» lum periculum relapsus , vel damni ipsi , aut  
 » alteri , non licet (etiam in Soc. Jesu) denun-  
 » tiare patri , vel Prælato , nisi frater expresse  
 » in istam denunciationem consentiat. *Sanch. 2.*  
 » *mor. lib. 6. cap. 18. num. 40. et 69. Pal.*  
 » *de Char. t. 6. disp. 3. p. 12. Fill. Trull. lib.*  
 » *1. cap. 5. d. 14. Suar. Hurt. disp. 163. et*  
 » denique *Card. de Lugo Resp. mor. lib. 4. d.*  
 » *46. ubi tamen notat , in Soc. Jesu casum esse*  
 » rarissimum. (Vide *lib. 4. num. 245.*) \*. Ra-  
 » tio autem est , quia cessat motivum charita-  
 » tis , atque adeo ratio denunciandi : ideoque est  
 » peccatum , et quidem (ut *Card. Lugo loc. cit.*  
 » notat ex *Suar.*) mortale ex genere suo. Vid.  
 » *Dian. p. 4. t. 4. R. 71.*

» 3. Si Superior immediatus se solo possit de-  
 » linquentem emendare , ita ut nullum pericu-  
 » lum damni , vel relapsus ipsi , vel alteri , vel  
 » Communitati immineat , videtur peccare ma-  
 » nifestando Superiori mediato delictum. *Pal.*  
 » *loc. cit. Trull. d. 16. n...*

» 4. Prælati , et Magistratus tenentur aliquan-  
 » do inquirere subditorum peccata , ut corripiant-  
 » tur ; non tamen multum , et curiose de aliquo  
 » in particulari rogare debent ; nisi is speciale  
 » ejus signum dederit : neque facile admittere  
 » accusatores spontaneos ; quia illi specie boni  
 » communis sæpe se quærunt. *Hurt. etc. Dian.*  
 » *p. 7. tract. 13. R. 10. et 12.*

» 5. Episcopi , Prælati Religiosorum , Pasto-  
 » res animarum tenentur etiam cum suo incom-  
 » modo , imo aliquando cum vitæ periculo ,  
 » adhibere diligentiam , quam possunt , ut pec-  
 » cata publica , et occulta impediunt ; quia cum  
 » Christo pacti sunt curam , et sollicitudinem  
 » gregis , pro qua multa ab eo bona accipiunt.  
 » *Hurt. t. 2. d. 162. sec. 7. §. 6. (apud Dian.*

72 Lib. II. Tract. III. De Præcepto etc.

» p. 7. t. 3. R. 28.) atque hanc esse omnium  
 » Patrum, et Theologorum doctrinam, quam  
 » Christus verbo, et exemplo docuerat: addit-  
 » que idem esse de magistratibus, et conciona-  
 » toribus. Licet vero hi non teneantur, ad id ex  
 » justitia (sicut Prælati, et Magistratus, tene-  
 » tur tamen peccata publica corripere (sed non  
 » facile Prælatorum, et Religiosorum, quorum  
 » auctoritas ad bonum commune est necessaria),  
 » etiamsi non sit spes emendationis. *Con. Hurt.*  
 » *Dian. loc. cit. R. 13.*

» 6. Correptio adhibenda est non semper sta-  
 » tim, sed cum major fractus speratur. Hinc  
 » interdum permitti potest reiteratio peccati, ut  
 » ferventius resipiscat. *Dian. p. 7. t. 3. R. 29.*  
 » et 30. ex *Reg. Fill. Trull.* Neque sufficit se-  
 » mel esse factam correptionem, sed debet ite-  
 » rum iterumque fieri, quamdiu speratur fru-  
 » ctus. *Ibid. R. 32.*



DUBIUM V.

De Scandalo.

ARTICULUS I.

Quid, quotuplex sit, et quale peccatum?

43. Quale est scandalum Activum, et quale Passivum?

44. Resolutio plurimorum casuum apud Bus.

45. Quando scandalum sit speciale peccatum?

46. An circumstantia inductionis sit necessario in Confessione explicanda?

47. An liceat petere aliquando a parato ad peccandum id quod ille non præstabit sine peccato?

43. » **R**esp. 1. Scandalum dicitur peccatum  
» occasionatum, et est duplex, Activum, et Pas-  
» sivum. *Activum* est, dictum, vel factum (quo  
» nomine etiam omissio intelligitur) minus re-  
» ctum, præbens alteri occasionem ruinæ spiri-  
» tualis. Ex *S. Thom.* 2. 2. quæst. 43. ar. 1.  
» *Sanch. Azor. Laym. c. 13. Bon. d. 2. quæst.*  
» 4. p. 2. Dixi minus rectum, hoc est, quod  
» vel in se malum sit, ut si loquaris turpia co-  
» ram adolescente; vel mali speciem habeat, ut  
» si justa de causa, coram aliis eam ignorantibus,  
» comedas carnes die vetito. Scandalum  
» Activum aliud est per se tale, aliud per ac-  
» cidens. *Per se* dicitur, quando directe inten-  
» ditur alterius ruina; id est, si ideo aliquid  
» fiat, ut aliquis ad peccatum inducatur: v. g.  
» si adulter alienam sollicitet ad adulterium. *Per*  
*Ligu. Theol. Mor. T. II.* 4

» *accidens* dicitur, quando indirecte, et inter-  
 » pretative tantum causatur alterius peccatum;  
 » ut si quid facias, quod tibi in mentem venit,  
 » actum natum ad inducendum alterum hic et  
 » nunc ad peccatum, et nihilominus facis, ut  
 » si coram pusillis pecces, vel die vetito carnes  
 » comedas, non dicendo, quod habeas veniam.  
 » Item, si Clericus domi suæ alat mulierem po-  
 » pulo suspectam, esto absit omne peccatum,  
 » et peccandi periculum. Vid. *Sa v. Clericus*,  
 » *Laym. Bon. l. c.* Scandalum *Passivum* est  
 » ipsa ruina, sive peccatum, in quod labitur  
 » proximus, ex occasione alterius dicti, vel facti.  
 » Quod dividitur in *Datum*, seu *Pusillorum*,  
 » quod oritur ex activo: et in *Acceptum*, quod  
 » non oritur ex activo, sed ex ipsius sumentis  
 » malitia: quale erat odium, et invidia Phari-  
 » sæorum in Christum, occasione ejus dictorum,  
 » vel factorum: unde hoc dicitur *Pharisaicum*.  
 » Ex his patet.

» 1. Ad scandalum activum non requiri, ut  
 » de facto passivum consequatur; sed satis esse,  
 » quod data sit occasio, ex qua natura sua se-  
 » qui possit: ut si quem inducere velis ad pec-  
 » catum, qui tamen non consentiat; sicut etiam  
 » contra, passivum potest dari sine activo.  
 » *Laym. ibid.*

» 2. Scandalum passivum non esse speciale  
 » peccatum, neque addere circumstantiam ag-  
 » gravantem; verb. gr. qui viso alterius fur-  
 » to, etiam furatur, non ideo peccat gravius.  
 » *Laym. ibid.*

» 3. Non semper esse scandalum, si peccas  
 » coram aliis, sed tantum quando, attentis cir-  
 » cumstantiis tam personæ agentis, quam coram  
 » quibus fit actus, potest probabiliter timeri, ne  
 » per hunc actum trahantur ad peccatum, qui

Cap. II. De Præc. Carit. etc. Dub. V 75

» alias peccaturi non essent. *Sanch. Laym. lib.*  
» 2. tr. 3. cap. 13.

» 4. Omne scandalum activum, directe in-  
» tendens ruinam proximi, est speciale pecca-  
» tum contra Caritatem, ut habet communis sen-  
» tentia. An vero idem sit, quando intenditur  
» indirecte, controvertunt Scholastici, et parum  
» refert ad praxim. *Sanch. lib. 7. c. 6. et 9.*  
» *Azor. 1. part. lib. 4. cap. 7. Bonac. loc. cit.*

Unde resolves hos Casus.

44. » 1. Mortaliter peccat, qui alteri dat oc-  
» casionem ruinæ mortalis, nisi indeliberatio  
» excuset: et sic opus indifferens, vel veniale  
» sæpe transit in mortale, ratione scandali, v. g:  
» si jocosum verbum proferat Religiosus coram  
» feminis, vel iis, qui inde occasionem peccati  
» mortalis sumere possunt. *Laym. l. c.*

» 2. Venialiter peccat ratione scandali, qui  
» alteri dat occasionem ruinæ venialis tantum.  
» Quod verum est, etsi directe illam intendat,  
» et quidem per actum mortalem. *Sanch. l. 1.*  
» *cap. 6. n. 11. ex communi contra Suar. Ra-*  
» *tio autem est, quia ruina est parva. Et pa-*  
» *tet a simili, ut si quis per fornicationem in-*  
» *tendat furari rem minimam, furtum tantum*  
» *erit veniale.*

» 3. Scandalizans committit, præter peccatum  
» scandali, etiam peccatum ejus speciei, ad  
» quod alterum inducit: ideoque confiteri debet  
» speciem peccati mortalis, per quod, et ad  
» quod induxit, cum numero inductorum, vel  
» qui probabiliter induci potuerunt. *Sanch. A-*  
» *zor. Laym. Bonac. l. c. Card. de Lugo de*  
» *pœnit. d. 16. f. 4. Dian. de Sacr. tom. 2.*  
» *tr. 4. c. 114. Excipit tamen Card. de Lugo*

- » l. c. si præter intentionem scandalum dederit.  
 » *Tamb. de Exped. Conf. l. 2. c. 1. num. 9.*  
 » cum Lugo ait, quoad inductos, sufficere, si  
 » dicas: *Fui multis occasio peccandi meo exem-*  
 » *plo* \*. (Vid. lib. 5. n. 46.) \*  
 » 4. Etsi is, qui scandalizavit alios, teneatur  
 » illis rursus dare bonum exemplum, ut inquit  
 » Sa, si quis tamen nudo exemplo suo alios ad  
 » furtum induxit, neque alio peculiari modo,  
 » verb. gr. exhortatione, consilio, mandato est  
 » cooperatus, non tenetur ad restitutionem, quia  
 » talis inductio est tantum contra Caritatem, non  
 » contra Justitiam. (\* *Ita etiam Sanch. Dec.*  
 » *lib. 1. cap. 6. n. 5. et Salm. de Rest. cap.*  
 » *1. n. 114. cum Mol. Bon. Dic. et aliis com-*  
 » *muniter cum Roncaglia de Car. cap. 6. qu.*  
 » *2. qui recte ait, quod licet is peccet etiam*  
 » *contra justitiam, juxta probabiliorem senten-*  
 » *tiam, quam sequemur n. seq. 45. non tene-*  
 » *tur tamen ad restitutionem, quia non est cau-*  
 » *sa, sed tantum occasio damni. Vide nu. seq.*  
 » *in fine*). \* Idem docet Less. si cum *Cajo*  
 » v. g., potares ea intentione, ut ipse, con-  
 » sumtis pecuniis, furetur. Vid. Less. cap. 9.  
 » d. 16. n. 110.  
 » 5. Non censetur dare scandalum, qui licet  
 » publice peccet, facit id tamen coram iis, qui  
 » vel sunt ita viles, vel infantes, aut improbi,  
 » ut nemo moveatur ad peccatum; vel qui sunt  
 » ita prompti, v. gr. si quis fornicetur coram  
 » aliis, qui sunt parati idem facere, nec ejus  
 » exemplo moventur; vel si coram mansuetis  
 » quis contendat, rixetur, vel alium cedat.  
 » *Sanch. 1. mor. c. 6. n. 6.*  
 » 6. Non ideo factum aliquod est scandalum  
 » quia alius incipit de tali homine male suspi-  
 » cari, aut sentire, quia hic non peccat, si

» ob sufficientia indicia suspicetur. Secus tamen  
 » est, si incipiat male sentire de Fide Catholi-  
 » ca, Clero, Ordine Religioso, vel minus ad  
 » pietatem affici. Unde patet facilius dari scan-  
 » dalum ab iis, qui sunt magna auctoritate,  
 » vel pietatis existimatione, quam ab aliis *Conc.*  
*n. d. 32. n. 33.*

Hic operæ pretium est ad trutinam revocare  
 tres quæstiones valde scitu, et ad praxim ne-  
 cessarias. Quæstio I. Quandonam scandalum sit  
 speciale peccatum? Adsunt tres sententiæ. *Prima*  
 asserit tunc tantum scandalum esse speciale pec-  
 catum contra caritatem, quando directe inten-  
 ditur spiritualis ruina proximi. Ita *Sanch. dec.*  
*lib. 1. cap. 6. num. 3. Bonac. tom. 2. d. 2.*  
*de Peccatis quæst. 3. punct. 2. §. unic. n. 13.*  
*cum Pal. Azor. Bann. Trull. etc. apud Salm.*  
*tr. 21. cap. 7. num. 51.* Ratio horum DD.  
 quia, ut peccatum aliquod sit specialiter distin-  
 ctum, requiritur, ut habeat specialem finem  
 contra virtutem oppositam. At cum proximi rui-  
 na non intenditur, non specialiter læditur cari-  
 tas, sed potius illa virtus, ad quam lædendam  
 proximus inducitur: Ideo tale scandalum ad il-  
 lam speciem reducitur peccati, ad quod prox-  
 imus inducitur, sive directe, jussu, consilio;  
 sive indirecte, verbis, aut exemplo.

*Secunda sententiâ*, quam tenent *Lugo D. 16.*  
*sect. 4. ex n. 157. cum Navar. et Tamb. Meth.*  
*exped. Conf. lib. 2. c. 1. n. 105. cum aliis re-*  
*centioribus*, distinguit, et dicit posse aliquem  
 tripliciter inducere alterum ad peccatum. I. Di-  
 recte et formaliter, intendendo illius spiritualem  
 ruinam. II. Directe, sed non formaliter, quan-  
 do scilicet vult, ut alter castitatem violet; non  
 jam ut animam perdat, sed ut ipsi inducenti sa-  
 tisfaciat. III. Indirecte, nempe quando ex suo

exemplo alter accipiet occasionem peccandi. Hinc ajunt, quod si scandalum accidat primo et secundo modo, peccat scandalizans, non solum contra caritatem, sed etiam contra virtutem, ad quam lædendam proximum inducit. Quando vero tertio modo peccat, scilicet prævidendo, sed non intendendo peccatum proximi, tunc peccat tantum contra charitatem, non autem contra virtutem quæ læditur, unde non tenetur illius speciem explicare. Ratio, quia reliquæ virtutes non obligant, saltem graviter (prout ait *Lugo*), ut impediamus in aliis vitia opposita, sed tantum ne positive intendamus proximum inducere ad eas offendendas.

*Tertia sententia*, cui subscribo, tenet, quod qui directe vel indirecte inducit proximum ad peccatum, dupliciter peccat, scilicet tam contra caritatem, quam contra virtutem, ad quam lædendam proximum inducit. Quod peccet contra caritatem, mihi videtur non posse negari, et nescio acquiescere primæ sententiæ expositæ. Si enim caritas obligat ad proximum corrigendum, et impediendum, cum possumus, ne ruat in peccatum; quanto magis obligat ad eum non impellendum ad peccatum consilio, vel exemplo? Nec obstat ratio allata, quod ad caritatem lædendam requiratur finis eam lædendi specialis; nam generaliter sufficit ponere destructivum cujusvis virtutis, ut illa offendatur, etsi hoc non intendatur; prout si quis occidit inimicum in Ecclesia, etiamsi non intendat Religionem offendere, tamen non solum peccat contra justitiam, sed etiam contra Religionem, cum ipso facto illam lædat. Et sic tenent *Lugo l. c. n. 159. Tournely tom. 3. p. 327. v. Tota, Roncagl. de Scand. c. 6. quest. 2. Tamb. loc. c. Salm. l. c. num. 53. cum Soto, Val. Suar.*

*Tap. Prad.* Et hanc expresse docet *S. Thomas*, quamvis enim *Sanch.* citet ipsum pro sua sententia in 2. 2. q. 43. a. 3. veruntamen a. 1. ad 4. *S. Doctor* ita loquitur: Quando aliquis suo malo facto, vel verbo intendit alium ad peccatum inducere; vel etiamsi ipse non intendat, ipsum factum est inductivum ad peccatum; tunc ille dat occasionem ruinæ, unde vocatur scandalum activum. Quod autem is peccet etiam contra virtutem, ad quam lædendam proximum (etsi indirecte) inducit: Ratio est, quia quælibet virtus non solum contrarios prohibet actus, sed etiam prohibet, ne detur occasio aliis inductiva ad peccandum; tunc enim occasio illa, esto non sit causa de se influxiva, est tamen causa moralis, ut proximus peccet; dicitur causa moralis, quæ in substantia æquivalet causæ directe inductivæ ad peccatum, cum sine ea proximus non peccaret. Ita *Cajet.* 2. 2. q. 43. ar. 1. *Sanch.* l. c. *Roncaglia* loc. ut sup. *Tournely* l. c. et *Sal. n.* 55. cum *Laym.* Vide dicenda in quæst. III. num. 47. circa fin. Qui tamen suo exemplo induceret alium ad furandum, licet peccet contra iustitiam duplici peccato, non tenetur tamen ad restitutionem, ut commun. docent *DD. Molina* D. 34. num. 2. *Bon.* D. 1. q. 2. p. 11. n. 14. *Sanch.* Dec. l. 1. c. 7. num. 15. *Roncaglia* (vide l. c.) et *Salm. de Rest.* tr. 13. cap. 1. n. 114. (contra *Tourn.* t. 3. p. 329: in fin. cum *Antoine*). Ratio, quia exemplum illud non est causa directe influxiva, sed tantum occasio, quæ non præstat ad furandum positivum influxum, qui requiritur ad obligationem restitutionis.

46. Quæstio II. An circumstantia inductionis ad fornicationem sit in Confessione explicanda? Negant *Lugo de Pæn.* D. 16, et *Tamb. in Meth.*

*Conf. c. 3. §. 4. num. 24. cum Jo. Sanch. et Vasq. Leandr. cum aliis apud Sal. de Pœn. c. 8. num. 107. qui dicunt sufficere fateri fornicationem; quia malitia inductionis sive scandali (ut ajunt) jam habetur, licet non gravis, quando a aliquis non sollicitat, sed consentit; adhuc enim participat cum altero in suo peccato, et est causa cooperans ad ejus ruinam: quare solum videtur aggravari magis hæc malitia intra eandem speciem, quando quis positive sollicitat. Et idem ait Lugo dicendum de colloctione turpi, et simili. Contradicunt tamen San. Dec. l. 1. c. 6. n. 14. Pal. tom. 1. tr. 6. p. 3. n. 4. et Sal. cum Diana, Con. Fill. etc. dicentes omnino explicandam esse circumstantiam sollicitationis, cum hæc sit peccatum distinctum a peccato, ad quod proximus inducitur. Hæc tamen ratione non obstante, videtur satis probabilis prima sententia Lugonis, cum etiam in cooperatione ad fornicationem adsit peccatum contra caritatem, bene distinctum a peccato cooperationis ad fornicationem, cooperando ad ruinam alterius partis, juxta mox dicta in questione antecedenti, et dicenda in quæst. sequenti; Unde insert Lugo, inductionem non esse nisi circumstantiam aggravantem intra eandem speciem, non necessario explicandam, juxta sententiam quam referemus l. 6. ex n. 467.*

*Ex hac autem sententia Lugonis, et aliorum ut supra, scil. quod circumstantia sollicitationis sit ejusdem speciei, quam cooperatio ad fornicationem, infertur quod cooperatio ad fornicationem (licet in ipsa fornicatione necessario contenta) sit peccatum distinctum tam contra castitatem, quam contra caritatem; Unde qui fornicatur, secundum hanc sententiam, non unum peccatum committit, sed plura contra castita-*



tem; et tot (ut arguo) quot peccata tu committeres, si ad invicem cum altero pollutionem faceres; Tunc enim peccatum ageres, quia te polluis; secundum, quia polluis alterum (idque jam tenet *Tourn. tom. 3. p. 337. v. Ex his*, ubi ait quod fornicans dupliciter peccat, propter fornicationem propriam, et propter alienam); tertium, quia cooperaris, ut alter te polluat, præter duo alia peccata, quæ committis contra caritatem, cooperando ad pollutionem illius; et ad actionem ipsius, ut tu polluaris. Omnia hæc peccata enumerantur etiam in fornicatione; et pariter in sodomia, adulterio, et incestu. Hæc autem diversa peccata non certe sunt explicanda in Confessione ab eo qui fornicatur, nam sufficienter illa exprimit latendo fornicationem; et ut ipse fornicando jam confuse illa apprehendit, ita etiam in confuso Confessarius ipsa intelliget.

Dici posset cum *Suar. apud Salm. tr. 31. c. 12. de Peccat. num. 60.* quod cum plura objecta mala respiciunt unum actum, tunc unum peccatum constituunt, etiamsi per se seorsim divisum unumquodque objectum eorum suam propriam malitiam complete haberet, prout dicit *Spor. de Pœnit. c. 3. n. 435.* de Sacerdote celebrante in mortali, qui licet plures actiones per se malas perpetret, nempe indigne consecrando, sumendo etc. tamen, ut tenet *Sporer*, quia omnes illæ actiones unum ministerium Sacrificiæ respiciunt, unum sacrilegium ipse committit. Et sic pariter dici posset in fornicatione, ubi, quamvis plures actiones prævæ concurrant, omnes per se singularem malitiam habentes, quia tamen unum peccatum fornicationis respiciunt, ideo (præciso peccato inductionis) unum peccatum constituunt. Sed regulam, quam ponit *Suar.* ut supra, negant *Sal. n. 69. l. v.* et dicunt, quod

sicut plura objecta prava, specificè distincta in uno actu (puta in occisione Sacerdotis), plura peccata efformant specie diversa; ita plura objecta ex se propriam malitiam completam habentia, etiam in uno actu plura peccata numero diversa constituunt. Quod autem Missa celebrata in mortali sit unum Sacrilegium, hoc negamus cum *Croix*. Vide dicenda *lib. 4. num. 48*. His tamen non obstantibus, non improbo opinionem eorum, qui dicunt fornicationem esse unum peccatum; sed magis mihi arridet sententia *Lugonis*, ut supra, qui in quacumque fornicatione plura peccata agnoscit. Unusquisque abundet in sensu suo.

47. Quæstio III. An sit peccatum scandali petere ab alio aliquid, quod ipse non præstabit sine peccato, si jam paratus sit ad peccandum? Hinc distinguendum: si res quæ petitur sit de se intrinsece mala, ita ut nullo modo præstari possit sine peccato, prout est petere fornicationem a meretrice parata, non desunt plures DD. qui dicunt non esse peccatum scandali; quia, cum talis mulier sit semper in actuali aut virtuali voluntate peccandi, non censetur graviter, sed leviter cooperari, qui occasionem ei præbet peccatum illud exequendi. Ita *Sotus lib. 6. de Just. quæst. 1. art. 5.* item *Henriq. Azor. Valent. Medin. Salon. Manuel, Lop. etc. apud Sanch. Dec. lib. 1. cap. 6. num. 13. cum Conink. et Salas ap. Bon. de Pœnit. quæst. 5. Sect. 2. p. 2. §. 3. diff. 3. num. 19. et 20.* Veneror tantorum DD. auctoritatem, sed non auderem recedere a sententia contraria, quam sequendam censeo, et tenent *Sanch. loc. cit. num. 14. cum Cajet. Nav. et Fill. item Bonac. de Peccat. D. 2. quæst. 4. p. 2. §. un. num. 21. Ronc. tract. 6. de Char. cap. 6. quæst. 6. Tamb. Dec. lib.*

5. cap. 1. §. 4. num. 65. et Spor. in V. Præc. c. 1. ex n. 45. qui vocat communem et certam. Ratio mihi valde potens, quia, licet meretrix sit in actuali voluntate peccandi, certe tamen sibi infert ruinam graviter majorem, opere complendo illud particulare fornicationis peccatum. Is igitur, qui illi cooperatur ad peccatum consummandum, dupliciter graviter peccat, tum contra caritatem, tum contra castitatem, ut mox melius patebit ex infra dicendis.

Si autem res quæ petitur sit indifferens, et bene possit præstari sine peccato alterius, ut esset petere mutuum ab usurario, juramentum a falso juratore, Sacramentum a Sacerdote peccatore, et similia; prima sententia tenet, non esse peccatum grave, petere prædicta sine justa causa. Ratio, quia (ut ajunt), cum usurarius ille, aut Sacerdos, etc. jam habeat voluntatem deliberatam peccandi, non inferes ipsi grave damnum, si proponas illi occasionem, qua exequatur peccatum præter tuam intentionem: ea enim anticipatio operis externi peccatum illius tantum accidentaliter variat. Ita Lugo de Just. D. 25. ex n. 234. Cajet. 2. 2. q. 78. art. 4. et in Summa v. Usura, Sot. 1. c. dub. 1. Nav. summa c. 17. n. 262. Sa v. Usura, n. 5. item Arag. Led. et alii ap. Sanch. Dec. lib. 3. cap. 8. n. 23. et probabilem putant ipse Sanch. Pal. et Tamb.

Secunda vero sententia, quam amplectimur, tenet id esse peccatum mortale tam contra caritatem, quam contra virtutem, ad quam lædendam occasio proximo præbetur, petendo ab illo mutuum, Sacramentum, aut juramentum sine gravi causa; nam, cum adsit gravis causa, petens omnino excusatur, ut docet D. Th. 2. 2. quest. 78. art. 4. cum S. Aug. Elbel de Scand.

n. 365. et alijs contm. ap. *Salm. de Contract. cap. 3. num. 120.* quia licite potest homo, causa alicujus sui notabilis boni, permittere peccatum alterius, quod provenit tantum ex illius malitia. Petens autem sine justa causa peccat primo contra caritatem, quia est causa moralis, ut proximus patiatur grave damnum spirituale; nam præscindendo a quæstione, an actus externus augeat malitiam actus interni, ut tenent *Scotus*, et sui Discipuli cum *Dupasq. Theol. tom. 4. Disp. 2. quæst. 5.* quia (ut dicunt) integritas, seu difformitas actus externi diversa est ab integritate actus interni, cum actus externi et interni sint diversæ rationis: Vel an, manente voluntate plenâ erga peccatum, actus externus nihil addat malitiæ actui interno, ut tenent probabilius *D. Th. Gonet in Clypeo tom. 3. diss. 7. art. un. Estius l. 2. dist. 42. §. et alii*, quia tota malitia actus externi consistit in voluntate. Sed quicquid sit de hoc, etiam Thomistæ, prout declarat *Estius*, dicunt, quod, cum contingit perpetratione operis mali voluntatem magis affici ad rem concupitam, tunc sine dubio per opus externum additur aliquid malitiæ, quia tunc ipsius voluntatis malitia augetur. Quapropter, quamvis, speculative loquendo, sit probabilior Thomistarum sententia, practice tamen dicimus, quod ex communiter contingentibus per actum externum semper augetur malitia voluntatis, ob ejus majorem complacentiam, conatum, diuturnitatem, etc. ut advertit bene *Habert de Act. Hum. c. 8. q. 2.* Hinc *Estius loc. cit. in fin.* sic concludit: *Ceterum, quoniam externum opus revera peccatum est, hinc fit, ut semper dicendum sit plus mali eum fecisse, qui peccatum opere perpetravit, quam qui in sola voluntate continuit.* Cum igitur peccator actu externo notabi-

lem majorem ruinam [sibi] infert ; non potest excusari a peccato gravi contra caritatem , qui sine gravi causa cooperatur illi ad opus exequendam , ut ait etiam *Tourn. t. 3. p. 427. v. ex his* : Caritas enim nos obligat ad vitandum damnum grave proximi , quotiescumque sine notabili incommodo id possumus. Cum autem habemus gravem causam petendi , non possumus sine gravi incommodo a petendo abstinere ; et ideo tunc equidem excusamur ; secus vero , si causa sit levis , et tanto magis si sit illicita , aut vana. Ita *Bus. n. 49. Sanch. Dec. lib. 3. cap. 8. n. 22. et 23. cum Valent. Arag. et Conrad. Sylvest. v. Usura, 7. q. 1. Molin. tom. 2. de Just. D. 335. Concl. 4. Ronc. tract. 6. q. 6. de Car. cap. 6. q. 6. Tamb. Dec. lib. 5. cap. 1. §. 4. n. 76. Salm. de Contract. c. 3. n. 123. et tract. 21 c. 8. n. 123. cum Pal. Bann. et Trull. Bonac de Pecc. D. 2. q. 4. p. 2. num. 21. cum Suar. et Fill. et censet Bon. rationem primæ sententiæ non videri satis firmam. Item Sporer. in V. Præc. cap. 1. num. 46. cum S. Antonin Vasiq. Pont. Palud. Aug. et aliis ap. AA. cit. Et eandem nostram sententiam sequitur etiam P. Elbel. de Scand. n. 365. asserens hanc esse communem.*

Probabiliter tamen *Sporer num. 47. cum Less. Hurt. et aliis* excusat ab hoc peccato contra caritatem petentem sine justa causa mutuum ab usurario parato , si usurarius ob multitudinem petentium æquæ certe ac facile præstabit alteri pecuniam illam ad usuras ; quia tunc non adest obligatio impediendi peccatum , quod ille æquæ certe alias patraret. Verum dicimus , quod petens sine gravi causa , etiam in casu mox posito , non excusatur ab alio peccato gravi contra virtutem , ad quam lædendam mortaliter indu-

cit proximum. Et hoc, etiamsi daretur casus, quem practice jam diximus moraliter impossibile esse evenire, quod opere externo non augetur malitia proximi parati ad peccandum. Ratio, quia sine justa causa nunquam licet cooperari ad actionem objective malam; concurrere enim moraliter, etsi permissive, ad actum objective malum sine justa causa, per se semper est malum; prout certum est, quod inducere amentem ad pejerandum, fornicandum, etc. etiamsi ille non peccat, est grave peccatum contra virtutes oppositas, ut communiter dicunt *Salm. de Leg. c. 3. n. 49. et Bus. n. 155. cum Laym. Bonac. Pal. Sanch. Gran. etc.* Hinc eodem modo petens sine gravi causa mutuum ab usurario, Sacramentum a Sacerdote peccatore, quamvis parato, peccat non solum contra caritatem, sed etiam contra justitiam, aut Religionem, ut dicunt *Salm. l. c. de Contract. c. 3. n. 123. et de Sacr. c. 8. num. 36. Sanch. Bec. l. c. cum Sylvest. Mol. Valent. Pal. Trull. Villal. Ban. Tap. apud Salm. in fine.*

Notant autem *Sporer loc. cit. n. 75. et Pontius de Matr. lib. 5. cap. 18. num. 51. cum Soto, et Cajet.* quod ad mutuum licite petendum ab usurario non requiritur præcisa necessitas, sed sufficit quævis notabilis utilitas, sive ad conservationem, sive ad decentiam status, aut familiæ: puta (ut ait *Pon. cum iisdem DD. cit.*) si vir nobilis petat mutuum ad exercenda torneamenta cum suis amicis, et alias abstinendo aliquam notam incurreret.

ARTICULUS II.

*An, et quando Scandalum passivum permitti possit? an ob illud vitandum aliquid omitti debeat?*

48. *Quando Scandalum passivum permitti possit?*
49. *An sufficiat sola utilitas ad petendum mutuum ab usurario, et Sacramenta a Ministro excommunicato, vel peccatore?*
50. *An aliquando teneamur omittere, vel differre bona Spiritualia, ad vitandum Scandalum alterius?*
51. *An aliquando teneamur omittere quædam Præcepta?*
52. *An dimittere bona temporalia? An peccet graviter mulier utens veste virili? Vide ibidem alios casus.*
53. *An puella decenter ornata teneatur se avertere a conspectu alicujus particularis eam concupituri?*
54. *Quid si se ornet ornatu superfluo?*
55. *Quid si putet in genere aliquos scandalizandos? Et an peccent graviter mulieres peccatis ostendentes?*
56. *Quomodo peccent obscœna componentes, aut representantes, aut pingentes?*
57. *An liceat suadere minus malum, ad majus vitandum?*
58. *An aliquando liceat permittere ruinam Proximi?*

48. **R**Esp. 1. Permitti non potest absque  
» necessitate, vel utilitate propria, vel aliena.  
» Ratio est, quia tenemur ex Caritate impedire

88 Lib. II. Tract. III. De Præcepto etc.  
» peccata proximi, si facile possimus, *Laym.*  
» cap. 23. ex communi.

*Unde resolvuntur hi Casus.*

» Absque causa non licet petere mutuum ab  
» usurario, vel ab infideli juramentum per fal-  
» sos Deos, a concubinario administrationem Sa-  
» cramenti, vel ut celebret: cum enim absque  
» peccato id non sit facturus, cooperareris ejus  
» peccato. *Suar. Sanch. Trull. lib. 1. c. 6. dist.*  
» 5. num. 15.

49. » Resp. 2. Ex causa necessitatis, vel uti-  
» litatis potest permitti. Patet in dicto casu, qui  
» simpliciter sine peccato fieri potest: ideoque  
» licet talia petere ex rationabili causa, etsi al-  
» ter ex malitia sit peccaturus. Requiritur autem  
» major necessitas, ut permittatur scandalum  
» Pusillorum, quam Pharisaicum. Item major,  
» si plures sint scandalizandi; si timeatur pec-  
» catum grave; et denique, si certo prævidea-  
» tur, quam alias. *Laym. loc. cit. Bonac. d.*  
» 2. q. 4. p. 2. \*. (*Sufficit inde ab usurario, ut*  
» *Viva ex communi, et Salm. Tract. 1. c. 8.*  
» *n. 76. cum Caj. Nav. Con. etc. Et ad pe-*  
» *tenda Sacramenta a Ministro peccatore, aut*  
» *excommunicato tolerato, ut Laym. de Car.*  
» *c. 13. n. 8. cum Sanch. et Nav. ex S. Th.*  
» *vide dicta n. 47. Et vide etiam infra n. 77.*  
» *v. 4. Licitum*) \*.

50. » Resp. 3. Debet permitti, si alioqui pro-  
» pria salus periclitaretur, vel aliis, præsertim  
» Communitati, grave damnum immineret. Un-  
» de bona spiritualia necessaria ad salutem nec  
» debet, nec potest quisquam dimittere ob cu-  
» jusquam scandalum. *Fill. 28. cap. 8.*

» Resp. 4. Bona spiritualia (et secundum *Lor-*



Cap. II. De Præc. Carit. etc. Dub. V. 89

» *cam ap. Dian. p. 5. t. 7. B. 24.* etiam tem-  
 » poralia) non necessaria ad salutem non tene-  
 » tur quis omittere, vel differre, ob scandalum  
 » Pharisaicum, juxta illud *Matth. 15. Sinite*  
 » *illos, etc.* nisi tamen ex dilatione fructus spe-  
 » raretur: facilius vero, ac sæpius talia bona  
 » differenda, vel etiam omittenda sunt, ob  
 » scandalum Pusillorum: v. gr. ingressus Reli-  
 » gionis debet differri ob scandalum parentis,  
 » si consensus illius brevi speretur. *Laym. loc. cit.*

Docet *S. Th. 2. 2. q. 43. art. 7.* quod ali-  
 quando tenemur differre bona spiritualia non  
 necessaria ad salutem, ob scandalum Pusillo-  
 rum, non vero ob Pharisaicum. Attamen no-  
 tandum hic est ex *Laym. de Car. c. 13. n. 8.*  
*cum S. Th.* quod scandalum Pusillorum post  
 monitionem fit Pharisaicum. Hinc, quamvis quis  
 debeat differre ingredi Religionem ob scandalum  
 propinquorum, si illorum consensus brevi spe-  
 retur, ut ait *Bus.* potest tamen recte ingre-  
 di, si ipsi pergant resistere, ut *Laym. cum*  
*S. Antonin. Palud. etc. l. c. num. 8. in fine.*  
 Sed quoad hoc punctum vide omnino dicenda  
*l. 4. n. 68.*

Et hic præterea notandum, certum esse; ut  
 dicunt *Salmanticenses de IV. Præcepto cap. un.*  
*num. 7.* posse filios, inscio patre, Religionem in-  
 gredi, aut Clericatum sumere: maxime si sciant,  
 patrem ex affectu carnali impediturum; quod  
 regulariter accidit, ut bene advertit *Pinamon.*  
*De Vocation. cap. 3. circa initium.* Ilinc docet  
*S. Thom. 2. 2. quæst. 189. art. 6. in corp.* quod  
 recte possunt filii, prætermisso parentum obse-  
 quio, Religionem intrare, etiam contra præcep-  
 tum parentum. Et *art. 10. in corp.* dicit quod  
 filii non debent consilium sumere, nisi ab his;  
 de quibus speratur, quod prosint et non impe-

diant, ex *Ecd. 37. Cum viro irreligioso tracta de sanctitate, et cum injusto de justitia. Atque dicto art. 10. ad 2. affert S. Cyrillum, qui super illa Evangelii verba; Permite me renunciare his, qui domi sunt, etc. sic loquitur: Communicare proximis, indicat adhuc languentem, et retrocedentem: propter quod audit a Domino: Nemo mittens manum ad aratrum, et respiciens retro, aptus est Regno Dei. Respicit retro, qui dilationem querit cum propinquis conferendi. Vide alia valde utilia, quæ dicuntur super hoc puncto cit. lib. 4. n. 78. Tunc tantum filiis non liceret ingredi Religionem, quando relinquerent parentes in necessitate gravi, vel fratres in extrema, ut *Salmantic. de Statu Relig. cap. 3. n. 53. etc. cum S. Thom. et communi. In dubio tamen, an necessitas sit talis, permittitur ingressus; cum in dubio possideat libertas, ut docet Sanch. Decal. lib. 4. cap. 25. num. 6. Vide dicenda dict. lib. 4. ex num. 66.**

51. » Resp. 5. Ad vitandum grave scandalum  
 » Pusillorum quædam præcepta impleri non de-  
 » bent, nisi tamen omissio esset magis damnosa  
 » omittenti. Vid. *Laym. lib. 2. t. 3. cap. 13.*  
 » Ratio hujus est, quia tunc, concurrente du-  
 »plici præcepto, scilicet naturali de cavendo  
 » scandalo, et positivo, majus, et fortius est  
 » naturale.

Quæstio est, an ad vitandum scandalum pro-  
 ximi sint omittenda Præcepta? Certum est I.  
 Quod præcepta, quæ omitti non possunt sine  
 peccato, hæc nunquam prætermittenda sunt ob  
 alterius scandalum, sive sit Pharisaicum ex il-  
 lius malitia, sive pusillorum ex ejus infirmita-  
 te, aut ignorantia. Hujusmodi sunt præcepta Fi-  
 dei, et Sacramentorum, quæ sunt necessaria ad  
 salutem, ut docet *S. Thom. 2. 2. quest. 43.*

art. 7. Item omnia præcepta naturalia ; et quamvis DD. aliqui dicant aliquando posse omitti præcepta naturalia affirmativa , nempe corrigendi peccatores , vel puniendi delinquentes , quando magis timetur damnum , quam speratur fructus ; tamen melius dicit *Palaeus de Carit. t. 6. D. 6. p. 16. num. . . . in fin.* tunc verius in his casibus ipsa præcepta cessare , et non obligare. Certum est. II. Quod alia præcepta positiva nec etiam omitti possunt , si scandalum proximi esset pharisaicum , quia tunc potius daretur illi occasio bona aliorum malitiose impediendi , ut ait *Sporer de 5. Præc. cap. 1. n. 29. ex D. Th. d. q. 43. art. 8.*

Dubium autem est , an sint omittenda præcepta positiva , ad scandalum pusillorum vitandum ? *Prima sententia* probabilis , quam tenent *Nav. Summ. cap. 24. num. 44. Vasq. quest. 43. art. 7. d. 1. Palaeus d. p. 16. num. 3. cum Bas. de Leon. et probabilem putat Croix lib. 2. num. 244. ac Tamb. Dec. lib. 3. cap. 2. n. 8.* negat , quia præcepta etiam positiva , et humana non cessant obligare , quando scandalum non est datum ; sed acceptum ; magis enim tunc obstringit obligatio implendi præcepta tibi injuncta , quam vitandi omissionem præcepti alteri impositi. Affirmat vero secunda sententia probabilior , quam tenent cum *Busemb. Laym. de Carit. cap. 3. num. 10.* qui vocat communem , *Canus in Rel. de Poen. p. 5. Suar. D. 10. de Scand. sect. 4. num. 9. Tournely tom. 3. pag. 332. Roncaglia de Car. cap. 6. qu. 7. Sporer de 5. Præc. cap. 1. n. 29. et Salmantic. tract. 21. cap. 8. num. 87. cum Valent. Sylv. Bann. Led. Hurt. Med. Cord. et Lorca.* Citant etiam *Salmantic. S. Thom. in dict. art. 7.* sed revera S. Doctor ibi non loquitur de præceptis , sed de bonis spi-

92 Lib. II. Tract. III. De Præcepto etc.  
 ritualibus, pro quibus verius intelligendâ sunt  
 consilia. Ratio hujus sententiæ est, quia præcep-  
 tum generale de vitando scandalo Proximi, cum  
 sit naturale, præferendum est præceptis positi-  
 vis. At quia magnum esset incommodum mulie-  
 ris, si ipsa ob scandalum alterius ad longum  
 tempus abstinere a Missa teneretur, ideo valde  
 probabiliter dicunt *Laymann. de Carit. c. 13.*  
*num. 10. Tournely loc. cit. et Sporer dict. c. 1.*  
*num. 29. et 37.* quod illa ad hoc non tenetur,  
 nisi pro una vel altera vice. Imo tenet *Elbel de*  
*Scand. cum Ills. aliisque pluribus*, bene posse  
 illam semel vel iterum omittere Sacrum, sed ad  
 hoc non teneri, cum accidat scandalum omnino  
 ex alterius malitia.

*Ex dictis resolvuntur hi Casus.*

52. » 1. Prælati Ecclesiastici non tenentur (imò  
 » nec possunt), quæ ab bona Ecclesiæ conser-  
 » vanda sunt necessaria, v. g. lites, etc. omit-  
 » tere, ad vitanda scandala Pharisaica, imo etiam  
 » pusillorum: etsi his prius reddi debeat ratio  
 » rectitudinis. *Dian. part. 5. t. 7. R. 24. Ex*  
 » *S. Thom. etc.*

Quæritur, an ad vitandum scandalum sint di-  
 mittenda bona temporalia? Distinguit *D. Th.*,  
 et docet 2. 2. quæst. 43. art. 8. quod si bona  
 sint propria, tunc vel totaliter dimittenda, vel  
 aliter scandalum est sedandum, scilicet per ali-  
 quam monitionem; Nam, facta monitione de ve-  
 ritate justitiæ, scandalum evadit pharisaicum, de  
 quo nihil amplius curandum, ut docet idem *D.*  
*Th. eod. loc.* Imo dicunt *Palaeus de Carit. tom. 6.*  
*D. 6. p. 17. Sanchez Dec. lib. 1. cap. 7. num. 11.*  
*et Sporer de V. Præcept. cap. 1. numer. 32. cum*  
*Suarez, Dian. etc.* nunquam esse obligationem

Cap. II. De Præc. Carit. etc. Dub. V. 93

gravem, pati magnam jacturam in bonis propriis, ne Proximus patiat scandalum, etiam ex infirmitate. Ratio, quia caritas erga Proximum non obligat cum tanto incommodo. Hoc tanto magis procedit, si bona sint commissa ad conservandum, ut bona Ecclesiæ committuntur Prælati, et similia: Ipsa enim nec etiam possunt dimitti propter scandalum alterius; uti possunt dimitti bona privata. Quamvis, ut monent recte *Laym. de Charit. cap. 13. num. 9. cum S. Antonin. et Palud. ac Sporer loc. cit. d. num. 32.* etiam pro iis differri debet exactio, donec instruantur debitores de sua obligatione. Imo dicunt *S. Antonin. Cajetan. et Val. apud Laym. ibid.* quod si adhuc post monitionem populi scandalum nec etiam cesset, et magna immineat fructus spiritualis jaetura, tunc melius se geret Prælati, si procuret Ecclesiæ assensum, ut debitum remittatur. Attamen bene ait *Laym.* in hoc pensandas esse circumstantias tam bonorum dimittendorum, quam scandali eventuri, et ne forte ex remissione malitia debitorum magis augeatur; Nam *S. Thom.* de eo casu *d. art. 8.* sic loquitur: *Propter scandalum pharisaicum non sunt bona temporalia dimittenda, quia hoc et noceret bono communi; daretur enim malis occasio rapiendi; et noceret rapientibus, quia retinendo non sua, in peccato remanerent.*

» 2. Si femina utatur veste virili, vel contra,  
» tantum ex levitate, sive prava intentione,  
» aut periculo scandali, et libidinis, veniale  
» tantum erit; alias mortale; nullum vero, si  
» ex necessitate. *Dian. part. 5. tract. 7. R. 32.*  
» ex *S. Th. Sylv. etc.*

Si mulier utatur veste virili, ex se non est peccatum grave; sed posset grave esse ex cir-

94 Lib. II. Tract. III. De Præcepto etc.  
 cumstantiis periculi libidinis, vel scandali; ut  
*Laym. de Charit. d. cap. 13. in fin. Sylvius ap.*  
*Tourn. tom. 3. p. 515. quæst. 3. et Salm. Tract.*  
*21. d. cap. 8. num. 62.* Et hoc indicat *S. Thom.*  
*2. 2. quæst. 169. art. 2. ad 3. ubi: De se vi-*  
*tiosum est, quod mulier utatur veste virili, aut*  
*e converso: et præcipue, quia hoc potest esse*  
*causa lascivie: et specialiter prohibetur in lege*  
*(Deut. 22.), quia Gentiles tali mutatione ha-*  
*bitus utebantur ad idololatriæ superstitionem. Po-*  
*test tamen quandoque hoc fieri sine peccato pro-*  
*pter aliquam necessitatem, vel causa se occultan-*  
*di ab hostibus, vel propter defectum vestimenti,*  
*vel propter aliud hujusmodi. Secus autem est*  
*tantum veniale; et aliquando nullum, si adsit*  
*justa causa, v. gr. ad se occultandum, ut do-*  
*cet D. Thom. loc. cit. et Laym. ibid. cum Na-*  
*varr. et Cajet. qui dicit præceptum Deut. cap.*  
*22. prout ceremoniale jam cessasse.*

» 3. Peccatum, ex quo Confessarium in Con-  
 fessione (ex infirmitate tamen) graviter scan-  
 dalizandum nosti, debes reticere. *Laym. loc.*  
*cit. ex Nav. etc.*

» 4. Uxor semel, vel iterum debet omittere  
 jejunium, ex quo maritus graviter offendere-  
 tur, et oriretur discordia. *Ibid.*

» 5. Si, ituro te ad Sacrum die festo; exci-  
 tanda sit gravis rixa, vel cædes, non tene-  
 ris ire. *Ibid.*

» 6. Superior peccata subditi sæpe potest dis-  
 simulare ad vitandas turbas, et majora mala,  
 quæ alioqui teneretur punire.

53. » 7. Mulier, quæ scit in se, vel in sui  
 aspectu aliquem in particulari scandalizandum,  
 mortaliter peccat, si data opera ei se conspi-  
 ciendam offerat: adeoque potest, et debet  
 non tantum publico, sed etiam Sacro absti-

» nere die festo semel, aut iterum, ad peccatum  
 » illud evitandum. Dixi 1. *aliquem in particu-*  
 » *lari*: quia ob timorem scandali alicujus ex  
 » Communitate in genere vel etiam plurium,  
 » abstinere, nimis esset difficile, et plenum scru-  
 » pulis. Dixi 2. *semel, aut iterum*: quia sæpe  
 » nimis esset grave, et durum. *Bonac. Sanch.*  
 » *Laym. loc. cit. num. 10. et alii. Vid. Dian.*  
 » *part. 5. tract. 7. R. 21. et 22.* ubi in contra-  
 » rium citat aliquos Auctores negantes obliga-  
 » tionem prætermittendi rem præceptam ad evi-  
 » tandum aliorum scandalum.

Si ergo agitur de omittendis rebus præceptis,  
 nempe Missa a puella, ne se offerat conspectui  
 juvenis, a quo scit turpiter concupisci, juxta  
 secundam sententiam relata *num. 51.* debet ipsa  
 semel, et iterum omittere Sacrum: sed proba-  
 biliter etiam juxta aliam primam sententiam *ib.*  
 allatam, ut ait *Tamb. Dec. lib. 4. cap. 2. n. 8.*  
 bene posset, imò teneretur, non obstante scan-  
 dalo illius, Ecclesiam adire ad Sacrum audien-  
 dum.

Si vero agatur de re non præcepta, quæritur,  
 an peccet mortaliter puella, ad conspiciendum  
 se præbens conspectui viri scandalum passuri?  
 Affirmant cum *Busemb. S. Antonin. Sylvest.*  
*Nav. Azor. etc. apud Sanch. Dec. lib. 1. cap.*  
*6. n. 16.* qui asserit hoc esse commune, quad-  
 do illa se offert, nullam aliam causam habens  
 rationabilem, puta invisendi amicas, eundi ad  
 Ecclesiam, etc. Sed valde probabiter negant pe-  
 care graviter *Cajet. 2. 2. quæst. 154. art. 4. in*  
*fin. et quæst. 169. art. 2. ad 5. Sanch. loc. cit.*  
*n. 17. cum Nav. Med. et Azor. item Sporer de*  
*5. Præc. cap. 1. num. 34. et 35. cum Armill.*  
*et Pal. Less. lib. 4. num. 113. Salm. tract. 21.*  
*cap. 8. num. 59. et probabile putat Croix lib.*

2. num. 247. cum Bonac. et Dian. Sufficit enim, ut dicunt, ad eam excusandam saltem a mortali causa, ne ipsa sua libertate privetur; cum ex una parte hoc scandalum non est datum, sed acceptum ex malitia viri; et ex alia vice esset res valde incommoda mulieri, et scrupulis obnoxia, si expendere deberet semper, an habeat justam causam egrediendi, vel non. Nequirem autem (ut bene ajunt *Palaeus tom. 6. D. 6. part. 7. num. 4. Sanch. d. num. 17. et Sporer n. 35.*) illam excusare a mortali, si ipsa ex vanitate ducta, etsi scandalum illius viri non intendat, data opera ejus aspectui se offerret. Hinc recte dicunt *Spor. num. 36. et Dian. p. 3. tract. 7. R. 3. cum Hurt. teneri mulierem sub gravi scandalum viri determinari vitare, si posset commodè aliam Ecclesiam adire, per aliam viam progredi, a fenestra abstinere, et similia; Hoc tamen non intelligendum ad longum tempus, sed tantum pro una vel altera vice, donec alter advertere possit se fugi ab illa, ut diximus dict. n. 51. in fin. et asserit Sporer n. 37. dicens in hoc omnes consentire. Nequirem etiam mulierem a mortali excusare, si illa peteret aliquem locum, quem non adiret, nisi sciret ibi amasium adesse, ut recte advertit Sporer num. 35.*

» 8. Mulier, quæ ex ornatu, etiam conveniente suo statui, probabiliter prævidet aliquem in particulari lapsurum mortaliter, tenetur ad breve tempus eum dimittere, aut talis conspectum fugere. Dixi *ad breve tempus*: quia ad longum, nimis illi grave foret. Vid. » *Dian. loc. cit.*

*Salmant. Tract. 21. cap. 8. n. 59. cum Cajet. Trull. Pal. Navar. etc.* asserunt nullo modo peccare mulierem se ornantem juxta suam conditionem; si hoc faciat ad placendum viro suo,



vel ut sponsum inveniat; ut docet etiam *S. Thom.* 2. 2. *quaest.* 169. *art.* 2. vel tantum, ne sua libertate privetur, *Salm. d. 6. num.* 60. Sed hoc semper intelligendum ad diuturnum tempus; alias tenetur saltem bis vel semel abstinere a conspectu juvenis concupituri, juxta dicta mox *num.* 53.

54. » 9. Si vero idem timeretur in particulari  
 » ex ornatu superfluo, vano, et inconvenienti  
 » (quem assumere vanitatis, et placendi causa,  
 » ut videantur pulchrae, et procum facilius in-  
 » veniant, seclusis aliis, non nisi veniale est),  
 » tenetur eum omnino dimittere, etiam sub mor-  
 » tali; quia nullum habet jus ad illum orna-  
 » tum, et ex altera parte tenetur vitare pecca-  
 » tum alterius, quando commode potest. Vid.  
*Sylv. v. ornatus.* \* (*Idem recte sentiunt Salm.*  
*tract.* 21. c. 8. n. 60. ac *Laym. tract.* 3. c. 13.  
*in fine*; *Lessius autem lib.* 4. *cap.* 4. *num.* 112.  
*censet tantum per breve tempus feminam teneri*  
*abstinere ab illo superfluo ornatu.* Nota autem  
 hic quod docet *S. Thomas* 2. 2. *quaest.* 169.  
*art.* 2. ubi dicit, mulieres appetentes placere vi-  
 ris ex vanitate, quandoque peccare tantum ve-  
 nialiter. Alibi vero *S. Doctor in Epist.* 1. ad  
*Tim.* *cap.* 2. *in fin.* sic ait: Ornatus simplex,  
 servata recta intentione, consuetudine, et con-  
 ditione status, non est peccatum. De fucato au-  
 tem semper est peccatum; mulieribus enim non  
 permittitur ornari, nisi propter viros, et viri  
 nolunt decipi, ut fucatae eis appareant) \*. » Alii  
 » tamen, ut *Caj. Nav. c.* 23. videntur docere,  
 » eam tantum teneri sub veniali (sed minus pro-  
 » babiliter), quando in particulari lapsus præ-  
 » videtur, et brevi tempore abstinendum est,  
 » qui etiam cum *Azor. Less. et Bonac.* excusant  
 » a mortali eas, quæ ex consuetudine loci me-  
 » *Ligu. Theol. T. II.* 5

» dia ubera detegunt, fūco, pigmentis, alienis  
 » crinibus utuntur; dummodo non aliorum la-  
 » sciviam, sed tantum majorem pulchritudinis  
 » ornatum intendant, absque alio fine mortali,  
 » aut lege particulari id sub mortali prohiben-  
 » te. Addunt tamen fore grave, et mortale pec-  
 » catum hujuscemodi morem detegendi pectus,  
 » vel tenuiter tantum tegendi, ubi non est, in-  
 » troducere. *Nap. n. 18. Less. 112. Laym. loc.*  
 » *cit. etc. vid. Bonac. de matr. quæst. 4. pag.*  
 » *9. num. 17.*

55. » 10. Si mulier non in particulari, sed  
 » in genere tantum aliquos in se scandalizandos  
 » putet, modo eorum lasciviam non intendat,  
 » nec eis placeat (licet ei placeat, quod laudetur  
 » ut formosa), non videtur teneri abstinere ab  
 » illo ornatu, etiam superfluo, sub mortali,  
 » v. g. fucando faciem, imo etiam denudando  
 » ex communi consuetudine pectus: nisi tamen  
 » denudatio, vel ornatus esset valde turpis per  
 » se, ac directe ad libidinem provocans. Ratio  
 » est, tum quia est scandalum potius acceptum,  
 » quam datum, et ornatus ille, ac pulchritudo  
 » remote tantum ad peccatum provocat, ut do-  
 » cent *Laym. et Bonac.* Tum quia nimis grave  
 » esset isti sexui, præsertim si maritum quæ-  
 » rant, perpetuo sic abstinere, cum illa occa-  
 » sio sit universalis, et perpetua; nec formosio-  
 » res unquam licite irent foras, cum pulchri-  
 » tudo naturalis plus noceat, quam artificialis.  
 » Plura de hac re vide apud *Dian. tom. 1. R.*  
 » *37. Bardel. lib. 3. d. 5. num. 13.* Interim fe-  
 » minam nudam pectus gerentem non mala in-  
 » tentione, etsi quidam excusent a mortali, ego  
 » tamen, inquit *Sà*, difficile absolverem. Et  
 » certum est, quod Confessario incumbat hujus-  
 » modi ornatum dissuadere, et deterrire ab eo,  
 » Vid. *Sà, verb. Ornatus, etc. ll. ec.*

Cap. II. De Præcepto etc. Dub. IV. 99

Quæritur, an peccent graviter mulieres ad sui ornatum ubera ostendentes? Acriter invehunt contra hunc morem *Natalis Alex. Dec. lib. 4. art. 5. reg. 8. de Scandalo*, et *Roncagl. de Charit. cap. 6. quæst. 5. Resp. 3.* dicentes hoc per se esse peccatum mortale, quia per se alibi grave scandalum affert; et hoc probari inquirunt ex SS. Patribus, qui hujusmodi consuetudinem magnopere increpant. Cum ego munus Concionatoris gessi, pluries etiam hunc perniciosum usum fortiter conatus sum exprobrare; sed cum hic officium agam scriptoris de scientia morali, oportet, ut dicam quod juxta veritatem sentio, et quod a DD. didici. Non nego I. quod illæ feminæ quæ hunc morem alicubi introdicerent sane graviter peccarent. Non nego II. quod denudatio pectoris posset esse ita immoderata, ut per se non posset excusari a scandalo gravi, tanquam valde ad lasciviam provocans, uti bene ait *Sporer de V. Præc. cap. 1. n. 39.* Dico vero III. quod si denudatio non esset taliter immoderata, et alicubi adesset consuetudo, ut mulieres sic incederent, esset quidem exprobanda, sed non omnino damnanda de peccato mortali. Id tenent communissime *Navarrus, Cajet. Lessius, Laym. Bôn. Salm.* et alii plurimi. *Navarr. Summ. cap. 23. num. 19.* sic ait: *Neque etiam femine mortaliter peccant ostendentes pectora nuda, quo pulchriores videantur, absque alia mala intentione mortali; quia nullo jure naturali, Divino, aut humano, saltem ad mortale obligante, vetatur.* Idem dicit *Cajetanus in 2. 2. quæst. 169. art. 2. qui vers. secundo* sic ait: *Pectus a mulieribus nudum alicubi desertur, quod juxta morem Patriæ non est de se mortale.* Idem docet *Lessius lib. 4. cap. 4. ex num. 112.* dicens: *Potest esse peccatum mortiferum, si pudenda non*

satis tegerentur ; secus in nudando pectore , ut Cajet. Fum. Nav. ; nam partem illam nec natura , aut pudor postulat absolute tegi. Grave tamen esset hujusmodi morem introducere. Sententiam hanc dicit esse communem Laym. lib. 3. tract. 3. cap. 13. in fin. n. 6. Idem censent Azor. de 4. Pr. c. 18. Sanch. Dec. lib. 1. cap. 6. num. 7. Bonac. de Matrim. quæst. 5. puncti 9. num. 17. et Salm. de vi. Præc. cap. 3. n. 16. cum Sylv. Fill. etc. (contra S. Antonin. Ros. et Eliz.) : quia (dicunt) pectus non est pars vehementer provocans ad lasciviam. Videtur etiam huic adhærere S. Thom. 2. 2. q. 160 art. 2. ubi loquens de ornatu superfluo mulierum ( ut patet ex 3. objectione) : sic ait : *Et si quidem hac intentione se ornent , ut alios provocent ad concupiscentiam , mortaliter peccant. Si autem ex quadam levitate , vel etiam ex quadam vanitate propter jactantiam quandam , non semper est peccatum mortale , sed quandoque veniale.* Deinde addit : *In quo tamen casu posset aliquæ excusari , quando non fieret ex aliqua vanitate , sed propter contrariam consuetudinem : quamvis talis consuetudo non sit laudabilis.* Deridet autem Roncaglia hanc rationem consuetudinis excusantis , dicens : *Potestne quæcumque consuetudo dare jus ad id quod aliis de sua natura præbet gravem occasionem peccandi ?* Sed immerito deridet ; nam patet , quod consuetudo sic incedendi , non quidem dat jus ad id quod est contra jus naturale , sed bene diminuit vim concupiscentiæ ; ubi enim non est mos , majus scandalum dabunt illæ mulieres , quæ brachia aut crura ostendent , quam ex quæ pectus (modo depudatio sit moderata) , ubi talis viget consuetudo , quia assuefactio efficit , ut viri ex tali visu minus moveantur ad concupiscentiam , prout experientia con-

stat. SS. autem Patres aut modo concionatorio sunt locuti; vel de usu immoderato, ut diximus. Tandem idem *Roncaglia loc. cit. in fine*, concedit modicam discooperationem pectoris excusare a peccato gravi. Et idem docet doctissimus *Sylvius 2. 2. q. 169. art. 2.* Cæterum non dubito, quod sententia, ut supra relata, cum magna discretionē oportet ut prudens Confessarius utatur, ne indulgeat nimis mulierum licentiæ, quæ libidinem involvet, cum pie viventes non sic incedant. Bene enim *Croix lib. 2. num. 248. cum Eliz.* advertit, quod ejusmodi feminae denudatione pectoris non raro quærunt inhoneste appeti a viris, ut illos sibi irretiant et captivent; et hanc ob causam recte putat *Eliz.* plures feminas damnationem pati. Hinc non dubito, quod hujusmodi indecens mos enixe a Prædicatoribus, et Confessariis, quantum fieri potest, coercendus est, et extirpandus. Audiatur id quod docet *D. Antonin. p. 2. tit. 4. cap. 5.* ubi, quamvis detestetur enixe usum mulierum ostendendi ubera, quando talis usus esset valde immoderatus, prout refert adesse in partibus Rheni, his verbis: *Si enim de usu Patriæ est, ut mulieres deferant vestes versus collum scissas usque ad ostentationem mamillarum, ut in partibus Rheni, valde turpis et impudicus est talis usus, et ideo non servandus.* Attamen in sequenti §. *In quantum*, addit: *Si enim mulier ornet se secundum decentiam sui status, et morem Patriæ, et non sit ibi multus excessus, et ex hoc aspicientes rapiantur ad concupiscentiam ejus, erit ibi occasio potius accepta quam data; unde non mulieri, sed ei soli qui ruit, imputabitur ad mortale. Poterit autem esse tantus excessus, quod erit occasio etiam data.* Sic denique concludit: *Ex prædictis igitur videtur dicendum, quod ubi*

in hujusmodi ornatibus Confessor invenit clare ,  
 et indubitanter mortale , talem non absolvat ,  
 nisi proponat abstinere a tali crimine. Si vero  
 non potest clare percipere , utrum sit mortale ,  
 non videtur tunc præcipienda sententia (ut dicit  
 Guillelm. specie in quadam simili) scilicet , ut  
 deneget propter hoc absolutionem , vel illi faciat  
 conscientiam de mortali , quia , faciendo postea  
 contra illud , etiamsi illud non esset mortale , ei  
 erit mortale , quia omne quod est contra con-  
 scientiam , ædificat ad Gehennam , 28. q. 1. §.  
 Et his. Et cum promptiora sint jura ad solven-  
 dum quam ligandum , cap. Ponderet. Dist. 1.  
 et melius sit Domino reddere rationem de nimia  
 misericordia , quam de nimia severitate , ut di-  
 cit Chrysost. cap. Alligant. 26. quæst. 7. potius  
 videtur absolvendum , et divino examini dimit-  
 tendum. Fateor tamen , quod et Prædicatores in  
 prædicando , et Confessores in audientia Con-  
 fessionum debent talia detestari , et persuadere  
 ad dimittendum , cum sint nimia et excessiva ,  
 non tamen ita indistincte asserere esse mortalia.

» 56. » 11. Peccant etiam graviter , qui compo-  
 » nunt , describunt , repræsentant , vel pingunt  
 » turpia , et ad libidinem provocantia. Bonac.  
 » Sanch. Fill.

Procul dubio componentes , sive repræsentan-  
 tes comœdias valde turpes excusari non possunt  
 a peccato gravi. Sanch. de Matr. lib. 9. D. 46.  
 n. 42. cum S. Antonin. Ang. Sylv. etc. Et ob  
 quodcunque lucrum , ut Tambur. Decr. cap. 8.  
 §. 5. num. 1.

Pariter graviter peccant pingentes , sive expo-  
 nentes publice imagines obscœnas , scilicet dete-  
 ctis pudendis , sive tenui velo coopertis , ut Salm.  
 Tr. 21. c. 8. n. 64. cum Sanchez et Trull. Se-  
 cus , si detectis aliis partibus , pudenda tegantur.  
 Salm. ibid. cum Turr. Dian. et pluribus aliis.

57. Utrum liceat suadere, aut permittere minus malum ad majus evitandum? *Prima sententia* negat, prout tenet *Laym. de Char. c. 12. n. 7. cum Azor. et aliis*. Ratio, quia comparativum non tollit positivum; unde qui suadet minus malum, vere malum suadet. Limitat vero *Laym. cum Azor.* nisi malum illud sit virtualiter inclusum in illo alio majori. Sic parato aliquem occidere potes suadere, ut manum tantum amputet; eidem tamen, non alteri designato; Sic etiam volenti adulterari potes suadere fornicationem cum soluta in generali, non autem in particulari. Admittunt hoc *Salm. loc. cit.* dummodo ille decreverit utrumque malum patrare, cum *Nav. etc.* At *Laym.* indistincte loquitur, et *Sanch.* cum secunda sententia, ut mox dicitur, hanc limitationem expresse rejicit; quia (dicit) tunc minus malum proponitur, non ut alter illud perpetret, sed ut a majori retrahatur.

*Secunda* igitur sententia probabilior tenet, licitum esse minus malum suadere, si alter jam determinatus fuerit ad majus exequendum. Ratio, quia tunc suadens non querit malum, sed bonum, scilicet electionem minoris mali. Ita *Sanch. de Matrim. lib. 7. D. XI. num. 15. cum Sot. Mol. Nav. Medin. Sylvest. et aliis pluribus, ac Salm. tract. 21. cap. 8. n. 58. cum Cajet. Sot. Pal. Bon. etc.* probabilem putat *Croix lib. 2. num. 223.* Hinc docet idem *Sanch. n. 19. cum Caj. Sot. Covarr. Valent.* parato aliquem occidere, licite posse suaderi, ut ab eo furetur, vel ut fornicetur. Et probat ex *S. August. in c. Si quod verius, 33. q. v. ubi: Si enim facturus est, quod non licet, jam faciat adulterium, et non faciat homicidium: et vivente uxore sua, alteram ducat, et non humanum sanguinem fundat.* Ex quibus verbis, jam faciat adulterium,

probat *Sanch. dict. num. 15. cum Soto, Mol. Nav. Abb. etc. S. Doctorem*, non tantum permittendo, sed etiam suadendo locutum fuisse. Et hoc addit *Sanch. n. 23. cum Salon.* licet non solum privatis, sed etiam Confessariis, parentibus, et aliis, quibus ex officio incumbit, impedire peccata subditorum.

» 58. » Resp. 6. Potest aliquando permitti proximi ruina, quando is paratus est ad malum, » et alter non intendit, ut peccet, sed tantum, » non auferendo occasionem, permittit unum » peccatum, ne fiant plura, ita ut permissio » sit impeditiva majoris mali.

### Unde resolves.

» 1. Hero licet non auferre occasionem furandi filiis, aut famulis, cum eos nihilominus ad furandum propensos, et paratos novit, ut sic deprehensi puniantur, et resipiscant; tunc enim rationabiliter permittit furtum unum, ut evitentur plura, *Sanch. Lixym. Bonac.\* (Et hæc sententia videtur satis communis cum Sanch. de Matr. lib. 10. d. 12. num. 52. qui citat pro ea Sot. Led. Nav. Sa, etc. Et consentit D. Th. in 4. p. 2. d. 35. q. un. art. 3. ad 4. ubi: Quandoque vir uxorem suspectam habens ei insidiatur, et deprehendere eam potest cum testibus in crimine fornicationis; et sic potest ad accusationem procedere. Idem admittit Tourn. tom. 3. p. 337. cum Antoine)\*.*

» 2. Probabile est non licere talia ultro ponere, aut iis objicere, quia positive concurreret ad peccatum; et non tam auferret occasionem, quam poneret: *Sa. v. peccatum, et Sanch.* qui ex eadem causa docet non licere marito dare uxori ansam adulterandi, vel



» adultero, ut tentet uxorem. Interim probabili-  
 » liter contrarium docet *Laym. lib. 2. t. 3. c. 13.*  
 » Quod confirmari potest exemplo Judith, quæ  
 » vix aliter videtur fecisse c. 9. Cum enim sci-  
 » ret permissionem libidinis in Holoferne fore  
 » impeditivam malorum, posuit ei occasionem,  
 » nempe ornatum suum, alioqui licitum, et ta-  
 » men communiter censetur in hoc non peccas-  
 » se. Vid. *Bon. d. 2. q. 4. p. 2. Palaum hic.*

Et hoc probabile putant etiam *Viva de IV. Præc. q. XI. Art. 5. n. 12. vers. Insertur IV. Laym. de Carit. c. 13. n. 5. cum P. Nav. Item Elbel de Scand. n. 377. et Sporer de V. Præc. c. 1. n. 65. cum Dian. et Tamb.* et probat ex l. Si quis servus, et de Furtis; ubi permittitur domino tradere servo sæpe sollicitato a fure res, ut ad furem deferat, ut sic fur deprehensus cum re furtiva, et punitus, non amplius sollicitet. Quem textum dicit *Spor. cum P. Nav. Pal. apud Tumb.* locum habere etiam in foro Conscientiæ. Contradiciunt tamen *Sanch. de Matrim. l. 10. d. 12. n. 53. cum Sa, item Bon. de Scand. d. 2. q. 4. p. 2. n. 34. et Spor. loc. cit. n. 63.* vocans hanc probabiliorē, quia (ut dicunt) hæc videtur positiva inductio, sive ad peccatum cooperatio, quæ est intrinsece mala. Sed hoc non obstante, satis probabilis videtur prima sententia, quia, cum maritus, vel dominus præbet ansam incochandi, vel furandi, non vere inducit ad peccandum, sed præbet occasionem, et permittit peccatum alterius, ex justa causa, scilicet ut se indemnem servet a periculo damni obventuri. Aliud enim est inducere, aliud præbere occasionem. Illud est intrinsece malum, non autem hoc; alioquin nunquam liceret, etiam ex causa justa, petere mutuum ab usurario, juramentum ab infideli, etc. Quod est contra com-

106 Lib. II. Tract. III. De Præcepto etc.  
 munem DD. sententiam (quicquid aliquis dicat),  
 et contra *D. Th. cum S. August. 2. 2. quæst.*  
*78. art. 4. Unde S. Th. ibi hanc regulam dat:*  
*Inducere hominem ad peccandum nullo modo li-*  
*cet: Uti tamen peccato alterius ad bonum, lici-*  
*tum est. Imo S. Doctor videtur ibid. etiam opi-*  
*nioni mox allatæ expresse adhærere, exemplo*  
*decem virorum, qui dixerunt ad Ismaël (Jer. 41.).*  
*Noli occidere nos, quia thesauros habemus in*  
*agro. Et hos S. Doctor asserit minime peccasse.*

### A R T I C U L U S III.

*An liceat alterius peccato materialiter cooperari.*

59. *Quando liceat materialiter cooperari peccato proximi?*

60. *An liceat nubere cum sponso existente in mortali, vel obstricto voto castitatis?*

61. *An reddere debitum eidem?* 62. *An dare Communionem peccatori occulto?*

63. *Quid liceat famulis? Et quæ sit cooperatio Materialis, et quæ Formalis?*

64. *An comitari Herum ad lupanar etc. Et an comitari concubinam ad herum?*

65. *An deferre munera meretrici?* 66. *An aperire ostium meretrici? An deferre scalam, ut Dominus ascendat ad mulierem?*

67. *An scribere litteras amatorias?* 68. *An ministrare carnes?*

69. *An liceat cauponibus dare vinum ebriosis, vel carnes in die vetito? Vide alia op. Busemb.*

70. *An locare domum meretrici, et usurariis?*

71. *An vendere aleas, gladios, venena etc.?*

72. *An agnum Judeo?*

73. *An liceat Christianis captivis remigare etc.*

74. *An adjuvare Tyrannum?* 75. *An ve-  
here annonam ad Hæreticos? An auri-  
gis velere meretricem?*  
76. *An accipere munera ab Amasio? an red-  
dere gladium occisuro?*  
77. *An liceat petere juramentum a pejeraturo?*  
*Et mutuum ab usurario sine gravi causa?*  
78. *An adjuvare usurarium? An dare mutuum*  
*abusuro?*  
79. *An petere Sacramenta ab excommunicato,*  
*vel a peccatore; et an a parato?*  
80. *An dare cibos velitos?*

59. » **R**esp. Cooperari tantum materialiter,  
» subministrando tantum materiam, et faculta-  
» tem peccandi, vel exhibendo objectum, licet,  
» si sequentes conditiones adsint. I. Si tum opus,  
» vel cooperatio sit secundum se bona, vel sal-  
» tem indifferens. II. Si bona intentione, et  
» rationabili ex causa fiat, et non uti juves alte-  
» rum peccare. III. Si alterius peccatum impedire  
» nequeas, aut saltem non tenearis propter cau-  
» sam rationabilem. Circa quam notant *Sanch.*  
» et *Laym.* etsi ejus gravitas certa regula defi-  
» niri nequeat, sed prudentis judicio metienda  
» sit; tanto tamen graviolem requiri. 1. Quan-  
» to gravius est peccatum, cujus occasio datur.  
» 2. Quanto probabilius est, te non cooperan-  
» te, alterum non peccaturum: aut quanto cer-  
» tior est affectus peccati. 3. Quanto propinquius  
» tua cooperatio peccatum attingit. 4. Quanto  
» minus juris habeas ad tale opus. 5. Denique  
» quanto magis peccatum cum justitia pugnat,  
» idque propter damnum tertii: *Laym. l. 2.*  
» *tr. 3. cap. 13.*

*S. Antonin. Gabr. Sylvest. etc. apud Sanch.*

108 Lib. II. Tract. III. De Præcepto etc.  
*in Decal. l. 1. c. 7. n. 4.* videntur sentire ,  
 nullo casu licitum esse cooperari ad peccatum  
 alterius : At hoc communiter DD. permittunt ,  
 si debitæ conditiones adsint. Vide *Tamb. Dec.*  
*l. 5. c. 1. §. 4.* Et *Sanch. l. c.* censet Autho-  
 res citatos locutos fuisse casu , quo absit juxta  
 causa excusans ; vel quando cooperatio sit in-  
 trinsece mala. Semper autem est intrinsece mala  
 illa actio , quæ ex se determinata est ad pecca-  
 tum : uti esset , quærere domino concubinam ,  
 idola fabricare , et quid simile. Secus , si actio  
 potest fieri sine peccato , puta ministrare men-  
 sæ , aperire januam , etc. Hinc ad licite coope-  
 randum peccato alterius , vide conditiones requi-  
 sitas apud *Busemb.* ut mox supra.

*Unde resolves hos Casus.*

60. » 1. Hoc modo licite materialiter coope-  
 » ratur sponsa contrahens cum sponso quem scit  
 » Sacramentum accipere in peccato mortali. Sciens  
 » vero eum habere votum castitatis , peccat con-  
 » trahendo cum ipso , quia ad contractum illi-  
 » citum concurrit. *Laym. l. c. ex Sanch. l. 7.*  
 » *de matr. d. 11. n. 11.*

61. » 2. Licite quoque post matrimonium con-  
 » tractum materialiter cooperatur conjux , si con-  
 » jugi obstricto voto castitatis reddat debitum :  
 » imo ad id tenetur ex justitia , si eum exigen-  
 » tem non possit a proposito avocare. *Ibidem.* \*  
 » (Et hæc est communissima et probabilior sen-  
 » tentia cum *Suarez , Lugo , Laym. Bonac.*  
 » *Pal. Sanch. Concina , Holzmann , Boss. etc.*  
 » *Licet opposita cum Pontio , Croix , Comit.*  
 » *Sylv. etc. etiam sit probabilis ; vide dicenda*  
 » *l. 6. n. 944.)* \*.

62. » 3. Similiter Parochus Eucharistiam li-

Cap. II. De Præc. Carit. etc. Dub. V. 109

» cite potest, et debet ministrare peccatori, et  
 » excommunicato, et hæretico occulto, si petat  
 » publice; imo Confessarius præbere debet pe-  
 » tenti etiam privatim, si ex sola Confessione  
 » eius peccatum novit. *ibid.* \* (*Et ita tenendum*  
 » *ex communissima sententia cum Spor. de Sacr.*  
 » *Pæn. n. 869. etc. contra Petrocor. Vide di-*  
 » *cendu. l. 6. n. 658.*) \*

63. » 4. Excusantur a peccato famuli, si ra-  
 » tione sui famulatus præsent quædam obsequia,  
 » quæ sine gravi suo incommodo negare non  
 » possint; ut verb. gr. vestiant dominum, ster-  
 » uant equum, comitentur ad lupanar, mere-  
 » trici deferent munera, eidem venienti aperiant  
 » ostium: quia hæc tantum remote se ad pec-  
 » catum habent, et sine iis peccatum fieret.  
 » Unde tamen non sequitur, alteri cuivis licere  
 » ea præstare. *Bon. p. 11. cap. 26. Azor. l. 2.*  
 » *l. 12. c. ult. q. 3. Laym. l. 2. t. 3. c. 13.*  
 » *Sanch. l. 1. mor. c. 7. n. 21.* \* (*Sed vide*  
 » *n. seq. 64.*) \*

Ad distinguendum autem, quando cooperatio  
 sit materialis, et quando formalis, alii dicunt  
 ut *Cardenas*, et *M. Milante in prop. 51. In-*  
*noc. XI.* quod cooperatio tunc est materialis,  
 quando ipsa per accidens et remote conducit ad  
 peccatum alterius; tunc autem formalis, quando  
 per se, vel ob aliquam circumstantiam adjun-  
 ctam, proxime conducit ad executionem pecca-  
 ti, licet per se esset indifferens. Sed melius cum  
 aliis dicendum illam esse formalem, quæ con-  
 currat ad malam voluntatem alterius, et nequit  
 esse sine peccato: Materialem vero illam, quæ  
 concurrat tantum ad malam actionem alterius,  
 præter intentionem cooperantis. Hæc autem est  
 licita, quando per se actio est bona vel indiffe-  
 rens, et quando adest justa causa et proportio-

nata ad gravitatem peccati alterius, et ad proximitatem concursus, qui præstatur ad peccati executionem. Ratio, quia, cum tu præstas actionem indifferentem sine prava intentione, si alter illa abuti voluerit ad suum peccatum exequendum, non teneris nisi ex caritate illud impedire; et quia caritas non obligat cum gravi incommodo, ideo ponens tuam cooperationem cum justa causa, non peccas: tunc enim peccatum illius non provenit ex cooperatione tua, sed ex malitia ipsius, qui tua actione abutitur. Neo valet dicere, quod tua actio, etsi indifferens, conjuncta tamen cum circumstantia pravae intentionis alterius, evadit mala; nam revera actio tua non est per se conjuncta cum mala voluntate illius, sed ille conjungit suam malam voluntatem cum actione tua; Unde tua actio non erit tunc causa per se influens in peccatum, sed tantum occasio qua ille abutitur ad peccandum. Vide dicenda l. 3. n. 571.

64. Quer. I. An famulus ratione famulatus possit comitari herum ad lupanar, vel sternere equum? Affirmant *Busemb. hic cum Nav. Man. etc. ap. Sanch. Dec. l. 1. cap. 7. n. 22.* At probabilius non sufficit ad id sola ratio famulatus, etiam si sine famuli ope herus adiret; saltem requiritur metus gravis damni. Ita *Sanch. l. c. Viva in prop. 51. Inn. XI. n. 5. Salm. tract. 21. c. 8. n. 72.* Qui recte advertunt id nunquam licere, si hærus ex comitatu animosior reddatur. An autem liceat famulo deducere concubinam in domum heri? Dicit *Sanch. l. c. n. 25. cum Nav. et Man.* quod si inter dominum et concubinam jam conventum erat, tunc famulus sola ratione famulatus excusatur, quando dominus etiam sine famulo æque peccatum committeret (Alias non excusatur nisi ex metu gra-

vis damni, ut *Sanchez n. 22.*). Et idem ait *num. 25.* de famulo deferente concubinam curru vel sella. Sed merito id non admittunt *Carden. et Milant. in dict. proposit. 51. et P. Concina tom. 2. pag. 284. et 285.* Idque tanto magis non admittendum de famulo vocante concubinam ad domum heri contra *Azor.* Et idem dico de Aurigis et Nautis vehentibus meretricem ad amasium, qui tantum excusari possunt ob metum gravis damni; vide *num. 76.*

65. Quær. II. An liceat famulo deferre munera meretrici ratione famulatus? Affirmant, loquendo tantum de esculentis et aliis munusculis; *Bus. et Sanch. lib. 1. cap. 7. n. 29. Spor. de 5. Præc. cap. 1. num. 99. et Pal. de Char. p. 11. n. 4. cum Nav. et Azor.* Sed verius *P. Conc. tom. 2. p. 284.* putat hoc esse intrinsece malum, quia revera munera per se turpem amorem fovant.

66. Quær. III. Utrum liceat famulo ostium meretrici aperire? Negat *Croix lib. 2. n. 235.* At communius affirmant eum *Bus. Salm. d. cap. 8. num. 74. Laym. de Charit. cap. 13. Res. 5. Tamb. cum Sanch. Dian. Azor. Sa, Rodr. etc.* Nec officit *propos. 51. Innocent. XI.* dicens: *Famulus, qui submissis humeris scienter adjuvat herum suum ascendere per fenestras ad stuprandam virginem, et multoties eidem subservit, deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta ne a domino male tractetur, ne torvis oculis aspiciatur, ne domo expellatur.* Nam *ly aperiendo januam* ex ipsomet contextu intelligitur de aperiitione per vim confecta, ut recte dicunt *Roncagl. de Char. Tract. 6. in Reg. pro praxi num. 4. post cap. 6. Salm. ibid. n. 74.* Modò (sunt) ipso non aperiente, adsit alius qui aperiat.

Quær. IV. An ex metu mortis vel magni damni liceat famulo subicere humeros, vel deferre scalam domino ascendenti ad fornicandum, vi aperire januam, et similia? Negant *Viva, et Milante in dict. prop. 51. P. Concina tom. 2. pag. 280. Salm. num. 75. Croix lib. 2. n. 244. et alii*. Quia, ut dicunt, tales actiones nunquam licent, utpote intrinsece malæ. Sed contradicunt *Busemb. infra n. 68. Sanch. dict. c. 7. num. 22. et Less. l. 2. cap. 16. num. 59.* quorum sententia spectata ratione mihi probabilius videtur. Ratio, quia, ut mox supra diximus, cum tu præstas actionem per se indifferentem scilicet, quæ potest esse bona et mala, non teneris nisi ex charitate ab illa abstinere, ne alter ea abutatur ad peccandum; Quando autem alias grave damnum metuis, licite permittere potes peccatum alterius; nam ex una parte charitas te non obligat cum gravi damno peccatum ejus avertere; et ex altera malitia alterius nequit mutare naturam tuæ actionis, ita ut de indifferenti evadat intrinsece mala. Et idem mecum sensit doctus Auctor continuation. *Tournely t. 1. pag. 303. dicens: Non teneor grave subire detrimentum, ut alterius peccatum avertam; ipse sane malitiam suam sibi imputet.* Nec valet dicere, quod præfatæ actiones sunt per se malæ quia cooperantur ad peccatum stupri; Idque probari ex ipsa prop. damn. ubi dicitur, *aut quid simile cooperando*. Nam respondetur, quod *To cooperando* non intelligitur de cooperatione formali, sed de materiali, cum de ea solum locuti sint AA. propositionis, et in tali sensu certe fuit propositio proscripta. Non autem verbis, *si id faciat metu notabilis detrimenti*, comprehenditur metus mortis; ibi enim declaratur qualis metus non exeuset, *puta ne a domino*



*male tractetur, ne torvis oculis aspiciatur, ne domo expellatur*: quæ mala certe non comprehendunt damnum mortis. Quia tamen prædictæ coöperationes vere concurrunt ad damnum stupri, quamvis solum materialiter concurrant ad peccatum stupratoris; puto nullum alium timorem excusare coöperantem, nisi mortis; Nam alias ob solum metum jacturæ facultatum, vel infamiae, non licet concurrere ad dehonorationem puellæ deslorandæ. Vide dicenda *lib. 3. n. 57. i.* ubi dicemus non licere pariter tibi scalam, vel claves tradere furi, nisi ob timorem mortis, vel infamiae cum *Tournely l. c.* Tradere autem gladium occisuro nunquam licet, quia non licet occidi innocentem, ut tu mortem vites, ut bene docent *Conc. tom. 7. p. 168. et Tourn. 304. V. lib. 3. num. 6. 7.*

67. Quær. V. An liceat famulo ob metum gravem scribere vel deferre literas amatorias concubinæ domini? Quidquid alii dicant, puto cum *Salm. num. 63. Sanch. num. 26. Viva. n. 5. Laym. Bonac. Tambur. etc. cum Croix lib. 2. n. 273.* hæc nunquam licere, quia formaliter concurrunt ad peccatum heri, fovendo turpem ejus amorem. Et hoc censeo dicendum cum *Sanchez et Salm. num. 67.* (contra *Pal. et Peb. ap. Tamb. num. 18.*) etiam in dubio, an literæ contineant amatoria; Quia, cum constet de turpi amore, moraliter creditur turpia continere. Si vero contineant sola signa urbanitatis, etiam requiritur ad excusandum famulum causa justa, ultra obsequium famulatus, ut dicunt *Salmant. Sanch. et Tamb. ll. cc.*

68. Quær. VI. An liceat famulo ministrare carnes in die vetito? Negant *Salm. cap. 8. n. 81. cum Pal. Vasq. Dian. etc.* Advertunt tamen in dubio præsumendum herum justa causa excusari. Sed vide *seq. num. 69. Qu. VII.*

» 5. Ad ea opera, quæ propinquius se ad  
» peccatum habent, aut juvant, v. gr. subji-  
» cere humeros, admovere scalas hero per fe-  
» nestram ascendenti ad concubinam, deferre  
» literas amatorias ad meretricem, comitari ad  
» duellum, etc. communis ratio famulatus non  
» sufficit, sed exigunt majorem necessitatem, et  
» causam, ut licite fiant: v. gr. periculum gra-  
» vis, aut saltem notabilis damni, si detre-  
» ctent; *ib.* \* (*Sed vide dicta mox supra ex*  
» *num. 66.*) \*.

69. » 6. Sicenim excusantur caupones vendentes  
» carnes in die jejunii comesturis, et vinum  
» ebriosis, si alii æque venderent. *Sanch. Bo-*  
» *nac. etc.*

Quær. VII. An liceat cauponibus vendere vi-  
num iis quos ebriandos prævident? Excusat eos  
*Pr. Conc. n. 29.* ex metu mortis, aut mutila-  
tionis, quia (ut ait) *tam venditio quam potus*  
*sunt actiones indifferentes, et sola malitia biben-*  
*tis intemperanter ebrietas accidit*; unde infert  
cauponem nonnisi ex charitate teneri impedire  
ebrietatem illorum. Probabilius tamen mihi vi-  
detur dicendum cum *Bus. hic num. 6. Bonac.*  
*et Sanch. Elb. n. 383. Spor. de 5. Præc. c. 1.*  
*num. 82. Tournely. tom. 3. n. 335. v. Secun-*  
*da, Tomb. num. 36. et aliis satis communiter*  
*apud Croix n. 261.* quod caupones satis excu-  
santur ob metum cujuscunque gravis damni,  
puta si alias notabiliter læderentur ex diminn-  
tione emptorum. Ratio quia, cum nullum eo  
casu grave damnum temporale obveniat ebriсту-  
ro, charitas non obligat cum gravi incommodo  
peccatum illius vitare. Et idem dico cum *Bus-*  
*semb. ut supra num. 6. et Sanch. ibid. ac Mar-*  
*zot. tom. 1. pag. 480.* de præbente carnes co-  
mesturis in die vestito. Illud autem quod dicunt

*Tambur. num. 37. cum Sanch, et Pal. scil. licitum esse vendere vinum eis qui revendent mixtum aqua, si æque commode nequeant aliis vendere, id non admittimus, nisi ob metum mortis, vel infamiae.*

» 7. Ea quæ ad peccatum proxime concurrunt, vel inducunt, vel cum iustitia pugnant, etsi ex genere suo sint indifferentiæ; v. g. hero alterum occisuro gladium dare, ostendere illum, qui ad necem quæritur, compulsare campanam (sine scandalo tamen) ad concionem hæreticam, meretricem, etsi conductam, ac paratam e domo evocare, et ad herum deducere, furi scalam applicare, genti injustum bellum dare mutuas pecunias, pagum hæretico domino vendere, gravissimam causam requirunt, hoc est, metum tanti mali, quod secundum leges charitatis nemo teatur subire ad evitandum malum alterius, v. g. si alias occidendus esset, *Laym. cap. 13. num. 4.*

» 8. In civitatibus, in quibus vitandi majoris mali causa permissum est, licet domum locare usurario (excipit tamen jus Alienigenam), et meretricibus; maxime si alii conductores desint, nisi tamen meretrices graviter nocerent vicinis honestis, vel ob situm ansam majorem darent peccatis. *Sanch. lib. 1. mor. cap. 7. Bon. loc. cit. \* (Ita etiam Salmant. Tract. 21. cap. 8. num. 65. cum Trull. Vasquez, Prado, Led. et Viva cum Suar. Less. Azor. et aliis communiter).*

» 9. Excusantur a mortali, imo etiam veniali, si causa adsit, artifices, qui faciunt, aut vendunt res indifferentes, quibus quis bene potest uti, licet plurimi abutantur, v. g. aleas, fucos, gladios. Ratio est, quia remote

» tantum ordinantur ad peccatum, et simplici-  
 » ter impediri non possunt. Quod si tamen abu-  
 » sus esset contra iustitiam, non liceret; v. g.  
 » si occisuro dares gladium ob magnum pre-  
 » tium, quod offert. Item, si quis sciat hunc  
 » innocentem non pervertendum; nisi per has  
 » suas merces: quia modicum lucrum certæ sa-  
 » luti alterius est postponendum. *Sanch. l. c.*  
 » Malum non est præsumendum: unde licite  
 » possunt vendi alere, fuci; gladii; venena (scil.  
 » ea tantum, quæ possunt deservire etiam ad  
 » medicinam) cuicumque, quem abusus fore  
 » non constet. \* (*Ita Salmant. de Contract.*  
 » *cap. 2. num. 22. cum S. Th. et communi*) \*.

Dubium autem versatur, quando verosimiliter  
 creditor emtor abusus? *Busemb. hic cum*  
*Sanch.* dicit non licere illa vendere ob lucrum.  
*At Tamb. lib. 5. cap. 1. §. 4. n. 33. et Sal-*  
*mant. ibid. num. 33. cum Bon. Rebell. Tap.*  
*Sylvest.* dicunt licere, si venditor non posset  
 sine damno a venditione recedere: sive ut lo-  
 quitur *Tamb.* si iacturam pateretur, res suas  
 non vendendo.

Eodem modo licitum esset vendere ornatus  
 puellæ abusuræ, si illa ab aliis æque emeret,  
 ait *Croix lib. 2. num. 263. cum Navar. Azor.*  
*Sanch. Bon. Dian.* Cum, negando tunc vendi-  
 tionem, neque impediretur peccatum. Sed hoc  
 non admittendum, juxta dicta *numer. 47. vers.*  
*Secunda*, nisi venditor alioquin notabile patia-  
 tur incommodum.

72. » 10. Excusantur etiam, qui ob justam  
 » causam vendunt agnum Judæo vel Infideli  
 » usuro ad sacrificium. Item qui Judæorum Sy-  
 » nagogas, hæreticorum templa, legitimo Ma-  
 » gistratu permittente, ædificant, vel restau-  
 » rant: præsertim si fieret æque sine ipsis. Na-

Cap. II. De Præcepto etc. Dub. V. 117

» *varr. l. 5. cons. 1. de Judæis. Laym. l. 2.*  
 » *t. 3. cap. 13. num. 4.* Venena autem ven-  
 » dere nisi iis, qui bene usuri putantur v. g.  
 » ad confectionem colorum, vel medicinam,  
 » non licet. v. *Sach. 1. mor. cap. 7.* Unde  
 » venditio veneni, quod non servit, nisi ad ho-  
 » minis occisionem, simpliciter est mala.

73. » 11. Christiani captivi, ex gravi metu,  
 » in triremibus Turcarum, vel Hæreticorum,  
 » licite remigant contra Catholicos, sarcinas,  
 » machinas, arma ad bellum necessaria conve-  
 » hunt, propugnacula ædificant, etc. Ita pro-  
 » babiliter *Less. Sanch. Suar. Laym. lib. 2.*  
 » *t. 3. c. 13.* contra *Tol.* et alios, qui docent  
 » peccare mortaliter. Quod si tamen eo loco res  
 » esset, ut hæc negantes a magno periculo clas-  
 » sem Christianam eriperent, vel victoriam con-  
 » ferrent, tenerentur tantum bonum vitæ suæ  
 » anteferre. *Suarez, Lessius, Sanch. loc. cit.*

74. » 12. Incolæ urbis, vel provinciæ, quam  
 » Tyrannus occupavit, licite manent inter ini-  
 » quos possessores, eosque cogente imperio ju-  
 » vant excubiis, fossione, contributione: idque  
 » ex legitimi Principis præsumto consensu: ex  
 » quo etiam talia obsequia licite promittunt cum  
 » juramento, ad majora mala sua, et legitimi  
 » Principis declinanda. *Laym. loc. cit. num. 5.*

75. » 13. Nautæ, et aurigæ Catholici in Hol-  
 » landia, etiam siue gravi metu, si absit prava  
 » intentio, licite velunt annonam ad castra  
 » hæreticorum, si adsint alii, qui illis cessan-  
 » tibus, facerent: quia, nisi id faciant, exclu-  
 » dentur omni lucro tanquam osiores boni pu-  
 » blici. *V. Less. lib. 2. c. 19. Sanch. lib. 1.*  
 » *c. 7. Fill. t. 22. cap. 5.*

An autem liceat aurigis, aut nautis vehere  
 meretricem ad amasium pro sola mercede lu-

cranda? Affirmant *Spor. de V. Præc. cap. 1. num. 94. Salm. dict. cap. 8. n. 72. cum Morrell. et Diana apud Tamb. d. cap. 1. §. 4. num. 36. ex Croix l. 2. num. 274. cum Nav. Quia (ut ajunt) hi sunt causa tantum remote coöperans. Sed recte negant Sanch. Dec. lib. 1. cap. 7. num. 25. Bon. de Matr. p. 14. n. 6. Ronc. de Char. cap. 6. Reg. in praxi num. 2. et Viva in prop. 51. Inn. XI. n. 5. qui contrariam opinionem ait non esse solide probabilem; hi omnes dicunt eos tantum excusari ob grave damnum vitandum: Imo *Angles apud Sanch.* putat nunquam licere, utpote intrinsece malum.*

76. Adduntur alii casus. 1. Peccat puella acceptans munera ab amasio, qui turpiter eam concupiscit, quia fovet amorem. *Croix lib. 2. n. 264. cum Spor.*

77. 2. Peccat reddens gladium occisuro, nisi metus gravis incommodi excuset. *Croix n. 265. cum Sanch. Bonac. etc.* Sed vide n. 571. *Secus circa finem.*

3. An liceat petere juramentum a pejeraturo? Negant *Vasq. et Sotus ap. Croix lib. 2. n. 268. item Pontius de Matrim. lib. 5. cap. 18. n. 62. ex D. Aug. et D. Th. 2. 2. quest. 98. art. 4. ad 4. Ratio, quia (ut ait S. Th.) in juramento ejus, qui falsum jurat, non videtur esse aliud bonum, quo uti liceat. Sed probabilius affirmant Salm. tract. 21. cap. 8. num. 78. Tournely tom. 3. p. 335. et Bonac. de 2. Præc. D. 4. p. 11. num. 1. cum Cajet. Salon. Suar. Reg. Fill. et Tamb. et Dian. ap. Croix loc. cit. Modo adsit justa causa, nempe si Judex petat juramentum ratione Officii (quod idem S. Thom. loc. cit. in corp. etiam admittit); vel si magni tua interest uti perjurio ad fraudes alterius ma-*

nifestandas, ut jus tuum consequaris: et sic non deest bonum utile petentis, quod sufficit pro justa causa. Et ita intelligendus *D. Thom.* ex contextu verborum in *loc. cit.* Commune autem est licere petere ob aliquod bonum juramentum a juraturo per falsos Deos. Ita *S. Thom. ibid.* et *Sanch. Dec. lib. 3. cap. 8. num. 21. cum Gabr. Suar. Sayr. etc. contra Abulens.* Si vero res sit vera, et alter ignoret, vel sit falsa, et alter credat veram, non licet eum inducere ad juramentum, ut recte dicunt *Salm. cap. 8. num. 79. et 80.*

4. Licitum est petere mutuum ab usurario propter aliquod bonum; est communis sententia cum *S. Thom.* qui 2. 2. quæst. 68. art. 4. sic docet: *Licet ab eo, qui usuras exercet, mutuum accipere sub usuris propter aliquod bonum, quod est subventio suæ necessitatis, vel alterius.* Et alibi, *de Malo quæst. 13. art. 4. ad 17.* inquit: *Si aliquis propter aliquod bonum utatur malitia Usurarii, accipiens ab eo mutuum ad usuram, non peccat. Si vero persuaderet, quod mutuaret ad usuram ei, qui mutuare ad usuram paratus non esset, absque dubio in omni casu peccaret.* Idque licet, si adsit causa vel necessitatis, vel notabilis utilitatis; ut dictum est *num. 49. et ut dicunt Salm. d. cap. 8. n. 76. et 77. cum Caj. Nav. Sanch. Bon. Pal.* Asserit autem *Lugo D. 25. num. 235.* commune esse inter DD. sufficere ad excusandum petentem mutuum ab usurario a peccato gravi quamcumque utilitatem etiam modicam. Sed huic non acquiesco juxta dicta *num. 47. v. Secunda. Ratio*, quia ad excusandum grave peccatum, gravis requiritur causa. Secus igitur dicendum, si adsit notabilis utilitas, ut ajunt *Croix lib. 2. num. 272. et Sporer. de V. Præc. c. 1. n. 75.*

Et tunc licet etiam offerre ei usuras, conditionate dicendo: *Si vis usuras, dabo, ut Mol. Sanch. Hurt. Tamb. ap. Croix lib. 2. n. 267.* Immo licitum est etiam absolute eas offerre, dicendo: *Da mihi mutuum, et ego tibi solvam usuras, ut dicunt Lugo disp. 25. num. 227. Sanch. Dec. cap. 8. n. 26. cum Trull. Bunn. Dian. Spor. num. 77. et alii apud Salm. de Contr. cap. 3. num. 111.* Et licet *Salm. ibid. cum S. Th. Bon. etc.* oppositum verius censeant, recte tamen probabilem vocant primam sententiam; quia illa oblatio revera semper est conditionata, scilicet si nolis dare gratis, offero usuras. Sed hoc nequaquam admitterem, si alter non esset paratus ad mutuum dandum sub usuris; quia aliter, qui sic eum alliceret ad inutuum, directe induceret ad peccandum. Notant autem *Salm. d. cap. 3. de Contr. n. 122.* quod requiritur major causa ad petendum mutuum ab eo, qui scitur non daturus, nisi sub usuris: requiritur saltem magna utilitas, ut supra.

78. 5. Qui adjuvat usurarium tantum in numerandis pecuniis, scribendis rationibus, aut in deferendo pignore, potest excusari a peccato sola ratione famulatus; Secus vero si exigat usuras, quia exatio est cooperatio proximior ad peccatum usurarii, etiamsi amicabiliter exigat. Quod si exigeret per vim aut minas, non solum peccaret, sed insuper teneretur ad restitutionem; Vide dicenda *lib. 3. num. 789.*

6. Licet dare mutuum abusuro, si adsit causa, scilicet si aliter illi multum possit nocere. Ita apud *Croix num. 269. Azor. et Less.* qui tamen dicit, non excusare causam lucri etiam justi.


79. 7. Probabilius licet petere Sacramenta a Sacerdote excommunicato tolerato; quia ipse



Cap. II. De Præcepto etc. Dub. V. 121  
tunc minime peccat ea ministrando. *Tamb. lib.*  
*5. cap. 1. §. 4. num. 40. cum Sanch. et Hurt.*  
*contra Suar. Vide dicenda lib. 7. num. 39.*

Conveniunt etiam DD. licitum esse petere Sacramenta a Sacerdote, qui est in mortali, si adsit necessitas, aut notabilis utilitas. Sed dubium est, si utilitas non sit magna, an tunc liceat? Affirmant *Azo. Hurt. et Dian. ap. Croix lib. 2. n. 272.* Sed negandum cum *Croix*, juxta dicta *n. 47.* etiamsi Sacerdos sit paratus ad sacrilege ministrandum.

Volenti autem frangere jejunium, ubicunque inveniet cibos, licet eos præbere, dicendo conditionate: *Si vis jam comedere, coena apud me,* ut dicunt *Sporer de V. Præc. n. 48. et Less. l. 4. cap. 2. num. 24. cum Navarr. Cajetan. ap. Viva de Præc. D. Qu. 10. Art. 4. n. 6.* Ratio, quia peccatum tunc jam est interne patratum, nec impediri potest, ut supponitur. Sed huic opinioni non acquiesco, et sequor *Salm. Tract. 21. cap. 8. num. 81. et Ronc. de Carit. cap. 6.* qui cum *Pal. Vasq. Dian. etc.* oppositum sentiunt, quia id in iis circumstantiis est objective malum, ad quod non licet cooperari nisi tantum permissive, modo adsit causa gravis, juxta nostrum principium positum *num. 47. vers. Secunda*, et toties repetitum, nempe quod ad permittendum grave peccatum proximi, quod ille committet ex occasione a nobis præstita, non sufficit, quod alter sit paratus ad peccandum, sed insuper requiritur gravis causa necessitatis, vel saltem utilitatis, quæ nos deobliget a præcepto caritatis: Alioquin graviter peccamus tam contra caritatem, quam contra virtutem, quæ a proximo læditur.



## LIBER III.

DE PRÆCEPTIS DECALOGI, ET ECCLESIE.



## TRACTATUS PRIMUS.

DE PRIMO PRÆCEPTO DECALOGI.

» **H**Ujus præcepti, prout est affirmativum,  
 » materia propria sunt actus virtutis Religionis.  
 » Est autem hæc Virtus moralis, qua interior,  
 » et exterior cultus Deo debitus exhibetur. Actus  
 » ejus internus est animi submissio, qua infi-  
 » nitam Dei excellentiam veneramur. Esternus  
 » est, quo internum testamur, ut oratio, sa-  
 » crificium, etc. de quibus vid. *Schol.* 1. 2.  
 » et 3. *parte*. Prout vero est negativum, pro-  
 » hibet vitia Religioni opposita: quæ quia op-  
 » ponuntur virtuti inter morales præcipuæ, sunt  
 » peccata, post ea, quæ contra virtutes Theo-  
 » logicas committuntur, gravissima et ex ge-  
 » nere suo mortalia. Sunt autem duplicia: alia  
 » quæ opponuntur per excessum, ut Supersti-  
 » tio cum suis speciebus: alia per defectum,  
 » ut Irreligiositas cum suis.

Ex hac igitur Religionis virtute tenemur ad  
 orationem, quæ ex *S. Th.* 2. 2. *quest.* 83.  
*art.* 1. definitur, *Petitio decentium a Deo*. Et  
 probabilius est, orationem nobis esse necessa-  
 riam necessitate medii cum *Suar. Less. Laym.*  
*Bonacin. Azor. etc. apud Salmantic. Tract.*  
*21. cap. 9. num. 11. S. Thom. ibid. contra*

124 Lib. III. Tract. I. De Primo Præc. etc.

*Sylv. Led. Villal. etc.* qui putant, necessitate præcepti. Quando autem obliget præceptum orationis? *Salmant. ibid. num. 29. cum Trull. et Villal. contra alios*, censent obligare per se triplici tempore, scilicet in instanti usu rationis, in articulo mortis, semel saltem in anno. Dicitur *per se*: nam per accidens, certum est obligare, quando urget magna tentatio, quæ alias vinci nequeat: vel quando urget magna calamitas Populi, aut proximi. *Salm. loc. cit. num. 15.*

C A P U T I.

DE SUPERSTITIONE, ET SPECIEBUS EJUS.

D U B I U M I.

*Quid sit, et quotuplex.*

1. *Quid est Superstitio?*
2. *Quotuplex est Superstitio?*
3. *Quis committat Superstitionem falsi cultus?*
4. *Qui cultus superflui?*

» **R**esp. 1. Superstitio est falsa religio; seu  
» cultus vitiosus veri, vel falsi Numinis. *Less.*  
» Et convenit cum definitione communi ex *S.*  
» *Thom.* quia dicit esse vitium, quod religioni  
» opponitur secundum excessum. Dicit *per ex-*  
» *cessum*; non quod Deus nimium coli possit,  
» aut majore honore, quam dignus sit: sed id  
» intelligitur secundum circumstantias, eo quod  
» exhibeas cultum, vel quem non debes, vel  
» eo modo quo non debes, vel illi cui non debes.  
» Resp. 2. Superstitio est duplex; Alia *cul-*  
» *tus indebiti*, sive incongrui, quo verus Deus,  
» sed modo indebito, colitur, tribuendo ei cul-  
» tum *falsum*, et perniciosum, vel *superfluum*,  
» qui nimirum sit contra, vel præter Ecclesiae  
» consuetudinem, ac præscriptum. Alia est ra-  
» tione *rei cultæ*, cum scilicet cultus Deo de-  
» bitus falso Deo, vel creaturæ defertur. Et  
» hæc subdividitur in Idololatriam, Divinatio-  
» nem, et Vanam observantiam; ad quam Ma-  
» gica vel revocatur, vel potius quartam spe-

» ciem constituit. *Laym. lib. 4. tom. 10. cap.*  
 » 1. ex *S. Th. quæst. 92. art. 2.*

*Ex quibus resolves.*

3. » 1. Superstitionem *cultus falsi* committit,  
 » I. Qui Deo nunc offert cultum per cæremonias  
 » veteris legis, verbi gratia, circumcisionem,  
 » immolationem agni, etc. quia hæc significant  
 » Christum adhuc venturum, et nondum venisse.  
 » II. Laicus, qui Deum colit tanquam publicus  
 » Minister Ecclesiæ, verb. gr. sacrificando, absolvendo.  
 » Quod semper esse mortale, docet *Suar. de rel. lib. 2. de superst. c. 2.*  
 » III. Is qui sua auctoritate proponit aliqua faci-  
 » cienda, tanquam ordinata ab Ecclesia ad Dei cultum.  
 » IV. Qui falsas Reliquias proponit; vel miraculum  
 » factum esse per aliquam imaginem; vel se habuisse  
 » has, vel illas revelationes fingit, sive ad faciendum  
 » lucrum, sive ad devotionem augendam. V. Qui, ut  
 » populum moveat, fingit miraculum aliquod, vel  
 » historiam reperiri in Scriptura Sacra, etc. Et hæc  
 » superstio, etsi sit de genere suo mortalis, quia  
 » primæ veritati injuriam irrogat, et religionem  
 » fundat in mendaciis: sæpe tamen excusatur ab  
 » ignorantia, vel simplicitate. *Less. lib. 1. c. 43. Sanch. 2. mor. cap. 37. Nav. cap. 12.*  
 » *Laym. loc. cit. Bon. d. 3. q. 5. p. 1. 4.*  
 » 2. Superstitio *cultus superflui* est, verb. gr. I. Cere-  
 » monia audiendi Missam ante ortum solis cum certo  
 » numero, situ, ordine cæreorum, vel Sacerdotis qui  
 » dicatur Joannes, vel qui habeat staturam Christi,  
 » etc. quia hic cultus est ex se ipso inanis, et ad  
 » spiritum excitandum inutilis. II. Jejunare die Do-  
 » mini, cum non jejunas aliis diebus. \* (*Quam-*

» vis ex cap. Sacerdos 26. Qu. vetetur jejunare  
 » in die Dominico, ad extirpandam hæresim  
 » Manichæorum negantium Resurrectionem Chri-  
 » sti Domini; qui tamen mortificationis causa  
 » jejunaret, non peccaret, ne leviter quidem,  
 » ut ait Viva lib. 2. Qu. 2. Art. 1. numer. 3.  
 » imo mereretur, cum talem hæresim jam Ec-  
 » clesia aboleverit. Etsi Salmant. Tract. 21.  
 » cap. XI. num. 8. dicant melius esse abstinere  
 » a tali jejuniis; et ideo communiter docere DD.  
 » quod jejunium promissum in die Dominico  
 » possit in Sabbato adimpleri: Et si quis vove-  
 » rit jejunare per mensem, non teneri in die  
 » Dominico, nisi expresse intenderit)\*. Item  
 » in Missa contra rubricam plures formare cru-  
 » ces, pluries dicere Alleluja, dicere Gloria,  
 » vel Credo contra rubricas, aliasque ceremo-  
 » nias demere, vel addere (etsi fiant ex devo-  
 » tionē; hæc enim corrigenda est), quia sunt  
 » præter Ecclesiæ consuetudinem. Hæc tamen,  
 » et similia, bona intentione facta, venialia  
 » tantum sunt ordinarie, ut docet Tol. Less.  
 » loc. cit. d. 1. Nav. et Laym. quia est mate-  
 » ria levis, et actio ex se non mala, et multa  
 » excusat simplicitas. Quod si tamen ex se mala  
 » esset, ut si rem furtivam offeras, turpia in  
 » Templo canas, ore vel organo notabiliter la-  
 » scivam vel ad impuritatem provocantem vo-  
 » cem edas, est superstitio fere mortalis, ut  
 » Laym. loc. cit. ex comm.

## DUBIUM II.

### *De Divinatione.*

*Quid , et quotuplex sit.*

5. *Quid est Divinatio ?*
6. *Alia est cum expressa invocatione Dæmonis, alia cum tacita.*
7. *An divinare sit semper peccatum mortale ?*
8. *Resolutio casuum. Quid sentiendum de Virga Divinatoria ?*
9. *An liceat divinare per somnia ?*
10. *An sit licita Astrologia , et qualis ?*
11. *An liceat adhibere Sortem divinatoriam ?*

5. » **R**esp. I. Divinatio est, cum quis opem  
 » dæmonis tacite vel expresse invocat, ut no-  
 » scat res contingentes et libere futuras, aliter-  
 » ve occultas, et naturaliter incognoscibiles.  
 » Quæ si sint tales, quas solus Deus scire po-  
 » test, involvitur tacita Idololatria, quod Dæ-  
 » moni tribuatur cultus divinus; si vero sint ta-  
 » les, quas Dæmon naturaliter scire potest (nam  
 » ex signis, aliisque modis occultissima quæque  
 » cognoscere potest, etiam plurimas hominum  
 » cogitationes, et res futuras, v. *Del. lib. 4.*  
 » c. 2. q. 2. *Sanch. 2. mor. cap. 28*); nihilo-  
 » minus illicita est, eo quod commercium ha-  
 » beatur cum Dei jurato hoste, quod importat  
 » quandam prodicionem, et apostasiam a Deo,  
 » ac forte etiam (ut vult *Suar. contra Valent.*)  
 » superstitionem. Vid. *Laym. cap. 3. Bon. p.*  
 » 3. *S. Th. 2. 2. quæst. 5. art. 2.*  
 6. » Resp. 2. Divinatio est duplex: una, in



» qua est invocatio , vel pactum expressum cum  
 » dæmone , et generali nomine dicitur Necro-  
 » mantia : ut , cum Dæmon occulta docet per  
 » Pythones , arreptitios , præstigias , per personas  
 » mortuorum ; vel virorum apparentium , alia-  
 » ve signa in aëre , aqua , igne , speculis : Alia  
 » est , in qua tantum est invocatio , vel pactum  
 » tacitum , seu interpretativum , ut eum ex li-  
 » neamenti corporis , vocibus , garritu avium ,  
 » et similibus , quibus se Dæmon immiscere so-  
 » let , quæritur cognitio , ad quam ea sunt im-  
 » proportionata , *S. Thom. quest. 95.* Cum verò  
 » utriusque speciei variæ rursus sint species , eas  
 » hic omitto , quod secundum sententiam com-  
 » muniorum , in genere moris non differant ,  
 » nec specialem habeant malitiam ; ideoque in  
 » confessione non sit opus explicare , an v. gr.  
 » facta sit divinatio ex speculis , aëre , mortuo ,  
 » etc. Exprimendum tamen necessario est , u-  
 » trum invocatio , sive pactio expressa , an taci-  
 » ta intervenerit ; quia , sive hæc moraliter in-  
 » ter se specie differant , sive non , notabiliter  
 » tamen mutant iudicium Confessarii. \* ( *Me-  
 » lius , quia invocatio expressa sæpe adjuncta  
 » habet alia peccata , scilicet hæresim , adoratio-  
 » nem Dæmonis , etc. Cæterum probabile est  
 » de se non esse obligationem explicandi , ut  
 » Salm. Tract. 21. cap. 11. n. 20. et 30. cum  
 » Victor. ) \* V. Laym. loc. cit. Sanch. loc.  
 » cit. Less. loc. cit. disp. 5. Del. 4. dis. 4. c.  
 » 2. Bonac. q. 5. p. 4.*

Divinatio per expressam Dæmonis invocatio-  
 nem dicitur *Oraculum* , si fiat per idola. *Necro-  
 mantia* specialiter , si per apparentem mortuo-  
 rum resuscitationem ; nam generaliter *Necroman-  
 tia* comprehendit alias etiam species *Divinatio-  
 nis*. *Oniromantia* , si per somnia , *Præstigium* ,

130 Lib. III. Tract. I. De Primo Præc. etc:

» si per fictas figuras. *Aruspicina*, si per signa  
 » in extis animalium. *Geomantia*, si per fi-  
 » guram in terra. *Hidromantia*, per figuram  
 » in aqua. *Aromantia*, in aëre. *Pyromantia*,  
 » in igne.

Per tacitam vero invocationem dicitur *Astrologia*, si fit per situs, et motus astrorum. *Auspicium*, per signa volucrum. *Augurium*, per signa animalium: *Omen*, si fiat per casum verb. gr. per occursum funeris etc. *Sortilegium*, si fiat ex sorte, v. gr. ex aperitione libri, jactu taxilorum.

7. » Resp. 3. Divinatio, quæ fit per actum  
 » expressum, et Dæmon expresse invocatur, ex-  
 » cusari non potest a mortali; eam vero, quæ  
 » fit per actum tantum implicitum, aliquando  
 » excusari a mortali quidam asserunt; videlicet  
 » tunc; cum vel intercedit simplicitas, et igno-  
 » rantia non crassa, neque affectata: vel fides  
 » certa non adhibetur, sed tantum timor qui-  
 » dem, aut suspicio concipitur eventus futuri.  
 » *Laym. lib. 4. tract. 10. c. 3. Sanch. Less.*  
 » *Suar. Cajet. Bald. tract. 3. lib. 4. d. 3. num.*  
 » *2. etc.* eo quod tunc superstitiosa vere non  
 » sit, cum intentio non sit talis. Vid. *Suar.*  
 » *Less. Sanch. Laym. Cajet. Navarr. Sayr.*  
 » *Valent. et Tanner. d. 5. de rel. quæst. 7.*  
 » *disp. 1. num. 21. et dub. 2. num. 25.*

*Ex dictis resolvuntur sequentes Casus.*

8. » 1. Expresse censetur invocare, seu con-  
 » venire, et pactum facere cum Dæmone, qui  
 » vel verbis Dæmonem invocat: vel saltem fa-  
 » cto aliquid usurpat, per quod scit, aut pu-  
 » tat Dæmonem cooperari.

» 2. Is vero tacite paciscitur, qui vanis, et

» naturaliter improporionatis utitur ad aliquid  
 » cognoscendum, vel efficiendum. Neque requi-  
 » ritur, ut Dæmon aliquando pactus sit, se ad  
 » talis vani medii adhibitionem, concursurum;  
 » eo enim ipso, quo quis vanitatibus iis utitur,  
 » Dæmon se immiscet, licet præter intentionem  
 » utentis sit eum invocare, ut docent *Suar.*  
 » *Less. et Sanch. ll. cc.*

» 3. Non excusatur a peccato, qui utendo  
 » talibus rebus, quas constat esse naturaliter  
 » proportionatas, protestatur, se nullum cum  
 » Dæmone commercium intendere, quia reipsa  
 » facit contra suam protestationem. Cum enim  
 » nec Deus, nec Angeli boni talibus se misceant,  
 » Dæmon implicate iis invocatur, ut præter ci-  
 » tatos docent *Laym.*, et *Bonac. ll. cc.*

» 3. Neque is excusatur, qui talia media uti-  
 » lia credit propter experientias, quia has Dæ-  
 » mon procurat, ut Homines paulatim illa-  
 » queat, et ad similia usurpanda inducat. Vid.  
 » *Sanch. 2. mor. cap. 38. \** ( *Cum Viva loc.*  
 » *cit. n. 3. \** )

Quæres, quid sentiendum de *Virga Bifurcata*  
 vocata *Divinatoria*, cujus conversione aliqui u-  
 tuntur ad inveniendos thesauros in terra abdi-  
 tos, aquarum, aut metallorum venas, transpo-  
 sitos agrorum limites, et præsertim fures, ac  
 homicidas? Usus hujus virgæ aliqui Doctores  
 Medici, et etiam Theologi conati sunt natura-  
 lem probare et innocentem; sed merito eum re-  
 probat *Contin. Tourn. tom. 2. pag. 268. cum*  
*P. Malebr. P. Lebrum, et aliis.* Ratio 1. quia,  
 si talis Virga naturaliter in manu hominis mo-  
 vetur ac volvitur, intentio nihil conferre potest  
 ad motum; Virga tamen remansit immota in  
 manibus eorum, qui protestati sunt nolle ali-  
 quid superstitiosum, de quo *P. Lebrum* plura

exempla refert: moveri contra cæpit in manibus aliorum, qui nullam præmiserunt protestationem. Ratio 2. Lapis constitutus pro limite agri nihil differt in materia ab alio lapide; ergo impossibile est, ut naturaliter Virga moveatur erga primum lapidem, et non erga secundum. Ratio 3. Quod agit physice, nequit dirigi ab intentione hominis ad agendum vel non, sed positum in iisdem circumstantiis, eodem modo agit; At Virga Divinatoria movetur juxta mentem ferentis, ita ut si ille quærit metalla, non aquam, Virgo non movetur cum invenit aquam, sed tantum si invenit metalla, et sic contra: patet igitur talem motum non posse esse naturalem.

» 5. Si quis ab astris; somniis, similibusve,  
 » ita dependeat, ut omnes pene actiones suas et  
 » vitam juxta ea regulare velit, eum mortaliter  
 » peccare docent *Less. Suar. Sanch. loc. cit.\**  
 » ( *idem Salm. c. 11. n. 64. cum Nav. Trull.*  
 » *et Pal. \** )

» 6. Ex talium observatione semel, atque  
 » iterum aliquid omittere, ad quod aliquis sub-  
 » mortali non teneris; veniale tantum esse cen-  
 » sent *Cajet. et Arm. Vid. Somnium; Uti et*  
 » subiinde timere leviter, ne ita sit, aut eve-  
 » niat quod portendunt, ut notat *Suar. sup.*  
 » *loc. cit. \** ( *Idem dicunt Salmant. dict. c.*  
 » *11. n. 64. \** )

9. Quæritur, an divinare futura per somnia, semper sit illicitum? Respondetur, si somnia sint certo, vel probabilius a Deo, possumus, imo tenemur eis credere, cum Deus promiserit aliquando per somnia loqui, ut *N. 11. Per somnia loquar ad illum. Ita Salm. c. 11. num. 60. cum S. Thom. S. Greg. Niss. Suar. Less. etc.* E converso grave peccatum esset credere

Cap. I. De Superstitione etc. Dub. II. 133  
 somniis diabolicis, ut in *cap. Episcopo. 26. qu. 5. Salmant. num. 66. cum Laym. Less. etc.*  
 Quandoque tamen potest homo rudis excusari a mortali ratione simplicitatis, vel quia solum tenuiter credit eisdem, ut bene advertunt *Anacl. tract. 5. D. 2. num. 22. et Busemib. mox infra.*  
 Quid in dubio, an somnia sint a Deo, vel Dæmone? Resp. si non constet certo, vel probabiliter somnia esse a Deo; non licet eis credere; Ita *Salm. num. 61. cum Suar. Less. Sanch. Pal. etc. ac Spor. de 1. Præc. n. 19. ex comm.* Ratio, quia Deus, cum immittit somnia, simul etiam reddit hominem certum, vel fere certum, quod ab ipso immittantur. Pro regula autem discernendi, an somnia sint a Deo, vel a Dæmone, observandum, an somnium impellat ad opus bonum, vel malum, aut præsumtuosum. Item an post somnium homo se sentiat perturbatum, et minus promptum ad opera pietatis; vel alacrem, et promptum; tunc enim potest prudenter censere somnium esse a Deo. Ita *Elbel de 1. Præcept. num. 491. et Anacl. loc. cit. n. 23. ex communi DD.*

» 7. Communiter, et ut plurimum in similibus, in quibus tacitum tantum est pactum, venialiter tantum peccari; docent consequenter Doctores supra citati, et mox citandi: quia communiter fere aliquid istorum intervenit; quæ a mortali excusare dicunt, ut v. gr. quod si fides integra non adhibeatur. *Sanch. loc. cit. num. 13. Caj. in summ. Armil. etc.* Recte tamen notat *Delrio*, esse semper rem valde periculosam, juxta illa suas actiones dirigere, etiam non credendo. Vid. *Sanch. loc. cit.*

» 8. Licita est. 1. *Physiognomia*, quæ ex vultu, dispositione, et habitudine corporis, et mem-

» brorum : 2. *Chyromantia* , si ex lineis , et  
 » partibus manuum consideret temperiem corpo-  
 » ris , imo etiam animi propensiones , et affe-  
 » ctus probabiliter conjectet. \* ( *Idem Sal-*  
 » *mant. num. 73. et 74. cum Azor. Bonac.*  
 » *Sanch. )* \*. 3. Item divinationo , quæ ex so-  
 » niis conjectat hominis complexionem , et hinc  
 » affectiones animi diurnas. 4. Item alia , qua  
 » ex avium , piscium aliorumve animalium vo-  
 » ce , motu , aliisque actionibus naturales aliqui  
 » effectus prænuntiantur futuri ut plurimum ,  
 » v. g. serenitas , pluvia , etc. 5. *Astrologia*  
 » naturalis , quæ effectus corporeos , et natura-  
 » les , ut ventos , eclipsim , fertilitatem , salu-  
 » britatem , morbos , et similia prædicat , quæ  
 » ad medicinam , vel agriculturam conducunt ;  
 » imo etiam , cum ex puncto nativitatis , sive  
 » horoscopo probabiliter prædicat complexionem  
 » corporis , et affectiones animi. Quia hæc divi-  
 » nationes omnes naturales sunt , et mediis pro-  
 » portionatis utuntur. *Less. lib. 2. cap. 43.*  
 » d. 7.

10. Alia est *Astrologia Naturalis* , quæ con-  
 jicit pluvias , tempestates , sterilitates Terræ , et  
 similia ; et hæc non est illicita , ut ait hic *Bu-*  
*semb. cum Salm. Tract. 21. cap. 11. num. 35.*  
 quamvis ut plurimum sit inutilis , et incerta.  
 Alia est *Judiciaria* , quæ ex signis in astris præ-  
 dicat futura contingentia , quæ pendent ex ho-  
 minum voluntate ; et hæc , si fiat de persona  
 particulari , illicita est , ut dicunt *Salm. d. 1.*  
*num. 46. cum Trull. Sanch. Sal. etc. contra*  
*Pal. et alios apud ipsum ;* Etiam si , non ut cer-  
 to , sed ut conjecturaliter seu probabiliter fiat ,  
 ex *Constit. Sixti V. Moderator Cæli , anni*  
 1586. ubi damnantur etiam illi , qui id non cer-  
 to affirmare audent , aut protestantur. Licitam

autem esse censent si fiat in generali, puta si prænuncientur bella, seditiones etc. Ita *Salm. ibid. n. 48. ex S. Thom. Qui p. 1. quæst. 115. art. 5. ad 3. sic loquitur: Plures homines sequuntur passiones, ad quas cooperari possunt corpora cœlestia. Pauci autem sunt, qui passionibus resistent. Et ita Astrologi, ut in pluribus, vera possunt prædicere, et maxime in communi, non autem in speciali.*

Quæritur inde, an liceat Astrologia, quæ prædicat ex horoscopo, et puncto nativitatis inclinationes, temperamenta alicujus? Distingue, si prædicat ut certa, certo illicita est, cum omnia sint incerta. Ita *Salm. dict. cap. 11. num. 10. cum Sanchez, Trullench. Suarez et aliis communiter; Putant tamen esse tantum peccatum leve, ut num. 52. cum Laymann. Suarez, Sanchez etc. contra Fill. et Trull. Si vero prædicat, ut tantum probabiliter, seu conjecturaliter, licita, ut est Salm. num. 53. cum S. Th. Suar. Pal. Bon.*

» 9. Illicitæ vero sunt omnes prædictæ divinationes, si ex iis aliquid nosci, aut prænuntiari intendatur circa ea, ad quæ proportio nata non sunt, ut circa effectus contingentes, et liberos; aut quæ a Deo pendent; ut circa statum animæ; dona Gratiae, divitias, honores, fortunam, nuptias, statum vitæ, et similia, quorum electio voluntaria est, et a libera hominum voluntate pendet: itemque de rebus occultis, ut furto, thesauro abscondito. Vide *Less. l. c. et Bonac. d. 3. quæst. 3. num. 11. Suar. Sanch. loc. cit. Bon. num. 11.*

Prædicere futura contingentia libera conjecturaliter tantum ex signis avium etc. dicunt *Salm. num. 98. in fine cum Less. Pal. Sanchez,*

*Fill. etc.* non esse illicitum : quia contestatio , quæ potest homines commovere ad bellum , potest etiam illa signa causare in avibus.

10. Peccant , qui Ægyptios de fortuna con-  
 » sulunt , et quidem , si fiat cum firma fide ,  
 » vel scandalo , etc. mortaliter : si vero causa  
 » curiositatis , vel ritus , ut fit communiter ,  
 » venialiter tantum. *Fill. et Sanch.*

» 11. Superstitiosa est divinatio , quæ fit per  
 » sortes divinatorias , ad futurum , vel occultum  
 » aliquod cognoscendum , quasi sortibus vis ali-  
 » qua divina insit : ut si quis v. g. ex taxillo-  
 » rum projectione , et dispositione divinet , quis  
 » sit obtenturus victoriam , beneficium , etc.  
 » Idem fere est de sortibus consultoriis , qui-  
 » bus inquiritur , quid in hac , vel illa re sit  
 » agendum. Dixi *fere* , quia aliquando hæ li-  
 » citæ sunt , quando causæ necessitas , et hone-  
 » stas exigit ; aptiorque modus dubium vincen-  
 » di non apparet : dummodo fiant præmissa  
 » oratione cum debita reverentia , et indicium  
 » non expectetur , nisi a solo Deo : v. g. si  
 » quis hærens in bivio aliter quoad viam se  
 » determinare non possit ; vel si divino in-  
 » stinctu , aut jussu fiant , ut 1. *Reg.* 10. in  
 » electione Saulis contigit. *Fill. Sanch. Bon.*  
 » *loc. cit.*

» 12. Sortes divisorie sine superstitione , et  
 » plerumque licite fieri possunt , sive ad hone-  
 » stum ludum , sive ad hæreditatis divisionem ,  
 » sive ad litis compositionem , dummodo liti-  
 » gantes , qui æquale jus habent , consentiant ,  
 » quia nihil aliud continent , quam contractum  
 » inter eos , qui ad aliquam rem jus habent ,  
 » ut illius sit , cui sors obtigerit. Sic etiam si  
 » plures mortem meriti sint , nec expediat , o-  
 » mnes puniri , sorte definiri potest , quis ex iis



» sit occidendus. Dixi, *plerumque*: tum quia  
 » in electionibus Ecclesiasticis sunt illicitæ, ut  
 » *Laym. l. 3. t. 4. et Bon.* tum quia officia  
 » sæcularia non sorte, sed secundum personarum  
 » aptitudinem sunt dividenda, etsi inter plures  
 » æque aptos, et dignos sorte agi possit. V.  
 » *Less. c. 43.*

Sortes in electionibus ad Officia sæcularia licitæ sunt, modo sint inter dignos. *Sporer de 1. Præc. cap. 9. n. 21. cum S. Th. q. 97. a. 8. Sanch. et comm.* Quoad vero Officia, vel Beneficia Ecclesiastica vetantur *c. Ecclesia de Sortilegiis*. An autem talis electio sit nulla? Affirmant *Panorm. et Villal. ap. Salm. c. 11. num. 91.* Negant tamen *Salm. num. 92. cum Suar. Sanch. Laym. etc.* Et quidem probabilius; quia nullibi talis electio sancitur invalida. Excipitur tamen sola electio Prælati habentis jurisdictionem *ex c. Quia propter de Elect.*

11. An liceat usus Sortium in decidendis libris circa Officia, aut Beneficia Ecclesiastica? Affirmant *Laym. Less. Host. Abb. etc. ap. Salm. num. 85.* Negant vero *Felin. Farin. et Salm. n. 88. cum Suar. Sanch. etc.* Et quidem verius, nam *ex c. Ecclesia. Extra de Sortil.* universe prohibetur electio Ecclesiastica per sortes. In casu nostro talis electio alterutrius ex litigantibus jam fieret per sortem saltem complete. Hoc tamen licere dicunt *Salmantic. ibid.* si hæc electio fieret auctoritate Judicis, quia tum vitatur periculum vitiosi ingressus, cum Judex habendo jurisdictionem ad collationem, legitimum titulum, conferat.

Ultimò notandum est *ex Salm. ib. n. 95. cum S. Th. Suar. Pal. etc.* quod sors divinatoria, etiamsi a Deo expectetur, tunc tantum licita est, quando I. Adsiturgens necessitas salutis.

138 Lib. III. Tract. I. De Primo Præc. etc.

II. Divina non convertantur ad terrena negotia.

III. Non mittatur sors in quibuscunque electionibus Ecclesiasticis, quæ fieri debent instinctu Spiritus Sancti; Hinc raro licitam esse dicunt *Salm. d. n. 95.*

» 13. Potest excusari a superstitione, qui mo-  
» do illicito futura se velle divinare ostendit  
» joci causa. Ratio est, quia non est actus su-  
» perstitiosus, nec affectatio cognitionis Dei  
» propriæ, sed tantum vanitas aliqua. *Suar. et*  
» *Sanchez, Reg. lib. 17. num. 170. \** ( *cum*  
» *Salm. dict. cap. 11. num. 33. Modo credat*  
» *illa esse falsa* ) \*.

### DUBIUM III.

*Quid, et quotuplex sit Idololatria.*

12. » **R**esp. 1. Ea est, quando tribuitur ho-  
» nor creaturæ, sicut Deo. *S. Thom. quæst. 94.*  
» *art. 1. Id vero fit, ut docet Less. 2. cap.*  
» *43. non tantum sacrificio, sed etiam quovis*  
» *signo honoris, quo quis creaturæ, tanquam*  
» *Deo, se submittere intendit, v. gr. genufle-*  
» *xione, suffitu, detectione capitis ad statuam*  
» *Jovis.*

13. » Resp. 2. Idololatria est duplex: alia  
» *Materialis*, sive simulata, ut cum quis sine  
» interno affectu; ex metu mortis, cultum ido-  
» lo exhibet. Alia *Formalis*, ac propria, vel  
» perfecta, ut cum quis adorat idolum, quod  
» ex infidelitate putat esse Deum; vel imperfe-  
» cta, cum quis vel ex odio Dei, vel ex affe-  
» ctu aliquid a Dæmone, aliave creatura obti-  
» nendi ipsi, quasi Deo, cultum desert. *Laym.*  
» *loc. cit. ex S. Aug. et S. Th.*

*Unde resolves.*

» 1. Idololatria aliquando conjungitur cum infidelitate, vel hæresi, cum scilicet creatura adorata in intellectu habetur pro Deo, aliquando non.

» 2. Idololatria etiam materialis, et ficta est grave et mortale peccatum: quia est saltem mendacium perniciosum, et contra religionem; sæpe etiam contra confessionem Fidei externam. *Sanch. l. 1. c. 37. n. 21. Azor. 1. n. l. 9. c. 11.*

» 3. Idololatria imperfecta ob malitiam voluntatis est peccatum gravius, quam perfecta. Vid. *Laym. l. 4. t. 10. c. 2. Sanch. lib. 1.*

DUBIUM IV.

*Quid, et quotuplex sit vana Observantia, et unde colligatur.*

14. *Quæ est vana Observantia? Et quotuplex?*

15. *An sit culpa gravis?*

16. *Quomodo cognosci potest?*

17. *Resolutio casuum.*

18. *An detur et licita sit virtus in iis qui vocantur Salvatores?*

19. *An arcendi qui faciunt mira supernaturalia?*

20. *Quid in dubio præsumendum?*

21. *An liceant Ensalmi?*

22. *An detur Fascinatio naturalis.*

14. » **R**ESP. 1. Ea est superstitio, qua medio aliquo improporcionado, et a Deo non instituto procuratur aliquis effectus v. gr. sa-

» nitas, scientia, etc. *S. Thom.* 2. 2. *quest.*  
 » 69. *art.* 1. *Bon. et alii.* Differt autem a di-  
 » vinatione, quod hæc tantum ordinetur ad oc-  
 » cultorum cognitionem; illa vero ad effectum  
 » externum. Convenit cum eadem, quod utra-  
 » que nitatur pacto Dæmonis, eique tribuat  
 » perfectionem propriam Dei. Unde quæ de di-  
 » vinatione dicta sunt, proportionaliter huic ac-  
 » comodari debent.

» Resp. 2. Dividitur 1. sicut divinatio in  
 » eam, quæ ex pacto expresse cum Dæmone,  
 » et in eam, quæ ex implicito pacto procedit.  
 » 2. Dividitur communiter in quatuor species.  
 » *Prima* dicitur *Ars notoria*, quæ inspectione  
 » certarum figurarum, vel certo alio jejunio,  
 » oratione etc. utitur ad scientiam repente, ac  
 » sine labore acquirendam, ut faciunt Anaba-  
 » tistæ. *Secunda* dicitur *Magia* (quod nomen  
 » alioqui generale est), quæ versatur circa cor-  
 » pora varie immutanda, aliosque effectus mi-  
 » ros. *Tertia* est *Observatio eventuum*, qua ex  
 » consideratione alicujus eventus conjicitur,  
 » quid sit futurum: ut v. gr. si ex eo, quod  
 » casu occurrat vulpes, canis, aut cadaver,  
 » certa imminere credat, et inde actiones suas  
 » moderetur. *Quarta* dicitur *Observatio sanita-*  
 » *tum*, cum adhibentur quædam signa, oratio-  
 » nes, certus numerus crucium, sacra verba,  
 » etc. velut necessaria, et efficacia ad pellen-  
 » dos morbos. Idem est de gestione Reliquiarum  
 » cum vana circumstantia, v. gr. in tali capsâ,  
 » tot diebus, cum tali herba, etc. *Sanch. c.*  
 » 40. *n.* 11. *Fill. t.* 14. *c.* 6. *n.* 157.

» 15. » Resp. 3. Vana observantia, sicut di-  
 » vinatione, est peccatum mortale ex genere suo.  
 » Ratio est, tum quia tribuit honorem divinum  
 » creaturæ, expectando ab ea, quod a solo

Cap. I. De Superstitione. Dub. IV. 141

» Deo expectari debet : tum quia utitur pacto  
 » cum Dæmone. *Less. Bon. quæst. 5. part.*  
 » 14. et alii. Nec potest excusari a mortali  
 » ex parvitate materiæ, quia simpliciter, et  
 » omni materia usurpatur cognitio, aut virtus  
 » Dei propria. Aliunde tamen fieri posse, ut  
 » non sit mortale, docent *Auct. sup. cit. dub.*  
 » 2. *resp. 3.* 1. Ratione ignorantiae, si pactum  
 » sit implicitum tantum. 2. Si non adhibeatur  
 » fides, licet timeatur ita esse, vel futurum.  
 » Vide dicta de divinatione. *n. 8. casu 7. et*  
 » *Less. dub. 8. n. 53. et 66.*

16. » *Resp. 4.* Vana observantia cognosci  
 » potest, 1. Ex insufficientia causæ adhibitæ  
 » ad effectum; si nimirum nec habeat natura-  
 » lem virtutem, nec de supernaturali legitime  
 » constet. 2. Ex adjunctione falsæ, vel vanæ  
 » circumstantiæ, ut v. gr., si flagellatio fieri  
 » debeat certa hora, numero, manu, flagro  
 » serico; si nomina adhibeantur ignota, vel  
 » characteres peregrini, verba falsa, vel apo-  
 » crypha, v. gr., Christum habuisse febres,  
 » vel spasmus, etc. Item, si ponatur vis in  
 » modo scribendi, v. gr. Evangelii S. Joannis  
 » a Virgine, oriente sole, etc. 3. Si effectus  
 » statim evanescat, etc. *Delrio lib. 2. quæst.*  
 » 5. *Sanch. cap. 40. num. 43.*

*Ex dictis resolves.*

17. » 1. Superstitiosum est : 1. Sumere ali-  
 » quam potionem, vel bolum, vel quidvis  
 » aliud usurpare ad scientiam aliquam subito  
 » acquirendam. 2. Gestare amuleta, ligaturas,  
 » involucra falsis characteribus consignata con-  
 » tra vulnera, vel subitam mortem, ne possint  
 » lædi, vel ne sanguis effluat, vel ad concii-

142 Lib. III. Tract. I. De Primo Præc. etc.

» liandam invisibilitatem , impenetrabilitatem ,  
» amorem , fortunam , nocumenta , et malefi-  
» cia. 3. Ex casu fortuito conijcere de eventu,  
» v. gr. sibi aliquid boni , vel mali eventurum ,  
» ut si mane egrediens pedem offendat , ideo-  
» que domum regrediatur , timens aliquid in-  
» fausti. 4. Dies aliquos habere , tanquam fau-  
» stos , aliquos vero infaustos , ideoque negotium  
» omittere , v. gr. die Veneris nolle ungues  
» præscindere. 5. Feminarum carminatricum  
» benedictiones , et præces ad morbum depel-  
» lendum adhibere. 6. Projicere statuam alicu-  
» jus Sancti in flumen , ut pluatur. 7. Si puten-  
» tur Missæ non prodesse Defunctis , nisi le-  
» gantur septem , cum septem certi coloris can-  
» delis , et septem eleemosynis. 8. Si unguento  
» armario , quo gladius inungitur ; absens cu-  
» retur. 9. Si certo festo , v. gr. S. Joannis ,  
» certæ adhibeantur orationes , vel festo S. Ma-  
» thiæ hederæ folia aquis imponantur , ut co-  
» gnoscatur , cui debeant nubere. 10. Si qui-  
» busdam precibus , imaginibus , aut caracte-  
» ribus , aut crucibus tribuatur certa , et infal-  
» libilis vis , v. gr. evadendi ab hoste , expel-  
» lendi morbos , non moriendi sine prævia Con-  
» fessione , non incidendi in infortunium , etc.  
» Aliud tamen est ea per orationes petere ; ac  
» sperare. *Delr. lib. 3. p. 2. resol. 4. sect. 7.*  
» *Suar. c. 15. Less. cap. 4. d. 3. Sanch. n.*  
» *34. et 37. Fill. n. 150.*

» 2. Superstitiosum non est : 1. Observare  
» lunam , aut tempora aptiora colligendis her-  
» bis ( v. gr. die S. Joannis Baptistæ ) , pur-  
» gandis corporibus , cædendis arboribus , etc.  
» 2. Verba sacræ Scripturæ , vel Reliquias ge-  
» stare ad Dei tantum honorem , et sine dictis  
» vanitatibus. 3. Circa Templum alicujus certi

» Sancti ter jumentum circumducere ; die ali-  
 » cujus certi Sancti equis venam secare , et si  
 » scilicet hæc fiant , ut major devotio excitetur ,  
 » et effectus Sanctorum meritis adscribatur. A-  
 » liud tamen esset , si putarentur tales circum-  
 » stantiæ infallibiles , aut plane necessariae , aut  
 » per se efficaces. Vid. *Nav. in man. cap. 11.*  
 » Addit *Laym. ex Cajet.* si homines rudes bo-  
 » na fide , et ex devotione aliquem ritum ab  
 » Ecclesia non receptum observent , aliquando  
 » in sua simplicitate relinquendos , dum diffi-  
 » culter abducantur ab eo , quod bona fide a  
 » suis majoribus acceperunt. 4. Nec damnandæ  
 » quædam devotiones , quas vocant novendiales ,  
 » v. gr. novem , vel ad exemplum S. Gregorii  
 » triginta , vel alium certum numerum Sacro-  
 » rum celebrare , cum certo numero et magni-  
 » tudine candelarum , et similia , si fiant in me-  
 » moriam alicujus mysterii , v. gr. novem men-  
 » sium , quibus Christus fuit in utero , vel quin-  
 » que vulnere , etc. Esset tamen superstitio-  
 » sum , credere eas preces non prodesse in ma-  
 » jori , vel minori numero. 5. Multi excusant  
 » etiam eos , qui sanant morsos a rabido cane ,  
 » quod putent illos ad hoc habere gratiam gra-  
 » tis datam : et sic tenent *Nav. in man. c. 11.*  
 » Vid. *Sanch. Laym. Bon. ll. cc* ».

18. Quæstio est , an detur , et sit licita vir-  
 tus ( vocata magia naturalis ) in aliquibus vo-  
 catis *Salvatores* , qui medentur quibusdam mor-  
 bis signo Crucis , aut verbis Sacris , aut inha-  
 latione. Affirmant *Azor. et alii ap. Salm. Tract.*  
*21. c. 11. n. 113.* et dicunt dari tunc virtutem  
 naturalem. Alii *n. 114.* dicunt non dari talem  
 virtutem neque naturalem , neque gratis datam.  
*Salm. tamen ex num. 116. cum Delrio. Na-*  
*varr. Vill. Trull. Pal. Hurt. et aliis : item Sanch.*

*Dec. l. 2. c. 40. a n. 47. Suar. de Religi tract. 3. lib. 2. c. 15. n. 25. et Lessi lib. 2. c. 43. n. 63. probabiliter dicunt dari in aliquibus hanc virtutem, sicuti notum est Reges Gallos sanare Strumas (ut agnoscit S. Th. cum Bonif. VIII. in Canoniz. S. Lud.) et Reges Hispanos sanare scrophias. Hanc virtutem tamen ajunt non esse naturalem (etsi hoc aliquibus gravibus DD. satis probabile videtur) et nam alias omnes homines ejusdem temperamenti eandem virtutem haberent; sed esse gratis datam a Deo ad bonum publicum, juxta Apost. Cor. 12. 9. Alii gratia sanitatum etc.*

Huic autem notandum illud quod invenitur in *Martyrologio Romano* adnotatum sub die 5. Martii de miraculosa sanatione a moribus serpentium eorum, qui credentes januam Templi S. Phocæ Martyris, invocata ipsius intercessione, attigerint *Authiochite* (verba *Martyrologii*) *Natalis S. Phocæ Martyris, qui post multas quas pro nomine Redemptoris passus est injurias, qualiter de antiquo illo serpente triumphaverit, hodie quoque Populis eo miraculo, declaratur, quod si quispiam a serpente morsus fuerit, ut januam Basilicæ Martyris prædens attigerit, confestim evacuata virtute veneni sanatur.*

19. Bene vero advertunt iidem *Salm.* arcendos esse, qui carbonem contrectant: Qui halitu fornacem tepesciunt, vel hominem occidunt: Qui madidi vino sanant: Qui adstante alio Salvatore, virtutem amittunt: Qui talem virtutem ab alio discunt: Qui dicunt talem habere virtutem, qui natus est die festa Parasceves, vel quia est septimus filius (sed in isto *Vinac* dicit posse dari aliquam virtutem naturalem): Qui certis verbis utitur, quibus credit inesse virtu-



tem, cum gratia confertur personæ, non autem verbis et signis. Ita *Sal. n. 118. cum Suar. Sanch. del Rio, Pal. Hurt. etc.*

20. Advertunt etiam, quod in dubio præsumendus est aliquis effectus potius provenire a causa naturali, quam a superstitione. Ita *Spor. de 1. Præc. c. 9. n. 31. cum S. Aug. Sanch. Laym. Elbel. n. 591. Croix l. 3. p. 1. num. 28. et Salm. Tract. 21. c. 11. n. 112. cum S. Th. qui docet 2. 2. q. 60. art. 4. in corp. Ubi non apparent manifesta indicia de malitia alicujus, debemus id ut bonum habere, in meliorem partem interpretando, quod dubium est. Recte tamen consulunt AA. cit. tunc præmitti protestationem, nolendi effectum, si aliqua superstitio subdit. Si vero certo probabiliter constet rem nullam habere vim naturalem ad aliquem effectum, in dubio censetur potius provenire a Dæmone, quam a Deo, cum Divina promissio de illo non habeatur, ut docet *Sanch. Dec. lib. 2. cap. 40. numer. 2. cum Gersone, et Spor. num. 33. cum S. Thom. 1. 2. quæst. 96. art. 2. An autem liceat usus pulveris sympathici? Respondet Elbel n. 516. doctores satis communiter negare, quia incredibile videtur qualitates hujus pulveris in distans habere vim operandi; unde Elbel censet hujusmodi usum non facile approbandum. At tamen in casu urgenti permitti posse, modo vulneratus non nimium distet v. gr. ultra 300. passus; et modo protestatio præmittatur. Ratio, quia probabile est dari actionem in distans. Certum valde probabiliter mihi videtur hoc esse licitum, si talis pulvis non in magna distantia applicetur; ducor ex iis quæ dicit celebris Philosophus Purchotius in suis *Instit. Phil. 1. 2. part. 1. Physic. sect. 5. c. 11. ubi sic ait; Pulvis vitrioli*  
*Ligu. Theol. Tom. II.***

calcinati, qui sympathicus appellatur, in sanguinem & vulnere recens emissum injectus, ipsi vulneri aliquot passibus remoto mederi, ac sanguinem sistere observatur. Id vero aliter fieri non concipitur, quam per profluvium substantiale, sive per spiritus vitrioli, qui calentibus adhuc sanguinis particulis admixti, ad vulnus, unde expressus est sanguis, feruntur, et tanquam cunei quidam apertos meatus, quibus effluit sanguis, penitus obstruunt. Ungere autem in distans gladium adhuc calentem sanguine vulnerati, superstitiosum esse ait *Croix n. 29. cum Burg.* et asserit committit. Sed ex eadem ratione, ut supra, probabiliter id etiam permittit *Spor. loc. cit.* Adhuc enim in dubio, an effectus proveniat a causa naturali, jam diximus ex communissima DD. superstitiosum non esse illum procurare, saltem protestatione præmissa. Quando autem adhibentur aliqua signa Crucis, vel tot Pater etc. in dubio, an adsit ibi aliqua superstitio, *Less. lib. 2. cap. 45. n. 26.* ea permittit, præmissa expressa protestatione. Consentiant *Spor. n. 34. et. Tamb. lib. 2. c. 6. §. 1. n. 12.* si urgeat notabilis necessitas. Damnat vero *Sporer c. 9. n. 32. cum communi;* tanquam superstitiosum regulariter, certis festis, horis, etc. herbas, aut fructus colligere, nisi circumstantia temporis conferat ad herbarum virtutem, ut in vere, æquinotio, etc. Damnat etiam *Sporer n. 28.* circumducere equos per Templâ Sanctorum, nisi expectetur effectus per merita illorum; unde ait, quod ubi adsit hujusmodi consuetudo, ipsa est abroganda; at si non possit sine offensa Populi auferri, saltem ipse docendus est, quo animo id faciendum.

» 3. Non est illicitum uti virtute rei naturalis, quæ per superstitionem cognita est, mo-

Cap. I. De Superstitione etc. Dub. LV. 147

» do ejus observatio, aut operatio non pendeat  
 » ab ope Dæmonis. Ratio est, quia licet illa  
 » cognitio male parta sit, peccatum tamen tran-  
 » sit, neque virtus naturalis ex eo quicquam  
 » mali contraxit. Vid. *Sanch. 2. mor. c. 38.*  
 » *Bon. q. 5. p. 4. Laym. l. c. t. 10. c. 4.*

21. Quid de Ensalmis? Ensalmus dicitur,  
 quia communiter ex verbis Psalmorum compo-  
 nitur, et ordinatur ad morbos sanandos. Si En-  
 salmus est *Invocativus*, scilicet petens salutem  
 a Deo, quin credatur infallibiliter effectus, li-  
 citus est. Secus si sit *Constitutivus*, scilicet si  
 ei tribuatur virtus infallibilis. Ita *Salm. Tr. 21.*  
*c. 11. n. 124. et 125. cum Navar. Azor. Bon.*  
*S. Anton. Suar.* Sane autem illicitus est Ensalmus  
 ( docet *S. Th. 2. 2. q. 96. art. 4.* ),  
 si in eo invocetur indirecte Dæmon, aut nomen  
 inusitatum Angelorum; vel si eo falsa, aut va-  
 na misceantur, vel adhibeatur certus modus  
 scribendi, proferendi, etc.

22. An detur naturalis Fascinatio? Affirmant  
*Salm. n. 104. cum S. Th. 1. p. q. 117. art.*  
*3. ad 2.* qui dicit: *Oculi autem inficiunt aë-*  
*rem continuum usque ad determinatum spatium.*  
 Hinc dicant *Salm. n. 138.* quod talis, qui in  
 se experitur hanc pestiferam qualitatem, tene-  
 tur abstinere a nimio consortio hominum non  
 necessario, vel oculos declinare. Dicunt vero *n.*  
*133. contra Azor. l. 9. c. 25.* superstitionem  
 esse fascinationem vulgarem, quæ a vulgo cre-  
 ditur, scilicet quod aspicientes invido animo no-  
 ceant; et ideo tanquam superstitiones vetanda  
 esse oscilla, seu turpicula, quæ contra fascina-  
 tiones imponuntur. Sed si adhibeantur adversus  
 fascinationem naturalem, ut supra, nescio cur  
 illa sint tam rigorose damnanda; unde enim  
 certo apparet, quod dicta oscilla nullam natu-

148 hib. III. Tr. I. De Primo Præc. etc.  
 raliter virtutem habeant ad illum malignum ef-  
 fluvium medendum? Consentit mihi *Spor. de*  
*1. præc. c. 9. n. 31.* qui, ut supra retulimus,  
 ait in dubio prudenti, an res applicanda habeat  
 vim naturalem, quod licite potest prohiberi,  
 cum communissima DD. ex *S. August.* Tanto  
 magis, quia communiter eis certa fides non  
 præstatur.

## DUBIUM V.

*Quid sit Maleficium, et quomodo  
 possit tolli?*

23. *Quid, et quotuplex Maleficium?*
24. *Quæ remedia liceat adhibere contra Male-  
 ficium?*
25. *An liceat petere a Malefico parato, ut tol-  
 lat maleficium cum alio? et an in dubio,  
 num sciat modum licitum solvendi?*
26. *Quid de Strigibus?*
27. *Quam excommunicationem incurrant Male-  
 fici?*
28. *Quomodo Confessarius se gerere debeat cum  
 Magis, et Maleficis?*

**R**ESP. 1. Maleficium est vis nocendi  
 » aliis, ex pacto, et cooperatione Dæmonis.  
 » Differt a Magia, quod hæc intendat facere  
 » mira, illud autem dirigatur ad nocendum.  
 » *Tol. lib. 4. cap. 10. Fill. t. 24. cap. 8.*  
 » *quæst. 1.*  
 » Resp. 2. Maleficium aliud dicitur *Amato-*  
 » *rium*, seu *Philtrum*, cujus usus est ad car-  
 » nalem amorem, vel odium excitandum, Dæ-  
 » mone hominis phantasiam commovente, nihil

» tamen agente in voluntatem. Unde patet, si  
 » maleficio sic infecti labantur, eos vere pecca-  
 » re; quia libertas non aufertur. Aliud dicitur  
 » *Veneficium*, quo alicui personæ vel ejus bo-  
 » nis damnum infertur. *Fill. loc. cit. n. 183.*  
 » *Azor. t. 1. l. 9. c. 26.*

24. » Resp. 3. Contra maleficia uti licet,  
 » 1. Remediis petitis ex medicina. \* ( *Plures*  
 » enim herbæ, ut *ruta*, *salvia* etc. contra ma-  
 » leficia naturaliter prosunt, quia virtute na-  
 » turali corrigunt pravos humores, ope Dæ-  
 » monis commotos; non vero licet uti virga lu-  
 » pi, pulvere asperso corpori etc. et similibus,  
 » quæ naturaliter conferre nequeant ad sedun-  
 » dos humores. Vid. *Salm. cap. 11. n. 143.*  
 » et 135. ) \*. 2. Exorcismis et Sacramentis Ec-  
 » clesiæ, peregrinationibus, invocationibus San-  
 » ctorum, etc. 3. Destructione signorum, per  
 » quæ Dæmon nocet, absque tamen alio male-  
 » ficio: *Navarr. et communiter alii.* \* ( *Est*  
 » communis etiam ap. *Salm. cap. 11. num. 158.* ) \*.

» 4. Si maleficus licito modo potest malefi-  
 » cium tollere, licet eum ad id accersere, ro-  
 » gare, imo etiam pecunia inducere, vel ver-  
 » beribus, aut tormentis cogere ( non tamen  
 » interficere ); si nolit. *Lugo, Diana part. 8.*  
 » t. 7. R. 53. Idque, etiamsi constet, eum id  
 » facturum per novum maleficio, sicuti ex  
 » causa licet ab usurario petere mutuum ad u-  
 » suram, Ratio est, quia cum habeam jus pe-  
 » tendi, quod ab illo recte præstari potest, et  
 » est indifferens, imputabitur illius malitiæ si  
 » id male faciat. \* ( *Ita Salm. ibid. n. 154.*  
 » cum *Pal. Suar. etc. contra Cajet.* ) \*. Vid.  
 » *Sanch. lib. 7. de Matrimon. disp. 94. num.*  
 » 11. *Fill. num. 192. Less. lib. 2. cap. 44.*  
 » d. 6. contra *Delrium*. 5. Licet etiam contra-

» rium signum positivum apponere, ex se tamen  
 » honestum: v. gr. si Dæmon esset pactus cum  
 » malefico, se tandiu nociturum, quandiu ma-  
 » leficiatus se cruce non signaret, aut lavaret  
 » corpus (nam plerumque fit cum tali aliqua  
 » conditione, v. gr. ut tandiu duret, quandiu  
 » manet aliqua ligatura, aut res aliqua certo  
 » loco defossa), licebit illi se signare, lavare,  
 » etc. *Suar. Less. lib. 2. c. 44. n. 45.* \* (*Id*  
 » *etiam Elbel n. 534. Salm. n. 161. Sanchez,*  
 » *Palaus, Trullench. etc.*) \*. Ratio est, quia  
 » non est intentio positiva recuperandi sanitatem  
 » eo medio, sed tantum tollendi signum, et  
 » dissolvendi pactum cum Dæmone. Unde ulte-  
 » rius patet, licere repercutere sagam, quæ te  
 » tetigit; ea enim percussa solet noxa cessare:  
 » ut habet *Lessius l. c. et Sanch. lib. 7. de*  
 » *matrim. disput. 95. et 96.* Si maleficus non  
 » potest tollere maleficium, nisi per novum,  
 » non licet eum ad id inducere, quia id esset  
 » inducere ad peccatum, et actui intrieusece ma-  
 » lo cooperari, *Suar. Sanch. Less. etc. ll. cc.*  
 » 7. Si dubitetur, an possit sine maleficio no-  
 » vo tollere, non licet ab eo petere, ut habet  
 » *Laym. lib. 4. tr. 10. cap. 4. n. 9. Sanchez,*  
 » *et Suarez,* quia est periculum peccandi. Fa-  
 » cilias autem præsumi potest, eum qui signa  
 » posuit, posse ea sine novo maleficio destruere,  
 » quam eum, qui non posuit. Unde si hic suam  
 » operam offerat, prius erit examinandus de  
 » modo solvendi. Vide *Laym. hic, Bon. disp.*  
 » 3. q. 5. p. 5.

25. Quær. 1. An liceat petere a Malefico pa-  
 rato, ut maleficium cum alio maleficio tollat?  
 Affirmant *Angel. et Aureol. apud Salm. c. 11.*  
*n. 146.* sicut dicunt etiam licere ad propriam  
 utilitatem petere Sacramenta a Sacerdote sacri-

lego. Sed tenenda est negativa sententia cum  
*Less. lib. 2. cap. 44. n. 35. et Salm. n. 134.*  
*cum S. Thom. et pluribus.* Ratio, quia Sacer-  
 dos sacrilegus potest ministrare Sacramenta  
 non sacrilege. Sed Maleficus nequit conficere  
 maleficium sine Dæmonis cooperatione, quod  
 est intrinsece malum. Nec officit illum esse ad  
 id paratum, juxta dicta *lib. 2. num. 47.*

Quæritur 2. Utrum liceat petere a Mago so-  
 lutionem maleficii in dubio, an sciat vel ne,  
 modum licitum solvendi? Certum est licere, si  
 constet, quod Magus modum licitum non igno-  
 rat, etiamsi ille modo illicito sit usus, quia  
 id suæ malitiæ imputatur. Ita communiter cum  
*Busemb. ut supra n. 4. Salmatic. dict. cap.*  
*11. num. 151. et Sporer de 1. Præcept. cap.*  
*9. n. 43. cum Laym. Sanch. et Less. Idem*  
*dicunt Tamb. cap. 6. §. 2. num. 9. Sporer num.*  
*42. Viva Qu. 5. Artic. 5. num. 4. cum Sanch.*  
*Trull. Fill. et Elbel num. 532. cum Suar. et*  
*Sayr.* licere si sit certo probabile, quod Male-  
 ficus sciat modum licitum. Sed quid in dubio  
 negativo? Censet *Tambur. num. 10.* et non re-  
 probat *Viva num. 3.* quod aliquando etiam li-  
 ceat petere, quia non raro præsumitur ex com-  
 munitate contingentibus maleficos modum licitum  
 non ignorare. Sed contradicit sententia commu-  
 nis quam tenent *Sanch. de Matrim. lib. 7. D.*  
*95. num. 13. Less. lib. 2. cap. 44. num. 46.*  
*Viva loc. cit. num. 3. Salm. n. 152. cum Pal.*  
*Laym. etc.* Ratio, quia præsumendum, quod  
 Magi non sciant nisi modos illicitos. Ceterum,  
 si in aliquo casu habeatur justa præsumptio,  
 quod maleficus sciat modum licitum solvendi  
 maleficium, puta per ablationem signi, satis  
 probabilis videtur opinio *Tamburini*; cui tunc  
 non obstaret sententia communis opposita, nam

( ut ait *Tamburin.* ) DD. contrarii loquuntur , quando dubium aliter non possit deponi. Advertunt autem cum *Busemb. Spor. num. 42. Viva loc. cit. et Elbel num. 533. cum Laym. Less. et Del Rio* , facilius præsumendum , quod sciat solvere maleficium modo licito is qui signa posuit , illa auferendo , quàm alius qui non posuit.

26. Hinc notandum est , communem sententiam cum *Salmantic. cap. 11. n. 172. Suar. Less. Del Rio , Palao , Sanch. etc.* adesse Striges , quæ ope Dæmonis asportantur de loco in locum corporaliter. Nec obstat *cap. Episcopi , 26. q. 5.* ubi prohibetur sub pœna excommunicationis fidem præbere talibus anicularum neniis ; nam ibi prohibetur asserere simul , quod ambulent cum Herodiade , vel Dea Diana. Vide *Elbel num. 527.* qui asserit cum *Del Rio , et aliis* , contrariam opinionem , quam tenuerunt Lutherus , Melancthon , et quidam alii Catholici , nempe hoc evenire per meram illusionem , et vim phantasie , esse valde perniciosam Ecclesie , quia conducit ad eximendas hujusmodi Lamias a poenis ipsis indictis ; quod gravis damni est Christianæ Reipublicæ.

27. Malefici autem incurrunt excommunicationem ex *cap. Si quis Ariolos.* Hanc autem *Salmanticens. cap. 11. num. 101. cum Tabien. et Del Rio* tenent esse latæ sententiæ , cum in dict. *cap.* dicatur ; *Anathema sit.* At *Suarez , Sanchez , Azor. Less. etc. num. 200.* tenent esse ferendæ sententiæ ; et dicunt , quod verba *anathema sit* in materia Fidei significant hæreticum jam ab Ecclesia præcisum : Sed in alijs materijs significant separationem tantum faciendam.

Incurrunt etiam excommunicationem Bullæ



Cap. I. De Superstitione etc. Dub. V. 153

Cænæ , si in iis jungatur Hæresis ; vel ( ut dicunt *Salm.* ) vehemens suspicio illius , nempe quando ineunt pactum expressum cum Dæmone , vel quando miscent res Sacras , vel Diabolum adorant , vel consulunt de iis , quæ ipse cognoscere nequit. Ita *Salm. n. 203. cum. Suar. Az. etc.* Sed hæc intelligenda , quando adsit error Fidei in intellectu, ut ait *Spor. de 1. Præc. c. 9. n. 45.* Nam alias non datur Hæresis formalis , etiamsi quis expresse exterius Fidem neget, ut certum est *cum Busemb. ut supra de Pr. Fid. lib. 2. n. 19.* Et sine hæresi formali excommunicatio Bullæ minime incurritur , ut certum est *apud Laym.*

» Quæres : Quomodo Confessario agendum  
» cum Divinatoribus , Magis , etc.

28. » Resp. 1. Examinandi sunt, præterquam  
» de variis superstitionibus. 1. Quo fine tali superstitioni se addixerint , v. g. an ratione vehementis passionis , tristitiæ , vindictæ , avaritiæ , aut sanctitatis nomen conciliandi, quæ esset sacrilega hypocrisis. 2. De apostasia , idololatria , et hæresi : abnegant enim Christum , et Deum : renunciant Sacramentis : habent Dæmonem pro Deo ; vel sancto : nec damnatum putant , aut miserum , et consequenter illius assecclas non esse damnandos. 3. De blasphemis in Deum , et Sanctos , de sacrilegiis ; abutuntur enim rebus sacris, ut aqua benedicta , Eucharistia , etc. 4. De luxuria , et commixtione cum Dæmone. 5. De damnis proximo illatis. *Suarez , Sanch. Fill. Bon. loc. cit.*

» Resp. 2. Monendi sunt , eos teneri 1. Pactum expressum , si quod habent cum Dæmone , aut commercium abjurare , et dissolvere.  
» 2. Libros suos , schedas , ligaturas , aliaque

» instrumenta artis comburere. 3. Comburere  
 » chirographum, si habent: si vero solus Dæ-  
 » mon id habeat, non necessario cogendus est,  
 » ut reddat: quia pactum sufficienter dissolvi-  
 » tur per poenitentiam. 4. Damna illata resar-  
 » cire, ad quod proinde etiam tenetur Fiscus  
 » (ubi veneficorum bona confiscantur); uti et  
 » hæredes, si ad eos bona deveniant. *Laym.*  
 » *loc. cit. Suar. t. 1. de rel. l. 2. c. 17. San-*  
 » *ch. loc. cit. cap. 49. Fill. etc.*

» Resp. 3. A Parochis moneri, et a Confes-  
 » sariis examinari circa hoc præceptum potissi-  
 » mum debent. 1. Opiliones, qui variis dedi-  
 » ti esse solent observationibus, ut gregem suum  
 » a lupis vel aliis incommodis tueantur. 2. Fa-  
 » bri ferrarii, qui circa equos sanandos utuntur  
 » verbis vel ex Psalmis, vel ex Oratione Do-  
 » minica desumptis. 3. Rustici, qui ad sananda  
 » pecora inanibus, et superstitiosis observatio-  
 » nibus utuntur, vel recurrunt ad peritos talium  
 » artium, 4. Vetulæ, quæ circa mulieres labo-  
 » rantes in partu vel ex matrice vanas, et su-  
 » perstitiosas adhibent orationes. 5. Milites, qui  
 » deferunt secum sacra nomina, vel orationes  
 » ad certitudinem, quod in bello; vel duello  
 » non sint vulnerandi, numquam aqua, igne,  
 » vel subita morte perituri.

CAPUT II.

*De Irreligiositate, ejusque speciebus.*

**I**rreligio, quæ Religioni opponitur per defectum, vel tendit directe ad irreverentiam Dei, et est Tentatio Dei, aut Perjurium: vel tantum tendit ad irreverentiam rerum sacrarum, et est Sacrilegium, aut Simonia. De Perjurio in secundo præcepto, de reliquo hic.

DUBIUM I.

*Quid sit Tentatio Dei.*

29. *Quid est Tentatio Dei?*  
30. *An in tentatione Dei datur parvitas materialis? Et quæ sit Tentatio interpretativa?*  
31. *An peccet qui petit a Deo miraculum?*  
32. *An qui offert se ad martyrium? Et an qui respuat medicinas?*

**R**esp. Tentatio Dei est dictum, vel factum, quo quis explorat, num Deus sit potens, sapiens, misericors, aut aliquam perfectionem habeat. *S. Th. 2. 2. qu. 92. art. 1. Sanch. etc.* Ea est duplex, scilicet vel formalis, quando quis expresse dubitans de aliqua Dei perfectione, eam experiri cupit; ut si quis petat miraculum, quo patefiat Fidem Catholicam esse veram: vel det se præcipitem ex turri; ut experiatur, an Deus sit misericors, eum eripiendo a læsione: Vel est impli-

» *cita, et interpretativa*, quando quis, etsi ex-  
 » presse non intendat Deum tentare, id tamen  
 » petit, vel agit, quod suapte natura eo refer-  
 » ri videtur; ut si quis se committat periculo,  
 » a quo vel nullo modo, vel vix possit eripi,  
 » nisi miraculose; vel si media naturalia omit-  
 » tat, sperans a solo Deo effectum, v. gr. in  
 » morbo periculoso respuens medicinam, petens-  
 » que, ac sperans a Deo temere sanitatem. *Nov.*  
 » *cap. 11. Less. n. 4.* Item si sine necessitate,  
 » et causa rudis absque præparatione velit con-  
 » cionari, sperans a Deo sibi suggerendos con-  
 » ceptus. *Suar. Sanch. Less. Laym. lib. 4. t.*  
 » *10. cap. 5.*

*Unde resolves.*

» 1. Tentatio Dei *formalis* est peccatum ex  
 » genere suo mortale, in quacumque etiã ma-  
 » teria. Ratio est, quia includit dubitationem  
 » de perfectionibus Dei, quæ in gravem Dei  
 » contemptum redundat, vel magnam irreveren-  
 » tiam, curiosius agendo cum Deo, quasi cum  
 » ludione. *Less. l. 2. cap. 45. d. 1. Sanch.*  
 » *lib. 2. cap. 3. Suar. et ceter. comm.*

» 2. *Interpretativa* tentatio, cui dubitatio il-  
 » la deest, plerumque est tantum peccatum ve-  
 » niale ob imperfectionem actus, ignorantiam,  
 » inconsiderationem, vel parvitatem periculi.  
 » Imo sæpe nullum est peccatum, quando sci-  
 » licet justa causa subest, v. gr. Dei instin-  
 » ctus, necessitas, vel pia utilitas. *Sayr. Tolet.*  
 » *Cajet. S. Th. 2. 2. quæst. 92.*

3o. Sed quæstio hæc est, an in tentatione Dei  
*interpretativa*, ut supra, detur parvitas mate-  
 riæ? Affirmant *Busemb. cum Cajet. et Valent.*  
*in 2. 2. D. 6. quæst. 14. n. 2. Less. lib. 2.*

Cap. II. De Irreligiositate etc. Dub. I. 157  
*cap. 45. n. 4. Sayr. Clav. reg. lib. 6. cap. 7. num. 14. et Tolet. lib. 4. cap. 19. num. 7.*  
 Hi dicunt, quod si quis in re levi, et sine gravi damni periculo tentaret Deum, ex sola curiositate sperandi aliquod opus supernaturale, hic tantum venialiter peccaret. Sed probabilius *Sanch. Dec. lib. 2. c. 34. num. 5. Suar. tom. 1. de Rel. tract. 3. lib. 1. c. 3. num. 16. Salm. tract. 21. cap. 12. n. 3.* eum damnant de mortali, nisi excusaretur ratione ignorantiae, vel indeliberationis. Ratio, quia gravis est irreverentia velle ut Deus ostendat omnipotentiam suam ad satisfaciendum curiositati ipsius. Hinc *Salm. loc. cit.* dicunt, quod probabilius peccaret graviter qui in levi morbo, rejectis medicinis, speraret a Deo sanitatem, quamvis non peteret miraculum: quia (ut ajuunt) videtur hic, respuendo remedia; reipsa miraculum exoptare, cum velit mutari causas naturales. Sed merito huic doctrinae contradicunt *Sanc. loc. cit. cum Leonardo, Bonac. de 1. Præc. D. 3. quæst. 9. part. un. num. 3. cum Suar. Anacl. ibid. quæst. 1. num. 8. Elbel d. num. 560. et Sporer eod. tit. cap. 10. cum Laym.* qui in hoc non recognoscunt plusquam venialem culpam. Ratio, quia in hoc non adest gravis deordinatio: cum enim quis nequaquam miraculum petat curiositatis causa, juste excusatur a gravi, et aliquando ego puto etiam ab omni culpa, si speret sine remediis naturaliter, Deo adjuvante; a tali levi morbo liberari, dum sæpe in hujusmodi morbis natura ipsa salutem operatur.

» 3. Si quis in puteum se conjiciat ad declarationem Dei erga se providentiam, aut supra prunam ambulet, ad innocentiam ostendendam, est interpretativa tentatio Dei: uti e-

» tiam sunt ex probationes, quæ fiunt per ser-  
 » rum candens, aquam ferventem, vel frigi-  
 » dam. \* ( *Tales probationes sunt vetitæ cap. 1.*  
 » *et 2. de Purgat. Vulgar. ut communites Salm.*  
 » *cap. 12. n. 5. et 6.* ). \* etc. de quibus v.  
 » *Beinsfeld. et Delrium. lib. 4. disp.* Licet  
 » enim Deus aliquando tales purgationes mira-  
 » culose probarit, id contigit, vel quia Deo  
 » inspirante factæ sunt, vel quia innocenter  
 » ad eas compulsi sunt liberati. *Bom. d. 9.*  
 » *p. 1.*

31. Peccat, qui absolute petit a Deo, vel  
 offert miraculum ad conversionem Hæreticorum,  
 cum sufficiant nostræ Fidei testimonia, *Salm.*  
*cap. 12. num. 7. cum Suar. Pal. Sanch.* Si  
 vero aliquando sit firmissima spes conversionis,  
 tunc poterit peti a Deo miraculum sub conditio-  
 ne, si ei placuerit, *Salm. ibid.* Ceterum *Spo-*  
*rer. loc. cit. cum communi* ait satis esse licitum  
 petere a Deo miraculum, quoties adsit utilitas  
 gravis ad nostram aut aliorum salutem, vel Di-  
 vinam Voluntatem implendam. Et idem clare  
 docet *D. T. 2. 2. quæst. 97. art. 2.* ubi ait non  
 tentare Deum qui signum ab eo petit, *ut aliis*  
*demonstret; vel ad hoc quod instruat, quod*  
*circa aliquod factum sit placitum Deo.* *Ibidem*  
*ad 3.*

32. Item peccat qui periculo mortis, vel  
 mutilationis se obicit ad præferendum marty-  
 rium sine justa causa; nam in casu necessitatis,  
 si alias Fides, aut salus multorum periclitetur;  
 vel ad vitandas blasphemias, in quibus casibus  
 martyrium est in præcepto; vel in casu utilita-  
 tis, ad exaltandam Fidem, aut Dei gloriam;  
 tunc licet martyrio se offerre, ut docet *S. Th.*  
*2. 2. quæst. 144. num. 3. ad 1.* Vid. *Salm.*  
*num. 9.*

Cap. II. De Irreligiositate etc. Dub. II. 159

Item peccat qui respuit medicinas ; nisi faciat ad se mortificandum ; modo absit periculum mortis , ut *Viva quæst. 6. art. 3. cap. 6. et Salm. num. 9. cum Cajet. Nav. et Sanch.*

Quæritur , an Tentatio Dei expressa differat specie ab interpretativa ? Affirmant *Suar. et Bon.* At probabilius negant *Salm. num. 11.*

## DUBIUM II.

*Quid , et quotuplex sit Sacrilegium ?*

33. *Quid , et quotuplex Sacrilegium ?*
34. *Quales species Sacrilegii sint explicandæ ?*
35. *Quæ sint Sacrilegia Personalia ?*
36. *Quæ Localia ?* 37. *An vetentur in Ecclesia Mercatus , Convivia , Judicia , etc. ?* 38. *An sit Sacrilegium extrahere hominem ab Ecclesia , atrio , etc. ?* 39. *An omne furtum in Ecclesia sit Sacrilegium ? An in Sacristia ?*
40. *Quæ Sacrilegia Realia ?*
41. *An liceat vasa et vestes sacras convertere in usum profanum ?*
42. *An sit Sacrilegium lædere bona Ecclesiasticorum ? Detinere Legata pia ? Decimas non solvere ?*
43. *An sit Sacrilegium mentaliter peccare in Ecclesia ? An omittere Sacramenta tempore debito ?*
44. *An censure contra sacrilegos incurrantur ipso facto ?*
45. *An sit Sacrilegium furari Reliquias ?* 46. *An peccare in die festo ?* 47. *Violare vota ?* 48. *Vide alia ibid.*

33. » **R**esp. Sacrilegium est violatio rei sacre , hoc est dicatæ cultui Divino, et pecca-

» tum mortale ex genere suo, si opus speciali-  
 » ter repugnet cum rei sanctitate, non vero, si  
 » generaliter tantum repugnet; quomodo omnia  
 » peccata mortalia generaliter repugnant san-  
 » ctitati, v. gr. Templi, ita ut ibi cum venia-  
 » li peccato committantur. Est autem Sacrile-  
 » gium triplex: *Personale*, quo persona; *Lo-*  
 » *cale*, quo locus; et *Reale*, quo res aliæ vio-  
 » lantur. *S. Thom. 2. 2. quæst. 99. art. 3. et*  
 » ceteri Theologi.

34. Explicanda est in Confessione species Sa-  
 crilegii, an fuerit *Personale*, *Locale*, aut *Rea-*  
*le. Viva de Præcept. Dec. quæst. 6. d. 1. num.*  
*1. et Salm. cap. 12. cum S. Thom. et com-*  
*muni.* Quæstio est, an prædictæ species sint su-  
 balternæ, vel sint infimæ? *Prima sententia* te-  
 net esse subalternas continentes sub se alias spe-  
 cies infimas. Ita *Suar. Pal. Less. etc. apud*  
*Salm. cap. 12. n. 17. cum Bus. (vid. num.*  
*47. infra ibid. n. 5.) et Elbel de Sacril. num.*  
*565. cum Fil.* Et ideo dicunt percussionem Cle-  
 rici specie differre a concubitu cum eò. *Secunda*  
*tamen sententia* tenet esse infimas, ut *Viva quæst.*  
*6. art. 1. num. 2. et Salm. cum Cajet. Trull.*  
 Ita ut, si quis violat Sanctimonialem verberando,  
 aut cum ea concubendo, unum Sacrilegium for-  
 maliter committit. Et sic sentit *D. Thom. 2. 2.*  
*quæst. 99. art. 3. ad 2. ubi ait: Possibile est*  
*aliqua duo peccata differre specie secundum ma-*  
*teriales actus, convenire autem in specie secun-*  
*dum unam rationem formalem sacrilegii; puta*  
*si quis Sanctimonialem violaverit verberando, vel*  
*concumbendo.* Et hæc est probabilior. Docet ve-  
 ro *ibid. S. Doctor* præfatas species habere diver-  
 sos gradus, significans eos constituere quidem  
 circumstantias aggravantes, non autem speciem  
 mutantes.



*Unde resolves.*

35. » I. *Personale* sacrilegium est percussio  
 » Clerici , pertractio ejusdem ad iudicium secu-  
 » lare , item luxuriosa violatio personæ Deo per  
 » votum castitatis sacratæ ; de qua v. *infra tr.*  
 » 4. cap. 2. dub. 2. Q. V. num. 6.

36. » II. *Locale* sacrilegium est omnis actus,  
 » quo Ecclesia polluitur , ut est v. gr. occisio  
 » hominis , effusio humani sanguinis , vel semi-  
 » nis illicita , et notoria. \* *Ut probabiliter te-*  
 » *nent etiam Viva Qu. 6. Art. 1. n. 11. et*  
 » *Tamb. cum Vasq. Pont. Dian. Cōn. Tol. apud*  
 » *Salm. Tr. 6. cap. 8. n. 101. contra Salm.*  
 » *ibid. cum Suar. Bon. Lug. Pal. etc. et El-*  
 » *bel n. 556. qui probabilius dicunt etiam oc-*  
 » *cultam effusionem esse Sacrilegium. Vide di-*  
 » *cenda de VI. Præc. n. 458. versic. II. Cir-*  
 » *ca locum , etc. )* \*. Item sepultura excommu-  
 » nicati , vel non baptizati ; item si actus qui-  
 » dam profani fiant in Ecclesia , et repugnan-  
 » tes ejus immunitati , ut negotiationes , illiciti  
 » concubitus , et spurcities , seditiones , conci-  
 » lia secularia , stipulationes equorum , incen-  
 » dia , effractiones , spoliationes. Item si mate-  
 » ria rei sacræ , vel Ecclesiæ directe ad profa-  
 » nos usus convertatur , si reus ex Ecclesia ,  
 » velut asylo , extrahatur ; nisi tamen sit latro  
 » publicus , vel nocturnus populator agrorum ,  
 » vel enorme maleficium fiducia asyli insthic com-  
 » miserit. Denique si facto auferantur res Ec-  
 » clesiæ , aut ibi depositæ. *Laym. cap. 7. Bon.*  
 » *quest. 6. Si verò res ablata fuerit per acci-*  
 » *dens tantum in Ecclesia v. gr. crumena viri*  
 » *divitis , probabiliter non committi sacrilegium*

» docet *Dian. p. 1. t. 3. R. 27. ex Fagn. et*  
 » sex aliis, contra *Suar. Laym. etc.*

37. Similiter violatus locus Sacer, si in eo fiant conclamationes, deambulationes, mercatus, strepitus judiciorum secularium, non vero Ecclesiasticorum pietatem spectantium. Aliquando tamen judicia secularia, aut parlamenta, licita sunt in necessitate. v. gr. ob pluviam, solis æstum: modo fiant sine strepitu, et desit alius locus opportunus. Pariter non videtur culpa gravis aliqua moderata deambulatio in Ecclesia, aut privata comestio, etiam sine necessitate, si absit scandalum, et clamor. Ita *Viva ib. n. 11. ex S. Thom. cum Salm. dict. cap. 12. n. 25.* Hic obiter advertatur nemini quacumque prædito dignitate, modo non Regali, licere indicere, ut sibi ad Ecclesiam deferatur Stratus; secus statim cessandum a Divinis, et Ministri Ecclesie ipso facto excommunicationem incurrunt, et Ecclesia tanquam interdicta habenda est. Hoc decretum fuit a S. C. Cærem. quæ ait, » Pro-  
 » posito in S. C. Cærem. quodam abusu inter  
 » alios, qui de recenti in Urbe irrepserunt,  
 » eadem S. C. ad eum omnino tollendum die  
 » 20. Augusti 1701. decrevit ». *Non licere cui-  
 cumque etc. ( Personis Regalibus tantum excep-  
 ptis ) ad Ecclesias stratus sibi deferri facere;*  
*secus cessandum immediate a divinis: Quod nisi*  
*servetur, Rectores, ceterosque Ministros ipso fa-*  
*cto excommunicationem incurrere, eamque Eccle-*  
*siam esse pro interdicta. ( Ita adnotatum repe-*  
*ritur in Bullario Clementis XI. part. 3. decr. 1.*  
*Cær. ).* Deinde subjungitur: *Et facta relatione*  
*Sanctitas sua (i. e. præfatus Clemens) Decre-*  
*tum approbavit, nec non promulgari, atque exe-*  
*cutioni tradi, et in omnibus Urbis Sacrariis af-*  
*figi mandavit die 3. Octob. 1701.* Hoc omne re-

Cap. II. De Irreligiositate etc. Dub. II. 163.

fertur a *Ferraris* in sua *Bibliotheca* ( *Ferrar. Biblioth.* tom. 3. *Verbo* Ecclesia art. V. n. 28. et 29. ), qui etiam refert ( *ibid.* vetari pluribus ex Decretis S. R. C. dare intra Missam Laicis ( etsi Præsilibus ) Evangelium osculandum , uti etiam dare illis usum Baldachini , et illos admittere ut assistant in Presbyterio. Ad nostra autem redeunt dicimus.

38. Sacrilegium est extrahere violenter hominem ab Ecclesia , etiam interdicta , vel polluta , et ab ejus cœmeterio , atrio , claustro , dormitorio , ambitu contiguo cum Ecclesia : Item a Domibus Religiosorum clausura septis. Vide *Salm. Tr.* 18. cap. 3. a n. 81. Ceterum , præter hunc usum violatæ Immunitatis , ad incurrendam speciem sacrilegii nomine loci sacri intelligitur tantum Ecclesia , non alia loca , cum in odiosis stricte facienda est interpretatio , ut notat *Elbel de Sacril.* n. 566. cum *Laym. Bon. etc.*

39. Quæritur , an omne furtum in Ecclesia sit Sacrilegium ? *Prima sententia* cum *Lugo D.* 16. n. 470. *Tambur. in Meth. Conf. lib.* 2. cap. 8. *Pal. Azor. Dian. Less. Con. Henriq. etc.* apud *Salm. Tract.* 6. cap. 8. num. 103. tenent non esse Sacrilegium , nisi furtum sit de re Ecclesiæ commodata , vel commissa ibi custodiæ causa : nam aliæ res profanæ accipiuntur quidem materialiter in loco sacro , sed non de loco sacro ; dum ad locum sacrum nullo modo pertinent. Excipit tamen merito *Lugo loc. cit.* furtum de rebus quæ Sacrista fecisset sibi commodari pro Ecclesiæ ornatu. *Secunda tamen sententia* probabilior affirmat ex c. *Quisquis.* 17. quæst. 4. ubi absolute damnatur ut sacrilegus ; qui non sacrum de sacro furatur ; nec id limitatur ad depositum tantum. Ita *Elbel* n. 587.

164 Lib. III. Tr. I. De Primo Præc. etc.  
*cum Fill. Val. , et Salm. Tract. 6. cap. 8. n.*  
 103. *cum Pal. Dic. Vasq. Bon. Laym. etc.*  
 Recte tamen *Salm.* probabilem vocant primam  
 sententiam. An autem sit Sacrilegium Locale fu-  
 rari e Sacristia? Negat *Sanch. de Matr. D. 15.*  
*num. 13.* contra aliquos. Certum autem est  
 non esse Sacrilegium furtum in Claustris, nec  
 in Oratorio domus privatæ. In Oratoriis vero  
 Xenodochiorum, vel Eremitiorum, licet non  
 benedictis ab Episcopo, juste putat *Sanch.*  
 furta esse sacrilegia. Vid. *Vivam d. loc. n. 13.*  
 40. » 3. Reale sacrilegium est indigna tracta-  
 » tio, et administratio Sacramentorum, ut si mi-  
 » nistrentur, vel suscipiantur cum peccato mor-  
 » tali. Item profanatio vasorum et instrumen-  
 » torum sacrorum: v. gr. si quis calice utatur  
 » in convivio, ornamenta altarium, vel Sacer-  
 » dotum ad usus profanos applicet: intellige de  
 » iis, quæ consecrari, vel saltem benedici so-  
 » lent: nam ad nuptias, vel communem usum  
 » adhibere tapetes, candelabra, pelvim, imo  
 » et manutergium, et cetera, quæ meditate ser-  
 » viunt ministerio sacro, non esse peccatum, do-  
 » cet *Tamb. expedit. Sacrif. lib. 1. cap. 2.* nisi  
 » fiat ex aliquo contemptu saltem implicito, ut  
 » si semper, et indifferenter sic utaris supradi-  
 » ctis. Atque idem affirmat de candelis, ra-  
 » mis, aqua, incenso, et similibus benedictis,  
 » quod in modicis istis benedictionibus non a-  
 » gatur cum tanto rigore ab Ecclesia, ut pa-  
 » tet in pane, ligno, carbonibus, etc, benedi-  
 » ctis. Vid. *loc. cit. §. 3.* Item violatio, vel  
 » indigna tractatio sacrarum Imaginum, et Re-  
 » liquiarum. Item abusus Scripturæ sacræ, v. g.  
 » ad stabiliendas hæreses, vel res turpes. Item  
 » raptura bonorum Ecclesiæ, suppressio piorum  
 » legatorum, vel jurium Ecclesiæ defraudatio,

Cap. II. De Irreligiositate etc. Dub. II. 165

» etc. Vid. *Fill. tract. 24. cap. 9. Regin. lib.*

» 19. num. 57. *Suar.*

Concilium Tridentinum sess. 4. in fine vocat temeritatem, torquere verba S. Scripturæ ad scurrilia, fabulosa, vana, adulatoria, detractoria etc. Vid. *Salm. cap. 12. num. 82.*

41. Quæritur 1. an vasa, et vestes sacræ possint converti in usum profanum? Affirmant *Salm. tr. 21. cap. 12. n. 32.* si illæ jam amiserint formam, et benedictionem. Sed alibi *cap. 10. n. 145.* omnino negant cum *S. Th.* qui p. 3. quæst. 83. art. 3. ad 3. Et *cap. 39. dist. 1.* dicit: *Pallæ, velum, candelabrum, cathedra, et alia, quæ in Sacratio fuerint, non debent admitti in usum laicorum, sed esse comburenda.* Melius autem *Suar. p. 3. D. 81. sect. 8. Pal. tom. 2. tr. 3. D. 1. p. 6. Bon. D. 3. quæst. 1. p. 4. et Roncag. de 1. Præc. cap. 1. quæst. 7.* cum *Barbosa* distinguunt et dicunt, quod si res ita totaliter immutetur, ut ad communem materiam redeat, sicut si calix igne vel ferro ad communem massam argenti reducatur, tunc licet in usum profanum convertere. Ita ipse cum *Bon. Pal. Suar. et Baur.* secus si totaliter non difformetur. Hinc non licet ex veteri Casula vestes profanas resarcire; et hoc adhæret ei quod dicit *S. Thom.* supra. Ideo alii dicunt non licere hujusmodi vestes ad usus profanos vendere, aut oppignorare. Vide *Salm. dict. cap. 10. num. 45.*

42. Quæritur 2. an læsio quorumque bonorum Ecclesiasticorum sit sacrilegium? Resp. negative, sed tantum bonorum, quæ pertinent ad ornamentum Ecclesiæ, aut sunt deputata ad sustentationem Ministrorum, ut loquitur *S. Thom. 2. 2. quæst. 99. art. 3.* Ly ad sustentationem Ministrorum, intellige, qua tales sunt, ut recte dicit *Tambur. Dec. lib. 2. cap. 6. §. 3. n. 9.*

Quæritur 3. an sit Sacrilegium injuste detinere legata relictæ Ecclesiæ pro ejus servitio? Affirmat *Less. lib. 2. cap. 16. num. 30.* Sed negant *Tamb. dict. l. num. 10. cum Pal. et Salm. c. 10. n. 35. etc.* Quia, donec dicta bona ab Ecclesia non possideantur, non sunt sacra.

Quæritur 4. an sit Sacrilegium non solvere Decimas? Affirmat *Less. lib. 2. cap. 16. num. 18. Elbel num. 569. cum Val. Spor. etc.* Sed negat *Croix lib. 3. p. 1. num. 52. et Tamb. d. lib. n. 11. cum Pal.* Dicunt tamen esse peccatum gravius irreligiositatis; quia solutio Decimarum est ordinata in recognitionem Divini Domini.

43. Notandum, quod per meros actus internos non violetur sanctitas loci; ideoque non committit sacrilegium, qui in Ecclesia habet voluntatem occidendi hominem extra illam. Secus, si quis extra Ecclesiam proponit occidere in Ecclesia. Ita *Salm. cap. 12. n. 28. cum aliis communiter.*

*Palau. Tr. 17. D. 2. p. 2.* tenet omittere Sacramenta tempore debito esse Sacrilegium. Probabilius vero negatur, sed esse dicitur peccatum contra obedientiam Ecclesiæ debitam. *Salm. cap. 12. num. 38.*

44. Item notandum est, quod censuræ contra sacrilegos latæ non incurruntur ipso facto, nisi a percutientibus Clericum. Itemque a violentibus Immunitatem Ecclesiasticam; imponendo tributa, usurpando bona; et ab effringentibus Ecclesias, et simul expoliantibus rebus sacris; ex c. *Conquest. 22. de Sent. excomm.* Vid. *Salm. n. 24.* Incendiarios autem Ecclesiarum probabilius est non esse excommunicatos ipso facto, ut *Salm. n. 40. cum Cajet. Silo. Nav.*

45. Grave sacrilegium committit, qui furatur

Cap. II. De Irreligiositate etc. Dub. II. 167

Reliquiam, etiam in parva quantitate, si scis dominum ob hoc esse valde contristandum. Ita *Leand. Prad. Nav. Mol. apud Salm. Tract. 21. cap. 10. num. 108.*

46. Quæritur 5. An tempus sit objectum Sacrilegii, scilicet si quis peccet die festo etc. Negant *Lugo de Ben. D. 16. n. 523. et Salm. cap. 12. n. 36. cum Less. et Pal. et Tamb. Met. Conf. lib. 2. c. 7. §. 5. n. 40.* Nisi notabilis irreverentia irrogetur cultui Divino, ut si quis in die Veneris Sancti exhiberet comedias, ludos publicos, etc.

47. Quæritur 6. an violatio voti sit Sacrilegium? Negant *Tamb. cum Suar. Dec. loc. cit. n. 12. et 13. et Pal. Tr. 17. D. 2. p. 3. §. 2.* Dicunt enim esse peccatum perfidiæ, seu contra fidelitatem Deo debitam, ut *Croix lib. 3. p. 1. n. 55. cum Tamb. in Dec. loc. cit. n. 13.* Affirmat vero. *S. Thom. 2. 2. quæst. 99. art. 3. ad 3. et sequuntur Salm. cap. 12. n. 22.* Qui autem violat votum castitatis probabilius committit sacrilegium. Vide *Elbel num. 584.*

48. » 4. Peccatur etiam Sacrilegio peccato omissionis, v. gr. si quæ ad Sacrificium spectant, ut corporalia, et similia, sint valde imunda. *Bon. de Euch. \* (Qui p. 9. n. 23. cum Filt. Suar. Reg. etc. dicit esse mortale. Vid. lib. 6. num. 384) \**

» 5. In confessione exprimenda est species, et materia sacrilegii. Ratio prioris est, quia sæpe divisam malitiam habet, v. gr. percussio Sacerdotis, et fornicatio cum eodem. Ratio posterioris est, quia etiam materia aliquando auget, et addit malitiam, v. gr. si sit contra Eucharistiam, addit, secundum Gordonum, communi violationi rei sacræ aliud peccatum contra latriam. Attingere autem nuda manu

- » calices , patenas , aras , agnos , cereos , etc.  
 » Chrismate delibuta non licet feminis , et lai-  
 » cis. \* ( *Licet vero Clericis etiam primæ ton-*  
 » *suræ , ut Tamb. ibid. num. 11. cum Suar* ) \*.  
 » Citra contemptum tamen non mortale , si va-  
 » cua sint; et si causa subsit, nec veniale, *Suar.*  
 » *Tamb. loc. cit. §. 1. sine causa autem veniale*  
 » *esse docet Suar. Coninch. et alii communiter ;*  
 » *licet Tamb. loc. cit. ex Sa , et contrarium*  
 » *censeat probabile \* . (-Cum Scoto, et Bartol.*  
 » *ab Ang. Sed Sa apud Vamb. et Sot. Henr.*  
 » *Sanch. Faz. et Tamb. apud Pasq. ut refert*  
 » *Croix lib. 6. p. 2. num. 385. censet nullum*  
 » *esse peccatum. Pro monialibus vero adest pri-*  
 » *villegium , ut Salmant. cap. 10. num. 132.)* \*  
 » ut et si corporalia, vel purificatoria, laventur  
 » ab iisdem. Vide *lib. 6. num. 385.* Cetera au-  
 » tem , quæ Eucharistiam immediate non con-  
 » tingunt , nec chrismare unguuntur, ut mappas,  
 » vestes Sacerdotales immediate contingere omni-  
 » bus licet. *Suar. Laym. Tamb. loc. cit. ubi ex*  
 » *Palao , etc. idem concedit de Reliquiis: sicut*  
 » *etiam , ut easdem thecis inclusas penes se ha-*  
 » *beant ; vel laici in publicis processionibus ge-*  
 » *stent. Idem docet cum Laym. de pyxide, sive*  
 » *ciborio , et lunula benedictis , quando sacram*  
 » *Eucharistiam nondum continuerunt. Idem de*  
 » *corporalibus , pallis , et purificatoriis , quan-*  
 » *do post sacrum usum lota sunt ; ex Laym. et*  
 » *Bonat. imo etiam ante lotionem. Laym. Tamb.*  
 » *loc. cit.*



DUBIUM III.

*De Simonia.*

ARTICULUS I.

*Quid sit , et quotuplex.*

49. *Quid est Simonia , et quotuplex ?*
50. *An possit dari parvitas materiæ in Simonia?*
51. *Quando sit Simonia dare temporale pro spirituali ?*
52. *An sit Simonia dare Beneficium alicui , ut se sustentet ; vel sola ratione amicitie , aut precum ?*
53. *An sit Simonia deducere in pactum obligationem antidoralem ?*
54. *An dare spirituale principaliter ob temporale ?*
55. *An sit Simonia accipere aliquid pro administratione Sacramentorum ? Et an principaliter ob lucrum temporale ab eis captandum ?*
56. *Quid intelligitur per Munus a manu ?*
57. *An sit Simonia dare mutuum ob spirituale ?*
58. *An solvere pensionem ob Beneficium ?*
59. *An dare aliquid , ut alter præstet quid spirituale pro seipso accipiente ?*
60. *An dare Beneficium cum aliquo onere spirituali ? An resignare , vel præsentare cum onere ?*
61. *Quid per Munus ab obsequio ?*
62. *An sit Simonia inservire ad Beneficium ?*
63. *Quid per Munus a lingua ?*
64. *An sit Simonia dare aliquid Mediatori , ut obtrineat tibi Beneficium ?*

65. *Quid sit Intercessor mediatuſ ?*
66. *Quid ſi promittas dare eleemoſynam alicui Monasterio ?*
67. *Quæ ſit Simonia Mentalis ? Quæ Conventionalis ? Quæ Realis ?*
68. *Quæ juris Dſeini, quæ humani ?*
69. *An detur Simonia tantum de jure humano ?*
70. *An vendere Beneficia ſit Simonia de jure Divino ?*
71. *An ſit Simonia vendere Juſpatronatus ? Et an de jure Divino ? An vendere juſ ſepulture ?*
72. *An Beneficia poſſint permutari ?*
73. *Quomodo poſſit permutari Beneficium cum penſione ? Et cujuſ auctoritate ? Et an Episcopi poſſint penſiones conſtituere ? uſque ad n. 76.*
77. *Quomodo in Beneficiis liceat transigere ? uſque ad n. 80.*
81. *Quomodo fieri poſſint Renuntiationes Beneficiorum, uſque ad n. 84.*
85. *Quotuplex ſit Simonia Confidentialis ? Et quæ ejus poenæ ? uſque ad num. 90.*
91. *Quomodo fiat Simonia pro ingreſſu ad Religionem ?* 92. *An liceat aliquid accipere pro ſuſtentione ingreſſuri ?*
93. *An liceat pro cathechizando, etc.*
94. *An pro inſtruendo aliquo in ſacra Doctrina ?*
95. *An pro abſolvendo, etc.*
96. *An pro danda diſpenſatione in Matrimonio ?*
97. *An liceat dare aliquid, ut alter omittat rem ſpiritualem ?*
98. *An ad redimendam vexationem ?* 99. *An poſſit pecunia redimi vexatio circa poſſeſſionem Beneficii ?* 100. *Quid ſi nondum ſit acquiſitum juſ in re ? Quid ſi quis corrumperet Electores, ne te eli-*

Cap. II. De Irreligiositate etc. Dub. III. 171  
 » *gant ? 101. Quid si alter solis precibus*  
*impediret ? 102. An possis dare pecu-*  
*niam , ne alter se opponat ad tuam ele-*  
*ctionem ? 103. An ne eligat indignum ,*  
*vel ut eligat dignum ? An , ut non con-*  
*currat ad beneficium , quod tu cupis ?*  
 » 104. Vide alia apud Busemb.

49. » **R**esp. Simonia est studiosa voluntas  
 » emendi , aut vendendi pretio temporali ali-  
 » quid spirituale , vel spirituali annexum. S.  
 » Th. 2. 2. quæst. 100. art. 2. Laym. lib. 4.  
 » tract. 10. cap. 8. etc. Dicitur 1. voluntas e-  
 » mendi etc. quibus verbis intelligitur quivis  
 » contractus onerosus , sive venditionis , sive  
 » locationis , sive permutationis , aut renuncia-  
 » tionis ; quia simonia non consistit sine pactio-  
 » ne aliqua tacita , vel expressa , et obligatio-  
 » ne ex pacto. Quod addo , quia obligatio na-  
 » turalis quæcunque , ut gratitudinis , sive an-  
 » tidoralis , non sufficit , v. gr. quando quis  
 » sperat , vel intendit tantum , non tamen ob-  
 » ligat. Sa , v. Simonia. Ratio est , quia non  
 » facit contractum. Vid. Bon. de Simon. d. 1.  
 » quæst. 6. p. 1. Less. lib. 2. cap. 35. d. 20.  
 » \* ( Sed Vide dicenda num. 54. ). \* Dicitur  
 » 2. pretio temporali : sive illud sit muneris ,  
 » sive linguæ , ut est laus , vituperium , pa-  
 » trocinium ; sive obsequii et famulatus. Dicitur  
 » 3. spirituale ; quo nomine intelligitur res su-  
 » pernaturalis ad salutem ordinata , sive sit  
 » formaliter talis , ut Gratia , et dona Spiritus  
 » Sancti , sive causaliter , ut sunt Sacramenta ,  
 » concilio , preces , et Sacramentalia : sive sit  
 » effectus , et usus potestatis supernaturalis , ut  
 » consecratio , absolutio , dispensatio , benedi-

» ctio, excommunicatio, electio, præsentatio,  
 » confirmatio; collatio Beneficii, alique actus  
 » jurisdictionis Ecclesiasticæ. Dicitur 4. *spiri-*  
 » *tuali annexum*, ad comprehendendum ea,  
 » quæ non sunt per se spiritualia, sed ad ea  
 » ordinantur, iisque sunt annexa, sive ante-  
 » cedenter, ut jus patronatus respectu beneficii;  
 » vasa, et vestes sacræ respectu Sacramentorum:  
 » sive concomitanter, ut labor in administra-  
 » tione Sacramentorum: juxta sensum infra di-  
 » cendum: sive consequenter, ut redditus bene-  
 » ficiorum, qui dantur propter officium spiri-  
 » tiale. Unde patet; malitiam simoniæ consi-  
 » stere in irreverentia, quæ committitur, dum  
 » res spirituales instar temporalium pretio æsti-  
 » mantur, et contractibus subjiciuntur; atque  
 » esse peccatum mortale ex genere suo, nec ve-  
 » niale fieri posse ex materiæ levitate; quia  
 » nullum donum Gratiæ, licet parvum, potest  
 » vendi sine gravi irreverentia tum ipsiusmet  
 » doni, tum etiam Dei. Potest tamen esse ve-  
 » niale, ob actus imperfectionem, et ignoran-  
 » tiam. *Suar. t. 3. de rel. l. 4. cap. 36. Azor.*  
 » *Fill. Laym. loc. cit. Less. l. 2. cap. 35.*  
 » *dub. 1.*

Simonia autem quadruplex est, Mentalis,  
 Conventionalis, Realis, et Confidentialis; *Men-*  
*talis* est, cum quis dat temporale cum animo  
 obligandi ad reddendum spirituale (aut e con-  
 verso); sed absque alio pacto. *Conventionalis*  
 est; cum adest pactum, sed a neutra Parte  
 executum est. *Realis* autem est, cum pactum  
 jam est impletum. *Confidentialis* tandem tripli-  
 citer potest fieri, nempe per accessum, per re-  
 gressum, et per ingressum. Dicitur *per acces-*  
*sum*, cum renuntias beneficium alteri cum pa-  
 cto ut ille deinde illud resignet, et alteri con-

Cap. II. De Irreligiositate etc. Dub. III. 173  
feratur. *Per regressum*, cum reservas tibi jus  
reassumendi iterum Beneficium in aliquo casu.  
*Per ingressum*, si resignes Beneficium tibi col-  
latum, sed nondum possessum, cum pacto ca-  
piendi possessionem illius in aliquo casu aut  
tempore, vide infra num. 85. et 86. ubi fusius  
sermo de hac confidentiali simonia redibit, et  
de ejus pœnis.

50. Quæritur I. An possit dari parvitas ma-  
teriæ in simonia? In simonia de jure naturali  
est communis sententia negativa *ap. Salm. tract.*  
*19. de Simon. cap. 1. num. 8. et Croix lib.*  
*3. p. 1. n. 195. cum Suar. Sanch. etc. contra*  
*Mol. Reg. etc. ibid.* Sed in simonia tantum de  
jure Ecclesiastico *Novarr. Zeroll.* ( quibus vi-  
detur adhærere *Croix lib. 4. num. 682.* ) pro-  
babiliter docent posse dari parvitatem materiæ.  
Et disparitatem assignat *Croix*, quia, quando  
non accipitur temporale pro pretio rei spiritua-  
lis, sed acceptio prohibetur ad cavendum tan-  
tum speciem simoniæ, re ipsa non fit injuria  
rei spirituali, sed peccatum tantum contra præ-  
ceptum Ecclesiæ, in quo potest utique dari par-  
vitas materiæ.

51. Quæstio II. est, an semper ac datur tem-  
porale pro spirituali, vel contra, sit simonia?  
*Prima sententia* affirmat *cum Azor. Durand.*  
*Adrian. etc. ap. Salm. tract. 19. de Simonia*  
*cap. 1. n. 26. Secunda sententia*, quam tenent  
*Salmant. ibid. num. 32. et vocant communem*  
*cum Caj. Sanch. Suar. Less. Laym. Tol. etc.*  
negat, quando datur gratis, quamvis cum ani-  
mo alliciendi, seu obligandi ( non rigore ex  
justitia, sed tantum ex gratitudine, sive ex be-  
nevolentia ) alterum ad retribuendam rem spi-  
ritualen pro temporali, vel contra; ita ut ob-  
ligatio alterius antidoralis, seu gratitudinis priu-

principaliter intendatur, et retributio minus principaliter; Et probant *ex c. Quam pio* 2. *quest.* 2. Et hoc, etiamsi in eodem actu retributio offeratur, *ex c. Placuit* 1. *et c. Dilectus* 2. *quest.* 1. Hinc licere dicunt tibi dare aliquid Episcopo, vel ei inservire (cui alias non esset serviturus), ut tibi ex gratitudine conferat Beneficium; dummodo absit aliquod pactum, ut dicunt *Salm. dict. cap. 1. nu. 55. et 56. cum Sot. Suar. Valent. et communi.* Et dummodo non inservias, ut Episcopus conferat tibi Beneficium, quasi pretium tui obsequii, ut bene notat doctus *P. Elbel de Simon. num. 617.* E converso si inservis primario ad captivandam Episcopi benevolentiam, et secundario ad obtinendum Beneficium, non committis simoniam, etiamsi amota spe Beneficii, non inservires, ut dicunt *Salm. loc. cit. cum aliis.* Et etiamsi talem spem exprimas Superiori, ut addunt *Val. Pal. Sot. Rodr. etc. ap. Salm. num. 56. in fin.* quia licitum est, ut ajunt, petere ab alio, quod ille ex naturali obligatione præstare tenetur: Sed sapienter monet *Maziot. de Simon. tom. 2. §. 2. p. 219. et Croix cum Suar. lib. 3. p. 1. n. 74.* id cavendum ob periculum pactionis, aut saltem scandali, maxime si detur aliquid tempore quo agitur de conferendo Beneficio.

Ceterum, recte advertunt *Roncaglia de Sim. c. 1. quest. 5. et ipsi Salm. num. 57. cum Sanch. Bonac. etc.* quod ubi alius deest titulus, nempe stipendii, tollendæ injustæ vexationis, etc. quando datur aliquid solo intuitu obtinendæ rei spiritualis, vel contra, præsumenda tunc sit intentio saltem virtualiter simoniaca, scilicet commutandi temporale cum spirituali: nisi constet de opposito, vel aliter colligatur ex circumstantiis, nempe ex parvitate muneris, ex

Cap. II. De Irreligiositate etc. Dub. III. 175  
pietate, vel nobilitate dantis etc. Et hoc constat ex c. *Tua nos de Sim.* ubi Pontifex loquens de illo, qui bona sua Ecclesiæ donabat, rogans ut ad Canonicatum admitteretur, et de Canonicis eum admittentibus, ait: *Si tamen is, qui talem donationem facit, ea intentione ducatur, ut per temporalia bona spiritualia valeat adipisci; et Clerici qui eum in fratrem admittunt, non essent eum, nisi commoda temporalia perciperent, admissuri; sine dubio tam isti, quam ille apud districtum Judicem culpabiles judicantur.* Vide quæ dicuntur num. 54. Et maxime nequit excusari a simonia mentali (ut bene sentiunt *Roncaglia loc. cit. Reg. VI. in praxi, et Elbel de Sim. num. 617.*) is qui Episcopo gratis inserviret animo eum obligandi ex gratitudine, etsi non ex justitia, ad retribuendum Beneficium, juxta mox dicenda num. 53.

52. Non autem damnandus de simonia Episcopus, qui Beneficium confert Clerico in recognitionem gratitudinis ob obsequium præstitum, ut dicunt *Elbel n. 619. et Croix num. 75. cum Suar.* Item si Episcopus conferat Beneficium gratis alicui ut se honeste sustentet, non est simonia; *Croix lib. 3. p. 1. num. 83. cum Less. Laym. etc.* Immo collatio facta indigno, sola ratione consanguinitatis, amicitiae, sed gratis, est quidem illicita, sed non simoniaca. Ita *Salm. cap. 1. n. 38. cum Cajet. Suar. Pal. etc.* Idque docet *D. Thom. 2. 2. quest. 100. art. 5. ad 2. dicens: Dare aliquid spirituale propter quamcumque carnalem affectionem. Unde hoc non pertinet ad contractum venditionis; in quo fundatur simonia.*

Utrum autem committat simoniam Episcopus, qui dat Beneficium indigno propter preces alterius? Videtur universe affirmare *D. Th. loc.*

cit. ad 3. quia videtur Episcopus hoc facere ad favorem humanum acquirendum, sic enim S. Doctor ait: *Videtur ad hoc* (scilicet ad favorem humanum) *principaliter intendere, qui preces pro indigno porrectas exaudit.* Et sic quidem dicendum, si revera det Beneficium ad talem favorem adipiscendum: Imo ut bene addit Angelicus; hoc erit simonia, etiamsi Clericus sit dignus Beneficio. Ceterum absolute loquendo, probabiliter dicunt *Elbel de Simon.* n. 612. *La Croix* l. 3. p. 1. num. 84. et *Laym.* l. 4. tr. 10. c. 8. num. 26. cum *Less. Suar. Nav. Cajet. etc.* non esse simoniacum Episcopum qui ad precēs alterius etiam indigno Beneficium confert, sed nullo habito respectu ad favorem humanum acquirendum, quia revera tunc nulla interveniet venditio spiritualis cum temporali. Illud autem quod dicit *La-Croix* l. c. nempe nec esse simoniam, si conferat ad se liberandum ab aliquo injusto damno, minime admittendum puto; nam licet damnum sit injustum, semper tamen videtur intercedere aliqua commutatio rei spiritualis cum utilitate spirituali.

53. Quær. autem hic II. An sit simonia, deducere in pactum obligationem antidoralem? Negant *Hurt. Cœlest. Ronc. etc. ap. Dian. part. 6. tr. 7. R. 42.* item ipse cum *Diana Vidal. et Jo. de Soria*, quamvis p. 3. tr. 2. R. 64. in praxi hoc non approbet. Ratio istorum, quia non censetur simonia committi, quando pactum sit de obligatione gratitudinis, quæ jam inest. Quapropter dicunt, si licet aliquid spirituale intendere ex gratitudine obtinere, cum quis præstat aliquid temporale; licebit etiam id in pactum deducere. Sed omnino affirman-



cum cum sententia communi, quam tenent *Laym. tr. 10. c. ult. §. 2. art. 9. Viva in Propos. 45. Innoc. XI. n. 2. Elbel de Simon. n. 596. et Suar. Bon. Fill. Cov. ac alii ap. Salm. tr. 19. c. 1. n. 64.* Ratio, quia ex pacto illo novum inducitur onus. Distinguunt autem *Salm. cap. 1. n. 66. 67. et 68. cum Val. Caj. Pal. Less. etc.* et dicunt, quod si pactum novam obligationem non addat præter antidoralem puta, si des, aut promittas alteri pecuniam, ut ipse sit obligatus ad tibi in genere remunerandum, non est Simonia, quia nullum novum onus imponitur. Sic etiam, si petas aliquid spirituale gratis sine obligatione rigorosa: quemadmodum frequenter, dantes eleemosynam; solent a paupere preces petere; et in hoc revera consentiunt omnes, etiam Auctores secundæ sententiæ. Secus autem censent, si pactum novam obligationem adderet; et hoc esset, quando peteretur in specie quid spirituale pro re temporali tradita; nisi ibi alius titulus interveniret, nempe stipendii, damni emergentis etc. ut infra, Sed neque distinctio hæc mihi ullo modo arridet, nam (ut bene arguunt *Viva l. c. et Ronc. de Sim. cap. 1. q. 5. in fin.*) pactum semper aliquam novam invehit saltem fidelitatis obligationem, quæ, cum sit aliquo pretio æstimabilis, certe pactum simoniacum reddit. Ideo enim in *q. Qua in pio, c. 1. q. 2.* dicitur: *Omnis absit pactio, omnis conventio cesset.* Quoniam in hac materia quodcumque pactum, quomodocumque onerosum, est simoniacum, etiamsi non obliget rigore ex justitia. Et idem dicendum de huiusmodi pacto in contractu mutui, ut probat *Viva in Prop. 42. Innoc. XI.* Præterea hic advertendum cum *Viva in prædict. Prop. 45. n. 3. et S. Th. q. 13. de Malo art. 4.* quod

licet possit mutuator exposcere a mutuatario, ut satisfaciatur suæ obligationi antidotali (intellige semper sine pacto, itemque si exposcatur satisfactio illa non vero promissio, quia petita promissione, etiam peteretur nova obligatio fidelitatis, ut mox diximus, quod adhuc in mutuo illicitum est: hoc tamen nequit exposcere dans aliquid spirituale, præcise ob ejus collationem, quia suum non præstat, sed quod Christi est: Unde, licet possit aliqua gratitudo exerceri erga collatorem rei spiritualis ob ejus benevolum animum, non potest tamen exerceri in gratuitam compensationem ipsius rei spiritualis.

54. Quæritur IV. an sit simonia mentalis, dare spirituale principaliter ob temporale, vel contra? Negant *Sotus, Val. Caj. Sánchez. Less. Laym. etc.* ap. *Salm. tr. 19. c. 2. de Simonia n. 59.* Sed omnino est affirmandum, et contrariam opinionem recte asserunt. *Salm. ibid. n. 60.* fuisse damnatam ab Innoc. XI. in *Propos. 45.* quæ dicebat: *Dare temporale pro spirituali, non est simonia, quando temporale non datur tanquam pretium, sed dumtaxat tanquam motivum conferendi, vel efficiendi spirituale; vel etiam quando temporale sit solum gratuita compensatio pro spirituali, aut contra.* Et *Propos. 46.* Et id quoque locum habet, etiamsi temporale sit principale motivum dandi spirituale, immo, etiamsi sit finis ipsius rei spiritualis, sic ut illud pluris aestimetur, quam res spiritualis.

Merito hoc damnatum est, nam, quamvis ibi dicatur ob motivum, non pretium, et certum sit, simoniam non committi, nisi interveniat venditio rei spiritualis; attamen ibi revera motivum idem est quam pretium. Quando enim, ut recte notant *Viva in dict. prop. nunt. 6. et Salm. c. 2. n. 58.* datur res mere spiritualis,

uti sunt Sacramenta, Beneficia, etc. principaliter propter temporalem rem alicujus magni momenti. (secus si parvi,) quæ apta sit moraliter pervertere voluntatem alterius; tunc spirituale difficile datur omnino gratis, sed practice datur cum aliquo pacto implicito imponendi alteri novam obligationem: et sic motivum virtualiter convertitur in pretium. Et hoc patet ex ipsa dict. Prop. 46. ubi additur in fine: *Imo etiamsi temporale sit finis ipsius rei spiritualis, sicut illud pluris aestimetur, quam res spiritualis.*

55. Quær. V. An liceat accipere aliquid pro administratione Sacramentorum? Resp. I. Quod in administratione Sacramentorum, aliarumque functionum spiritualium est simonia accipere pecuniam, tamquam pretium rei sacræ, vel laboris intrinseci in iis actionibus requisiti. Secus, si labor sit extrinsecus, puta si Sacerdos deberet celebrare cum cantu, vel tali hora, aut loco, et simili. Ita Ronc. de Sim. c. 2. q. 2. p. 208. et Salm. c. 2. n. 19. cum Caj. Sot. Less. Sanch. Pal. Tol. et aliis comm. Resp. II. E converso non est simonia accipere pecuniam, non ut pretium, sed ut stipendium sustentationis, etiam pro labore intrinseco in talibus ministeriis impendendo: Unusquisque enim, qui in commodum alterius, se occupat debet ex justitia ab eo sustentari ex illo Lucæ 10. *Dignus est operarius mercede sua.* Ita comm. etiam DD. ut Anael. de Simon. q. 3. num. 28. Cabass. Th. I. l. 5. n. 14. et Suar. Less. Tol. Sanch. et alii ap. Salm. n. 21. cum S. Th. 2. 2. q. 100. art. 3. qui sic docet: *Vendere quod spirituale est in hujusmodi actibus, aut emere, simoniacum est. At accipere, aut dare aliquid pro sustentatione ministrantium, secundum ordinem Ecclesiæ, et consuetudinem approbatam, licitum est.* Hæc au-

180 Lib. III. Tract. I. De Primo Præc. etc.  
 tem consuetudo invenitur approbata ex *cap. 12. de Præbend. et c. Ex his 22. causa 12. q. 1.* Idque currit, etiamsi Minister aliunde sit locuples ex bonis propriis, vel Ecclesiasticis, ut adhuc comm. dicunt *Roncagl. et Salm. ll. cc. cum Suar. Less. Sanch. etc.* ac *S. Th.* præcipue in *Quodl. 7. a. 10.* Quia, ut ait *Apost. 1. Cor. 9. Nemo militat suis stipendiis.* Hinc licitum est etiam de tali stipendio pacisci, dummodo non excedatur taxa, vel consuetudo, prout dicunt *Ronc. ibid. cum Laym. Pal. Gutt. et Salm. n. 22. cum Suar. Tol. Sanch. ac aliis passim.* Nec obstant *c. fin. de Pactis, etc. Si nos de Sim.* ubi prohibetur quodvis pactum in spiritualibus; nam præfati textus vel explicandi sunt de pactis inhonestis, ut sentit *Ronc. cum Gloss. in c. ult. de Pactis.* Vel, ut asserit *Less. l. 2. c. 35. num. 99. cum Sot.* illis per contrariam consuetudinem derogatum est, prout probat ex *c. ult. de Pactis.*

Quæritur VI. An pariter sit simonia celebrare Missas, administrare Sacramenta, assistere in Choro, concionari, et similia principaliter ob temporale emolumentum? *Prima sententia* pariter affirmat cum *Viva in diet. prop. 45. n. 7. et Carden. cum aliis ap. La-Croix l. 3. p. 1. n. 60. ex S. Thom. qui Quodlib. 8. art. 111. dicit, quod qui ad Ecclesiam vadit principaliter ob distributiones, peccat mortaliter ob simoniam; nisi principaliter intendat Deum, et secundario distributiones.* Hinc inferunt, ordinarie committere simoniam celebrantes in mortali. *Secunda tamen probabilior quidem sententia, quam tenent Salm. de Sim. c. 1. n. 60. Suar. de Relig. tr. 3. l. 4. c. 44. n. 11. Pal. tr. 17. D. 4. n. 3. Coreglia in d. prop. 45. cum Sot. Dian. etc. item Sanch. Sylv. Con. Mald. et alii*

*apud Croix l. c. num. 63.* dicit simoniam tunc tantum intervenire, quando temporale accipitur pro prætio spirituali, unum cum alio æquiparando, non vero, quando accipitur tanquam stipendium ad sustentationem Ministri, qui prædicta munera exercet: quod stipendium debetur ex iustitia, ut *Elbel. num. 621. cum Laym. et Pal.* Confirmat *Croix d. num. 62.* recte sic arguens. Qui dat stipendium principaliter propter Missam, quæ certe res spiritualis est, nunquid dicitur simoniacus? Sic vice versa neque simoniam committit, qui dicit Missam principaliter ob stipendium. Illicitum enim non est, ut notat cum *Nav. et Suar.* ordinare rem spiritua-lem, etiam principaliter, ad finem temporalem honestum.

Nec obstat præfata *prop. 46. Ly*: *Etiam si temporale sit principale motivum dandi spirituale.* Ibi, enim, ut diximus in *q. præced.* motivum accipitur per idem ac pretium rei spiritualis. At in casu nostro temporale accipitur, ut stipendium non rei, sed personæ occupatæ in gratiam alterius, cui debita est sustentatio, ut supra declaratum est, Nec etiam obstat quod ait *S. Th. in cit. Quodlib. 8.* Nam animadvertere oportet, quod in nostro casu dupliciter potest lucrum intendi, vel ut finis operis, vel ut finis operantis. Cum lucrum intenditur, ut finis operis, ita ut ipsum opus spirituale intendatur vendi, tunc certe committitur simonia; et sic intelligendus *S. Doctor* (ut dicunt *Salm. n. 61.*) dum ibi dicit: *Et ideo Simoniam committit, qui huiusmodi actum vendere intendit..... Si distributiones recepit quasi finem sui operis principaliter intentum.* Secus vero dicendum, quando lucrum intenditur, ut finis operantis, scilicet ratione operationis personæ occupatæ in

gratiam alterius, quia tunc lucrum accipitur pro stipendio sustentationis, et non est simonia. Hinc dicunt *Salm. c. 2. num. 32. cum Sanch.* licite Oeconomum accipere stipendium a Parocho ad vices suas præstandas. Dicunt etiam *num. 15. cum Suar. et Laym.* quod; tametsi sit simonia dare pecuniam pauperi, ut pro te applicet orationis suæ impetrationem, aut satisfactionem, licitum tamen est dare, ut pro te oret, ad modum stipendii. Hoc vero alia ratione admittit *D. Th. 4. p. D. 25. q. 3. art. 2. q. 2. dicens: Qui dat pecuniam pauperibus, ut pro eo orent, non emit orationem, sed dat ad alliciendum.* Ceterum qui sacra Ministeria peragunt principaliter ob emolumentum temporale, non facile excusari possunt culpa veniali, cum sit quædam inordinatio dirigere spiritualia ad temporalia, ut ajunt *Salm. n. 60.*

Communiter autem DD. cum *S. Th.* ea, quæ habent rationem pretii in simonia, tripliciter denominantur, nimirum *Munus a manu, Munus ab obsequio, Munus a lingua, ex c. Sunt nonnulli, 114. 1. q. 1.* De singulis hic videndum.

56. I. Per *Munus a manu* intelligitur pecunia, et quodcumque temporale, quod pretio æstimabile est. Hinc simonia est dare rem spiritualement cum pacto, ut alter remittat debitum; et etiam, ut solvat pecuniam alias debitam, quia spiritualia omnino gratis, et sine respectu ad temporalia danda sunt. *Salm. c. 1. num. 24. cum S. Th. Suar. etc.* Simoniacum etiam esse pactum de præstando mutuo in futurum, ut certum est. Vide *Salm. c. 1. n. 34.*

57. Sed quæritur 1. an sit simonia dare mutuum, ut eodem tempore beneficium, aut alia res spiritualis retribuat, vel contra? Videtur, quod

non ; pariter ac si mutues cum pacto , ut alter se obliget ad remutuandum in futurum , esset quidem usura ; non vero si cum pacto , ut eodem tempore alter aliud tibi remutuet ; sicuti quoad mutuum approbant *Salm. de Contract. c. 3. n. 62. cum Less. Vill. Dian. etc.* docet *S. Th. 2. 2. quest. 78. art. 2. ad 4.* Ratio , quia nihil tunc pretio æstimabile percipitur ultra sortem. Sed in casu nostro omnino tale pactum tenendum est , ut simoniacum : Quia hic simonia est tradere quicquid temporale pro spirituali. Ita *Viva in d. pr. 45. n. 3. et Salm. c. 1. n. 36. communiter cum Laym. Less. Bon. Pal. Nav. Fill. etc.*

58. Quær. 2. an inter munera a manu computetur pensio , nempe si Episcopus dans alicui beneficium , peccet cum eo conveniendo , ut pensionem alteri solvat. Respondetur affirmative , cum tale onus sit pretio æstimabile. *Salm. c. 1. num. 39. cum Suar. Val. Tol. et comuni.* Hinc certe simonia est pacisci cum aliquo , ut , si te adjuvet ad obtinendum beneficium , illi pensionem solvas. Vid. *Salm. ibid.*

59. Quær. 3. an sit simonia dare aliquid temporale sub conditione , ut alter præstet rem spirituales in commodum tamen suipsius , nempe , si promittas dotem puellæ , si ingrediatur in Monasterium : munera adolescenti , si frequentet Sacramenta ? Respondetur negative , quia hæc est simplex donatio , licet sub conditione , quæ tamen non addit onus. *Salm. c. 1. n. 49. cum Suar. Less. Pal. etc.* Secus si imponeretur obligatio simpliciter , v. gr. ingrediendi Religionem etc. ut docet *S. Th. 2. 2. q. 10. art. 2. ad 4.* Vel si conditio esset de præstando aliquid in utilitatem dantis , puta , si ingressus illius in Religionem cederet in dantis commodum ; tunc

enim esset quædam commutatio. temporalis cum spiritali. Ita *Salm. ibid. num. 41. cum Laym. Pal. et Suar.* Vide dicendum n. 91.

60. Quær. 4. an sit simonia dare beneficium cum pacto, ut alter subeat aliquod onus etiam spirituale? Respondetur, quod si beneficio de jure, vel ex illius institutione iunct onus, v. gr. docendi, canendi etc. Vel si ab Episcopo cum Capitulo imponatur beneficio vacanti onus aliquod honestum v. gr. infirmis assistendi etc. certe non est simonia, ut *Salm. d. cap. 1. n. 42. et 43. ex communi cum S. Th. ex c. Significatum de Præb.* Dubium est, an a resignante, vel præsentante ad beneficium possit beneficio imponi aliquod onus spirituale? Affirmant aliqui ap. *Sanch. Cons. tom. 1. c. 3. Dub. 15. n. 6.* Sed dicendum est, quod, licet in aliis rebus spiritualibus possit dari commutatio, v. gr. applico pro te Missam, ut tu me applices pro me: in beneficiis tamen quodcunque pactum est simoniacum, ex c. *Quam pio 1. q. 2.* Ita *Sanch. loc. cit. et Salm. c. 1. n. 44. cum Suar. Bon. etc.*

61. II. Sequitur *Munus ab obsequio*, per quod intelligitur omne quod ad servitutem pertinet, ut est famulari, docere, etc. ad finem obtinendi aliquid spirituale. Hinc certe est simonia, conferre beneficium famulo, ut gratis inserviat, vel ut compensetur ei famulatus præstitus. Et sic contra, si famulus inserviat, ut loco salarii beneficium consequatur. *Salm. c. 1. n. 25. et 50. cum Laym. Less. Suar. et communi.* Hinc recte inferunt *Salm. in d. n. 20. cum Torre*, sine dubio simoniacos esse Episcopos, qui volunt famulos sibi inservire sola spe beneficii. Advertunt tamen, in omnibus prædictis casibus non incurrere poenas, nec obligationem restitutionis, nisi



Cap. II. De Irreligiositate etc. Dub. III. 185  
pactum expressum intercedat *ex cap. Mandatum, de Sim.* uti infra de pœnis n. 106.

62. Utrum autem sit simoniacus famulus, qui gratis inservit Episcopo, cum sp̄o tamen beneficii; sed sine alio tacito quidem pacto? Negant *Laym. Suar. Less. Sanch. etc. ap. Croix n. 9.* Imo *Sanch. ibid.* contra *Carden. et Pith.* dicit non esse simoniam, licet principaliter ob beneficium famuletur, sed hoc nullo modo admittendum juxta dicta n. 51. et 52.

63. III. Sequitur *Munus a lingua*, per quod intelliguntur laudes, favores, intercessionēs, preces, et similia, quæ pretio sunt æstimabilia. Vid. *Salm. cap. 1. n. 25.* Hinc est simonia, si Episcopus det alicui beneficium, ut illum laudet, saveat etc. Vel si dicas: *Non consecram tibi beneficium, nisi talis persona me roget, Salm. cap. 1. n. 31. cum Less. Laym. Bon. Suar. et contrarii.*

64. Quæritur hic 1. an sit simonia, si des pecuniam Mediatori, ut tibi obtineat beneficium; vel Ordinationem? Dicendum est, quod si des non pro mediatione, sed pro labore suscipiendo, vel pro damno subeundo, aut lucro amittendo ab eo, et pecunia sit utique cum illis proportionata, non est simonia. Ita *Less. lib. 2. cap. 35. num. 46. Croix num. 91. Salm. c. 1. num. 50. cum Sanch. Suar. Pal. etc.* Idem ibi dicunt, *Sanch. Pal. cum Suar. Mendo etc. apud Croix num. 93.* si des pecuniam famulo Episcopi, ut facilius tribuat aditum; vel si des ei gratis, ut factus benevolus obstacula removeat: sed hoc ultimum est valde periculosum. Pariter probabiliter dicit *Croix num. 94.* contra *Pal.* non esse simoniam, dare pecuniam alicui, ut tibi notitiam tribuat de beneficiis vacantibus; quia hæc valde remote se habent ad consecutionem rei spiritualis.

Nec etiam esse simoniam ( licet sit periculosum ) dicunt *Salm. num. 51. cum Bon. Pat. Az. Sanch. Fill. etc.* si des alicui pecuniam , ut tua merita simpliciter Episcopo proponat ; quia ad simoniam requiritur , ut obtentio rei spiritualis sit immediatus finis præstationis pecuniæ ; non autem sufficit , quod sit quid consequens ex alio immediato , nullam habens connexionem cum illo , ut dicunt *Salm. ibid. cum Suar. Navarr. Garcia.* Sed valde timendum est , ne alter relinquat officium informantis , et officium sumat intercedentis.

E contrario dicendum est veram esse simoniam ( etiam de jure Divino , ut tenent *Salm. dict. cap. 1. num. 53. cum Suar. Bon. Fill. Sot. contra Sanch. et Nav.* ), si des pecuniam mediatori , non gratis ad conciliandam illius amicitiam , ex qua motus te adjuvet ; sed cum pacto , ut intercedat ad rem spiritualem obtinendam , *extrav. 2. de Sim. ubi : Simoniam committi , cum pecunia datur pro collatione . . . favore , seu mediatione.* Vid. *Salm. d. cap. 1. n. 52. et 53.* Et oppositum puto improbabile , quicquid dicat *Elbel n. 607. cum aliis.* Nam , licet detur temporale immediate pro alia re mere temporali , prout est illa intercessio ; verumtamen *sic per pecuniam parares tibi viam ad rem spiritualem obtinendam* , ut in simili casu ait *S. Th. 2. 2. quæst. 100. art. 2. ad 5. et in nostro particulari Croic lib. 3. q. 1. num. 90. ac Fill. Anacl. etc. apud Elbel num. 608.*

65. Quæritur 2. an sit simonia dare pecuniam Intercessori mediato , scilicet ut ipse intercedat apud alterum , qui tibi obtineat beneficium a collatore. *Sanch. Cons. Tom. 1. l. 2. cap. 3. D. 26. n. 7. Vasq. et alii* putant probabile , non esse simoniam ( licet oppositum censeant pro-

Cap. II. De Irreligiositate etc. Dub. III. 187  
babilis). Ratio, quia datur tunc pecunia pro re  
temporali, qua non proxime, seu immediate,  
sed remote paratur via ad beneficium: *Diana*  
tamen p. 10. Tr. 4. Res. 151. et *Croix* l. 3.  
p. 1. n. 99. melius dicunt contrariam esse se-  
quendam; et an prima sit probabilis, *Diana*  
dubitatur, cum se remittat iudicio Sapientum. Et  
merito dubitat, secundum mox supra dicta.

66. Quæritur. 3. an sit simonia, si promittas  
pecuniam alteri ad erogandam illam in eleemo-  
synam alicui Monasterio, vel pauperibus, si ille  
obtineat tibi beneficium? Negant *Salm.* d. e.  
1. n. 54. cum *Dian.* *Soria*, et *Rocasfull.* In-  
tellige, si pecunia datur omnino gratis, et in  
eleemosynam, quæ jam constituit titulum ho-  
næstum excusantem a simonia, sicut excusat ti-  
tulus sustentationis etc. ut supra.

67. » Resp. 2. Simonia est triplex. *Prima*  
» dicitur, *Mentalis*, cum exterius vel nihil da-  
» tur temporale (et dicitur *Pure Mentalis*), vel  
» cum aliquid datur (et dicitur *Mixte mentalis*)  
» cum intentione obligandi ad reddendum spi-  
» rituale, sine ullo pacto externo. *Secunda* di-  
» citur *Conventionalis*, quæ ad ipsum pactum  
» exterius procedit sine reali executione; dici-  
» turque *Pura*; si sistat in mutua conventionem;  
» *Mixta* autem, si de reali; et *conventionali*  
» aliquid participet, ut v. g. si ex altera tan-  
» tum parte realiter compleatur, atque hoc re-  
» ducitur *Simonia Confidentie*, cum quis al-  
» teri dat beneficium, ut illud sibi, vel alteri  
» resignet, vel cum onere dandi certam partem  
» fructuum. *Tertia* dicitur *Realis*, quæ scilicet  
» utrinque realiter completur. Vid. *Less.* l.  
» cap. d. 6.

68. » 2. Simonia dividitur in eam, quæ est  
» *juris Divini*; estque prohibita propter mali-

» tiam suam ; v. gr. Hostiam consecratam ven-  
 » dere : et eam , quæ est *juris humani* , estque  
 » mala tantum propter prohibitionem , et sic ab  
 » Ecclesia prohibetur 1. Venditio beneficiorum ,  
 » secundum id , quod in ipsis temporale est ,  
 » scilicet quoad jus præcisum percipiendi fru-  
 » ctus 2. Venditio officiorum extrinsece tantum  
 » ordinatorum ad res sacras , v. g. Sacristæ ,  
 » OEconomi , Advocati Ecclesiæ , \* ( *Scilicet*  
 » *qui specialiter constituitur Advocatus ab Ec-*  
 » *clesia. Adde Viccedominij , et Castaldi , seu*  
 » *Majordomi , ex cap. si quis 1. et c. Salva-*  
 » *tor q. 1. Vide Salin. c. 1. n. 13.* ) \* The-  
 » saurarii , 3. Obligatio pecuniæ alicui facta ,  
 » ut suadeat alteri , ut det beneficium. 4. Pactio  
 » de resignando beneficio , vel solvenda pensio-  
 » ne , si alter beneficium tibi impetret. 5. Per-  
 » mutatio , et resignatio beneficiorum ; item re-  
 » servationis ex beneficio resignato , et in casu  
 » permutationis beneficiorum æquatio fructuum ,  
 » etc. si absque Superioris auctoritate fiant :  
 » quæ si accedat , licita erunt. 6. Acceptio mu-  
 » neris , etiam sponte oblata , pro examine ad  
 » Parochiam , ex Trid. sess. 24. cap. 18. pro  
 » collatione Ordinum , pro tonsura , literis di-  
 » missoriis , ex Trid. sess. 21. c. 10. Excipi-  
 » tur tamen decima pars aurei pro Notario , si  
 » salarium non habeat , et consuetudo permit-  
 » tat. 7. Exactio pecuniæ pro admissione ad  
 » Religionem , non pro statu tantum ( is enim  
 » spiritualis est , ideoque jure divino invendibi-  
 » lis ) sed etiam pro onere sustentationis : nisi  
 » Monasterii tenuitas , vel consuetudo contraria  
 » excuset. Vide Laym. c. ult. Bonac. d. 1.  
 » q. 1. et 2. Less. Azor. 3. p. l. 12. c. 14.

69. Quæritur , an possit dari simonia de jure humano , quin sit simonia de jure Divino ? Ne-

Cap. II. De Irreligiositate etc. Dub. III. 189  
gat *Gonet in Diss. de Prob. n. 141.* quia homines ait, minime possunt rerum naturam immutare, ut sit simonia, quod simonia non est. Communis tamen est sententia oppositæ ap: *Salm. et Croix l. 3. p. 1. n. 57. cum Suar. et Carden.* qui probant recte posse Ecclesiam efficere; ut materia alicujus sui Præcepti sit materia alicujus virtutis, sicut hic Religionis. Vide *Croix l. c.*

Sed pro majori intelligentia singula discutere satagimus in sequentibus quæstionibus.

Quæstio I. quonam jure simonia sit vendere beneficia. Esse simoniam tantum de jure Ecclesiastico tenent *Nav. Man. c. 23. n. 108. Less. c. 55. n. 19. cum Adrian.* item *Garcia Less. Panorm. etc. cum Decio*, qui dicit esse communem sententiam Canonistarum ap: *Salm. c. 2. n. 57. et Bon.* putat probabilem. Ratio, quia in beneficiis duo dicunt esse jura, unum ad exercendas spirituales functiones Ordinis, vel jurisdictionis; et hoc est certe invendibile jure Divino. Alterum ad redditus temporales, quod mentaliter separari potest, sicuti in calice separatur valor argenti, et consecrationis; et ideo tale jus est invendibile tantum jure Positivo.

70. Probabilius tamen *Cajet. 10. 2. Opusc. tr. 9. qu. 1. Sotus de Just. l. 9. qu. 7. art. 1. Sanch. Consil. l. 2. c. 3. dub. 24. n. 1. Palaus D. 7. p. 13. n. 3. Azor. p. 3. l. 12. c. 11. q. 3. Laym. l. 4. tr. 10. c. 8. n. 44. et Salm. l. c. cum Val. Vict. Led. Bon. Con. etc.* dicunt esse simoniam de jure Divino ex *D. Th. 2. 2. q. 100. art. 5.* qui docet, aliud esse temporale in calice, quod est antecedenter annexum ad spirituale: aliud, quod subsequenter, ut in beneficiis, in quibus jus ad redditus subsequenter, et ita annexum est cum jure ad Officia Eccle-

siastica, ut nullo modo separari possit, cum jus temporale essentialiter detur propter Officium spirituale: ita ut si consideretur jus ad redditus separatum a jure ad Officia sacra, jam amplius dici non posset jus beneficiale; nec beneficium, ut colligitur ex *c. Si quis* 1. q. 3. et ex *c. Et diligenti de Simon.* Hinc inferunt *Salm. d. n. 59.* nullam esse dispensationem in venditione beneficii, licet a Pontifice obtineatur. Notant tamen *n. 63.* quod Papa bene separare potest jus redditus a jure ad Sacra; et ita concedere potest, ut vendantur redditus tamquam mere temporales; vel ut aliqua super beneficium pensio imponatur separando tunc partem fructuum illius, et alicui tradendo, et confirmant *c. 3. n. 20.* Et idem docent *Less. l. 2. cap. 35. n. 19. et Croix lib. 3. p. 1. n. 123.*

Nota hic obiter, beneficiariis concessum esse locare fructus beneficii usque ad triennium, sed non ultra. Locare autem Decimas esset simonia. Vide *Croix num. 124. et 225.* Sicut etiam esset simonia elocare rem spiritualem, puta calicem; licet compensandum sit detrimentum temporale. *Croix num. 156.*

71. Quæstio II. an sit simonia vendere Jus patronatus? Loquimur non de Jure patronatus Civili, sed Ecclesiastico, quod ab Ecclesia conceditur iis, qui ad Tempia construenda, vel dotanda concurrunt. Hoc jus quoad honores, et subventiones, quæ Patronis debentur, bene vendi potest: quia quoad illa non dicitur spirituale, ut *Salm. c. 2. n. 75.*

Dubium est, an vendi possit jus præsentandi ad beneficium? Respondetur, quod, si tale jus est affixum rei, vendita re jus transfertur simul cum re in emptorem, ut *S. Th. 2. 2. quæst. 100. art. 4. ad 3.* Sicut etiam transferri potest dona-

Cap. II. De Irreligiositate etc. Dub. III. 191  
tione, aut titulo hæreditario. Vid. *Salm. ibid.*  
*num. 76.* Extra hos casus vendi nequit tale jus  
sine simonia de jure Positivo, *ex c. De jure et*  
*c. Præterea extra. De Jurepatr.* Hinc est simo-  
nia; si Patronus vendat pluri rem ratione ta-  
lis juris; vel imponat præsentato, v. gr. ut suis  
expensis litiget, et probet jus ad illum Patro-  
num spectare. Secus vero dicunt *Salmant. ibid.*  
*n. 77. in fine*, quando, vertente litigio circa  
Inspatronatus, apponitur conditio, ut, si intra  
tot menses præsentatus præsentationem suam  
non fuerit prosecutus, Patronus possit alium  
præsentare; quia tunc ille remanet in sua liber-  
tate, nec obligatur ad probandum jus Patroni  
pro illo, sed pro se si voluerit consequi benefi-  
cium. Ita *Salm. ibid. num. 87.* At in hoc ma-  
gnum censeo esse periculum, quod virtualiter  
vendatur talis præsentatio pro expensis, quæ de  
jure a Patrono fieri debebant.

An autem venditio talis Jurispatronatus sit ve-  
tita etiam jure Divino? Affirmant *Less. Pal.*  
*Laym. etc.* apud *Salm. d. cap. 3. num. 78.* Quia  
jus tale est quid spirituale, cum procedat a po-  
testate jurisdictionis Ecclesiasticæ. Negant ve-  
ro *Sanch. Sot. Sil. Nav. Torre, Dec. et alii*,  
quorum sententiam dicunt *Salm. ibid. n. 79. et*  
*80.* non esse minus probabilem. Ratio, quia  
potius tale jus est quid temporale, cum sit tem-  
poralis favor concessus ab Ecclesia, quatenus  
ipsa exercet potestatem non jam jurisdictionis,  
sed politicam (eminenter in illa contentam ad  
quam spectat favores temporales distribuere.

Notandum hic, quod vendere jus sepulture  
in loco sacro ob digniorem locum, probabili-  
ter non est simonia, ut ait *Croix lib. 3. p. 1.*  
*n. 185. cum Barb. Burg. et Caram. contra*  
*Suar. etc.*

72. Quæstio III. an possint permutari beneficia? Certum est, quod in aliis rebus spiritualibus præter beneficia, licita est permutatio, quando res sunt mere spirituales, v. gr. *Ego dico Missam pro te, ut pro me dicas tot Rosaria etc.* Quando vero coalescunt ex spirituali, et temporali, tunc distinguendum; nam si res temporales sint antecederet annexæ rebus spiritualibus: ut argentum Calicibus, arculæ Reliquiis, ipsæ bene permutari, aut vendi possunt; modo ratio habeatur solius valoris rei temporalis. Ita *S. Th. 2. 2. quæst. 100. art. 4. Salm. c. 3. n. 18. Elbel de Sim. n. 600. cum Suar. et communi.* Secus vero dicendum, si res temporales consequenter annectantur, ut fructus beneficiis in quibus quæcumque permutatio est simoniaca sine auctoritate Superioris, non jam ex jure Divino, sed ex jure Positivo, ex cap. *Quæsitum de Rer. permut.* Hinc Episcopi possunt concedere permutationes beneficiorum sistentiam in Diocæsesibus, ut *S. Th. 2. 2. q. 100. art. 1. ad 1. ex c. Universorum. De Rer. permut.* Modo beneficia non pertineant ad Pontificem, ut in *Extravag. Dudum. Ben. II.* Et idem possunt Abbates facultatem Episcoporum habentes. *Salm. ex n. 21. cum Suar. Bonac. etc.* Hoc tamen non currit, si quis ad beneficium sit tantum electus; vel si lis vertat super beneficio. Vid. *Salm. ibid. n. 26.*

Licitum est autem volentibus permutare beneficia, antecederet pacta convenire, et etiam se obligare ad pœnam solvendam a retrocedente ut *Less. lib. 2. cap. 35. n. 104. in fine.* Dependenter tamen a consensu Prælati, quia tunc obligatio non est nisi conditionata. *Salm. dict. cap. 3. num. 27. cum Sanch. Pal. Val. Suar. Less. Laym. etc. ex c. Inter cæt. de Præb.*



Sed quæritur, an, permutatione postea effectum non habente, possint propria auctoritate redire ad sua beneficia? Negant *Salm. c. 3. n. 18. cum Panormit. et Gomez*, qui pro hac sententia afferunt plures Decisiones Rotæ; quia renunciatus amittit titulum, ac possessionem beneficii; unde ad redeundum eget nova collatione; merito dicunt tamen contrariam etiam esse probabilem; quam tenent *S. Anton. et Sylv.* Ratio, quia renunciatio illa est conditionata, si Prælati consentiet: unde, non accedente postea Prælati consensu, omnino invalida est.

73. Quæstio IV. an possit beneficium cum pensione permutari?

Prænotandum, quod eo casu ad acquirendam pensionem quatuor requiruntur ex *Less. lib. 2. c. 34. Dub. 38.* nempe 1. Ut obtinens sit capax, scilicet legitimus, non excommunicatus, et saltem tonsuratus. 2. Ut adsit justa causa, v. gr. ad alendum pauperem, ob bonum Ecclesiæ, ad æqualitatem compensandam; alias obtinens non erit tutus in conscientia, etiamsi Papa dispensaverit, ut *Less. ibid. num. 204. cum Tolet. et comm.* Utrum autem requiratur etiam consensus Patrum? Negat *Less. cum aliis*, nisi beneficium resignetur, quo casu debet fieri mentio Patronatus. 3. Requiritur, ut pensio sit moderata, ita ut juxta usum non excedat tertiam partem reddituum beneficii. 4. Ut interveniat legitima auctoritas, quæ certo est in Pontifice.

74. His positis, dubitatur. 1. utrum Episcopi possint constituere pensiones in beneficiis (Affirmant *ap. Less. d. c. 34. n. 205. Gigas cum Felin, Imola, Decio, etc.* si adsit justa causa, nempe ad alendum Parochum senem, et ineptum, ad finiendam litem super beneficio, etc. ut habetur ex *cap. Nisi esset 21. de Præb. et*

194 Lib. III. Tr. I. De Primo Præc. etc.  
c. *Audivimus*. 3. de *Collusione*. Item ad compensandam æqualitatem in permutatione beneficiorum, ex cap. *Ad quæstiones*, de *Rer. permutatione*. Alii tamen cum *Less. ibid. et Salm. c. 3. n. 31.* dicunt solum Pontificem posse constituere pensiones, quia talis est Curie stylus, qui facit jus. Vide n. 81. vers. II. *Absolute*.

Sed notandum hic 1. quod pensionarii ex *Bulla Pii V.* tenentur recitare Officium B. Mariæ Virginis, alias non faciunt fructus suos; Vid. *Less. d. c. 34. n. 208.* Hoc tamen intelligitur, si pensio sit Clericalis, ita ut requirat primam tonsuram; non vero si sit mere laicalis, ita ut ejus fructus Pensionarius non exigat ut Clericus, sed ut Laicus, prout tenent *Salm. de Benef. n. 64. cum Azor. Nav. et Pal.* Item intelligitur; si Pensionarius non sit Clericus in Majoribus, vel Religiosus, nam si recitet Officium majus, vel alias preces a sua Religione præceptas, ad parvum non tenetur. Ita communiter *Salm. ibid. cum Azor. Led. Pal. Bon. etc.*

Notandum 2. quod, cum quis resignat beneficium cum pensione in favorem tertii, non potest exigere hypothecam, vel fidejussionem, aut anticipatam solutionem a pensionario, nisi hæc simul a Papa admittantur; quia jura prohibent circa beneficia omnia pacta, quæ de jure in eis non insunt; Unde censet *Less. ib. n. 95.* in tali casu non esse obligationem solvendi pensionem, et beneficium vacare.

75. Dubitatur 2. quomodo possit beneficium permutari cum pensione, et cujusnam auctoritate? Distinguendum, si pensio est spiritualis, potest fieri permutatio, sed auctoritate Pontificis, non Episcopi: nisi pensio illa spiritualis sit insuper erecta in titulum beneficii, uti sunt

Cap. II. De Irreligiositate etc. Dub. III. 195

præstimoniam, quia tunc sunt vera beneficia, et Episcopus recte potest concedere permutationes beneficiorum, ut *Salm. cap. 3. n. 20.* et uti diximus, supra *quæst. præced.* Si autem pensio est mere temporalis, neque auctoritate Pontificia potest fieri talis permutatio, cum sit simonia contra jus Divinum, ut *Salm. cap. 3. v. 29. cum Suar. Bon. Tor Vill. etc.* Pontifex tamen, ut supremus Dispensator, præscindendo a permutatione, sicut potest beneficio plures fructus addere, sic potest ab illo partem fructuum detrahere, et alteri dare, ut docet *Less. d. cap. 35. num. 89. et 91.* ubi hoc dicit, esse certum, cum communi DD. Et consentiunt *Salm. cum cit. AA. num. 30.* ut dictum est in *Q. I. n. 70.*

76 Sed magna quæstio est, quando beneficia permutanda inæqualia sunt; an liceat inæqualitatem compensare per aliquam pensionem, seu pecuniam auctoritate Pontificis? Affirmat probabiliter *prima sententia*, quam tenet *Less. d. cap. 35. art. 101. cum Cajet. Sot. Sylv. Angel. etc.* Ratio, quia tunc nudj tituli beneficiorum simpliciter commutantur, sed separantur a proventuum juribus, quæ temporalia sunt, et per alium contractum compensatur excessus, ut loquitur *Less. cap. 25. num. 102. vers. 3.* et probat *ex cap. ad quæst. 6. de Rer. permut.* ubi Clemens VIII. approbat permutationem duarum Ecclesiarum Parochialium, compensato per pecuniam excessu ditioris. Negat vero *secunda sententia* probabilius, quam tenent *Anacl. de Benefic. tract. 11. D. 2. quæst. 5. num. 50. cum Laym. Covarr. Vasq. et Salm. cap. 3. num. 34. cum Nav. Sanch. Fill. Suar. Bon.* Quia esset simonia contra jus Divinum, dum emeretur spirituale pro temporali; ille enim expressus con-

sequenter est annexus titulo spirituali beneficii. Ceterum dicunt *Salmant. num. 35.* posse Pontificem approbare contractum, non per modum permutationis, sed separando a beneficio pinguiori partem fructuum, et alteri dando, ut mox supra diximus.

Certum est autem esse simoniam, compensare pecunia excessum, qui sit in re spirituali, puta ob maiorem dignitatem, jurisdictionem. Contra vero non est simonia commutare beneficium pinguius cum alio digniore, modo nullus habeatur respectus ad compensandum excessum reddituum cum excessu dignitatis. V. *Salm. num. 32.*

77. Quæst. V. est, quomodo in beneficiis liceat fieri transactio?

In aliis materiis spiritualibus certum est, quod licet transactionem facere etiam auctoritate propria, *Salm. cap. 3. num. 42.* Sicuti licet rem spiritualement cum alia permutare, uti diximus *supra quæst. 3.* Sed in beneficiis requiritur saltem auctoritas Episcopi, etsi transigatur spirituale pro mere alio spirituali, *ex cap. Super eo etc. Statuimus de Trans. ut Salm. d. num. 43. cum Suar. Pal. etc.* Advertendum tamen, hoc non tollere, quod partes possint acquirere, sua jura cedendo, vel se remittendo Arbitris, qui saltem sint Clerici; Modo nulla fiat divisio jurium, aut reddituum, et nullum cedenti onus imponatur, *ex d. cap. Super eo Salm. ibid. num. 40. et 48. cum Laym. Bon. Fill. Pal. Suar.* Simonia autem est, litem componere interventu sortium sine consensu Superioris, cum omnis pactio sit illicita in beneficiis, *Croix lib. 5. num. 5058. cum Suar. etc.*

78. Sed dubitatur. 1. an licite Episcopus possit litem componere cum aliquo onere, ita ut obtinens beneficium solvat aliquid cedenti? De se

Cap. II. De Irreligiositate etc. Dub. III. 197  
non videtur licere, cum commutetur spirituale  
pro temporali; sed ob aliquas causas cohonestari  
potest: 1. ob bonum pacis, quæ conducit etiam  
ad bonum spirituale, ex *cap. Nisi de Præb.* 2.  
ob æquitatem, ne cedens remaneat sine alimen-  
tis, quibus eget. 3. ob laborem, et expensas,  
quas cedens sit passus, et alter passurus foret,  
si ille non cederet. *Salm. c. 3. n. 44. Pal. Bon.*  
*etc.* Quinimmo *Laym. l. 4. Tr. 10. c. 8. p. 5.*  
*n. 58. cum Suar. et Abb. et Salm. c. 3. n. 43.*  
*cum Pal. Fill. Bonac.* docent datum esse etiam  
Arbitris (qui tamen sint Clerici) componere li-  
tes cum tali onere, modo non sit annua pensio,  
et modo non removeatur beneficium a possessore;  
et constat posse fieri ex *cap. de cetero, de*  
*Transact.*

79. Dubitatur 2. an Episcopus ob bonum pa-  
cis in tali commutatione possit imponere super  
beneficio pensionem solvendam cedenti, ejus vi-  
ta durante? Negant *Salm. cap. 3. num. 46.*  
*cum Azor. Bon. etc.* Et sic pluries decisum in  
Rota testatur *Boñ.* Quia de Curie stylo dicunt  
hujusmodi transactiones non admitti. Contrarium  
tamen tenent *Laym. l. c. d. n. 58. cum Abb. et*  
*Pal. Suar. Torr. Pard. Menno ap. Salm. d. n.*  
*46.* quam ipsi satis probabilem vocant. Ratio,  
quia, etsi (ut ajunt *Salm. n. 45.*) solus Pa-  
pa possit imponere perpetuas pensiones beneficia-  
riis, ut supra diximus; In transactionibus ta-  
men ex communi DD. dicunt, jura, et usum  
jam introduxisse, quod Episcopi ob bonum pa-  
cis possint pensiones imponere, non utique be-  
nificiariis, sed super eisdem beneficiis pro vita  
pensionariorum. Et hoc constare ait *Laym. ibid.*  
*ex cap. Nisi essent de Præb.* Et idem posse ait  
*Laym. ibid.* Judices Ecclesiasticos.

80. Dubitatur 3. an possit admitti ab Episco-

po talis transactio cum pensione super beneficio, si partes prius de illa convenerint, sed dependenter ab Episcopi consensu? Negant *Laym. et Reg.* Sed probabilius affirmant *Salm. num. 47. cum Bon. et Torre.*

81. Quæstio VI. quomodo Renunciationes beneficiorum fieri possint?

Renunciatio beneficii facienda est in manu Prælati illius, qui illud conferre potest; Itemque debet ab eo acceptari, ex *cap. Adinonet, de Renuntiat.* Alias nulla est, et beneficium non vacat, ut *Salm. cap. 3. n. 49. cum Garcia, et Covarr.* Hoc tamen non currit in beneficiis litigiosis, vel in electionibus ad ea, quæ valide renunciantur propria auctoritate, ex *c. 2. de In Integrum restit. et c. Sane de Renuntiat.*

Pluribus autem modis renunciatio beneficii fieri potest. I. *Pure, et absolute*, et in illa nulla intervenit suspicio simoniæ.

II. *Absolute sed non pure*, si fiat sine designatione personæ, sed cum onere pensionis: circa quam, si pensio est temporalis, diximus supra *n. 75.* esse jam nullam renunciationem hujusmodi factam in manu Episcopi. Sed dubium est, An valeat renunciatio cum onere pensionis spiritualis? Est duplex sententia, utraque probabilis, ut ait *Palaeus D. 3. p. 17. n. 13.* Prima affirmat cum *Malder. Gigas, Felin. Imola, Nav. Rebuff. etc. apud Salm. cap. 3. n. 59.* Quia valde probabile est, posse ex justa causa imponi talem pensionem ab Episcopis in beneficiis. Negant tamen *Salm. dict. nu. 59. cum Azor. Bon. etc.* excepto casu gravissimæ necessitatis, quia dicunt, quod ex *Conc. 5. Pii V. Intolerabilis*, fuit adempta talis facultas Episcopis. Idem tenet *Less. o. n. 74.*

III. Renunciatio fieri potest *pure*, sed non *absolute*, nempe si sit in favorem certæ personæ sine onere; Et hæc non jam prohibetur jure Divino, si finis adsit honestus, sed jure Ecclesiastico, nisi fiat in manu Pontificis. Est commune. Vid. *Sanch. cap. 3. num. 52.*

82. Sed quæritur, an sit simoniaca talis renunciatio in favorem tertii facta in manu Episcopi? Bene distinguunt *Salm. n. 53. cum Sanch. Bon. Sot. Torre, etc.* si pactum præcedat cum Episcopo, ut, facta resignatione, beneficium tertio conferatur, certe esset simonia; Secus vero, si non adsit pactum, quia tunc remanens Episcopus in sua libertate, si postea illi conferret, libere ageret. Peccaret tamen renuncians tali modo contra Religionem, et ob id posset ab Episcopo privari beneficio, ut dicunt *Salm. d. c. 3. n. 54. cum Less. Suar. etc.*

83. Notandum autem, quod valde probabile est non esse illicitum, si resignans etiam in eadem renunciatione declaret Episcopo suum desiderium, quod beneficium conferatur certæ personæ: modo absit pactum, ut conditio rigorosa suspendens (sicut intelligendus est *Motus proprius S. Pii V. ann. 1568. ut dicunt Salm. cap. 3. n. 56.*) Ratio, quia revera tunc renunciatio fit simpliciter, et Episcopus liber est ad conferendum beneficium cui vult. Ita *Salm. ibid. n. 55. cum Nav. Azor. Pal. Sanch. Torre, et Garcia.*

84. Sed dubium est, an, facta resignatione cum conditione in favorem tertii in manu Episcopi, possit hic admittere resignationem, conditione rejecta? Affirmant *Sanch. cum Soto, S. Anton. et Sylv. ap. Less. lib. 2. cap. 35. n. 95. et Covarr. Arag. et Villal. apud Salm. cap. 3. n. 57.* Quia talis conditio, tamquam

200 Lib. III. Tr. I. De Primo Præc. etc.  
turpis, habetur ut non adjecta. Negat vero *Less. dict. lib. et Salm. dict. num. 37. cum Suar. Pal. etc.* quia dicunt non posse resignationem pro una parte admitti, et pro alia rejici. Utræque est satis probabilis, ut dicit *Torre apud Salm. ibid.*

Quæstio VII. quandonam resignatio beneficiorum *confidentialis* sit simoniaca?

Sciendum, quod ex *Constitutionibus Pii IV. et S. Pii V. in 7. Decretal. cap. 9. et cap. 10. de Benef. collat. juxta Trident. sess. 24. cap. 9. et 19.* prohibentur omnes resignationes *confidentiales* factæ cum *accessu*; *regressu*, vel *ingressu* ad beneficium, vel cum *confidentia* recipiendi fructus ex beneficio resignato; nam si *confidentia* esset de alia re temporali, præter fructus beneficii, esset quidem simonia, sed non *confidentialis*, ut bene notat *Croix lib. 3. part. 1. num. 68. cum Suar. Laym. etc.* Per *accessum* dicitur, si resignes beneficium alicui cum *confidentia*, ut ipse postea renunciaret, et illud alteri conferatur. Per *regressum*, si resignes beneficium, servato jure regrediendi ad illud in aliquo casu. Per *ingressum*, si resignes beneficium tibi collatum, antequam illud possideas, servato jure possessionem ingrediendi, v. gr. si *aliquis moriatur etc.*

Si quis autem resignat beneficium alteri sine pacto, sed cum spe, ut ille ex sola gratitudine iterum resignet in sui favorem, vel solvat aliquid ex beneficii fructibus, certum est non esse simoniam de jure divino, nec Canonico antiquo; licet sit valde periculosum, et ut plurimum *simonia*, ut *Salm. cap. 3. num. 65.*

85. Sed quæritur hic 1. an ex jure novo ex *A. Constit. Pii IV. et S. Pii V.* reprobetur talis resignatio cum spe sine pacto? Duplex est



Cap. II. De Irreligiositate etc. Dub. III. 201  
sententia satis probabilis, ut dicunt *Salm. ibid.*  
*n. 66. Prima* affirmat cum *Pal. Suar. Bon.*  
*etc.* et probant ex verbis *Bullæ S. Pii V.* ubi  
dicitur: *Si quid . . . etiam simplicis donationis*  
*titulo perceperit. Secunda* tamen sententia pro-  
babilius negat. Ratio, quia in iis *Constit.* reno-  
vatur tantum decretum Tridentini non solum  
damnans confidentias, quibus inducitur nova  
obligatio ( cum pacto expresso, vel tacito, ut  
explicant *Navarr. et Rodr. ap. Salm. n. 69. in*  
*fine* ). Per verba autem allata Pontifex nil aliud  
præcipit, quam quod confidentia simoniaca præ-  
sumatur, si probetur donatio postea facta. Ita  
tenent, et fusius probant *Salm. d. c. 3. n. 67.*  
*et 68. cum Suar. Sa, Vill. Nav. Less. Sanch.*  
*Azor. etc.*

87. Quær. 2. si resignans declaret suam in-  
tentionem esse, ut alter remaneat obligatus ad  
resignandum in futuro, sed sine alterius promissio-  
ne, utrum sit vera simonia confidentialis? Af-  
firmant *Pal. et Diana ap. Croix lib. 3. p. 1.*  
*num. 65.* Sed probabilius negant *Nav. Azor.*  
*Less. Suar. et alii ibid.* quia deest tunc pactum  
ex utraque parte obligatorium. Secus tamen di-  
cendum, advertit *Croix n. 66. cum communi,*  
si ille resignet, declarans velle, ut solvatur ali-  
cui pensio ex fructibus, quia hoc est signanter  
expressum in Bulla.

88. Quær. 3. an dictis Constitutionibus com-  
prehendatur confidentia, etiam in permutatio-  
nibus beneficiorum? Negant *Suar. et Pal. cum*  
*Nav. apud Salm. dict. cap. 3. num. 7.* Cum de  
permutationibus in iis non fiat mentio. Sed op-  
positum dicendum esse dicunt *Salm. ibid. cum*  
*Arav. et Torre.* Et probant ex Bulla *S. Pii V.*  
ubi, ut referunt, expresse dicitur: *At etiam*  
*omnes permutationes, presentationes, collatio-*

202 Lib. III. Tr. I. De Primo Præc. eto.  
*nes. . . . et alias dispositiones nullius momenti fore.* Sed videndum diligentius esset, quomodo præfati Auctores prædicta verba explicant.

89. Ultimo duo sunt notanda, 1. quod per hanc simoniam; etiamsi fuerit tantum conventionalis, incurruntur pœnæ, videl. 1. Interdictum ab ingressu Ecclesiæ. 2. Excommunicatio Papalis ipso facto. 3. Nullitas collationis, et obligationis solvendi fructus. 4. Privatio aliorum beneficiorum antea obtentorum. Vid. *Salm. dict. cap. 3. n. 79.* Hæc tamen ultima non incurritur, nisi post sententiam Judicis, saltem declaratoriam, ut *Salm. ibid. n. 73. cum Suar. Laym. Sanch. Henr. Torre.* Vide num. 112.

90. Notandum II. quod, si quis resignet beneficium cum confidentia, adhuc cum expresso pacto, sed auctoritate propria, minime impetrando assensum Superioris, peccaret utique, sed non incurreret prædictas pœnas: quia talis resignatio de se est nulla, etiam quando illa simoniaca pactio non intervenisset. *Salm. dict. n. 73. cum Navar.* Secus vero dicendum, si pactum valeret, nisi obstaret simonia, quia tunc pœnæ incurruntur, etsi resignatio sit nulla. *Salm. ibid. cum Nav.* Hinc bene inferunt *Elhel n. 649. et Croix l. 4. n. 958. cum Fill. etc.* quod si quis resignet Beneficium in manu Superioris, postquam convenit occulte, et resignatarius retribuat sibi aliquid, non solum resignatio est nulla, sed resignans amittit titulum, cum inter alias pœnas simoniæ sit inhabilitas ad idem Beneficium.

91. Quæstio VIII. qualiter committatur simonia pro ingressu ad Religionem?

Certum est, ut docet *S. Thom. 2. 2. q. 100. art. 3. ad 4.* esse simoniam aliquid dare, et accipere pro ingressu Monasterii ex c. *quam pio*

*quæst.* 2. Hinc I. non licet admittere aliquem in Monasterium propter bona, quæ offert, esset enim vendere statum Religiosum, nisi ille simpliciter exprimat sine pacto velle ingredi cum bonis suis. Pariter non licet præstare servitutem Monasterio tanquam pretium admissionis: nisi quis inserviat ad sibi conciliandam benevolentiam Religiosorum, ut in illud admittant; ita *Salm. c. 2. n. 47. cum S. Anton. Sylv. et Sanch.*

II. E converso dicit *S. Th. loc. cit.* non esse simoniam, si quis eleemosynas Monasterio eroget, ut facilius ex gratitudine admittatur: Uti nec etiam, si Religiosi donis inflectant aliquem ad ingressum in Monasterium. Imo, ut dicit *Bon.* nec si Monasterium solvat illius debita, ad removenda impedimenta ingressus, relicta tamen ingrediendi libertate. Vel si Monasterium promittat eum admittere, postquam artem didicerit; quia tunc non imponitur onus, sed conditio declaratur requisita, si cupit admitti. *Salm. num. 48. cum Regin. Az. Sylv.*

III. Licitum est etiam, prout comuniter docent *S. Thom. 2. 2. quæst. 100. art. 3. ad 4. et Cabass. Theor. Jur. lib. 5. cap. 5. num. 12. cum Bon. Daj. Nav. Tol. Suar. etc.* si Monasterium est egens, pro sustentatione ingressuri accipere aliquid, uti dotes Monialium, et distributiones, quæ solent aliis Monialibus distribui. Notat tamen *Sanch. apud Salm.* vix excusari posse Monasteria, quæ petunt uberiores dotes propter ignobilitatem personæ, vel alium defectum; nisi ex hoc eveniret Monasterio detrimentum in honore, in bonis, et simili; quia hoc jam esset temporale damnum. Et sic permittitur recipere plus pro admittenda tertia so-

204 Lib. III. Tract. I. De Primo Præc. etc.  
rore, aut vidua, sene, infirma, etc. Vid. *Salm.*  
*d. c. 2. n. 50.*

92. Sed quæstio magna est, an liceat aliquid accipere pro sustentatione ingressarii, si Monasterium sit opulentum? *Prima* sententia, quam tenet *Sot. lib. 9. q. 6. art. 2. Pal. D. 3. p. 9. n. 4. Bon. D. 1. q. 4. §. n. 2. Sanch. Conf. c. 3. D. 23. n. 1. Elbel de Sim. n. 604. et Salm. dict. cap. 2. n. 53. cum Lezan. Sylvest. Arag. etc.* affirmat. Ratio, quia ut dicunt, hæc non est simonia neque de jure naturali, neque positivo. Non de jure naturali, quia ex una parte non recipitur temporale, nisi pro temporali sustentatione præstanda; ex alia parte nequit dici, quod ii, qui ingredi postulant, aliquid jus habeant ad bona Monasterii, cum ipsa vel propria industria a Monasterio sint adepta, vel ei ab aliis libere sint donata. Neque de jure positivo, nam si aliqua jura videantur id prohibere, nullus vero textus prohibet expresse aliquid recipi sustentationis titulo. Quod si, ajunt, unquam talis extitit prohibitio, ipsa per contrariam consuetudinem ablata est. Non negant tamen *Elbel, et Salm. n. 4. cum Sylv. Torre, Vill. etc.* quod hoc saltem excusare non poterit ab avaritiæ labe.

*Secunda* vero sententia, quam sequuntur, et tenent *Cahass. l. c. n. 3. cum S. Bon. Suar. l. 4. de Sim. Laym. tr. 10. c. ult. §. 4. n. 39. Caj. 2. 2. q. 100. art. 3. Rouc. de Sim. cap. 2. q. 6. et alii*, quibus clare consentit *D. Thom. d. q. 100. art. 3. ad 4.* qui docet tunc tantum licere aliquid exigere, si Monasterium sit tenue; (*Et ibid.*) si ad hoc non sufficiant Monasterii opes: Ratio potissima, et mihi valde urgens est, quia postulans, etsi ante receptionem nullum jus habeat ad bona Monasterii, postquam tamen

receptus est, habet quidem jus ad illa pro sua sustentatione. Quapropter, si Monasterium est opulentum, et aliquid pro sustentatione illius temporis exigit, vendit ei jus, quod ille post receptionem jam est adepturus; Et quamvis illa sustentatio sit aliquid temporale, est vero quid consequenter annexum ad spirituale; unde, sicut non potest vendi jus ad redditus Beneficii, vel ad Decimas percipiendas, quia hi sunt proventus rei spirituali consequenter annexi; ita nec jus ad alimenta in Monasteriis. Illic ex c. *Quoniam, de Sim.* Vetitum fuit aliquibus Monialibus recipere temporalia prætextu paupertatis ab ingressuris ad ipsarum sustentationem. Et in *Extr. 1. de Simon.* prohibetur sub excommunicatione aliquid accipi ad quemcunque finem pro ingressu ad Religionem, nisi quis liberaliter dare voluerit. Et cum hæc sit simonia de jure Divino, ut probavimus, frustra assertur ab Adversariis in contrarium consuetudo, de qua tamen valde dubito; exceptis Monasteriis Monialium, ut infra videbimus. Secus autem dicimus, cum Monasterium est inops: quando enim ipsum non habet bona sufficientia ad aliorum sustentationem, tunc nihil vendit, cum recipiendus nullum habiturus sit jus ad bona quæ Monasterium non habet. Et in hoc communiter DD. conveniunt. Atque *Cabass. loc. cit. num. 13.* advertit, ad exigendum aliquid a recipiendis non requiri arctam necessitatem, sed sufficere illam, qua Monasterium non posset alias commode eis alimenta subministrare: Tridentinum enim *Sess. 25. c. 3. de Reg.* sic providit: *In temporalibus Monasteriorum facultatibus eam ineundam esse rationem, ut monialium numerus commode sustentari posset.*

Contra nostram autem sententiam non valet

dicere cum *Salm.* quod, sicut Sacerdos, etsi opulentus, potest licite recipere pecuniam ab altero ad celebrandum pro stipendio suæ sustentationis, sic Monasterium a postulante pro eodem sustentationis titulo. Nam respondetur, quod Sacerdos recipiendo eleemosynam pro Missa, licite eam recipit tamquam stipendium suæ sustentationis, quæ ex justitia illi debetur, ut statuimus supra *num.* 55. Monasterium vero nihil potest exigere pro onere quod assumit sustentandi ingressurum, quia (ut diximus) ingressurus post receptionem habet jus ad sustentationem ex bonis Monasterii, utpote receptioni annexam.

Excipitur tamen I. Si aliquid recipiatur a postulantibus pro alimentis tempore Novitiatu, id enim expresse permittitur a Tridentino *Sess.* 25. *cap.* 17. *de Reform.* Excipitur II. Si recipiendus sit infirmus, senex, hebes ingenio, vel similis, quia tunc Monasterium licite accipit aliquid temporale ab illo, tum pro carentiâ servitutis, quam alius sanus vel juvenis præstaret; tum pro incommodo temporali extraordinario, quod pro ipso Monasterium est subiturum: ita *D. Th.* 2. 2. *qu.* 100. *ad.* 4. *Croix lib.* 3. *p.* 1. *n.* 287. *cum aliis*: Et hoc est certum apud omnes, ut asserunt *Salm.* *n.* 51. Excipiuntur III. Monasteria Monialium, quibus Clemens VIII. (ut referunt *Nav. Bassæus, Less. et Bonæ.* apud *Cabass.* *n.* 17.) indulget posse pacisci de dote recipiendarum pro earum sustentatione. Ratio hujus indulgentiæ videtur, quia Monasteria Monialium facilius sunt obnoxia diversis infortuniis, ut experientia patet, quam Monasteria virorum. An autem excommunicatio inflicta in *Extrav.* 1. *de Simon.* omnibus exigea-

Cap. II. De Irreligiositate etc. Dub. III. 267  
tibus et solventibus pro ingressu Monasteriorum,  
hodie sit usu abolita? Videntur affirmare *Nav.*  
*et Less.* sed *Cabass. num. 17.* ait illam adhuc  
posse vigere pro Monasteriis virorum.

*Ex dictis resolves.*

93. » Simonia est concionari, catechizare,  
» Missas facere pro pretio, nisi excusetur ra-  
» tione laboris, non intrinseci (is enim sacer  
» est, et inæstimabilis; scilicet vel ipsa actio  
» sacra, vel in ea intrinsece inclusus) sed ex-  
» trinseci, non annexi rei spirituali, ut pro la-  
» bore itineris, vel cantus in Missa, vel ra-  
» tione alterius incommodi pretio æstimabilis.  
» Ratio est, quia illæ actiones ex natura sua  
» ordinantur ad aliquid supernaturale, et ad  
» salutem, non autem ad aliquid temporale,  
» sicut lectio quæcunque etiam Theologiæ, quæ  
» pretio æstimabilis est. *Bonac. l. c. Suar. Fill.*  
» *etc. v. infra lib. 6. t. 3. cap. 4. d. 1. Laym.*  
» *lib. 1. §. 4. \* (Vide dicta num. 55.) \**

94. Quær. an sit simonia accipere aliquid ad  
instruendum alios in sacra Doctrina? Distingui-  
tur, si instructio rendit ad bonum tantum spi-  
rituale aliorum, est simonia; quia tunc est res  
mere spiritualis, pro qua nullum potest accipi  
pretium. Hinc est simonia accipere aliquid pro  
concione, ut pretium pro labore illius intrin-  
seco, uti pro studio, defatigatione, prout do-  
cent *Less. lib. 2. cap. 34. num. 76. et Salm.*  
*c. 2. n. 42. cum S. Thom. et communi; Nisi*  
*accipiatur ut stipendium sustentationis, ut di-*  
*cunt Less. cap. 35. n. 7. et Salm. dict. cap.*  
*n. 20. cum S. Thom. Torre, Sanch. Vill. etc.*  
Vide dicta n. 55. Secus vero, si instructio ten-  
dat etiam ad aliquod bonum temporale alterius,

ad utilitatem, honorem, oblectationem, prout est instructio ad interpretandas Sacras Scripturas, ad edocendas Theologicas conclusiones, ad expugnandas hæreses. *Croix* n. 179. *Less. ibid.* n. 80. cum *Sot. Cajet. Vict. Salm. ibid.* n. 43. *Elbel. num.* 620. ex *D. Thom.* 2. 2. quæst. 190. art. 3. ad 3. ubi dicit: Qui docet scientiam, potest stipendium accipere, quasi operas suas locans. Hinc licitum est etiam accipere aliquid pro docenda Theologia Morali, ut est probabilius apud *Croix* lib. 3. p. 1. num. 165. et 184. Item pro impertienda licentia docendi Theologiam cum titulo Magisterii, ut patet ex usu Universitatum; sive pro dando consilio morali, quia est instructio temporalis, quamvis conducat ad pacem conscientiae. Secus autem, si consilium tenderet ad bonum tantum spirituale alterius: puta, ut moveatur ad poenitentiam, etc. *Salm. ib.* n. 45.

95. » 2. Item Simonia est dare, vel accipere » pretium pro absolutione a peccatis, et censu- » ris, pro dispensatione in voto, juramento, » impedimento matrimonii, irregularitate, etc. » Potest tamen in his aliquid exigi per modum » mulctæ ad causam piam applicandæ. *Laym.* » loc. cit. num. 10.

96. Accipiuntur solutiones in dispensationibus in Matrimoniis, etc. etiam per modum sustentationis onerum Pontificatus; Item per modum commutationis, sicut vota commutantur in eleemosynas. Et conceditur etiam Episcopis in talibus dispensationibus accipere aliquid eleemosynis distribuendam (modo ipsis, vel suis nihil perveniat) per modum poenæ, vel commutationis, non autem per modum sustentationis: hoc enim vetitum est illis ex c. *Jacobus*, de *Simon.* et a *Trid. sess.* 24. c. 6. *Salm. cum S. Th. dict.* c. 2. n. 36. et 37.



97. Quær. hic, an sit simonia dare aliquid, ut alter omittat rem spiritualem? Distingue, et affirma, si omissio dirigatur a potestate spiritali, ut esset omissio absolvendi, dispensandi, eligendi etc. ex c. *Presbyter de Simonia*, ubi prohibetur, ne ob pretium negetur pœnitentia, nisi talis absolutio esset sacrilega, aut injusta. Vid. *Croix a n. 174*. Secus autem non est simonia, si actus spiritalis dependeat a libertate, ut esset omissio orandi, dandi eleemosynam, celebrandi, nisi alter ad ea teneatur ex justitia. *Salm. c. 2; ex n. 27. cum Led. Vill etc.*

98. n. 3. Non est simonia dare aliquid ad redimendam vexationem a negante Sacramenta in necessitate. *Suar. Less. Laym.* Vel ab iniuriam que impediens electionem, vel possessionem beneficii, ad quod jus in re habes. Quod addo, quia si nondum habes jus in re, etsi possis redimere vexationem ab eo, qui tantum potest obesse, non tamen ab eo qui et prodesse, et obesse potest. Ratio est, quia non datur tanquam pretium æquivalens rei spiritali, sed ut alter ad officium rite præstandum inducatur.

In hoc sedulo attende duas regulas traditas a *S. Th. 2. 2. q. 100. art. 2. ad 3.* Prima est, quod, quando jus est certum, et in rem quæsitam, licet tollere injustam vexationem, dando aliquid temporale, ex comm. cum *Nav. Man. cap. 23. n. 102 Salm. c. 3. n. 3. Elbel de Sim. n. 616. et aliis.* Dicitur *jus certum*, nam si dubium sit, non licet; quia tunc per temporale acquireretur ut certum jus spirituale quod erat dubium. Dicitur per *injustam vexationem*; nam si sit justa, neque licet. Dicitur item *dando aliquid temporale*, non enim posset dari spirituale pro redimenda vexatione,

210 Lib. III. Tract. I. De Primo Præc. etc.  
quia daretur spirituale pro re temporali, qualis  
est vexatio. *Salm. d. n. et 6. cum communi.*

99. Quæstio tamen est, an possit redimi pecunia vexatio circa possessionem beneficii? *Prima sententia* negat, quia talis possessio est res spiritualis, vel spirituali annexa, cum per possessionem acquiratur jus ad exercenda spiritualia. Ita *Vig. de Benef. q. 9. art. 6. Bon. Garcia, Abb. etc. ap. Salm. cap. 3. n. 7. Secunda tamen sententia* probabilior, quam tenet. *Bus. hic, et Suar. lib. 4. c. 50. n. 31. Sanch. Cons. l. 2. c. 3. dub. 30. n. 11. Pal. tom. 3. D. 3. de Sim. p. 20. num. 3. Croix lib. 3. p. 1. n. 140. Bonac. c. 3. q. 4. Less. lib. 2. cap. 35. n. 109.* qui vocat communem, et alii plures *ap. Salm. num. 8.* affirmat licere, quia jus quidem ad beneficium spirituale est, non autem possessio. Hanc recte sequuntur *Salm. num. 9. et Croix dict. num. 140.* semper ac sit certe acquisitum jus ad possessionem; tum enim vexatio non esset circa jus spirituale, sed circa factum possessionis, quod est temporale, et sic videtur sentire *D. Thom. loc. cit. art. 2. ad 5.* docens: *Sed postquam jus alicui jam acquisitum est, licet per pecuniam injusta impedimenta removere.* Secus tamen dicendum cum *Salm. n. 8. in fine*, si jus revocetur in dubium probabile, ut mox supra diximus. Notandum autem hic in *Trident. sess. 24. cap. 14.* præcipi Episcopis, ne permittant pro admissione ad possessionem beneficii solutionem ullam, aut promissionem, utpote *simoniacæ labis, aut avaritiæ suspicionem habentes*, reprobata quacunque consuetudine in contrarium. Tantum permittit Concilium, si sit consuetudo, dare aliquid in usus pios convertendum. Sed hæc intelligantur 1. non de omnibus Beneficiis, sed tantum de Canonici-

Cap. II. De Irreligiositate etc. Dub. III. 211  
 catibus, et præbendis in Ecclesiis Cathedralibus,  
 aut Collegiatis, ut probabiliter ait *Bon. de Si-*  
*mon. quæst. 7. §. 3. num. 4. et Barb. in dict.*  
*1. Conc.* Intelliguntur 2. de recipientibus aliquid  
 pro admissione ad possessionem, non vero de  
 dantibus ad tollendam injustam vexationem ut  
 supra; Nam Bulla S. Pii V. *Durum nimis*,  
 edita ann. 1570. pro observantia præfatæ San-  
 ctionis Concilii id explicat, et confirmat tan-  
 tum pro recipientibus, his verbis: *Præcipimus*  
*Episcopis, Capitulis, etc. ne retineant fructus,*  
*neque alia petant, vel exigant, etc.*

100. Secunda regula est, quod, si jus non  
 sit in re jam acquisitum, sed ad rem, non li-  
 cet pecunia vexationem tollere, *ex cap. Matthæus*  
*de Sim.* ubi damnatur, qui, obtenta electio-  
 ne, pecuniam obtulit, ne alii electores impe-  
 dirent confirmationem; cum ad confirmationem  
 nondum haberet jus acquisitum. Hinc simonia  
 est offerre pecuniam Episcopo, qui injuste nol-  
 let me præsentatum instituere, vel me dignum  
 eligere; quia tunc per pecuniam non solum  
 amoverem impedimentum, sed etiam rem spi-  
 ritualem adipiscerer. Ita *Bus. hic et Sanch.*  
*Cons. lib. 2. cap. 3. D. 30. num. 3. Salm.*  
*d. c. 3. num. 9. cum Laym. Caj. Sylv. etc.*  
 Et dicunt, quod hæc esset simonia de jure Di-  
 vino cum *Soto, Suar. etc.* contra tamen *Pal.*  
*Laym. Bonac. etc. ibid. num. 12.* Notant ta-  
 men *Bus. hic, Croix n. 144. et Salm. n. 11.*  
*et 13. cum Less. Soto, Fill. Suar. etc.* quod  
 hæc regula non currit, si aliquis Electorum vi  
 vel fraude alios Electores corrumpere, ne me  
 eligant, quia tunc non agit tanquam elector.  
 Imo non currit, si vexatio esset ab his, qui  
 tantum obesse possunt; *Suar. de Sim. c. 50.*  
*n. 23. Pal. de Sim. p. 20. n. 4. Anact. eod.*

212 Lib. III. Tract. I. De Primo Præc. etc.  
*tit. §. 13. n. 310. Elbel de Sim. n. 614.* Secus vero, si possint obesse, et simul prodesse instituendo, præsentando, vel confirmando; quia tunc, quod datur eis ne obsint, necessario datur etiam, ut prosint, consensum non negando; et sic pecunia tunc directe sternetur via ad beneficium obtinendum. Ita tenendum omnino censeo cum *Anacl. num. 314. Suar. num. 18. Elbel. l. c. et Salm. ib. cum aliis cit.* quando datur pecunia, ut Elector suum votum non neget, etiamsi injuste negaret; quicquid dicat *Pal. l. c. n. 4.* asserens ut probabile non esse simoniam, si detur pecunia tantum ad removendam pravum illius affectum. Dicunt autem *Sanch. Cons. l. 2. c. 3. d. 30. n. 5. et Less. lib. 2. cap. 35. n. 1.* simoniam non committi, quando datur pecunia Electori, non jam ut prosit præstando votum, sed tantum ad redimendam iniquam vexationem, qua ille obesset per vim, aut fraudem, vel subornationem aliorum, ut supra. Et satis probabile hoc videtur saltem casu, quo dans pecuniam manifestaret non aliud velle, quam quod alter non obsit injuste, ut *Mazzot. cap. 3. q. 1. p. 236.*

101. Sed hic quæ. 1. Si aliquis non vi vel fraude, sed precibus aut muneribus Electores mihi propensos impediret, ne conferant mihi digno Beneficiam, propter odium quo in me tenetur, an possim pecuniam illi dare, ut cesset? Negat *Sot. ap. Less. dict. cap. 35. n. 109.* Sed *Less. loc. cit. Croix lib. 3. p. 1. n. 147. cum Suar. Laym. item Salm. dict. cap. n. 13. cum Sanch. Val. et Bon.* recte affirmant licere; quia, ut ait *Less.* si licitum est dare pecuniam, ut alter cesset a me vexando contra justitiam, licet etiam dare, ut cesset a vexatione contra charitatem; cum revera talis vexatio sit

Cap. II. De Irreligiositate etc. Dub. III. 213.  
res temporalis, quam alia re temporali redimo;  
et ex alia parte pecunia mea nonnisi valde re-  
mote sternit viam ad beneficium.

102. Quær. 2. an possim dare pecuniam, ut  
alter se non opponat ad meam electionem,  
quamvis nesciam Electores esse mihi propensos?  
Negant *Salm. ibid. num. 14.* et citant *Sanch.  
et Less.* At notandum est, quod *Less. d. cap.  
35. num. 126.* loquitur ibi tantum de præsta-  
tione facta illi, qui possit prodesse, et obesse;  
sed quoad alium, qui posset solum obesse, et  
iste vellet inique se opponere, peccando saltem  
contra charitatem, probabile videtur juxta ean-  
dem doctrinam *Lessii* ut supra, quod liceret  
dare pecuniam, ut cesset ab illa illicita impe-  
ditione. Et hoc tenet *Croix l. c. dict. n. 147.*  
qui cum aliis *DD. cit.* asserit, quod semper  
ac alter sine rationabili causa moveat Electores  
precibus vel muneribus, ut mihi non foveant,  
sed alteri; non est simonia, si dem ei pecuniam,  
ut cesset ab illa vexatione iniqua contra chari-  
tatem.

103. Quær. 3. an liceat dare pecuniam Ele-  
ctoribus, ne eligant indignum? Respondetur li-  
citur esse dare, ne eligatur indignus, si con-  
stet Electores paratos, aut saltem inclinatos esse  
ad indignum eligendum; quia Ecclesia habet  
jus acquisitum, ne detur ei minister ineptus,  
ut *Less. dict. cap. 35. n. 112. cum communio-  
ri*, *Croix a n. 146.* Pariter *Salm. d. cap. 3.  
n. 15. cum Caj. Laym. Sot. Suar. etc.* dicunt  
hoc licere, ne eligatur minus dignus, et etiam,  
ut eligatur dignus vel dignior in communi, ut  
*n. 16. cum Caj. et Laym. etc. ac Croix num.  
145. cum Suar. Less. Barb. etc. communiter.*  
Non licet vero dare pecuniam, ut eligatur ali-  
quis dignus in particulari, etiam dignissimus

in particulari, nisi in casu necessitatis, nempe si inter omnes unus tantum dignus inveniatur, quem illi nollent eligere. Et quamvis talis electio secundum jura esset nulla, posset tamen peti confirmatio illius a Pontifice. Ita *Less. cap. 35. D. 19.*

Quær. 4. An sit simonia dare pecuniam competitori, ut desistat concurrere ad Beneficium, quod tu prætendis? Negant *Elbel de Sim. n. 609. et Pasq. apud Croix lib. 3. p. 1. n. 142.* Quia, ut ajunt, hæc abstinencia a concursu ex una parte nequit dici aliquid spirituale, quod ematur; et ex alia parte competitor nihil positive confert ad Beneficii collationem, sed tantum negative se gerit. Verum huic opinioni non assentior, et recte *Croix loc. cit. cum Diana, et aliis* dicit, eam veluti contra communem non esse admittendam. Ratio, quia ut docent communiter *Less. Suar. Pal. Barb. etc. ap. Croix ibid. cum S. Th. 2. 2. q. 100. art. 2. ad 5.* tum dumtaxat licet per pecuniam vexationem removere, cum vexatio est injusta; non vero cum est justa: alias per pecuniam directe pararetur via ad Beneficium, quod omnino est illicitum.

Quær. 5. An liceat, urgente necessitate, dare pecuniam Sacerdoti nolenti sine illa administrare Sacramenta? Negant *D. Th. Alensis, etc. ap. Less. lib. 2. c. 35. num. 37.* quia, ut dicunt, emere Sacramenta nunquam est licitum; utpote intrinsece malum. Sed recte affirmant ipse *Less. n. 38. et 39. cum Adrian. item Suar. de Sim. lib. 4. cap. 12. num. 13. Gerson. de Sim. Rat. 6. Cajet. q. 100. art. 2. Dian. p. 5. tract. 7. R. 16. et Sporer de 5. Præc. cap. 1. n. 109.* cum *S. Bonav. Vasq. Pont. et aliis* communiter. Ratio, quia hoc non est emere Sacramentum, sed vexationem redimere; vel potius (ut

ait *Less. n. 41.*) permittit cum justa causa peccatum alterius. Hinc *Diana et Hurt.* dicunt hoc licitum esse non tantum in Sacramento Baptismatis, et Pœnitentiæ, ut plures ex DD. cit. volunt; sed etiam in aliis Sacramentis, prout consentit etiam *Less. dict. n. 38.* Et non tantum in casu gravissimæ necessitatis, ut ajunt *Suar. et Less.* sed etiam necessitatis gravis, puta si quis impleturus esset Præceptum Paschale Confessionis, et Communionis, vel peteret Viaticum aut Extremam Uctionem, vel esset in peccato mortali, vel etiam carere deberet frequenti usu Sacramentorum, denique quotiescunque aliquis non posset sine gravi incommodo aliquo Sacramento carere. Quod videtur sane coherere iis quæ diximus de scandalo *num. 47.* *v. Secunda vero*, ubi vidimus cum *D. Th. D. Aug.* et communi, cuique esse licitum causa cujusdam sui notabilis boni permittit alterius peccatum, quod dumtaxat ex ejus malitia provenit.

104. » 6. Nec similiter Simonia est, dare stipendium ad sustentationem Clerici etiam divitis pro Missis, concionibus, aut de eo etiam pacisci. Ratio est, quia non datur tanquam pretium spiritualis officii, sed personæ in alterius gratiam occupatæ; nec pro operatione spirituali, ut spiritualis est, sed ut in alterius gratiam suscepta, proindeque non est elemosyna, sed debitum justitiæ. *Suar. Laym. lib. 4. tract. 10. cap. ult. etc. contra Rich. Sylv. etc.* \* (Vid. *dict. n. 57.*) \*.

» Non est simonia reddere, vel redimere pensionem mere temporalem: quia non fundatur in titulo spirituali, nec refertur ad functionem spirituales. Dixi *temporalem*; quia spiritualis, quæ datur v. gr. Concionatori, vel Coadjutori Episcopi propter officium ecclesia-

216 Lib. III. Tract. I. De Primo Præc. etc:

» sticum , in eoque fundatur , nec differt a be-  
 » neficio , nisi quod non sit perpetua , vendi  
 » nequit : mixta vero , ut v. g. quæ datur Pa-  
 » rocho seni , vel Clerico pauperi ad sustenta-  
 » tionem , non quidem vendi potest ; redimi  
 » tamen potest , modo obligatio recitandi Offi-  
 » cium B. V. imposita non extingatur. Quod  
 » intellige , si in loco , ubi sit venditio , Bulla  
 » sit recepta : Ratio est , quia qui pensionem  
 » redimit , non emit jus spirituale , sed extin-  
 » guit onus temporale solvendi certam summam  
 » pecuniæ. *Less. cap. 35. dub. 21. Suar. c. 26.*  
 » *n. 5. Laym. loc. cit. n. 46.*

» 7. Non est Simonia juris divini (etsi quan-  
 » doque juris humani esse possit) spirituale cum  
 » spirituali permutare , v. g. beneficium pro  
 » beneficio , Reliquias cum Reliquiis , etc. vel  
 » dare temporale pro temporali , ut si calicem ,  
 » vel agno Dei præcise ratione materiæ vendas :  
 » vel dare temporale pro spirituali , per mo-  
 » dum doni gratuiti , etiam cum spe , vel in-  
 » tentione excitandi ad remunerationem doni  
 » spiritualis , vel contra. Ratio , quia gratitudo  
 » non respicit pretium , sed beneficium ; nec  
 » solvit debitum justitiæ , sed antidorale : quo  
 » non excluditur , quin gratis detur. \* (*Sed vi-*  
 » *de n. 51. et 54.*). \* Recte tamen monet Sua-  
 » rez , hujuscemodi dona ob præsumptionem valde  
 » cavenda. Item donare , promittere , vel ne-  
 » gare temporale quippiam , sub conditione ope-  
 » ris spiritualis præstandi , modo non fiat per  
 » modum retributionis , seu commutationis : v.  
 » g. si parens filio promittat munus , si Sacra-  
 » menta frequentet : Ratio est , quia hic non  
 » intervenit contractus onerosus , sed sistitur vel  
 » in liberali donatione , vel donatione sub tali  
 » conditione , et modo, *Suar. lib. 4. cap. 45.*  
 » *Laym. d. cap. n. 8. (Vide n. 59.)*.\*



## ARTICULUS II.

*Quæ sit pœna Simoniacæ ?*

105. *Quænam Simonia inducat pœnas ? An incurrantur pœnæ in venditione Sacramentorum, aut Capellanicæ non collativæ, etc ?*
106. *An, ad incurrendas pœnas, Simonia debeat esse completa ex utraque parte ?*
107. *An incurrat pœnas qui obtinet Beneficium per fictam promissionem pecuniæ ?*
108. *An incurrantur pœnæ per Simoniam tantum de jure Ecclesiastico ; An ob ingressum in Religionem ?*
109. *Quæ sint pœnæ ob simoniacam Ordinationem ?*
110. *An etiam ob collationem primæ Tonsuræ ?*
111. *Quæ sint pœnæ ob Simoniam in Beneficiis ?*
112. *An incurrantur pœnæ in venditione Vicariatus, vel alius Officii amovibilis : Nec non pensionis, Capellanicæ, aut Sacramentorum, et jurisdictionis ?*

*Deinde quatuor quærentur. Quæstio I. An sint nullæ electiones simoniacæ ad Prælaturas Regularium ? Qu. II. An pœnæ ob Beneficia simoniace accepta, incurrantur ab ignorantibus ? Quæst. III. An Beneficiarius simoniacus ipso facto privetur Beneficiis obtentis, et fiat inhabilis ad futura obtinenda ? Qu. IV. An electio Pontificis simoniaca sit nulla ?*

105. » **R**esp. 1. Sola simonia *Confidentiz*,  
» et *Realis* in Ordine, Beneficio ecclesiastico,  
*Ligu. Theol. Tom. II.* 10

218 Lib. III. Tract. I. de Primo Præc. etc.

» et Religionis ingressu pœnas juris ipso facto  
» inducit, licet ob ingressum Religionis ra-  
» ro incurratur, ut dictum est, vel ob tenu-  
» tatem monasterii, vel contrariam consuetudi-  
» nem receptam. \* (*Sed vide n. 92.*). \* *Suar.*  
» c. 56. et 57. *Less. decs. 32. Laym. loc. cit.*  
» §. 7.

In venditione igitur aliarum rerum, nempe  
Sacramentorum, jurisdictionis, pensionis, aut  
Capellaniæ non collativæ, etsi peccatur, nul-  
la tamen incurritur pœna. *Less. l. 2. c. 35.*  
*num. 23. et Salm. c. 4. n. 1. cum communi. Vi-*  
*de n. 112.*

106. Quæritur I. an ad incurrendas pœnas re-  
quiratur, ut simonia sit ex utraque parte com-  
pleta? Duæ sunt sententiæ ambæ probabiles.  
*Prima sententia* negat, ut tenent ipsi *Salm.*  
*cap. 4. num. 9. cum Sot. Caj. Pal. etc.* Di-  
cunt enim sufficere, quod tradatur res spiritua-  
lis, nam, re tradita, venditio perficitur, et-  
iamsi pretium non sit solutum, modo de eo fi-  
des præstetur, ut ex *lib. 2. ff. de Contrah. emp.*  
Attamen *secunda* communior et probabilior sen-  
tentia, quam tenent *Less. lib. 2. cap. 35. dub.*  
*27. Nav. Man. c. 23. num. 104. Suar. de Sim.*  
*cap. 56. num. 33. Anacl. a num. 246. Croix*  
*n. 112. Ronc. cap. 1. quæst. 2. Elbel. num.*  
*628. item Laym. Sanch. Covarr. Moya, etc.*  
*apud Salm. num. 17.* qui probabilem vocant  
cum *Palao*, et aliis, dicit requiri impletionem  
ex utraque parte. Ratio 1. quia non omnino  
perficitur venditio simul et emptio, nisi tradita  
re, et prætio. Ratio 2. quæ mihi magis urget,  
quia in jure nullibi infliguntur pœnæ contra si-  
moniam non utrimque completam, et in pœnis  
*benignior est interpretatio facienda*, ut habetur  
in *cap. 49. de R. J. in 6.* Et hunc esse Cu,

Cap. II. De Irreligiositate etc. Dub. III. 219  
 riæ Stylum (qui pro lege habetur cum *Elbel*,  
*et communi*) testantur *Navar. et alii*, nimirum  
 non judicandi pœnas fuisse incursas, nisi simo-  
 nia fuerit ex utraque parte consummata. Hinc  
 inferunt DD. quod accipiens beneficium cum  
 pacto præstandi pecuniam, non tenetur ante so-  
 lutionem beneficium resignare, nec fructus re-  
 stituere. Notandum tamen 1. cum *Less. ibid. n.*  
*15. et Salm. n. 6.* quod, si pars tantum promissi  
 solvatur, jam ex utraque parte intelligitur perfecta  
 simonia Notandum 2. quod ex Simonia utrinque  
 completa quantumvis occulta, incurruntur pœnæ,  
 ut in *Extr. 2. de Sim. Vide Elbel n. 620.* Notan-  
 dum 3. quod si simonia sit confidentialis, pœnæ  
 incurruntur etiam per simoniam conventionalem  
 mixtam, scil. ex una parte completam, ex Bulla  
 S. Pii V. *Intolerabilis. §. 3. Vide Anacl. l. 6.*  
*Decret. tit. 3. n. 3. n. 284. Elb. num. 629.*  
 et vide *infra num. 111. circa fin. Resp. 4.*

107. Quæritur II. An committat simoniam,  
 et pœnas incurrat, qui obtinet Beneficium per  
 fictam pecuniæ promissionem non impletam?  
 Dicunt *Pichler lib. 5. tit. 3. n. 13. et Pontas*  
*v. Simonia, cas. 5.* hunc satis simoniam com-  
 mittere, quia ad ipsam incurrendam non requi-  
 ritur, ut facto res temporalis tradatur, sed suf-  
 ficit, quod per motivum rei temporalis obtinea-  
 tur spiritualis. Ego tamen dicendum censeo,  
 quoad culpam hunc non posse excusari a pec-  
 cato simoniæ, quia saltem cooperatur ad simo-  
 niam Collatoris; nam quoad seipsum puto pro-  
 babilius cum *Elbel n. 625. et aliis gradibus*  
 DD. peccare non peccato simoniæ, cum, non  
 interveniente voluntate se obligandi ad promis-  
 sionem, non adsit vera emtio, quæ ad simo-  
 niam requiritur. Quoad pœnas vero simoniæ puto  
 cum *Croix l. 6. p. 2, n. 200, et 204. cum il-*

las non incurrere, cum desit simonia utrimque completa, ut mox supra dictum est in præcedenti quæstione.

108. Quæritur III. an incurrantur poenæ per simoniam tantum de jure Ecclesiastico statutæ, puta, si quis emat Officium Sacristæ, etc. vel si resignet beneficium cum pensione ex propria auctoritate, ut supra notavimus? Affirmant *Elbel n. 627. ac Nav. Sot. Vill. etc. ap. Salm. d. cap. 4. num. 10.* qui dicunt esse valde probabile; sed non minus probabilem recte vocant negativam sententiam *Salm. num. 11. ibid. cum Sanch. Rodr. Dian. Aragon. etc. ac Roac. cap. 4. q. 1. Resp. 4.* Ratio, quia jura, quæ poenæ imponunt, intelligenda sunt communiter de simonia rigorosa, quæ sit etiam contra jus Divinum; et probatur ex *Extravaganti 2. de Sim.* quæ incipit: *Cum scelus simoniacæ pravitatis tam Divinorum, quam sacrorum Canonum auctoritas abhorreat, etc.*

Certum est autem, quod ex c. 1. *Extrav. de Sim.* dantes, et accipientes quid pro ingressu in Religionem, incurrunt ipso facto excommunicationem Papalem. Sed notandum est 1. cum *Nav. Sanc. Bon. ap. Salm. num. 12.* illam non incurrere nisi præsumentes, ut colligitur ex textu; Hinc ignorantes, etiam culpabiliter, excusantur. Notandum 2. valde probabile esse, non incurrri in simplici ingressu, sed in professione, ut *Salm. ib. cum Bon. Pal. etc.* Notandum 3. cum *Less. d. c. 3. n. 131. et Nav. Sylv. Pal. ap. Salm. ib.* hanc Extravagantem, ut supra saltem quoad hanc excommunicationem, non esse usu receptam. Notandum ultimo, quod professio, etiam simoniace facta, valida certo est, ut docet *S. Th. q. 109. art. 8. ad 5.* Si vero accipiens sit integra Communitas, aut Ca-

Cap. II. De Irreligiositate etc. Dub. III. 221  
pitulum, intra excommunicationem (quam vero diximus non esse usu receptam) incurrit suspensionem etiam Papæ reservatam ab Officio, executione juris capitularis, et administratione jurisdictionis; Item incurritur ex utraque parte infamia juris, et consequenter irregularitas. Simoniacæ autem admissus debet transferri in arctius Monasterium; sed hoc non ante sententiam. *Elbel. n. 626. ex ead. Extr. 2.*

109. » Resp. 2. ob simoniacam collationem, » et susceptionem Ordinum, etiam primæ tonsuræ, incurritur excommunicatio, et suspensio » Papalis, *Less. disp. 24. Laym. loc. cit.*

Ultra excommunicationem, et suspensionem Papalem, quam Episcopi simoniacæ ordiantes, et ad id mediatores, incurrunt ipso facto, *ex c. Cum detestabile, Extr. 4.* incurrunt etiam interdictum ab ingressu Ecclesiæ. Et, si violaverint suspensionem, aut interdictum, suspenduntur a regimine Ecclesiæ, et privantur perceptione fructuum, *ex Motu Sixti V. Vide Salm. d. c. 4. n. 14.*

Ordinati autem, ultra prædictam excommunicationem, et suspensionem ipso facto *ex d. c. Cum detestabile*, et maxime *ex Bulla Sixti V.* suspenduntur ab exercitio suorum Ordinum, sed illius tantum, quem simoniacæ Ordinatus suscepit, ut docet *Less. c. 35. n. 133.* et probabile putant *Salm. c. 4. n. 15.* contra *Palaum, et Rodriq.* Et suspenduntur etiam a spe ascendendi ad Ordines superiores. Notant vero *Less. d. l. n. 136. cum communi, et Salm. d. n. 15. cum Sot. Laym. Sanch.* non incurri suspensionem hanc, si, Ordinato ignorante, alius simoniam commiserit. Deinde notant *Salm. d. n. 15. in fine, cum Pal. et Less. ib. n. 134.* quod, licet *ex Bulla Sixti V.* hujus suspensionis absolu-

tio a Pontifice ipsimet reservetur, et revocentur quoad hoc facultates concessæ Religiosis, et etiam Episcopis in *Trid. Sess. 24. c. 6.* in hac tamen parte dicunt præfati *Less. et Pal.* Bullam non esse receptam; idemque confirmant *Salm. c. 4. n. 34. in fin. Cum Sa, et Suar.*

140. Quæritur, an incurrantur prædictæ pœnæ in collatione simoniaca primæ tonsuræ? Affirmant hic *Bus. et Covar. ap. Less. c. 35. n. 133.* Quia ex *Trid. Sess. 21. cap. 1.* prohibetur accipi aliquid, etiam sponte oblatum ab Episcopo, et ejus Ministris, adhuc pro collatione primæ tonsuræ, vel pro Literis Dimissoriis, seu Testimonialibus, et pro sigillo, et aliis, et contra facientes declarantur *in fine* incurrere pœnas de jure inflictas. Negant vero probabiliter *Salm. c. 4. n. 14. cum Pal.* quia tonsura non est verus ordo juxta dicenda *l. 7. num. 734.* Et idem docet *Less. n. 133.* ( licet pro se citetur a *Bus.* ) dicens, in nullo jure adesse pro his excommunicationem statutam, nec Concilium voluisse novas pœnas injungere. Pariter dicit, durum videri incurrere censuram Episcopos, et Ministros accipientes aliquid sponte oblatum, licet ipsi peccent. Imo id permittit *D. Th. 2. 2. qu. 100. art. 2. ad 4.* dicens: *Si vero ( aliqua ) exigatur quasi quedam stipendia per consuetudinem approbata, non est simonia, si desit intentio emendi, vel vendendi . . . et præcipue quando aliquis voluntarie solvit.* Attamen S. Doctor locutus est de simonia Juris Divini; Jure autem Ecclesiastico hoc vetitum est in Tridentino *l. c.* ubi reprobantur quæcunque consuetudines etiam immemorabiles, utpote quæ potius abusus dici debuissent. Ceterum *Croix l. 3. part. 1. num. 167.* videtur non improbabiler censere ibi reprobari consuetudines tantum, quæ

ante Concilium fuerunt, tanquam forte immoderatas, non autem quæ nunc sunt dandi aliquid moderatum, et quæ præsumi possunt ex juxta causâ introductæ, istæ enim bene valere possunt juxta dicta de *Leg. lib. 1. n. 108. v. Sed quid.* Hinc ait *Mazzot. de Sacr. Ord. cap. 1. §. 6. pag. 239. cum Nav. et Lop.* Episcopum non committere simoniam, si recipiat aliquid sponte oblatum post (non autem ante) collatum Ordinem, hoc enim expresse permittitur in *can. Sicut. 1. quest. 2.* modo Episcopus id non petat; ubi dicitur: *Si ille autem, qui ordinatus fuerit, si non ex placito, neque exactus, neque petitus, post acceptas cartas et pallium aliquid cuilibet ex Clero gratiæ tantummodo causa dare voluerit, hoc accipi nullo modo prohibemus, quia ejus oblatio nullam culpæ maculam ingerit, quia non ex ambientis petitione processit.* Ita Gregorius in *Epist. 44.* Sic pariter videtur permitti etiam Notariis, juxta consuetudines locorum approbatas, aliquid pro sua sustentatione exigere, si pro opera sua præstanda quoad Acta Ordinationum conficienda, nullum salarium sit eis assignatum, ut ex eodem Concilio deducitur.

III. » Resp. 3. Ob simoniam Realem in Beneficio Ecclesiastico incurritur. I. Excommunicatio Papalis. II. Irrita est electio, præsentatio, confirmatio, et institutio; Unde talis non facit fructus suos. Idque etiam, licet a tertia persona taliter provisorum id ignoraverit, ut habetur ex *cap. Nobis fuit, de Simon.* nisi tamen contradixerit. \* (*Prout sancitum est in c. 33. de Sim. Hic tamen notandum cum Less. cap. 35. n. 145. et Elbel num. 652. quod non obstante tua contradictione, nec etiam posses Beneficium acceptare, si scias*

» pecuniam revera datam fuisse a tertio pro  
 » collatione ; nam textus te excusat solo casu ,  
 » quo contra prohibitionem tuam verba textus )  
 » aliquis te penitus ignorante , promisit et ex-  
 » solvit. Nota illud , te penitus ignorante , ergo  
 » si Beneficium acceperis sciens tibi per simo-  
 » niam alterius conferri , nequis illud acceptare ,  
 » et si illud acceptaveris , nequis retinere. \* ( Vel  
 » nisi a tertio data fuerit pecunia per fraudem ,  
 » ut redderetur inhabilis ; vel nisi bona fide  
 » possederit Beneficium per triennium ) \*. Ut  
 » communiter docent Less. dict. cap. 35. n. 149.  
 » Laym. lib. 4. tract. 10. cap. ult. Bon. p.  
 » 2. n. 20. Elbel num. 640. cum Suar. Pal.  
 » etc. Nec obstat Regula Cancellariæ , ubi requi-  
 » ritur absolute , ut Beneficium obtineatur sine  
 » ingressu simoniaco ; nam intelligitur de eo ,  
 » qui culpabiliter ingreditur , Elbel ibid. cum  
 » Anacl. Hinc non tenetur Beneficiatus resti-  
 » tuere ( nec ante triennium ) fructus bona fide  
 » consumptos , si ditior non evaserit , ut S. Th.  
 » 2. 2. quæst. 100. art. 6. ad 3. Salm. cap.  
 » 4. num. 18. ac Elbel num. 646. Qui valde  
 » probabiliter addit neque esse restituendos fru-  
 » ctus perceptos intuitu stolæ , et aliarum fun-  
 » ctionum Parochialium , nempe exequiarum ,  
 » concionum , administrationis Sacramentorum ,  
 » etc. Ratio , quia fructus isti non dantur ut  
 » reditus Beneficii , sed ut stipendia Officii ;  
 » ita ut juxta communem sententiam DD. de  
 » illis potest Parochus libere dispensare , etiam  
 » ad usus profanos , ut dicunt Lugo de Just.  
 » D. 4. num. 13. Bon. D. 4. p. 2. num. 19.  
 » Busemb. Vide lib. 4. num. 185. \* ( Sanch.  
 » Cons. lib. 2. cap. 2. d. 45. n. 4. qui eam  
 » vocat longe probabiliorem cum Nav. Panorm.  
 » Host. Sota , Sylvest. Covarr. et aliis pluribus ,



Cap. II. De Irreligiositate etc. Dub. III. 225

» *contra solum Innocent.* ) \*. III. Efficitur in-  
» habilis ad idem Beneficium, etiam per dispen-  
» sationem Episcopi obtinendum. Aliis tamen  
» Beneficiis jure ipso non privatur, nec ad alia  
» obtinenda fit inhabilis ante sententiam Judicis.  
» *Suar. cap. 54. n. 7. \** ( *Si vero quis bona*  
» *fide Beneficium adiit, licet obtinuerit per si-*  
» *moniam tertii, probabiliter potest Episcopus*  
» *cum eo dispensare ad idem Beneficium, dum-*  
» *modo prius illud Beneficiatus renunciaret. Ita*  
» *S. Th. 2. 2. q. 100. art. 6. ad 7. et Elbel*  
» *n. 642. ex c. 59. de Electionibus* ) \*.

» Resp. 4. Simonia confidentiæ completa,  
» dato, et accepto Beneficio, licet accipiens  
» promissionem vicissim non impleverit, indu-  
» cit I. Excommunicationem Papalem utrique  
» parti contrahenti. II. Annulat resignationem,  
» et collationem Beneficii, in quo est commis-  
» sa; et inhabilitat ad idem postea obtinendum.  
» III. Privat omnibus Beneficiis, et pensioni-  
» bus ante obtentis; non tamen ante sententiam  
» latam. IV. Beneficia sic collata soli Pontifici  
» reservantur. *Less. cap. 35. num. 26. Suar.*  
» *cap. 43. Laym. num. 76.*

112. Hic ante omnia notandum, quod nomi-  
ne beneficiorum, et officiorum, ad quæ omnis  
electio simoniaca est ipso jure nulla, ut decer-  
nitur in *Extrav. 2. de Sim.* non veniunt Vi-  
cariorum amovibiles ad nutum, nec pensiones, nec  
Capellaniarum non collativarum, nec Officia Inquisi-  
toris, Legati, aut cujusque habeantis jurisdic-  
tionem spirituales ad tempus; quia hæc non sunt  
proprie Officia ecclesiastica: Et licet illa ven-  
dere sit simonia de jure positivo, non tamen  
incurruntur poenæ, ut communissime dicunt  
*Salm. cap. 4. num. 18. cum Suar. Pol. Sanoh.*  
*etc. item Viva Opusc. de Benef. q. ult. art. 3.*

226 Lib. III. Tract. I. De Primo Præc. etc.  
num. 9. cum *Fill. et Reg. contra Garziam*. Neque incurritur ulla pœna in venditione Commendarum Equitum, aut Coadjutoriae beneficii, ut ait *Croix lib. 3. p. 1. n. 114*. Neque in venditione Sacramentorum, aut jurisdictionis spiritualis, ut *Less. cap. 35. num. 23. et Salm. cap. 4. num. 1. cum communi*.

Quæritur I. An autem sint invalidæ electiones simoniacæ Generalatus, Abbatiae, Provincialatus, Prioratus, Rectoratus, aliorumque Officiorum spiritualium in Religionibus? Negant *Bonac. quæst. 7. p. 2. et Viva loc. cit.* Sed verius affirmandum, ut docent *Cabass. Theor. Jur. lib. 5. cap. 8. num. 5. Sanch. Cons. lib. n. cap. 3. d. 104. num. 5. et 11. cum Sylvest. Cajet. Arm. et Lop. item Less. lib. 2. cap. 35. num. 137. et Elbel. num. 622. qui recte addit num. 638. non videre qua conscientia excusari possint a labe simoniæ Electores illi, qui eligunt aliquem in Generalem, cum pacto, ut ipsi postea eligantur in Diffinitores, Guardianos, etc. Ratio hujus sententiæ est, quia licet prædicta Officia revera Beneficia non sint, expresse tamen comprehenduntur nomine Officiorum in præfata *Extravag. 2. ubi sic dicitur: Per electiones vero, provisiones etc. quas simoniaca contigerit labefieri, et quæ viribus omnino careant in Ecclesiis, Monasteriis, Dignitatibus, Prioratibus; Officiis ecclesiasticis, et quibusve Beneficiis, cuique jus nullatenus acquiratur*.*

Quæritur II. An prædictæ pœnæ ob beneficia simoniacæ accepta incurrantur ab ignorantibus? Resp. Si ignorantia fuit omnino inculpabilis, certe negandum, ex *cap. 23. de R. J. in 6. ubi dicitur: Sine culpa, nisi causa subsit, non est aliquis puniendus*. Hic tamen notandum cum *Elbel. num. 656. quod, non obstante hac incul-*

Cap. II. De Irreligiositate etc. Dub. III. 227  
habili ignorantia, provisio Beneficii semper erit  
nulla, cum inhabilitas ad idem Beneficium non  
sit poena, sed statuitur in jure ad præcludenda  
mala. Poterit tamen eo casu Episcopus dispen-  
sare, post tamen renunciationem Beneficii, ut  
supra dictum est *num. 111*. Quid vero, si si-  
moniacus sciverit committere simoniam, sed igno-  
rarit invincibiliter poenas? Quod censuras, certe  
non eas incurreret, ex sententiâ communis. Vide  
*lib. 7. de Cens. num. 43*. Quoad reliquas ta-  
men poenas, et probabilius et communius est,  
eas incurrere, ut ait *Elbel num. 657. cum Az.*  
*Laym. etc. sed num. 658*. probabilem præstat sen-  
tentiam negativam, quam tenet *Pichler*; eo  
quod poenæ a jure statutæ non incurrantur ab  
ignorantibus, ut dicunt *Sanch. Krimer etc.* apud  
*Pichler*, qui ea ratione dicit excusari ab impe-  
dimento criminis mulierem ignorantem esse con-  
jugatum virum, cum quo peccat.

Quæritur III. An Beneficiarius simoniacus in-  
currat ipso facto privationem Beneficiorum ante  
obtentorum, et inhabilitatem ad alia Beneficia  
obtinenda? Quoad poenam privationis, commu-  
nissime docent DD. cum *Busemb. ut supra*,  
non privari Beneficiarium Beneficiis antea obten-  
tis, nec fructibus eorum ante sententiam Judi-  
cis condemnatoriam, quia nulla lex habetur  
hanc poenam expresse ipso facto designans. Ita  
*Sanch. loc. cit. d. 14. num. 16. Laym. c. 8.*  
*num. 75. Bon. p. 2. diss. 2. Suar. c. 58. n. 6.*  
*et Salm. c. 4. num. 19. cum. Fill. Pol. Ro-*  
*driq. etc.* Excipitur 1. simonia commissa ab  
Examinatoribus Beneficiorum Párochialium in  
Synodo electis, qui si aliquid occasione exami-  
nis recipiant, privantur ipso facto Beneficiis ante  
rite obtentis ante omnem sententiam, ut expres-  
sum habetur in *Trid. Sess. 24. cap. 18. de*  
*Reform.* Excipitur 2. simonia confidentialis ex

*Motu S. Pii V. Cum primum*, edito anno 1566. ubi acceptantes beneficium in confidentiam privantur omnibus Beneficiis, etiam juste prius obtentis, et tenentur ante sententiam ea dimittere. Sed ad hanc pœnam incurrendam in his casibus requiritur sententia saltem criminis declaratoria, ut tenent *Suar. cap. 44. n. 13. Sanch. d. 34. num. 13. Laym. c. ult. §. 8. Salm. cap. 3. num. 73. cum. Henr. etc.* Ratio, quia omnes pœnæ privantes juribus jam quæsitis non incurruntur ante sententiam saltem declaratoriam criminis, ut diximus *lib. 1. num. 148.* et juxta probabilissimam sententiam, quam sequuntur *Sanch. de Matr. lib. 2. D. 43. num. 5. Less. lib. 2. cap. 29. d. 8. et cap. 34. d. 34. Cajet. in Sum. v. Pœna, Sot. lib. 1. q. 6. art. 6. et Salm. cum Mol. Salas, Pal. Led. Granad. de Leg. cap. 2. num. 60.* (contra *Vasq. Bon. etc.* qui volunt non requiri ullam sententiam, si reus potest pœnam subire sine infamia). Quia nimis rigidum est, ut reus pœnas ex seipso exequatur, et bonis possessis se privet. At si Examinatores illi vellent absolvi a labe simoniæ, nescio quomodo absolvi possent, nisi Beneficia dimittant, dum dicitur a Trident. *loc. cit. A qua* (idest a simonia) *nequeunt absolvi, nisi dimissis Beneficiis.*

Quoad autem inhabilitatem incurrendam ad alia beneficia obtinenda, prima sententia tenet incurri ante sententiam Judicis condemnatoriam. Ita *Bonac. D. 1. q. 7. p. 2. diss. 2. Laym. lib. 4. tract. 10. cap. 8. n. 74. Fill. tract. 45. cap. 13. quæst. 9. num. 26. item Ugol. Henr. Met. Lop. et Rodr. apud Salm. cap. 4. n. 20.* Ratio, quia ita expresse habetur in *Motu S. Pii V. Cum primum* ut supra, ubi sic sancitum fuit: *Qui beneficium aut Officium ecclesia-*

*sticum simoniace addeptus fuerit, perpetuo sit inhabilis ad ea, et quaecunque alia Beneficia obtinenda. Ad incurrendas autem pœnas inhabilitantes nulla requiritur sententia, ut dictum est l. 1. de leg. n. 149.*

*Secunda vero sententia communior et probabilior, quam tenent Sanch. Cons. lib. 2. cap. 3. d. 104. num. 14. Nav. de Sim. Cons. 92. Cabass. Theor. Jur. lib. 5. cap. 8. num. 9. Suar. de Rel. t. 1. lib. 4. cap. 58. num. 11. Viva Opusc. de Benef. q. ult. art. 3. num. 2. Elbel de Simon. num. 627. cum Angcl. Pichler. Salm. cap. 4. num. 21. P. Nav. l. de Rest. cap. 2. num. 43. et probabilem vocant Less. et Pal. apud Salm. negat incurri prædictam inhabilitatem ante sententiam Judicis condemnatoriam. Ratio 1. quia Bulla, relata S. Pii revera intelligenda est tantum pro foro externo, cum loquatur de convictis; ubi enim sic dicitur: *Quicumque detestabile crimen simoniacæ pravitalis commisisse convictus fuerit etc.* Ratio 2. quia, esto Bulla intelligatur de foro interno, tamen ipsa non fuit recepta, ut asserunt Suar. P. Nav. Sanc. Salu. ll. cc. Saltem, ut ait Viva, Bulla usu recepta est tantummodo in primo sensu fori externi. Nec huic obstat sententia, quam secuti sumus l. 1. n. 97. scil. quod in dubio, an lex recepta sit, lex bene obligat: Nam hic non versamur in dubio, sed in opinione probabili, cum valde probabile sit ex auctoritate DD. ut supra, hanc legem non fuisse receptam. In dubio enim præsumtio stat pro lege; cum delictum, in non recipiendo legem justam, non præsumatur. Quando autem probabile est, quod obligatio legis nunquam inceperit (vel quod lex abolita sit) tunc cessat præsumptio pro lege, et possidet libertas, ut*

docent *Sanch. Laym. et Pal. cum Sabn. de Leg. cap. 2. n. 120.* Nemo tamen dubitat, quod inhabilitas ad idem Beneficium simoniace acceptum incurratur ipso facto ante omnem sententiam, cum hoc statutum sit de jure antiquo in *Extrav. 2. de Simon.* de cujus receptione non dubitatur. Notat autem *Sanch. l. c. n. 15.* cum *Nav.* et aliis: quod, secuta sententia Judicis condemnatoria, simoniacus erit quidem in conscientia inhabilis, ad quæcumque alia beneficia, cum per sententiam evadat infamis, et consequenter irregularis.

Cum autem mentionem fecerim de præfata *Extravaganti 2.* hic adnotare censui id, quod in fine illius sancitum inveni: Ibi enim præcipitur omnibus et singulis Ecclesiasticis, ut eos omnes, quos Simoniam hujusmodi commisisse, vel procurasse, aut mediatores esse seiverint, Pontifici per se vel per alios revelare quanto citius non omittant, etiamsi complices fuerint..... Quod si non fecerint, absolvi non valeant, donec prædicta revelent; et complices detecti arctius punientur. Sed prædicta Extravagans in hac parte non fuit usu recepta, nec ad id obligatur ullus, nisi sit Cardinalis Sedis Apostolicæ, ut asserunt plures AA. graves apud *Cabass. Th. Jur. lib. 5. cap. 8. num. 5.* qui pro hoc citat *Nav. Cajet. Suar. etc.*

Quæritur IV. An electio Summi Pontificis simoniaca sit invalida? Negant *Suar. de Simon. cap. 57. ac Fill. etc. apud. Viva Op. de Benef. quæst. 10. art. 1. num. 8.* et probant ex cap. *Licet 6. de Elect.* ubi Alex. III. statuit, ut ille absque ulla exceptione ab universali Ecclesia Romanus Pontifex habeatur, qui a duobus partibus Cardinalium concordantibus electus fuerit et receptus. Ratio, quia si talis electio es-

set irrita, posset facile Ecclesia esse sine Capite; saltem esset aliquando incerta. Affirmant tamen verius *Cabass. Th. Jur. lib. 5. cap. 5. num. 17. Bonac. quest. 7. p. 2. et Viva loc. cit.* ex communiori sententia. Probatur clare ex *cap. Si quis Dist. 79.* Ubi Nicolaus II. sic sancivit: *Si quis pecunia vel gratia humana, sine concordia et canonica electione Cardinalium et sequentium religiosorum Clericorum fuerit Apostolicæ Sedi inthronizatus; non apostolicus, sed apostaticus habeatur.* Clarius confirmatur ex *Concil. Later. sub Julio II. Sess. 5.* ubi dictum fuit: *Sacro approbante Concilio statuitur, ut electio Romani Pontificis per simoniam facta, eo ipso nulla existat; et sic electo nulla in spiritualibus vel temporalibus tribuatur facultas.* Ex quibus verbis patet nec Pontificem sic simoniace electum posse suam validare electionem. Neo obstat textus in *cap. Licet*, supra allatus, nec ratio adducta quod Ecclesia remaneret sine Capite; nam ut recte dicunt *Less. lib. 2. cap. 35. num. 46. et Viva ibid.* cum sententia communi, ex vi *l. Barbarius*, posito communi errore cum titulo colorato, si occulta esset simonia, eo casu Ecclesia suppleret jurisdictionem; unde omnes actus hujusmodi Pontificis bene erunt validi, et ejus definitiones adhuc infallibilem habebunt auctoritatem, ut declaratur in citato *cap. Licet.* Secus si simonia esset publica. Quod autem Bulla Julii II. ut supra non sit recepta, ut ait *Suarez*, dicit *Viva* frivolum esse effugium.

## ARTICULUS III.

*An, et cui restituendum quod simoniace acceptum?*

113. *Nihil spirituale simoniace acceptum restituendum, nisi Beneficium, et eorum fructus.*  
 114. *Restituendum est pretium acceptum pro Beneficio, Ordinatione, etc?*  
 115. *Cui restituendum?*  
 116. *Cui restituendi fructus Beneficii simoniace accepti?*  
 117. *Qui possint dispensare in prædictis poenis?*  
*Usque ad n. 120.*

113. « **R**esp. 1. Nihil spirituale simoniace acceptum, præter Beneficium (sub quo continetur pensio, secundum Bon. negante Less.) est restituendum. Ratio est, quia cetera vel restitui non possunt, ut Sacramenta; vel non restituenda ante sententiam: cum Canones aliud non statuerint, ex Less. num. 68. Suar. Fill. etc. \* (idem tenent Salm. cap. 4. n. 23. 27. et 28. cum Sanch. Soto, Pal.) contra Azor. Laym. Bon. d. 1. quæst. 7. p. 5. diss. 2. Dixi præter beneficium; quia hoc retineri non potest, etiam ante iudicis sententiam: ut patet tum ex 2. Extrav. Cum detestabile, de Simonia. \*) Idem dicendum pro pretio accepto pro collatione Ordinum, et ingressu Religionis ex c. De hoc, et c. Veniens de Sim. Vid. Salm. cap. 4. num. 29. \*) Vid. Bo-



» *nac. loc. cit.* ubi addit etiam fructus perce-  
 »ptos esse restituendos, tum quia nullo iusto  
 » titulo possunt retineri, cum adeptio beneficii  
 » simoniaca sit ipso facto irrita: tum quia sic  
 » expresse habetur in *Extr. Cum detestabile*,  
 » *de Simonia*, Vid. *S. Th.* 2. 2. *quest.* 100.  
 » *art.* 6. *Nav. lib.* 5. *Cons.* 62. *Less. lib.* 2.  
 » *c.* 35. *dub.* 31.

114. « *Resp.* 2. Pretium acceptum pro bene-  
 »ficio, collatione Ordinum, Sacramentorum,  
 » et sacramentalium, si notabiliter excedat id  
 » quod pro sustentatione exigere poterat, item  
 » pro admissione ad Religionem, jure positivo  
 » restituendum est. Hoc tamen posterius nonnisi  
 » post latam sententiam, si admissus in Mona-  
 »sterio maneat; quia plerumque ratione ali-  
 »mentorum retineri potest; modo in commu-  
 »nem usum convertatur. Vide *Bonac. loc. cit.*  
 » *Less. lib.* 2. *c.* 36. *d.* 30. \* ( *Cum Pal. Laym.*  
 » *Sanch. apud Salm. ibid. num.* 31. *in fine*,  
 » *et Elbel num.* 635. *ut habetur in Extr. Sanch.*  
 » *de Sim.* ubi dicitur quod bona simoniace ac-  
 »cepta pro ingressu ad Religionem, ad com-  
 »munem usum Monasteriorum possint retineri,  
 » et applicari ) \*.

» *Resp.* 3. Acceptum pro beneficio, aliave  
 » re spirituali, non secuta collatione, jure na-  
 »turæ restituendum est ei, a quo est acceptum:  
 » quia deest titulus retinendi, cum non præste-  
 »tur id, pro quo est datum. Si vero res tra-  
 » dita sit, simonia utrimque completa, proba-  
 » bilius est restituendum esse Ecclesiæ, et non  
 » danti; quia Ecclesia utrumque punire inten-  
 » dit, ut *Less. Laym. hic loc. cit.* §. 9.

115. Quæritur hic 1. qui rem spiritualem  
 cum simonia jam tradidit, et pretium accipit,  
 cuiusmodi illud restituere debeat? Tres sunt sen-

sententiæ omnes probabiles. *Prima* tenet, ante sententiam pretium restituendum esse ei qui dedit; quia, cum recipiens incapax fuerit ex jure positivo illud acquirendi, dominium remansit apud dominum, qui non alia ratione intendit illud a se abdicare, nisi quatenus transferret in venditorem. Ita *Sanch. Cons. lib. 2. c. 3. Dub. 114. num. 11. Less. lib. 2. cap. 35. num. 171. cum Val. Sot. Bann. Arag. Rodr. etc. ap. Salm. cap. 4. num. 30.*

*Secunda* tenet esse restituendum Ecclesiæ, in qua est Beneficium, ex c. *De hoc. et c. Audivimus, de Sim.* Et hoc in pœnam irreverentiæ rogatæ Ecclesiæ in venditione rerum suarum. Ita *S. Th. 2. 2. quæst. 100. art. 6. ad 3. et 6. Salm. dict. num. 31. S. Antonin. Laym. Suar. Caj. etc. cum Busemb. ut supra.*

*Tertia* dicit ex consuetudine posse restitui etiam pauperibus, ut etiam admittit *S. Th. 2. 2. quæst. 32. art. 7. et quæst. 62. art. 5. ad 2. cum Pal. Vict. Covar. etc.* et probabilem vocat *Laym. apud Salm. dict. n. 31.* Quare recipiens pretium juxta has sententias, satis omnes probabiles (ut recte dicunt *Salm. n. 31.*) poterit, prout voluerit, illud restituere vel danti, vel Ecclesiæ, vel pauperibus, et etiam sibi ipsi, si egens sit, ut *Salm. ibid. cum Sanch.* Pretium vero pro ingressu in Religionem restituendum est ipsi danti, ut afferat ad Monasterium, ad quod transfertur, et quod alere eum debet, ut ex c. *Veniens de Sim.* Si tamen remaneat, potest Monasterium datum retinere, ut *Sanch. Pal. Suar. et Laym. apud Salm. loc. cit.*

116. Quær. 2. cui autem sint restituendi fructus Beneficii per simoniam acquisiti? Restitutos esse Ecclesiæ docet *S. Th. quæst. 100. art. 6. ad 4.* Modo commodum non recipiant ex hoc,

qui simoniam commiserunt. Sed probabile est posse restitui etiam pauperibus, vel successori in Beneficio; vel etiam se componere cum Pontifice pro dictis fructibus, ut *Salm. ib. n. 32. cum Nav. Sylv. et Sanch.*

117. Videndum hic ultimo, quinam possit in prædictis poenis absolvere, aut dispensare. Certum est *ex cap. pen. de Sim.* quod excommunicationem, et suspensionem in Ordine simoniace suscepto solus Pontifex potest absolvere; nisi dictæ censuræ sint occultæ, quas potest tunc absolvere etiam Episcopus, *ex cap. Liceat 6. sess. 24. Conc. Trid.* Et etiam Confessarii Mendicantes, ut ex comm. ait *Elbel. n. 645. cum Suar. Pal.* Dicunt autem *Less. lib. 2. c. 35. n. 34. et Salm. c. 4. n. 34. in fine*, quod Bulla in contrarium *S. Pii V.* in hoc non est recepta.

Quoad vero suspensionem Ordinum riteceptorum probabile est posse illam absolvere Episcopum, ut *Suar. 4. de Sim. c. 61. num. 4. et Salm. n. 34.* Licet putent probabilius oppositum cum *Pal. et Sylv.* casu, quo Clericus scienter cum simonia ordinatus sit; et idem dicunt *ibid.* de suspensione Ordinantis.

Quoad inhabilitatem denique obtinendi alia Beneficia, præter illud simoniace obtentum, potest Episcopus dispensare, ut *Sanch. lib. 2. c. 3. d. 120. art. 31. et Sylv. Imola, Felin.* Excipitur si fuerit simonia confidentialis, aut si simoniacus expectet sententiam; quia tunc est irregularis ex infamia iuris. *Salm. d. n. 38. in fine, et Elb. n. 631. et 645. cum Less. Pal. Hen. etc.*

118. Dubium magnum est, an Episcopus dispensare possit ad habendum ipsum Beneficium simoniace acceptum? Prænotanda sunt in hoc

verba Pontificis in c. pen. de Elect. Si alicujus electionem propter simoniam, eo ignorante, ac ratum non habente, commissam, contigerit reprobari; cum eo super prælatione, ad quam electus fuerat, illa vice non poterit Episcopus dispensare; quamvis circa eum, qui ignoranter suscepit simplex beneficium per simoniam post liberam resignationem, Episcopi dispensatione tollatur. Hinc ad dubium respondetur I. quod, si Beneficium fuerit simplex (etiam Canonatus, vel Dignitatis, cui non insit cura Animarum, ut *Sanch. et Nav. ap. Salm. c. 4. n. 35.*) et fuerit acceptum per simoniam ignoranter (scilicet, quando simonia fuerit commissa ab alio, Beneficiario ignorante, ut communiter intelligunt *DD. d. n. 33. in fine*); tunc potest Episcopus dispensare etiam in illa vocatione, dummodo beneficiarius sponte renunciaret; ita *Sanch. lib. 2. c. 3. dub. 120. n. 22. Pal. D. 3. p. ult. n. 3. et Salm. d. n. 35. cum. Sylv. Nav. et Gloss. in cap. A nobis. de Sim.* Vide dicta num. 111. Respondetur II. quod si autem Beneficium sit curatum, non potest Episcopus dispensare in illa vice; sed potest in alia vacatione cum ignorante. *Salm. n. 37. cum. Panorm. Pal. Sanch. etc.* Respondetur III. quod si scienter simoniace quis acceperit Beneficium sive simplex, sive curatum, etiam si sponte renunciaret, nequit Episcopus cum illo dispensare ad idem Beneficium habendum, neque pro illa, neque pro alia vice, ut docet *S. Th. d. q. 100. art. 6. ad 7. et Salm. ibid. num. 38. cum Sot. Pal. et Sanch.* Quamvis possit Episcopus dispensare ad alia Beneficia obtinenda, nisi fuerit simonia confidentialis, ut mox supra diximus n. 117. in fine.

119. Quær. 3. An prædictas dispensationes

Cap. II. De Irreligiositate etc. Dub. II. 237  
possit impertiri etiam Episcopus, cum quo com-  
missa est simonia? Negant probabiliter *Panorm.*  
*etc.* Sed probabilius affirmant *Salm. ibid. num.*  
*31. cum. Nav. et Sanch. ex c. Si quis Presby-*  
*ter, de reb. Eccl. non alien. et ex cap. penul.*  
*de Sim.* ubi facultas Episcopis conceditur indi-  
stincte.

120. Quæritur 4. an Pontifex conferens Bene-  
ficiū alicui, quem scit inhabilem ad illud ac-  
cipiendum ob simoniam, censeatur dispensare?  
Affirmant probabiliter *Pal. D. 3. p. ult. n. 9.*  
*Suar. lib. 4. cap. ult. n. 14. Soto lib. 9. q. 5.*  
*artic. 2. et Salm. cap. 4. n. 40. cum Torre.*  
Et idem dicunt *ibid. cum. Sot. et Torre*, si  
Pontifex Beneficiū vendat alicui. Vide *Croix*  
*n. 232.* Notandum tamen, quod, si Papa con-  
firmat electionem, nesciens vitium simoniæ,  
etiāsi in Bulla dicat se supplere omnes defe-  
ctus, non valet confirmatio, quia illud intelli-  
gitur de aliis defectibus in electione, non de  
simonia, ut *Croix n. 234.*



## TRACTATUS II.

De secundo Præcepto Decalogi.

\*\*\*\*\*

**P**rohibet hoc præceptum omnem inordinatam usurpationem nominis Dei, qualis potissimum fit blasphemando, temere jurando, vovendo, et non servando, de quibus hic agendum.

### CAPUT I.

121. *Quid est Blasphemia?*
122. *Quotupliciter blasphematur contra Deum?*
123. *Quando est denuncianda blasphemia hæreticalis?*
124. *Quæ dicteria sint vel non blasphemia?*  
et 125.
126. *An explicandum, si quis directe intendat Deum inhonorare?*
127. *Ad quid teneatur consuetudinarius?*
128. *Quid, si quis proferat: o Mors Dei! o Vulnera Christi! irascens contra hominem?*
129. *An sit blasphemia maledicere creaturis, et diebus?*
130. *An maledicere Mortuis? An maledicere Fidei?*
131. *An imprecari aliis, vel sibi Dæmonem?*
132. *An differant specie blasphemie contra Deum, et Sanctos?*

121. **R**esp. Blasphemia directe opposita laudi Deo, est verbum maledictionis, vel con-

» vicii, sei contumeliæ in Deum, sive id fiat  
 » attribuendo creaturis, quæ ipsi debentur, sive  
 » etiã dicendo vera, sed quæ ad ejus delio-  
 » rationem seu vilipensionem tendant; ut sit  
 » per modum ei indignantis, et contemnentis,  
 » etc. Ita *commun. DD. S. Th. 2. 2. q. 13.*  
 » *Bon. disp. 3. quæst. 8. Sanch. 2. mor. c.*  
 » *82. Laym. lib. 4. t. 10. cap. 6. etc.*

*Unde resolves.*

122. » 1. Blasphemat, qui contra Deum in-  
 » frendens, ei maledicit: item, qui ait se aliquid  
 » acturum eo invito: item qui eum negat: qui  
 » jurat serio per Deos falsos: qui eum vocat  
 » tyrannum, injustum, nolle, aut non posse nos  
 » juvare, non curare nostra: dæmonem esse fi-  
 » deliorem, plus posse: non omnia bene esse  
 » ordinata, melius in creatione quædam fieri  
 » potuisse, aut debuisse, etc. Quædam quidem  
 » si quis credat ita esse, et non tantum in ira,  
 » aut desperatione effutiat, tunc est blasphemia  
 » hæreticalis, idest cum hæresi conjuncta: quod  
 » in Confessione est addendum, quia specie dif-  
 » fert ab imprecativa, *Hurt. 2. 2. d. 91. sect.*  
 » 12. §. 54.

123. Qui audit aliquem proferentem blasphemiam hæreticalem, tenetur eum denunciare infra sex dies, ut ajunt *Viva de 1. Præc. quest. 6. art. 2. num. 11. et Salm. tract. 21. cap. 3. num. 129.* ex Edicto Inquisitionis, ut dicunt; sed videtur hoc spatium sex dierum esse juxta Inquisitionem Hispaniarum, nam in Edicto Inquisitionis Generalis assignatur mensis. Vide dicenda *lib. 4. num. 252. v. Rogabis.* Secus autem si blasphemia non sit hæreticalis, nam licet ex *Decr. Julii III. Pii I. et Conc. Later. obli-*



gatio sit denunciandi (vide apud *Salm. tract. 21. cap. 3. num. 119.*). Attamen *Sanch. Dec. lib. 2. cap. 32. num. 47. cum Medina, Manuel, et Lopez, ac Salm. loc. cit. cum Bonac. Villal. Trull. et aliis*: dicunt in his blasphemias præmittendam esse correptionem, quæ si proficiat, omittendam esse denunciationem: Imo *Mazzotta* (vide *Tom. 1. pag. 276.*) *Tamb. Dec. lib. 2. cap. 6. §. 4. num. 6. et Viva dict. loc. dicunt*, quod propter desuetudinem hæc Decreta non videntur hactenus obligare.

Insuper notandum, quod blasphemia est dicere: *Velit nolit Deus. Pereat Deus. A dispetto di Dio. Nego Sacramenta.* Item dicere *Dæmonem sanctum, omnipotentem*; non vero, si nominetur *potens, sapiens, etc.* secundum suam naturam; modo his verbis non intendatur ei aliquis honor tribui. Nec est blasphemia, quando verbum mutatum, aut dimidiatum pronuntiatur, verb. gr. *Nego Di... Santo Si... Santo Diana*; probabiliter cum *Viva loc. cit. num. 8. Tamb. num. 18. et Croix num. 252. cum Gob. et Tann.*

Neque dicere contra homines: *Sanguis di Dio, corpus di Dio. Viva num. 9. ex communi cum Laym. et Tamb. num. 25* nisi indignatio sit directa contra Deum. Et sic tenendum cum *Busemb. et aliis infra n. 128. Quicquid dicat Croix lib. 3. part. 1. n. 248. nempe quod hæc verba per se semper præseferunt vilipensionem Dei.*

Neque est blasphemia dicere. *Per vitam Dei, vel Sanctorum. Communiter Viva ibi et Tamb. num. 25. cum Sanch. contra Decian.*

Neque dicere: *Renego Deum, si te non percussit.* Ita *Tamb. num. 22. cum Salas, et videtur probabile contra Sanch. et Pal. qui tunc hæc verba proferens non habet animum negandi* *Ligu. Teol. Tom. II.*

Deum, casu quo non percusserit; sed quia certe vult percutere, ideo dicit Deum non credere, si non percusserit; volens tandem sic dicere, sicut certum est quod Deum non negabo, ita certum habeo quod te percutiam.

Neque dicere: *Hoc est verum, sicut Deus.* Tamb. num. 16. cum Azor. Bon. Med. (contra Suar. et Sot.). Et hanc sententiam communem asserit esse Mazzot. cum Bon. et aliis, quia tunc communiter non æquiparatur veritas creata cum increata, sed solum indicatur similitudo quædam mixta cum aliqua hyperbole.

Neque dicere: *Sic erat a fato destinatum.* Tamb. ibid. cum Sanch. Neque asserre verba Scripturæ ad dicendam facetiam; modo quis non utatur ad turpia; et non fiat iam sæpe, ut contemtum sapiat. Tamb. cum Vill. ibid. et Gob. apud Croix. num. 251. Neque jurare per membra honesta Christi. Tamb. n. 23. cum Sanch. Secus si juretur irrisorie, vel per membra inhonesta. Ideo vera blasphemia est dicere: *Potta di Cristo; Potta di S. Paolo;* si intelligatur per *ly potta*, natura mulieris, quam tale verbum significat, sed talis significatus communiter neque intenditur, neque scitur; ideo communiter loquendo prædicta blasphemia a mortali excusatur: Tanto magis, quia verbum *potta* est æquivocum, dum Italica lingua denotat (etiam de se) non aliud, quam interiectionem furoris, ut observavi apud Vocabularium Etruscæ Linguae recenter editum, et hoc probabile censet Mazzot. de Blasph. §. 2. dub. 2.

Sic quoque excusari possunt a mortali rustici, qui blasphemant Deum, vel Sanctos, addendo: *Fuori di Dio*, aut *se l'ho fatto io*. Licet enim de se videatur esse vera blasphemia, quia talis conditio non tollit injuriam, quæ primis verbis Deo, vel Sanctis irrogatur, cum be-

ne doceat *Sanch. Dec. lib. 2. cap. 23. num. 3. Sporer de 1. Præc. c. 10. num. 22. Pal. tract. 17. disp. 2. p. 3. §. 1. n. 3. cum Suar. et Valent. item Elbel n. 180. et Croix lib. 3. p. 1. n. 250. cum Tamb. et Dic. ad peccatum blasphemiae non requiri affectum inhonorandi Deum, sed sufficere solam prolationem vergentem ad Divini honoris diminutionem, quidquid dicat Gob. apud Croix, putans non esse blasphemiam, si quis ex gravi causa proferat tantum fidei verba blasphema. Hinc dicunt *Sanch. num. 41. et Sporer loc. cit. cum Tamb.* quod omnis blasphemia etiam joco prolata est mortale, nisi jocus tolleretur omnimodam rationem irreverentiae in Deum (quod dicunt raro evenire), prout ait *Sanch.* si quis causa joci vel irrisionis juraret per falsos Deos. Attamen Auctor neotericus libelli, cui titulus (*Istruz. per li Confess. di Terre, e Villagi cap. 4. pag. 141.*) et *P. Sarnell.* Auctor libri (*Opera contro la Bestemmia p. 1. pag. 52.*) item *P. Mazzott. de Blasph. loc. cit. cum Dian. et aliis* probabiliter inquit saltem ob ignorantiam facile posse excusari a mortali rusticum, qui non aliter intendit Sanctum blasphemare quam addito, *se l'ho fatto io*; intendens sic non blasphemare. Præterquamquod etiam de se loquendo, probabile est tale dictum non esse veram blasphemiam; verus enim sensus cujusvis propositionis formatur ex ultimis ejus verbis, et ideo recte dici potest, quod præfata propositio, *Managgia Santo N. se l'ho fatto io*, simul et complete sumpta, non irrogat Sancto veram injuriam, cum adsit illa conditio, *se l'ho fatto io*. Aliud autem est verba blasphema exterius proferre, et interius nolle blasphemare, ut supra dictum est; aliud prædictam propositionem proferre, in qua*

244 Lib. III. Trac. II. De Sec. Præcepto Decalogi.  
per illam conditionem expressam, expresse ostendit proferens nolle sancto ullam injuriam afferre. Secus vero dicendum, si is talia verba addat non ad tollendam malitiam blasphemiae, sed poenitentia ductus, vel ad reparandam blasphemiam jam prolatam.

125. « 2. Revocantur etiam ad blasphemiam  
» alia signa contra Deum, licet verba non addantur: ut sperare in cælum, infrendere dentibus, etc. imo etiam sola mente blasphemia interior committi potest, sicut etiam laus mentalis Dei.

» 3. Blasphemat item, qui in Sanctos, vel  
» sacra contumeliosus est, intellige, ut Sancti  
» sunt, sive cum habitudine saltem virtuali ad  
» Deum, ita ut mortaliter hujus etiam honor  
» censeatur tangi, quia alioqui tantum erit contra injuriam, si minime contra illos, ut homines quidam in terris fuerunt, dicatur. Quod  
» veniale est, si joco fiat. v. gr. si sanctos Crispinum, et Crispinianum voces sutores, Joannem, et Paulum eunuchos: grave vero erit,  
» si contemnimus, vel ex odio, aut indignatione  
» contra Sanctos hæc dicas. Licet vero blasphemiae in Deum non admittantur materiae parvitate, multi tamen admittunt in iis, quæ  
» fiunt contra Sanctos. *Esc. l. 1. Extr.*

» 4. Blasphemat item qui iratus, etsi non  
» contra Deum, sed contra alios, aut alia, eadem tamen serio profert, quæ ex sua significatione, aut modo loquendi, ac circumstantiis  
» important imminutionem divini honoris, aut  
» improprii: licet enim eam non intendat formaliter, intendit tamen indirecte, et virtualiter: quamvis id ex subreptione sæpe sit veniale tantum, si tantum materialiter fiat.

126. » 5. In confessione exprimendum est, si

» quis ( quod tamen raro contingit ) directe , et  
 » maliter Deum inhonorare intenderit , aut ei  
 » formaliter iratus fuerit. *Laym. l. c. \** ( cum  
 » communi apud *Salm. Tr. 21. c. 3. n. 123.*  
 » cum *Less. l. 2. c. 45. n. 23.* Secus , si tan-  
 » tum ex ira blasphemet ) \* .

» 6. Blasphemat item , qui injuriöse usurpat  
 » membrum Christi : v. gr. perdat te Dei san-  
 » guis , vulnera , mors Dei , caput , passio , Sa-  
 » cramenta , chrisma , et similia sacra : cum ea  
 » non ad perdendum , sed ad salvandos nos data  
 » sint , et commupiter in his apprehendant ho-  
 » mines magnam Dei , eorumque rerum vili-  
 » pensionem contineri. *Laym. ibid. n. 12.*

127. » 7. Qui talium verborum consuetudi-  
 » nem habet , tenetur sub peccato mortali serio  
 » conari eam tollere. Quod si facit , et tamen  
 » labitur , potest excusari aliquando , eo quod  
 » juramenta ista impetu naturali effusa non sunt  
 » voluntaria nec in se , nec in causa , utpote re-  
 » tractata proposito efficaci. *Laym. lib. 1. l. 2.*  
 » c. 3. num. 6. Vid. *Escob. t. 1. cap. 3. n. 36.*  
 » Si non conetur , idque Confessarius notet , ne-  
 » get ei cum discretionem absolutionem. *Layman*  
 » loc. cit.

Hic advertendum , quod aliqui hujusmodi bla-  
 sphemantes dicunt se non animadvertisse ad ma-  
 litiam blasphemiae. Ajuntque quidam DD. quod  
 isti aliquando ob impetum iræ , vel habitus con-  
 tracti possunt sine advertentia blasphemare. Sed  
 puto cum Auctore citato ( *Instruz. etc. pag.*  
*145.* ) semper adesse in blasphemando aliquam  
 advertentiam saltem confusam de malitia illius  
 prolationis ; ira enim , aut habitus ordinarie non  
 ita intellectum obtenebrat , ut penitus ad mali-  
 tiam blasphemiae non advertatur , licet ipsa re-  
 flexe non cognoscatur.

» 8. Interim plurimi excusantur ob inadvertentiam in subita commotione, tametsi non  
 » satis excusare videatur, quod quidam ajunt,  
 » iis verbis aliud se non intendere, quam usurpare tanquam interjectiones significativas iræ  
 » suæ; tum quia æque se possunt assuefacere ad  
 » verba alia iræ, et seriæ voluntatis significati-  
 » va; tum quia, tametsi id non possent, nihilo-  
 » minus non videtur licere usurpare ea, quæ  
 » ex communi apprehensione aliorum sunt iq-  
 » honorativa Dei.

128. » 9. Quod si vero quis in ira contra  
 » hominem, non indignando Deo, sed homini  
 » tantum, nude nominat mortem Dei, septem  
 » Sacramenta, v. gr. o Dei mors, vulnera, etc.  
 » sine scandalo, et sine iis circumstantiis, qui-  
 » bus contemptus importatur, non sunt blasphemie,  
 » sed vana usurpatio Nominis Divini,  
 » hoc præcepto prohibita, et peccatum inter  
 » veniale grave, ut *Cajet. et Armilla*, Vid.  
 » *Blasphemæ; et Sanch.* \* (Vide d. n. 124.)\*.  
 » Quamquam propter periculum incidendi in  
 » blasphemias, et quia raro abest scandalum,  
 » ac nihilominus apud audientes, Deus ejusque  
 » sacra censentur inhonorari, raro excusantur,  
 » et merito absterrentur homines a similibus di-  
 » ctis, ut notat *Laym. loc. cit.*

129. Quæritur hic, utrum sit blasphemia maledicere creaturis? Distinguitur, si maledicatur creaturis cum relatione ad Deum, sicut esset maledicere pluvie, ventis, ut a Deo imperatis, vel addito verbo Dei v. gr. *managgia il fuoco di Dio* (Vid. *Tamb. et Mazzot.*), certe blasphemia est. Idem dicendum, si maledicatur creaturæ, quæ de se specialem relationem ad Deum habet, uti est Animæ nostræ, Fidei Catholicæ, Cælo, et similibus, vide mox infra. Secus autem, si indignatio fertur in creaturas sine relatione ad

Deum. Ita comm. *Tournely tom. 3. p. 339. Viva d. qu. 6. art. 2. n. 7. cum Bonac. et Less. ex D. Thom. 2. 2. qu. 76. art. 2. qui docet: maledicere rebus irrationalibus in quantum sunt creaturæ Dei, est peccatum blasphemiae; maledicere autem eis secundum se consideratis, est otiosum, et vatum. Hinc ex Viva et aliis non est grave maledicere simpliciter horæ, diei, anno, nisi addatur verbum Sancto; vel nisi de se dies præferat quid speciale Sanctitatis, ut dies Paschatis, Epiphaniæ, Natalis, Pentecostes, ut dicunt *Salm. tr. 21. cap. 3. n. 121. Elbel de 2. Præc. cum Sanch. Laym. Spor. et expressius Auctor l. c. (Instruz. per li Conf. di Terre etc. pag. 142.)* Ratio, quia prolatio, ubi aliquid speciale relucet, aut explicatur sanctitatis, semper saltem indirecte ad Deum refertur, qui omnis Sanctitatis est Auctor.*

Sed hic queritur, an sit vera blasphemia maledicere toti Mundo, vulgo: *Managgio tutto il Mondo?* Hunc casum, quantumcumque Morales AA. revolverim, disceptatum non inveni; tantum illum vix indicatum reperi apud duos Auctores. Auctor citatus (*Instruz. etc.*) De 2. præc. Dec. pag. mihi 143. nimis obiter asserit hanc maledictionem non esse per se gravem blasphemiam. Sed oppositum verius omnino censeo, et ducor argumento illius communis sententiæ, quam universæ Doctores tradunt, et dicunt, quod jurare per creaturas excellentiores, in quibus specialiter relucet Bonitas, Sapientia, aut Potentia Divina, nempe per Cælum, per Terram, et etiam per Animam (ut probabilius recte censent *Salm. de Jur. cap. 2. n. 28. cum Suar. Sanch. et Far.*) et similia, sit verum juramentum. Ita in tractatu de Juramento *Busemb. n. 138. Laym. c. 1. n. 5. Sporer c. 1. n. 7. Pal. D. 1. part. 1.*

248 Lib. III. Trac. II. De Sec. Præcepto Decalogi.  
 n. 5. *Salm. cap. n. 12. Bonac. qu. 1. p. 1. n.*  
 4. *Fel. Potest. c. 2. n. 1554.* Et hoc clare probatur ex *Deut. cap. 3. et. 4.* ubi Moyses juravit dicens : *Testes invoco Cælum, et Terram. Et ex Matt. c. 5. Nolite jurare omnino per Cælum . . . . et per Terram. Ubi S. August. lib. 1. de Serm. Dom. cap. 17. ait. : Cum juras per Cælum, aut Terram, non te arbitreris non debere Domino jusjurandum tuum. Sicut igitur, dico, jurare per prædictas creaturas, est verum juramentum, quia, cum in ipsis specialiter resplendeat Dei Potentia, indirecte per eas Deus in testem invocatur, ita ob eandem rationem maledicere eisdem creaturis est vera blasphemia, quia in ipsis indirecte Deus contemnitur. Et hoc sentit quidem *Felix a Panormo de 2. Præc. cap. 1. n. 1540.* ubi dicit convicium in creaturas non esse blasphemiam, nisi specialiter in eis Divina Bonitas reluceat, ut in Cælo, Terra, et Anima. Bene tamen excusaretur a peccato blasphemiae, qui malediceret Mundo, intelligens mundum illum qui Deo et Sanctis adversatur, iuxta illud. *Jo. 15. 18. Si Mundus vos odit, scitote quia me priorem vobis odio habuit.* Sed ordinarie loquendo, censeo rusticos, qui Mundo maledicunt, ut plurimum graviter peccare, dum ipsi de tali maledictione cum magno horrore se accusant.*

Maledicere autem Diabolo recte putat *Tamb. Dec. lib. 1. cap. 6. §. 4. num. 11.* ratio esse peccatum mortale, quia semper solet ille maledici ut auctor malorum, vel ut Dei inimicus; quo pacto, abstrahendo ab impatientiae actu, ne veniale quidem esse dicit *Tamb. ibid.* et probabiliter consentit *Mazzot. de 2. Præc. q. 3. cap. 2. §. 1. et Elbel n. 21.*

Notant autem *Viva n. 19. et Tamb. num. 18.* cum *Bon. Lazar. et Pal.* quod in dubio, an



aliqua sit, vel ne blasphemia, minime ut blasphemia est sumenda.

Quæritur etiam hic, utrum *maledictio mortuorum*, quæ vulgo dicitur, *Bestemmia de' Morti*, sit vera blasphemia? Casus apud Doctores morales non invenitur; tantum de eo fit mentio apud Auctorem Libelli enunciati (*Istruz. per li Conf. di Terre, etc.*). Qui libellus dignus habitus est magna laude, et approbatione Illustrissimi, et doctissimi Episcopi D. Julii Torminia eruditione, et fama præclari. Et insuper apud librum etiam citatum: *Opera contra l'abuso della bestemmia*; revisum ab illustrissimo, et perdocto D. Castrensi Scaja Oriæ Episcopo, tunc temporis in Academia Neapolitana publico et egregio Theologiæ Professore. In utroque libello dicitur prædictam nequaquam esse blasphemiam, sed levem dumtaxat meledictionem. Idemque postea inveni tenere *Mazzot tom. 1. pag. 338.*

Et ita omnino tenendum conseo, quicquid aliqui dicant, ut ostendi in quadam Dissertationiucula ad formam Epistolæ, quam olim hac super re typis demandavi, hicque subjicio. Tota ratio in summa est, quia hujusmodi maledictio nequaquam continet neque in se ex objecto, neque per relationem ad mentem proferentium, injuriam aliquam contra Animas Purgatorii, ut contrarii contendunt. Non ex objecto, quia vox hæc *Mortui* aliud in se non significat proprie, quam *Cadavera* (prædicatum enim *Tò Mortui* ad corpora proprie, non ad Animas pertinent); ad summum significat *Homines vita functos*, qui possunt esse salvi, et facilius damnati, juxta communioem opinionem, quæ vult majorem partem adhuc *Fidelium* damnari, non autem Animas purgantes, nisi forte in aliqua circum-

250 Lib. III. Trac. II. De Sec. Præcepto Decalogi.  
stantia sermonis, ubi expressa ( et sic respon-  
detur Adversariis ) de sacriis rebus mentio fiat ;  
puta, quando dicitur : *Missa, dies, aut Con-  
gregatio Mortuorum* : Ceterum in aliis locutio-  
nibus ordinarie talis vox nec in se, nec per com-  
munem acceptionem significat *Animas Purga-*  
*torii*, uti quando dicitur : *Ille timet a mortuis* :  
*Mortuis minime prodest ornatum sepulcrum*, et  
similia. Et hoc in dubium non videtur posse  
revocari.

Instant, quod maledicentes mortuis saltem  
maledicunt reipsa eorum Animabus, quæ sepa-  
ratæ a corporibus reperiuntur. Sed respondeo,  
quod tunc maledicere Animæ alicujus erit mor-  
tale, quando in prolatione maledictionis expri-  
mitur verbum Animæ, connotando excellentiam  
Divinæ Potentiæ, quæ in Anima relucet, pro-  
ut dixi *n. antec. 129. v. Sed hic*. Non vero  
quando maledicitur homini, non facta mentione  
Animæ : sicut jurare per Animam alicujus es-  
set verum juramentum, non autem jurare per  
aliquem hominem, nempe per Franciscum, per  
Petrum. Unde sicut maledicere Homini vivo  
non judicatur grave peccatum, ita nec defuncto.  
Tanto magis, quod ( ut mox dixi ) maledictio  
mortuorum proprius refertur ad corpora, quæ sola  
moriuntur, quam ad Animas quæ sunt immor-  
tales. Et certum est, quod tales mortuis male-  
dicentes communiter nullo modo intendunt eo-  
rum Animabus maledicere : præscindunt revera  
a consideratione Animarum, et corporum. Imo,  
ordinarie loquendo, nequaquam intendunt male-  
dicere mortuis ; sed exprobare vivis, ad quos  
maledictionem illam instar injuriæ dirigunt. Ideo  
recte Auctor citatus libelli ( *Instruz. per li Conf.*  
*ut sup.* ) prædictam maledictionem vocat magis  
proprie *imprecationem*. Et hoc ex praxi patet

Confessariorum, qui, si interrogent poenitentes, an intenderint maledicere Animabus Sanctis, vel saltem animabus mortuorum: cum horrore respondent: *Absit, avertat Deus.*

Confirmat nostram assertionem regula generalis, quam assignat *Laym. lib. 4. Tract. 20. c. 6. num. 12.* ubi sic docet: *Si poenitens neget effectum indignationis suæ erga Deum directe se extendisse, sed solum adversus hominem, cui iratus fuerit; tunc Confessarius attendat ad verba: Si enim secundum se Divini honoris diminutionem nullam exprimunt, non censenda est blasphemia, atque mortale peccatum.*

Ad hoc accedit alia regula generalis, quod ad certo damnandum aliquid de gravi peccato, de ejus gravi malitia constare debet. Imo signanter quoad blasphemias docent *Pal. Bonac. Lazar. cum Tamb. lib. 2. cap. 6. §. 4. n. 19. et Viva quæst. 6. art. 2. n. 10.* quod in dubio, an aliqua sit, vel ne blasphemia; minime ut blasphemia sumenda est. Quomodo igitur damnari potest maledictio mortuorum, ut peccatum mortale, quando in se, ut diximus, nullam continent injuriam in Deum, vel Sanctos; neque ad ipsos mortuos refertur a proferentibus, qui eam proferendo, nec quid dicant, intelligunt?

Super hoc puncto pro mea securitate consului Venerabiles, et celeberrimas Congregationes sacerdotum Missionariorum Neapolis tum Regularium, tum Secularium; et uno ore mihi responderunt, talem maledictionem nequaquam accipiendam esse, ut blasphemiam, nec ut peccatum grave. Et responsiones illorum in præfata mea epistola extenses inserui.

Ex quibus omnibus operæ pretium puto, ut Confessarii, et Prædicatores sedulo curent instru-

252 Lib. III. Trac. II. De Sec. Præcepto Decalogi.  
ere Populos rudes super hoc puncto; putantes  
id esse mortale, ne tot Animæ ex ignorantia  
ob erroneam conscientiam peccati mortalis misere  
pereant. Nec officit dicere, quod ex hac noti-  
tita frequentior erit abusus hujus maledictionis:  
nam respondetur melius esse permitti innumera  
venialia, quam unum mortale. Et utinam, dico,  
tales ignorantes propter horrorem peccati gravis  
abstinuissent a dicta maledictione? Malum est,  
quod adhuc cum tali conscientia peccati gravis  
non desistant a vitio, et e converso ob eam igno-  
rantiam dampnantur. Sed vide in fine hujus Ca-  
pituli responsum, quod nuper edidimus circa hanc  
Mortuorum maledictionem, adversus quandam  
Epistolam ab Anonymo nobis oppositam.

Pariter hic adnotamus non esse in se blasphemiam, si quis maledicit *Fidei* alienjus; modo non exprimat, nec intendat Fidem sanctam, sive Christi. Ratio, quia nomine *Fidei* non significatur de se fides Christi: intelligi enim potest etiam fides humana. Et revera fidei maledicentes, nunquam intelligunt blasphemare Fidem sanctam. Et ita Mazz. l. c.

Utrum autem sit mortale hominibus maledicere, sive malum imprecari? V. dicenda l. V. n. 83.

» 10. In ira imprecari aliis dæmonem, gran-  
» dinem, fulgura, etc. etsi multi confundant cum  
» blasphemiis, non tamen est blasphemia, sed  
» dira imprecatio, quæ plerumque (saltem quan-  
» do dicitur in illos, qui amantur ab irato)  
» ob subitam commotionem, et inadvertentiam,  
» ac defectum seriæ voluntatis, non est nisi ve-  
» nialis: quia, cum se homines reflectunt, ajunt  
» longe aliter se sentire, ac sensisse, ita ut vi-  
» deantur interjectiones tantum quædam esse ad  
» significandam iram, tametsi Christianos parum

» deceat tam absurdis interjectionibus uti. *Bon.*  
 » l. c. ex *Nav. Tol. Reg. etc. Bald. dist. 25.*  
 » num. 10. ubi etiam censet veniale tantum esse  
 » sibi metipsi ex ira dæmonem imprecari, eo  
 » quod non lædat graviter charitatem. \* (*Sic*  
 » etiam veniale tantum est imprecari alicui si-  
 » ne animo, quod arripiatur a Dæmone. *Ita*  
 » *Escob. ap. Tamb. lib. 2. c. 6. §. 4. num.*  
 » 12. ) \*. Verum *Molin. etc.* non audent id  
 » excusare a mortali; propter foeditatem, hor-  
 » rorem; et perversitatem. Grave autem est, si  
 » subditi Superioribus, filii parentibus ( licet  
 » materialiter tantum ) sic maledicant, præsertim  
 » in faciem: quia est grave contra debitam re-  
 » verentiam. *Bald. loc. c. vide infra lib. 5. cap.*  
 » 3. d. 16.  
 » 11. In ira usurpare dæmonem sine impre-  
 » catione; non est per se peccatum: assidua ta-  
 » men ejus nominatio non decet christianum;  
 » et ratione scandali posset esse gravis. *Laym.*  
 » loc. cit.  
 » 12. In confessione exprimenda est gravitas  
 » blasphemiae; videlicet utrum contra Deum,  
 » an Sanctos fuerit: illas enim specie differre  
 » est probabile secundum *Suar. Sanch. Reg.*  
 » *Azor. Laym. Dian. R. 50. Lug. d. 15.*  
 » n. 2. contrarium tamen tenent *Trull. lib. 1.*  
 » n. 11. d. 2; n. 5. cum *Dian. p. 1. de Cir-*  
 » cumst. R. 30.

An blasphemia contra Deum differat specie a  
 blasphemia contra Sanctos? Affirmat probabili-  
 ter *Bus. cum aliis*; Sed etiam probabiliter ne-  
 gant *Bon. tom. 2. D. 3. Q. 8. p. 4. n. 1.*  
*Sanch. Dec. lib. 2. cap. 32. n. 38. Laym. lib.*  
*4. tr. 10. cap. 6. n. 10. Viva d. quest. 6. art.*  
*2. n. 6. et Salm. dict. c. 3. n. 124. cum Ca-*  
*jet. Bann. Fill. etc.* Et probabile putat *Viva*

254 Lib. III. Trac. II. De Sec. Præcepto Decalogi.  
*dict. quæst. 6. art. 2. n. 6.* quia communiter  
 injuria contra Sanctos mediate ad ipsum Deum  
 refertur. Tenent tamen *Salm. nu. 425. cum Bon-*  
*quod* ob aliam rationem debet exprimi in Con-  
 fessione, an blasphemia fuerit contra Deum vel  
 contra Sanctos, quia dicunt prædictas blasphemias,  
 ultra propriam malitiam, continere aliam  
 speciem distinctam contra Latriam vel Duliam.  
*At Viva dict. n. 6. in fin. Tamb. in Meth.*  
*Conf. lib. 2. cap. 3. §. 1. Holzm. tom. 1. pag.*  
*284. n. 405. et Elbel. de 2. Præc. n. 9. cum*  
*Azor etc.* etiam probabiliter hoc negant, dicendo  
 quod tantum peccatur contra Duliam, quando  
 blasphemia profertur in Sanctos ob propriam  
 eorum excellentiam, absque relatione ad Deum,  
 ita ut in ipsos terminetur, et sistat. Sed, cum  
 ii, qui blasphemant Sanctos verius (communiter  
 loquendo) eos injuria afficere intendunt, non ob  
 præcisam propriamque ipsorum excellentiam, sed  
 quatenus ad Deum mediate referuntur: ideo juxta  
 primam probabilem *Salmanticensium* sententiam  
 non contra Duliam sed tantum contra  
 Latriam peccant, et propter ea non tenentur  
 explicare, an Deum vel Sanctos blasphemarint.

## EPISTOLA RESPONSIVA

Adversus Epistolam scriptam in propugnationem  
 Dissertationis, quæ super abusu Mortuis maledicendi  
 prodit.

**P**RÆ omnibus indicandum esse duxi, quod  
 cum adversus ea, quæ super hoc puncto scripseram,  
 quædam Dissertatio, cui brevibus respondi,  
 prius prodisset, polliculus fui, cum semel  
 atque iterum iis quæ mihi opponebantur satisfacere.

cerim, non amplius circa hoc verbum me fore facturum, tum ne in infinitum daretur progressus, tum ne eadem, quæ jam a me scripta erant, repeterem: sed dixi quod dumtaxat respondere volebam (prout feci) ad duas S. Thom. Doctrinas, quas mihi de novo objiciebat. Et una simul significavi in animo mihi statutum esse deinceps nihil amplius super hac controversia scripturum (quia mihi satis in propatulo res collocata esse videbatur) nisi cum ab Adversario meo de veritate prorsus fuisset persuasus; tunc enim nihil mihi difficultatis esset a sententia desciscere, et id omnibus per publicam scripturam significare non erubescerem, prout animus meus ab hoc faciendo non abhorruit in aliquibus aliis meis opinionibus, quas ubi eas rationi non consentaneas cognovi, libenter revocavi.

Nihilominus post responsionem a me datam vulgata est altera Epistola Apologetica in propugnationem præfatæ Dissertationis, in qua contendebat Auctor probare mortuis maledicere per se esse mortale: cui Epistolæ, non obstante consilio, quod de non amplius respondendo ceperam, alia Epistola nunc respondere sum coactus. Et hanc dumtaxat hic subjungo, in qua summam continentur tum responsio, quam ad Dissertationem dederam, tum responsio ad Dissertationis propugnationem.

Reverendiss. Abbati D. Bartholomæo  
de Marco Basiliano.

Reverendiss. Pater, et Domine Colendissime.

CUM dissertatio quædam super Mortuorum maledictione, ac cum adversus eam brevis re-

spousio mea prodiisset, novissime typis edita est altera Epistola Apologetica pluribus scripta in præfatæ Dissertationis propugnationem. Ubi ad manus meas illa Epistola pervenit, et accurate illa a me lecta, diu animi pependi, rescriberem nec ne. Ex una enim parte consilium de non amplius respondendo susceptum sartum tectum habere voluissem, ne in infinitum progrederer. Ex alia parte expediens videretur nunc denuo respondere, sicut Amici mei ad id faciendum me adigunt; tum quia in priori responsione error quidam, a quo me retractare intendo, fortuito excidit, licet ille ad rem nostram nihil referat, sicut ex hac altera Responsione animadvertes; tum quia in laudata Epistola Apologetica adversarius alias novas exponit animadversiones, quibus ut ambiguitates aliquæ de medio tollantur, altera Responsione satisfacere opus esse duxi. Quapropter ad te hanc alteram responsionem afferendam curavi, et abs te duo hæc peto: Primum, ut omni qua potes animi attentione eam perlegas, detrahendo, addendo, corrigendo quidquid tibi visum fuerit: Secundum, ut mihi consilium tuum candide aperias, utrum expedire tibi videbitur, ut hanc typis excudendam curem, dum ex una parte mihi contendere displicet cum viro et aliis ejus sociis Ordinis, quem ego maximi facio; atque mirum in modum veneror (tametsi mihi compertum est non deesse aliquot inter illius Ordinis, forte eis minime indoctiores, qui meæ adhærent sententiæ) Ex altera parte a Fidelium cordibus hanc deducere opinionem, nimirum quod præfata maledictio sit mortale, cum tale non sit, ad Gloriam Dei, qui sibi Animarum salutem Gloriæ habet, non parum conferre censeo.

Parcas mihi quæso, si non pauca quæ in priori Responsione jam notata erant, hic repetita



observas. Hoc non aliter faciendum esse cœnsui, nisi ut Lectoris ante oculos omnia simul exponantur, dum legit illas animadversiones, quas mihi Adversarius de novo objicit. In Dissertatione probare aggressus est maledictionem in Mortuos esse peccatum lethale, et veram Blasphemiam duabus rationibus: 1. quia corpora fidelium Defunctorum sunt sacra. 2. quia præfata maledictio præscindere non potest, quin ad Animas referatur. In Responsione ad Dissertationem data, dixi, quod jam illis objectionibus bis responderam; propterea ne eadem semper canerem volui ad omnia quæ apponebantur respondere. Nihilominus duabus S. Thomæ auctoritatibus, quæ de novo asserebantur, dixi me facere non posse quin responderem. Primus Textus desumptus est ex 3. p. q. 8. art. 2. ubi S. Doctor dicit Christum in fidelium corpora influere jus resurgendi propter Spiritus Sancti inhabitationem. Et hoc idem jus Auctor Dissertationis probare intendit aliunde, nempe ex ratione Sacramentalis Communionis, qua Fideles, dum vivunt, reficiuntur; hincque ex hisce duabus rationibus infert mortuorum corpora inter sacra annumeranda esse, adeo ut sacro cultu ex Religionis virtute emanato, veneranda sint. At si hæ rationes (respondeo ego), probarent, quod corpora quorumlibet Defunctorum pro sacris habenda sunt, probarent etiam quod necessario corpora fidelium damnatorum inter sacra annumeranda essent; in iis enim etiam aliquando habitavit Spiritus Sanctus, et cum Jesu Christo per Eucharistiam incorporata fuerunt. Dicit; quod illæ qualitates per peccatum postea annuntuntur. Igitur, subsumo, quoties Ecclesiæ authentico testimonio mihi non constat, Animam illius Gloria æterna frui, ac etiam quoties Ecclesia honorem qui ei debetur ad cultus sacri rationem non elevat, ut infra

258 Lib. III. Trac. II. De Sec. Præcepto Decalogi.  
 explicabimus, mihi fas non est illud corpus pro  
 sacro habere. Præterquamquod, si corpora De-  
 functorum Sacra sunt propter Eucharistiam quam  
 receperunt, et propter Spiritus-Sancti inhabitationem,  
 necessario dicendum erit etiam corpora  
 viventium Fidelium tamquam Sacra colenda esse,  
 ita ut quælibet injuria, aut maledictio in Fide-  
 lis viventis corpus irrogata, peccatum grave Re-  
 ligioni adversans dicendum sit. Sed hoc est con-  
 tra expressam S. Thomæ Doctrinam, ut mox  
 videbimus. Dicere autem Sacra esse corpora De-  
 functorum propter Ritus quibus erga illa utitur  
 Ecclesia; quia nempe Sacræ Sepulturæ benefi-  
 cio donat, processionibus, et benedictionibus ea  
 decorat, thure sufficit, etiam ob antiquum  
 Ritum ( ut adversarius dicit ) dudum adhi-  
 beri consuetum Sacram Eucharistiam super  
 Defunctorum pectore collocandi. Nescio cur hi  
 ritus actus sacri cultus dici debeant; cum  
 compertum sit, sæculis superioribus, etiam tem-  
 pore quo ab Infidelium persecutionibus pace Ec-  
 clesia fruebatur, Defunctorum Fidelium corpora  
 sepeliri in Campis, et viis, prout restantur Tho-  
 massinus, et Calmet: Imo plura Concilia prohi-  
 buerunt quominus in Ecclesia Cadavera sepultu-  
 ræ darentur. Quod s<sup>t</sup> posterioribus temporibus  
 usus invecus est, ut in loco sacro sepelirentur,  
 hoc affirmante S. Gregorio, inde processit, ut  
 proximi ex sepulcrorum conspectu recordarentur  
 Defunctorum Animas, sæpius suis precibus coad-  
 juvari.: *Hoc prodesse Mortuis* ( sunt verba San-  
 cti ), *si in Ecclesia sepeliantur, quod eorum*  
*Proximi, ipso tumulorum conspectu admoniti,*  
*pro illis frequentius exorent; lib. 4. Dial. c.*  
*50. 52. et 53.* Et idem dicit S. August. lib.  
*de Cura pro mortuis.* Benedictiones autem cum  
 aqua lustrali, dicunt *Gavantus, et Durandus, et*

ga Cadavera ideo adhiberi, ut a dæmonum infestatione illa liberentur. Et hac eadem de causa illa thurificantur, ut scribit *Innocent. III. lib. 2. de Myster. Missæ, cap. 17.* et ob id idem SS. Eucharistia in Defuncti pectore apponebatur, ut idem Sanctus Gregorius asserit *Lib. 2. Dial. 24.* Quamvis hoc deinde reprobatum fuerit a Conciliis in IV. VI. et VII. Sæculo, ut refert *P. Vestrini* in suis literis Theologicis *T. 3. Epist. 53.* sicut, etiam vetitum fuit Sacram Eucharistiam in Ecclesiarum fundamentalibus lapidibus collocare, aut ad Energumenos, aut ad Infirmorum vulnera admovere, sicut pariter sanguine consecrato frontem, oculos etc. linire, qui apud antiquos Fideles mos receptus habebatur, referentibus S. Cyrillo, et S. Ioanne Chrisost. Hoc perspicuum dilucidumque faciunt hos pios actus (qui a simplicitate potius quam a Religione derivarunt) non indicare sacra esse ea, circa quæ illi adhibebantur, sed quod solum ad bonos assequendos effectus, quos ex eorum usu sperabant Fideles, adhibebantur.

Sed loquendo de Ritibus, quibus hodie utitur Ecclesia communiter in tumulandis Cadaveribus, hæc sunt quæ scribit Spondanus (*Lib. 1. p. 2. cap. 15. sect. 3. De Sacr. Cœmeter.*): Quanta namque sit vis Crucis, qua signantur et ornantur, et Aquæ benedictæ, qua asperguntur, et thuris, quo suffiuntur, tum ad alia plurime arcenda mala: tum maxime ad fugandos Dæmones, eorumdemque ac. Magorum præstigia dissolvenda, pronum mihi esset quamplurimis Patrum testimoniis et exemplis testatissimum reddere. Et in *Cap. II. Sect. 1. Fit suffitus ad corpora Fidelium defunctorum*, quoniam, qui pie moriuntur, sunt Christi bonus odor; et ut insuper significetur, Defunctos reliquisse odorem bonorum operum etc. Per Incensum, ut judicetur eosdem

260 Lib. III. Tract. II. De Sec. Præcepto Decalogi.  
*credidisse se per mortem ire ad immortalitatem.*  
Insuper Stephanus Durandus ( lib. 1. cap. 9.  
num. 9. ) : Porro thurificatio fit ad reverentiam  
loci, et Divini Officii, etc. Item Joannes Beletio  
( in Explicat. Divin. Offic. c. 161. ) : Cadaver  
ponitur in sepulcrum, et aqua apponitur bene-  
dicta, ac pruna cum thure. Aqua benedicta, ne  
ad Corpus Daemones accedant. Thus propter  
corporis foetorem removendum. Prunæ ad desi-  
gnandum, quod terra illa in usus communes re-  
digi nequeat. Præterea Guillelmus Durandus ( in  
Rationali lib. 7. c. 35. ). Aqua benedicta poni-  
tur, ne Dæmones ad corpus accedant. Thus pro-  
pter foetorem removendum, seu ut Defunctus  
Creatori suo acceptabilem bonorum operum odo-  
rem indicetur obtulisse, seu ad ostendendum quod  
Defunctis prosit auxilium orationis. Ex quo pa-  
tet omnes prælatos Ritus quos erga Defunctos  
adhibet Ecclesia, non esse cultum sacrum, quo  
honorare intendit Cadavera, sed mysticas cære-  
monias. Nota præterea quod eos. denegat Ec-  
clesia iis qui excommunicationis aut interdicti  
vinculo ligati ex hac vita decesserunt, quamvis  
antequam Animam afflarent certa poenitentiae ac  
suae salutis signa dedissent. Igitur non ideo cum  
Defunctis eos Ritus adhibet Ecclesia quia sup-  
ponit eos esse templa Spiritus Sancti, sed quia  
communione inter viventes et Defunctos cupit  
conservari.

Alter locus S. Thomæ qui mihi objicitur, excer-  
ptus est ex eadem 3. p. qu. 25. art. 6. ubi di-  
cit Angelicus quod Sanctorum Reliquiæ vene-  
randæ sunt, quia fuerunt templum et organa Spi-  
ritus Sancti, qui in ipsis inhabitavit et opera-  
tus est : Et etiam quia aliquando illa per glo-  
riosam Resurrectionem Jesu Christi configuranda  
sunt Corpori. Ex hoc infert Adversarius male-

ditionem in Defunctorum corpora veram esse blasphemiam, ex eo quia illa jamdudum etiam templa et organa fuerunt Spiritus Sancti. Sed si hæc ratio valeret pro defunctis ( iterum pariter dico ) tanto magis valere deberet pro vivis, imo quam longe fortius; viventes enim sunt actu ( si in caritate vivunt, prout pie præsumendum est ) templa viva, et organa Spiritus Sancti. Sed S. Thomas 2. 2. q. 76. art. 3. cum communi Theologorum qui eum sequuntur, *Caiet. Sot. Azor. Prad. Serra, Mol. Lugo, Laym. Trullen.* et omnes dicunt quod maledictio sive imprecatio in homines prolata, veniale non excedit, quoties maledictio non est formalis, sed tantum materialis, nempe sine pravo affectu. Referamus integrum textum Angelici; ne mihi imponatur quod truncum retulerim. *Maledictio est, per quam pronuntiatur malum contra aliquem ( nota ) vel imperando, vel optando. Velle autem, vel imperio movere ad malum alterius, secundum se repugnat caritati, qua diligimus proximum volentes bonum ipsius. Et ita secundum suum genus est peccatum mortale, et tanto gravius, quanto personam, cui maledicimus, magis amare et revereri tenemur. Unde dicitur ( Lev. 24. ) Qui maledixit Patri suo, et Matri, morte moriatur. Contingit tamen verbum maledictionis prolatum, esse veniale, vel propter parvitatem mali, quod quis alteri imprecatur, vel etiam propter affectum proferentis, dum ex levi motu, vel ex ludo, aut ex subreptione alia verba proferuntur, quia peccata verborum maxime ex affectu pensantur. Ilino in me adversarius inveheodo, et verba Angelici cum emphasi mihi repetendo, secundum genus suum est peccatum mortale; sic me alloquens excorescit. *Intende, o non intende? Ego tamen mihi videor hoc intellexisse, et quidem**

262 Lib. III. Trac. II. De Sec. Præcepto Decalogi.  
ita, ut nemo aliter quam ego intelligo. Textum  
S. Thomæ intelligere debeat, nimirum quod ho-  
minibus maledicere tunc est peccatum mortale,  
cum maledictio est formalis, quæ tunc dicitur  
esse talis, cum quis animo pravo optat, ut illis  
eveniat malum, quod imprecatur, aut cum alios  
inducit ad illis malum inferendum; sicut se ex-  
plicat Angelicus in art. 1. exemplo Judicis, qui  
ministros justitiæ ad poenam injustam exequen-  
dam in Reum injuste movet. Et hoc dicit San-  
ctus ex se esse peccatum mortale, quia hoc *Se-  
cundum se* (ut ipse loquitur) *repugnat caritati,*  
*qua diligimus proximum, volentes bonum ipsius.*  
Nam sicut caritas nobis imponit, ut Proximi bo-  
num velimus, ita vetat ne illi malum optemus,  
et ne alios ad illi malum inferendum inducamus.  
Loquendo vero S. Thomas de maledictione ver-  
bali (de qua dumtaxat nos in præsentî casu lo-  
quimur) dicit illam non excedere veniale, aut  
cum malum quod quis imprecatur est leve, aut  
deest pravus affectus, quæ materialis maledictio  
nuncupatur (proferendo nempe maledictionem aut  
joco, aut sine plena deliberatione). Et hoc de-  
nique hac ratione confirmat: *Quia peccata ver-  
borum maxime ex affectu pènsantur.* Hoc idem  
docet Cajetanus super cit. quæst. 76. art. 1. di-  
cens: *Nota ex 1. art. quid sit proprie maledi-  
ctio, scil. dicere malum, in quantum malum,*  
*alicui ex intentione.* Et ex hoc oritur quod  
maledictio distinguitur in maledictionem forma-  
liter, et materialiter; et quod quandoque est  
peccatum mortale, quandoque veniale; nam  
maledictio formaliter est ex suo genere mor-  
tale ut patet; materialiter autem si fit optative,  
non est mortale; si vero fieret imperative posset  
esse mortale. Et ratio diversitatis est, quia præ-

ter intentionem optative maledicens neminem laedit; quia nec intentione, nec ex opere Ministri obsequentis, quamvis non ex propria intentione. Dixi autem ex suo genere, quia propter imperfectionem actus, sive ex parte obiecti, ut si parvum malum optet, vel imperet; sive ex parte operantis, ut si ex ira (vel ex ludo, addit S. Thom.) maledicat, quamvis effectus tendat in malum, quia non ex consensu rationis in malum tendit, deficit a perfecta ratione peccati, et per hoc non est mortale. In sequela igitur doctrinae S. Thomae Cajetanus ex una parte ait, quod maledictio formalis, nempe ex intentione, est de genere suo mortalis, et sic venialis vel propter imperfectionem actus, scilicet consensus rationis, vel propter parvitatem mali quod optatur; ex alia dicit, esse nonnisi venialem maledictionem materialem, nimirum praeter intentionem, pronuntiatam optative, idest modo optativo, sive per verba desiderium exprimentia, sumendo illud optative adverbialiter; ad differentiam *To imperative*, scilicet imperativo modo. Et idem quippe, etsi diverso modo, docet D. Thomas loco citato; ibi enim distinguit maledictionem formalem a materiali; nam primo loco loquitur de formali, nempe cum intentione volendi malum, quod pronuntiatur, dum ait: *Velle autem, vel imperio movere ad malum alterius secundum se repugnat caritati, qua diligimus proximum volentes bonum ipsius. Et ita secundum suum genus est peccatum mortale.* Illud igitur quod S. Doctor repugnare intelligit caritati, et esse mortale secundum suum genus, non est simpliciter pronuntiare maledictionem, sed illud velle, vel imperio movere ad malum alterius. Ergo S. Th. tantum in volendo malum quod pronuntiatur, vel in movendo alios ad malum inferendum, gra-

264 Lib. III. Trac. II. De Sec. Præcepto Decalogi.  
vitatem culpæ recognoscit. Deinde ad explicandam  
procedit maledictionem materialem, dicendo illam  
esse venialem si ex levi motu, vel ex ludo pro-  
fertur, rationem tradens: *Quia peccata verborum  
maxime ex affectu pensantur, ut supra dictum  
est q. 72. art. 2. et in citato art. 2. sic prius  
dixerat: Verba in quantum sunt soni quidam,  
non sunt in nocumentum aliorum, sed in quan-  
tum significatio ex interiori prodiit: et ideo in  
peccatis verborum maxime considerandum est ex  
quo affectu aliquis verba proferat.* Aliud itaque  
est maledicere optative, ut loquitur *Cajetanus*,  
aliud maledicere optando, ut loquitur *S. Th.*  
optative enim denotat maledicere per verba op-  
tativa præter intentionem; optando autem intel-  
ligit *S. Doctor* maledicere ex vera intentione,  
sicut perspicue deinde se explicat, dicendo: *Vel-  
le autem secundum se repugnat caritati etc.* Et  
hoc quidem est maledictio formalis, ac ideo gra-  
viter culpabilis; et tantum evadit venialis, ut  
subdit *Angelicus*, vel ob parvitatem mali quod  
optatur, vel ob subreptionem, sive levi motu,  
quo maledictio profertur.

Cæterum quæstio hæc me inter et meum Con-  
tradictorem de mero nomine est; nam dato quod  
*S. Thom.* generaliter diceret quancumque ma-  
ledictionem de genere suo esse mortalem, at-  
tamen *S. Doctor* pro certo equidem habet, quod  
maledicere homini sine pravo affectu non est  
nisi veniale. Et non aliud quam hoc ipse pro-  
bare quæro. Itaque tam *D. Thomas*, quam  
*Cajetanus*, et omnes alii Doctores, cum *S. Au-  
gustino* apud eundem *Angelicum* 2. 2. quæst.  
76. art. 4. *Object. 1.* non reputant esse blasphemiam  
maledicere homini, ex eo quod homo sit  
templum Spiritus Sancti; nam si hoc tenerent,  
nequirent dicere maledictionem sine pravo animo  
esse venialem; maledicere enim Sanctis aut re-



bus sacris, licet absit malus animus, semper est mortale. Ex hoc evidenter inferitur, quod juxta *Angelicum*, et communem DD. sententiam recte considerari potest fidelis persona præcise ab eo quod sit templum Spiritus Sancti. Et deducitur præterea (adversus id quod etiam innuit meus Adversarius.) quod sicuti non est culpa gravis contra caritatem, et pietatem, maledicere corpori fidelis viventis, si abest pravus affectus, ita non est gravis contra caritatem, et pietatem sine pravo animo corpori fidelis defuncti maledicere; quandoquidem juxta ipsum *Sanctum Thomam*, caritas, qua mortui qui in gratia decesserunt prosequendi sunt, non est aliud quam extensio caritatis, quam vivis præstare debemus: *Caritas (ait Sanctus) quæ est vinculum Ecclesiæ membra uniens, non solum ad vivos se extendit, sed etiam ad mortuos qui in caritate decedunt.*

Sed Adversarius meus dicit, quod maximum est discrimen inter vivorum, et defunctorum maledictionem, quia in vivo regnat fomes, ac proinde ipse in peccandi periculo versatur; a quo qui decessit in gratia immunis est; unde fit (ait) quod maledictio in vivos potest esse veniale; cum enim sit peccatum contra caritatem, remoto pravo affectu, potest esse non grave; sed maledictio in defunctos, cum sit peccatum contra religionem, etiam remoto pravo affectu semper est grave peccatum, ratione injuriæ, quæ Religioni irrogatur, cum corpori sacro maledicatur. Sed ut respondeam, iterum principium ejus perquiramus, unde ille fidelium defunctorum corpora sacra esse autumat. Ipse dicit juxta *S. Thomæ* doctrinam mortuis maledicere esse grave, quia eorum corpora fuerunt organa Spiritus Sancti, et quia communionem sacra-

mentalem receperunt. Respondeo igitur. Quoad illud quod defuncti corpus propter communio-  
nem, et quia templum fuit Spiritus-Sancti, pro  
sacro habendum sit, jam superius dixi quod  
hæc ratio probat tam defuncti quam vivi cor-  
pora pro sacris habenda esse, quia etiam vivus  
est templum Spiritus-Sancti. *Membra vestra tem-  
plum sunt Spiritus-Sancti.* 2. Cor. 6. 19. Sed in  
vivo ( replicabit ) quod fomes adest, qui ho-  
minem redigit sub potestatem peccandi. Respon-  
deo. Ergo corpus Adæ ante peccatum erat sa-  
crum? Præterea, potentia ad peccandum non  
efficit, ut mutetur species sanctitatis corporis.  
Item nec fomes, nec periculum peccandi effi-  
ciunt, ut *hic et nunc* vivens non sit templum  
Spiritus-Sancti. Tanto magis quod fomes iste nul-  
lum reatum aut maculam in animam inducit;  
nam gratia Redemptoris in baptizatis omnes pec-  
cati maculas extergit, et cumulatissime omnia  
ejus damna reparat. *Copiosa apud eum redem-  
ptio.* Psalm. 129. 7. *Ubi autem abundavit de-  
lictum, superabundavit gratia.* Rom 5. 20. *Ego  
veni, ut vitam habeant, et abundantius habeant.*  
Jo. 10. 10. Unde definivit Tridentin. ( *sess. 5.  
in decr. de Pecc. Original. can. 5.* ) per bap-  
tismum animas immaculatas reddi, et fomitem  
nihil nocere, imo prodesse ad majorem merce-  
dem recipiendam non consentienti: *In renatis  
enim nihil odit Deus . . . . . innocentes, im-  
maculati, puri, ac Deo dilecti effecti sunt etc.*  
*Manere autem in baptizatis concupiscentiam, vel  
fomitem hæc sancta Synodus fatetur et sentit:*  
*quæ cum ad agonem relicta sit, nocere non con-  
sentientibus non valet, quinimo, qui legitime  
certaverit, coronabitur.* Ita ratio, quod sunt  
Spiritus Sancti organa, non efficit, ut corpus  
fidelis vivi vel defuncti sacrum habeatur; alias

vivis etiam sine pravo animo maledicere, semper esset peccatum grave; et oppositum certum est, ut ipse Adversarius admittit. Unde ad aliam rationem ( si forte Adversarius eam reperiatur ) confugere opus est, ut probet defunctorum corpora sacra esse. Nec valet dicere quod maledicendo vivum potest præscindi, eum non considerando, ut Templum Spiritus Sancti, sed mentem ad alia motiva peculiariter applicando, v. gr. ad injurias quibus ab eo affectus est. Et ego subsumo: et cur hæc præcisio effici non potest etiam respectu defunctorum, iis maledicendo ratione habita alicujus molestiæ qua ab eo affectus sit, sed sine pravo animo? Præterquamquod ( ut scripsimus in prima Epistola ) plerumque hæc maledictiones potius in vivorum contumeliam, quam in defunctorum effutiuntur. Sed ( dicit ) hoc neutiquam effici potest, quia defunctorum corpora sunt sacra; sed hic redit quaestio, quia hoc est quod controvertitur; nos enim dicimus nullam defunctorum corpus pro sacro habendum esse, nisi cum Ecclesia Sanctum illud esse declarat, atque præcipit illud uti sacrum venerandum esse, elevando venerationem ab ordine humano ad supernaturalem et divinum, ut mox cum *S. Th.* auctoritate videbimus.

Sed replicabit Auctor, quod juxta eundem *S. Thomam art. cit. ad 2.* Reliquiæ Sanctorum veneratione dignæ sunt, quia hujusmodi corporum animæ Deo actu fruuntur; et quod propterea defunctorum corpora ( ait ) licet cultu Dulciæ venerari nequeant, non possunt tamen sperni, cum sint sacra; pie enim credendum est eorum animas salvas esse. Igitur, respondeo, defunctorum corpora, cum sint sacra, eis sacer cultus exhibendus est? Sed vellem scire quinam

sacrorum cultuum eis exhibendus sit? Adversarius fatetur non deberi cultum Dulix; sed ego nullum alium reperiō qui ab Ecclesia aut a DD. assignetur, nec capere possum quod alia cultus sacri species assignari possit, præter Latriæ, Hyperdulix, et Dulix. Sed (insurgit) ad quem cultum reducitur altarium, vestium, et vasorum veneratio? Respondeo, quod reducitur ad cultum Latriæ, nam hæ res per se nullum cultum merentur: dum cum execrantur, non amplius sacro cultu venerantur, sed *relative* sive *reductive*; unde eorum cultus reducitur ad cultum Latriæ ratione sacrificii ad quod ordinantur. Ideoque dico quod cum Defunctorum corpora cultu Latriæ, vel alio sacro venerari non possint, inter sacra numerari non debent. *P. Suar. (opusc. defensor: fid. Cath. adv. Ang. Sect. errores lib. 2. cap. 5. n. 14. circa fin.)* loquendo de veneratione debita Sanctorum, et cæterorum defunctorum Reliquiis, dicit: *Imo insuper addo, hanc ipsam consuetudinem (nempe venerandi uti sacras Reliquias Sanctorum) ostendere, longe altiori modo Ecclesiam de Sanctorum Reliquiis sentire, quam vulgarium hominum mortua corpora soleant reputari.* Occurrit mihi quod etiam S. Gregorius Nyssenus, loquendo de corporibus Sanctorum, et cæterorum Fidelium vulgari morte defunctorum, dicit nullam paritatem esse inter honorem qui illis exhibendus est; et illum; qui aliis; nam subjungit quod corpora aliorum defunctorum omnes horrent, et ab illis fugiunt; sed ad corpora Sanctorum quia sacra sunt quilibet se appropinquare optat, et tactu se credit sanctificari. Afferamus ejus verba, quæ de corpore Sancti Theodori affert (in *Orat. S. Theod.*): *Corpus S. Theodori ad alia corpora quæ communi, et vulgari morte*

*dissoluta sunt, nec comparandum quidem est..... nam cæteræ quidem Reliquiæ abominabiles plerisque sunt; ac nemo lubenter sepulcrum præterit, aut si ex inopinato opertum offendit, prætercurrit. At si venerit in aliquem locum similem huic, ubi hodie noster Conventus habetur, ubi memoria Justî, Sanctæque Reliquiæ sunt, primum quidem earum rerum quas videt magnificentia oblectatur . . . . . caput deinceps ipsi Conditorio appropinquare, Sanctificationem ac benedictionem, contractationem ejus esse credens. Hinc notandum quam alia sit veneratio quam Ecclesia, et Fideles Sanctorum corporibus exhiberent, et alia qua aliorum defunctorum corpora honorantur.*

Quoad venerationem autem debitam corporibus, quorum animæ Deo fruuntur, respondemus quod ratio S. Thomæ non potest valere, nisi pro solis Sanctis ab Ecclesia declaratis, de quibus tantum Angelicus loquitur; Sanctus enim Thomas ex ratione quod animæ Sanctorum Deo fruuntur, procedit ad demonstrandum quod eorum corpora veneranda sunt. Ad percipiendum igitur quid Sanctus Doctor sentiat, et quæ sit rei veritas, distinguendæ sunt duæ species cognitionis, qua nos scimus, et credimus animam alicujus Deo frui, humana una, superhumana, et Divina altera ex Ecclesiæ declaratione. Nunc certum est venerationem illam corporibus Sanctorum, de quibus loquitur Sanctus Thomas, debitam non posse applicari, nisi ad illa corpora, quorum animas beatas esse scimus cognitione revelata nobis per Ecclesiam, quæ elevat honorem qui eis debetur ex ordine humano ad superhumanum.

Hinc fit non sufficere nobis pro sacro habere aliquem Defunctum, etiam morali certitudine, ut debeat aut possit ejus corpus sacro cultu ve-

nerari, sed requiritur, ut Ecclesia autentice nos certos faciat certitudine ipsi divino lumine communicata, animam illius defuncti jam cum Deo in cælis regnare. Audiamus verba Sancti Thomæ *Quodlibet. 9. articul. 16.* Ibi ad objectionem quam præmittit, quod non possint venerari Sancti, quia de ipsorum beatitudine moralis certitudo haberi non potest, Sanctus ( *ad primum* ) ita respondit : *Dicendum quod Pontifex, cujus est Sanctos canonizare, potest certificari de statu alicujus per inquisitionem vitæ, et præcipue ( nota ) per instinctum Spiritus Sancti, qui omnia scrutatur profunda Dei.* Itaque propter quamcumque moralem certitudinem, sed humanam, et naturalem, nos non debemus, nec possumus pro sacris habere fidelium defunctorum corpora, nec eis exhibere cultum sacrum, nisi post eorum canonizationem, tunc enim Ecclesia ex illa notitia supernaturali, quam ex Spiritus-Sancti instinctu habet, sicut dicit Angelicus, transfert venerationem erga illud corpus ab ordine humano ad ordinem superhumanum et Divinum. Idem apparet expressum in Decretis Urbani VIII. spectantibus ad cultum servorum Dei, non adhuc canonizatorum, aut beatificatorum ( vide apud *Benedictum XIV. De Canonizat. SS. libro 2. cap. XI.* ); in quibus præcipue statutum fuit, ut in scribendis vitis, aut gestis talium Dei servorum sequens protestatio Auctoris præmitteretur : *Profitetur me haud alio sensu, quidquid in hoc libro refero, accipere : aut accipi ab ullo velle, quam quo ea solent quæ humana dumtaxat auctoritate, non autem Divina Catholicæ Romanæ Ecclesiæ, aut Sanctæ Sedis Apostolicæ nituntur; notentur hæc verba, Quæ humana auctoritate, non Divina Ecclesiæ etc.* Itaque servorum Dei gesta aliam non habent fidem, et venerationem, quam hu-

manam ; sed cum eos Ecclesia Sanctos declarat, tunc veneratio ex humana ad Divinam extollitur , propter Ecclesiæ Divinam auctoritatem. Hinc est quod , ut alicui defuncto cultus aliquis præstetur Sacer , qui superhumanus est, necesse est , ut principium aliquod , et cognitio superhumana habeatur de sanctitate objecti , media illustratione Divina nobis per Ecclesiam communicata. Et propterea cum Sancti jam ab Ecclesia declarati sunt , sacra evadunt non tantum eorum ossa , sed etiam vestes , literæ , et cetera quibus ii usi sunt , et irreverentia gravis , et sacrilegium esset iis , absque præcisa necessitate ad profana uti. Quod quidem contra de rebus mortuorum non adhuc canonizatorum , licet qualemcumque de eorum cælesti beatitudine haberemus notitiam , id efficere vetitum est.

Quamquam concedimus quod cum veneratione possumus Reliquias alicujus defuncti cum sanctitatis opinione apud nos habere , eum invocare , effigiem depingendam curare , et alia id genus efficere , quia hæc cultus sacri rationem non habent , sed sunt dumtaxat Religionis actus ( non autem civiles ) , qui ut dicit P. Joann. a S. Thoma , auctoritatem cujus mihi Adversarius objicit , et ut etiam docet Bellarminus. ( *Contr. 4. lib. 1. C. 10. num. 4. et 7. et Benedict. XIV. De Canon. SS. lib. 2. C. 7. et num. 4. 7.* ) adhiberi possunt æque erga defunctos ac erga vivos. Imo ex hoc infert Bellarminus licitos esse eos actus erga defunctos adhibere , qui vivis licite præstari possunt : *Si licet ( sic ille concludit ) honorare viventes , quos credimus Sanctos , cur non mortuos ?* Et cum nonnulli hanc Bellarmini doctrinam carpsissent , nempe quod venerari concedebat Sanctos non canonizatos , sic eam vindicavit dicendo , quod

ipse alium non concedebat non canonizatis cultum, nisi illum qui vivis exhiberi solebat. Apud Benedict. *loc. cit. cap. 9. num. 1.* Dixi *actus Religionis*, quia alius est *actus Religionis*, alius est *cultus sacer*: deosculari manus servo Dei, se ejus precibus commendare, pedes ei lavare, et cætera, hi sunt quidem *Religionis actus*, quia e *Religione* manant; non sunt autem *cultus sacri*, cum erga res sacras non exerçantur. Et ita pariter mortuos in loco sacro sepelire, thure suffire, pedes deosculari, Reliquias eorum venerari, sunt quidem cærimonie sacræ ac *Religionis actus*, non sunt autem *cultus sacer*.

Profecto cærimonie sacræ dicuntur, et vere sunt, quia illæ seipsas respiciunt, quæ sacræ sunt prout ab Ecclesia præceptæ; sed *cultus sacer* dici nequeunt, quia *cultus* objectum erga quod adhibentur respicit; ideoque numquam dici potest *cultus sacer* cum objectum sacrum esse non constat. Præterea sunt utique *actus Religionis*: et hic fateor quod in mea prima responsione (nescio quomodo) error excidit; nam cum dicere deberem *thurificationes*, et *benedictiones*, et alias cærimonias, quæ erga defunctos adhibere solemus, non esse *cultum sacrum*, dixi non esse *actus Religionis*. Affirmo quidem, nec dubito quin *actus Religionis* sint; sed non proinde sunt *cultus sacri*, et per consequens non est quod propter præfatos *actus*, qui adhibentur erga defunctos, corpora eorum tanquam sacra adhibenda sint, atquò ideo possint ea cultu sacro venerari. Propterea Alexander III. *cap. 1. de Reliq. et SS. venerat.* absolute prohibuit venerari pro Sancto aliquem nisi Ecclesiæ auctoritas accedat: *Cum etiamsi per eum miracula fierent, non liceret vobis ipsum pro Sancto absque auctoritate Ecclesiæ Romanæ venerari.* Et quamvis



olim pro Sanctis sine Ecclesiæ declaratione; sed sola populorum consuetudine aliqui venerabantur; nihilominus respondet Bellarm. loc. cit. (cap. 8. in fin.) quod hoc ex tacita Papæ approbatione licebat: *Sicut consuetudines alicæ vim habent legis ex tacito consensu Principis, ita Sancti alicujus cultus, ex consuetudine introductus, vim habet ex approbatione tacita, vel expressa Pontificis.*

Repono igitur: Ego non dubito quin Ritus, quos adhibet Ecclesia erga defunctos sint cæremoniæ sacræ, et Religionis actus, non autem cultus sacer; prout revera Rituale Romanum, loquendo de Exequiis, Ritus qui adhibentur in sepelitione Mortuorum, non jam vocat cultum sacrum, sed tantum *Mysteria Religionis, et Signa Christianæ pietatis*, sic dicens: *Sacras Cæremonias ac Ritus, quibus Mater Ecclesia in filiorum suorum Exequiis uti solet, tanquam vera Religionis Mysteria, Christianæque pietatis Signa, et Fidelium mortuorum saluberrima suffragia, Parochi summo studio servare debent.* Addo duas alias animadversiones, ex quibus hoc fit clarius. Primo, si talis cultus esset sacer, etiam esset cultus publicus, siquidem ille a publico ministro Ecclesiæ exhibetur; et hoc certum est quod fieri non potest, dum ipsa Ecclesia prohibet, ne cultus publicus cuivis ab ea pro Sancto aut Beato non declarato exhibeatur. Præterea, dicit S. Franciscus Salesius, quod cultus sacer defunctis non præstatur nisi in protestationem eorum virtutis excellentis; et cognitio hujus excellentiæ certa esse debet. Quomodo autem dici poterit quod Ritus qui erga defunctos exercentur sint cultus sacer, cum de defunctis (communiter loquendo) non habetur hæc eorum excellentis virtutis cognitio? Imo pro com-

perto habetur, quod inter fideles defunctos non pauci sunt, qui æterno igne cremantur, et interim hi ritus indifferenter erga omnes practi- cantur. Igitur dicendum est Ecclesiam tales ritus pro sacro cultu non habere.

Argumentum quoddam prævenio, quod mihi obijci posset: si ergo conceditur quod mortuos venerari sit actus Religionis, eis maledicere proculdubio erit Religioni actus oppositus. Respondetur prius per instantiam: si hoc argumentum valeret pro defunctis, valeret etiam pro vivis; nam venerari servos Dei viventes actibus superioribus descriptis, ut ostendimus, etiam est actus Religionis sive cultus Religiosus; unde maledicere huic tali servo Dei, etiam preciso animo pravo, esset pariter grave sacrilegium; sed nemo hoc dicit. Sed responsio directa affertur. Distinguendum atque videndum est ex quo motivo talis actus Religionis proveniat: si provenit ex motivo ipsius objecti, quia objectum sacrum est contumelia in illud, tunc est peccatum Religioni adversans, et est sacrilegium; sed si actus honoris procedit a pietate Religiosa fidelis, tunc utique erit actus religiosus, quia a motivo religionis procedit; sed maledictio in objectum non erit actus contra religionem, quia non est actus, qui ad objectum sacrum refertur.

Adversarius in Dissertatione admiratur, et imprudentes (ne dicam temerarios) sincera fronte appellat eos, qui in Confessionario, aut in Suggestu dicunt non esse ex se grave mortuis maledicere. Sed ego, et alii mecum admiramur eos qui sibi scrupulum non faciunt, absolute prædicare hanc maledictionem esse peccatum mortale atque blasphemiam. Ad hoc ut dicatur quod actio aliqua non sit peccatum grave, sufficit, ut vera probabilitas habeatur, quod tale non

sit, quemadmodum omnes fatentur: intelligo illam quæ fundamento non tenui innititur, talem esse, ut tuto (juxta sententiam communem, seposita quæstione de probabiliiori, et minus probabili) possit teneri, et doceri. Et parvi aut nihili faciunt ad nostram rem duæ illæ doctrinæ, quas mihi Adversarius opponit, S. Augustini unam: *Graviter peccaret in rebus ad salutem animæ pertinentibus, vel eo solo quod certis incerta præponeret, lib. 1. de Bapt. cap. 3. Et cap. 5. Si incertum est peccatum, quis dubitat certum esse peccatum?* Nam ibi S. Doctor loquitur de eo qui operatur in dubio circa res ad salutis æternæ necessitatem spectantes, in qua re quilibet tenetur certum sequi. Præterquamquod ibi Sanctus sermonem habet de quodam Donatista, qui cum certus esset in Catholica Ecclesia rite, et recte Baptismum conferri, contra dubius erat an recte in sua secta eum reciperet; integrum textum exhibeo: *Si dubium haberet non illic recte accipi quod in Ecclesia Catholica recte accipi certum haberet, graviter peccaret in rebus ad salutem animæ pertinentibus, vel eo solo quod certis incerta præponeret.* Et deinde: *Accipere itaque in parte Donati, si incertum est esse peccatum, quis dubitat certum esse peccatum, non ibi potius accipere, ubi certum est non esse peccatum?* Quis dubitat quin iste Donatista certe peccaret? Sed non dicebat Sanctus Augustinus, quod qui ex vera et solida probabilitate operatur, cum dubium non versatur circa ea quæ ad salutis necessitatem pertinent, prout est baptismus, cum actio est certe illicita; lex enim dubia non imponit certam obligationem, juxta id quod docet Angelicus *Quodlib. 14. de verit. art. 3. Nullus ligatur per præceptum aliquod nisi mediante scientia illius præcepti.* Et idem probatur ex cap.

*Cum jure 31. de Offic. et Pot. Judicis deleg. Nisi de mandato certus extiteris, exequi non cogaris quod mandatur. Idem in can. Sicut quædam, dist. 14: ubi S. Leo hæc scribit: In his quæ vel dubia fuerint, vel obscura, id noverimus sequendum, quod nec præceptis Evangelicis contrarium, nec Decretis SS. Patrum inveniat aduersum.* Hoc locum habet in quantum asseri potest, quod aliqua actio non sit graviter illicita. Sed ut affirmetur absolute, aliquam actionem esse peccatum mortale, non sufficit opinio probabilis nec etiam probabilior; nam probabilior non excludit rationabilem timorem errandi; unde non efficit quod lex non remaneat dubia, et quod opinio opposita non possit esse vera, si vere probabilis est; quapropter cum agatur de Sacramentis, non est licitum sequi probabilior, cum opposita est probabilis, licet minus probabilis. Ad hoc igitur ut actio aliqua sit graviter illicita, requiritur certitudo, prout docent omnes cum S. Raymundo, qui (lib. 3. de Pœnit. §. 21.) scripsit: *Non sis nimis pronus judicare mortalia peccata, ubi non constat per certam scripturam.* Itaque Sanctus monet ne judicetur aliqua actio esse peccatum mortale ubi non constat tale esse; et cum dicat Sanctus *ubi non constat*, semper reprobare intelligit tamquam excessum asserere aliquid esse peccatum grave, quoties de illius gravitate non constat. S. Antoninus pariter dixit (P. 2. tit. 1. cap. 11. §. 28.). Quod sine periculo peccandi determinari non possit, aliquam actionem esse peccatum grave, nisi aperta scriptura, aut Ecclesiæ determinatio, aut ratio evidens non habeatur: *Quæstio in qua agitur (sunt verba Sancti) de aliquo actu, utrum sit peccatum mortale vel non, nisi ad hoc habeatur auctoritas expressa scriptu-*

*re aut Canonis Ecclesiæ, vel evidens ratio, periculosissime determinatur. Quia ( ut subjungit ) qui determinat sine aliquo ex prædictis momentis, ædificat ad gehennam, conjicit animas in periculum damnationis. Hinc sapientissime Benedict. XIV. in suo opere de Synodo, in plerisque capitibus nihil aliud Episcopos monet, quam ne unquam peccati gravis eas damnet opinio- nes, quæ uti probabiles DD. utriusque partis defendunt.*

Adversarius meus cæteroquin usque eo progressus est, ut conclusionem Theologicam suam opinionem appellet. Ego nolo me ingerere ad dicendum, utrum ejus opinio pondere, et quo pondere probabilitatis fulciatur; sed nescio an *Côclusio Theologica* dici possit, cum nullus Scripturæ textus pro illa habeatur, nec Ecclesiæ definitio extet, nec ratio evidens, nec DD. communis auctoritas, imo nec unius, qui juxta ejus opinionem scripserit, reperitur. Adducit ille textum S. Isidori Pelusiot. (*lib. 5. Epistolarum, Epist. 491.*) *Vivi incessunt etiam mortuos; et hostes fœdus ineunt! Cur igitur, et naturæ leges, et inimicitiarum superas terminos, vita functo maledicens? Videris enim in cinerem ac favillam linguam acuere; sed primo violas sanctimoniam, cui omnes mortales student, oportet. Deinde immortalem habet animam, cujus vindex est oculus Dei pervigil.* Sed in libro, qui apud me est, typis edito Romæ an. 1620. reperio non ita, sed aliis verbis textum præfatum esse conceptum (*p. 370.*) sic enim ibi legitur: *Vivi solent calumniis inCESSI, cum jam defunctis etiam hostes conciliantur, et fœdus ineunt. Cur igitur ipse, et naturæ, et inimicitiarum terminos transgrederis, dum vita jam functum calumniaris, et lacessis? num putas*

*quidem te solum adversus cinerem, et pulverem linguam stringere; sed heus primum ipsum sacrosanctum sepulture jus violas, quod tamen non ambit, et habere studet: deinde habet is animam immortalem, cujus oculus ille pervigil, et semper excubans vindex est.* Judicent nunc alii, si hæc auctoritas quid momenti opinioni conferat Adversarii mei, qui defunctorum fidelium corpora omnia tamquam sacra veneranda esse contendit. S. Isidorns sacrum appellat Jus sepulcri, non autem corpus defuncti. Sed præterea, Adversariis sibi assentatur omnia sibi facere, Scripturas, Ecclesiæ definitiones, DD. communem auctoritatem, et evidentes rationes. Scripturæ sunt: *Neque maledici regnum Dei possidebunt*, 1. Cor. 6. 10. (*Maledici explicat Calmet, qui convicium in faciem proferunt, vel de absente obtrectant*), Ecclesiæ definitionem dicit esse disciplinam qua ipsa utitur in sepeliendis fidelibus. Pro se etiam habet communem DD. auctoritatem, dicendo quod Moralistæ ideo de hac sententia non disseruerunt, quia juxta eorum regulas apud ipsos pro certa habita est. Tandem pro se rationes evidentes, quæ illæ utique sunt, quas ipse in sua Dissertatione exposuit. An hæc suadeant, nolo meo judicio quæstionem decidere, sed Sapientes omnem controversiam exhauriant.

Cæterum loquendo de mea sententia, ut superioribus paginis retuli, præter tres Auctores ibi citatos, qui de hac re scripserunt, curavi rem hanc a multis examinandam, et præsertim ab omnibus Congregationibus Missionariorum Civitatis Neapolis, in quibus, quia Missionariorum, Theologiam Moralem præcipue, omnes profitentur, et ibi (ut omnibus compertum est) selectiores Cleri Neapolitani coadunantur viri.

Hic Adversarius meus Socratis quemdam Textum in medio afferens, innuit quod non omnes ea sunt solertia præditi, ut sunt magistri idonei ad similes enucleandas quæstiones. Concedo quod non omnes sunt magistri; sed cum mihi præfata Congregationes totius corporis nomine responsum dedissent, supponendum est resolutiones non a minus sapientibus, sed a sapientioribus datas fuisse. Præfata quæstio, ut jam prius scripsi, fuit etiam Romæ ex mandato Benedicti XIV. discussa, et juxta mentem ipsius Pontificis (quam cæteroquin numquam animo intendi hanc fuisse definitionem ex Cathedra) quæstio resoluta fuit, quod peccati mortalis reatu careret. Sed ille scribit quod non tenetur fidem præstare, nec huic examini adhibito, nec resolutioni Romæ datæ. Nec eo unquam meus apulit animus, ut cogerem eum ad id credendum: sed id ego scripsi, quia vehementia mihi adsunt momenta, ne in dubium id revocem; dum mihi testatus est tamquam testis ex propria scientia; et de visu (ille enim propriis oculis aspexit Pontificis schedulam) quidam Sacerdos, Religiosus, Doctus, et in hac controversia minime affectus; proptereaquæ existimavi alios qui ad utramque sententiæ partem indifferentes sunt, prudenter et non abs ratione id credere etiam posse. Cæteroquin quantum ad me, tanto certius hoc mihi visum est, ut non dubitaverim hoc idem in eodem Opere Morali a me congesto, quod eidem Pontifici dedicavi, et præsentandum curavi, scribere, et rem uti mihi ille testatus fuit exponere. Quod reliquum est, si meus Adversarius bono fine ductus id scripsit; ego etiam pro certo habeo non inductam fuisse ad id scribendum aliqua animi adhæsiōne, aut contendendi lubentia (esset quidem optimum,

ut postquam ex sæculi laqueis me expedissem, ut in æternæ salutis tuto animam meam collocarem, id aggredi contenderem, quod ad damnationem eam conducirer, et cur? ut inanem gloriam, melius dicam, ut perpetuum dedecus in defendenda opinione falsa aucuparer! ) sed sine recto, et bono, ut ex tot peccatis liberarem tam multos, qui habitum contraxerunt ad mortuis maledicendum, et qui non obstante quod credant ( erronee, meo iudicio ) esse peccatum grave prout eis assertum erat, prosequerentur nihilominus ad eas maledictiones effugiendas. Quod autem meus adversarius voluerit me appellare *obstinatum*, et *falso zelo impulsu*, hoc omissum facio, sciens quoniam *qui iudicat me, Dominus est.* 1. Corinth. 4. 4.

*Ad hæc subjungo Epistolam responsivam ad me rescriptam a Reverendiss. Abbate D. Bartolomæo de Marco Basiliano, ( cui hanc Epistolam meam perpendendam misi ) viro quidem maximi pro ejus doctrina habito, tum apud ipsius Religionem, quæ præstantissimis muneribus eum decoravit, tum etiam quoquoersum Neapoli, et Romæ, etc. Magistro in Sacra Theologia, quam ipse per plures annos cum omnium plausu docuit, et 30. aut 40. annos in excipiendis confessionibus exercitato. Ego animi pendebam utrum huc referre deberem nec ne sequentem illius Epistolam; sed mihi consilium datum est, ut duobus ex motivis id efficerem, 1. ut omnibus notum fiat me, ut cautius agerem, et ne proprii sensus adhæsiōne deciperer, prout jam me deceptum autumat meus Adversarius, semper solitum fuisse aliorum Doctorum consilium exposcere: 2. ut patefaciam quam tum de meâ, tum de opposita sententiâ, ceteri præstantes viri existimationem habeant. Epistola est sequens.*



*Reverendiss. Padre , Sig. e Padr. Col.*

**D**A molto tempo fa ebbi la consolazione di leggere la sua erudita Dissertazione sopra l'imprecazione de' Morti , sostenendo che non sia colpa grave il maledirli , siccome tal'è il sentimento mio , e delle persone più sagge , colle quali su di ciò ne ho tenuto spesso discorso. Ora per sua bontà mi manda la Risposta fatta ad un suo Contradittore , nella quale ho ammirata la sua dottrina , e aggiungendo ragioni l'ha resa quasi dimostrativa , nè saprei con qual fondamento il suo Contradittore difenda , che sia colpa grave , sembrandomi i motivi addotti da lui di niun momento , conforme li lessi in un libretto mandato dal medesimo alle stampe , e che V. S. Reverendiss. gli ha sodamente confutati , e presentemente li confuta. Certamente io non comprendo come possa esser peccato mortale il maledire i morti. Lodo poi la sua moderatezza in chiamar probabile quella sentenza , che dice non esser colpa grave la bestemmia de' Morti : dovea più tosto chiamarla moralmente certa , e per conseguenza l'opposta , che si difende dal suo contraddittore , moralmente falsa , e di debole , e tenue probabilità.

Io dunque non ho avuto nè che togliere , nè che aggiungere , nè che mutare della sua dotta scrittura ; e prego il Signore che illumini la mente del suo Contradittore , e di alcuni pochi Compagni che fan pompa di trovar la colpa in ogni piccola azione. V. S. Reverendissima intanto non si arretri di mandar alla luce l'accennata Apologetica Risposta , che ne sarà applaudita , come ne fu in tutte l'altre sue

282 Lib. III. Tr. II. De Sec. Præc. etc.  
opere. Mi raccomando alle sue orazioni , e fac-  
cendole riverenza con ogni rispetto le bacio le  
mani.

Di V. S. Reverendissima.

*Mater Domini* 14. Giugno 1758.

*Ummiliss. Servitore obligat. e divotiss.*  
Bartolommeo di Marco Abate.

Subjungo hæc pauca. Præfatus Abbas Reve-  
rendissimus , ut scribit , videtur supponere a me  
opinionem meam dumtaxat uti probabilem ha-  
beri. Hoc a me dictum non est ; dixi tantum  
quod ad hoc ut affirmari possit culpa gravi a-  
ctionem aliquam carere , sufficiens esse quod  
probabile sit non esse gravem. Cæterum nolui  
judicium ferre , utrum mea sententia sit nec ne  
moraliter certa , cum hoc sapientium judicio  
committam ; sed cæteroquin ego illam plusquam  
probabilem esse duxi , et duco.

Nuper alia prodiit epistola Adversarii , cui  
respondere opus esse minime censemus : sufficiunt  
quæ jam respondimus. Si autem forte putat Ad-  
versarius in controversiis , eos remanere victo-  
res , qui ultimo loco scribunt ; hujusmodi vi-  
ctoriam valde libenter ei concedimus.

CAPUT II.

DUBIUM I.

*Quid sit Juramentum ?*

133. *Quid est Juramentum ?*  
 134. *Quæ sint vera Juramenta ?*  
 135. *An dicere per conscientiam meam, vel A-*  
*nimæ meæ ?* 136. *An dicere : Juro ita*  
*esse ?* 137. *An dicere : Tam verum est,*  
*quam sol lucet : vel verum est sicut*  
*Evangelium ?* 138. *An jurare per crea-*  
*turas ?*

133. » **R**esp. Juramentum est invocatio  
 » tacita, vel expressa Numinis Divini, tanquam  
 » primæ, et infallibilis veritatis, in testem ali-  
 » cujus rei. Hæc autem invocatio in eo consi-  
 » stit, quod jurans, quantum in se est, cu-  
 » piat ac velit, Deum id, quod jurat, testari  
 » et manifestare ( si et quando nimirum illi  
 » placuerit, sive in hac vita, sive in altera ),  
 » tanquam quod ab ipso Deo sit cognitum,  
 » et verum. Ita communiter DD. *S. Thom. 2.*  
 » *2. qu. 89. art. 1. Bon. d. 1. q. 1. part. 1.*  
 » *Sanch. 3. mor. cap. 1. Laym. lib. 4. tract.*  
 » *3. cap. 1.*

*Unde resolves.*

134. » 1. Quoad forum internum jurat,  
 » quisquis interius intentionem habet sive for-  
 » malem, sive virtualem, et invocat Deum in  
 » testem, sive his sive illis verbis, ac signis,

» sive etiam nullis usus sit : ita ut , si quis  
 » utatur verbis nullo modo importantibus jura-  
 » mentum , et is tamen ea putet esse juramen-  
 » ta , vere juret : et e contra ; *Suar. lib. 1. cap.*  
 » 1. *Sanch. lib. 3. cap. 1. Laym. lib. 4. t. 3.*  
 » *cap. 1.* Quoad forum autem externum , quæ-  
 » nam formulæ jurandi rationem habeant ; ac  
 » proinde quæ verba licite usurpari in conver-  
 » satione possint , patet ex sequentibus.

» 2. Quando dubium est de jurantis intentio-  
 » ne , judicari solet secundum communem ac-  
 » ceptionem verborum , quibus est usus.

» 3. Veram rationem juramenti habent hæ  
 » formulæ , testor Deum , vel invoco Deum te-  
 » stem. Item , *auffmeinen. ei dt : hermuinem ei*  
 » *dt* , nisi aliud de usurpantis intentione constet ,  
 » quia multi ita loquuntur , v. gr. *ich schwoer*  
 » *edir ein ei dt* , vel *her meinem ei dt* , hoc ,  
 » vel illud faciam : quorum tamen mens non  
 » est serio id jurare , sed tantum iracunde , et  
 » gravius affirmare. *Laym. lib. 2. l. c. cap. 2.*

» 4. Fides a Sacerdotibus loco juramenti exi-  
 » gi solita per eorum consecrationem , uti et  
 » formula illa Principum , *her Unser Fürstli-*  
 » *chen Ehren ; oder Crewen* , etsi non sint ju-  
 » ramentum , tamen in foro fori accipiuntur  
 » loco juratæ promissionis : uti et si a personis  
 » illustribus , vel nobilibus dicatur , *her meiner*  
 » *Allichen Ehren , Crewen , und Slauben.* V.  
 » *Laym. loc. cit. cap. 2.*

» 5. Formulæ hæ , Deus novit , Deus testa-  
 » bitur suo tempore , coram Deo loquor , Deus  
 » novit omnia , Deus videt meam conscientiam ,  
 » censentur tantum narrative proferri , non in-  
 » vocative ( atque adeo non sunt juramenta ) ,  
 » nisi aliud constet , aut circumstantiis pro-  
 » betur. *Laym. loc. cit. num. 4. Bonacina*

» quæst. 1. p. 2. ex Suarez, Lessius, Sanchez, etc.

Pariter dicere : *Vivit Deus, Deus est veritas*, non est Juramentum, si renuntiative profertur, ut Cajet. *Led. etc. apud Salmanticens. Tract. 17. cap. 3. num. 25.* At *Salm. cum Azor. Fagund. Sot. Trull.* dicunt talia verba ex usu communi accipi ut prolata invocatio, et ut vera juramenta.

» 6. Non sunt juramenta, quæ dicuntur per modum sponsonis : verb. gr. expono caput meum, amputentur mihi aures, ni ita sit, etc. Vid. *Sanch. loc. cit. num. 42. \** ( Vid. num. 43. ) \*

» 7. Non vere jurat, qui, ut juramentum coactus vitet, dicit se jurare per omne id, per quod potest : quia, cum res nulla sit, per quam absque necessitate jurare licite possit, censetur per nihil jurare intendisse.

» 8. Non sunt juramenta ( quod Confessarii, et Catechistæ moneant, ne ex erronea conscientia peccetur ) vere, certe, in veritate, fide boni viri, per fidem meam; fide boni Christiani, vel Sacerdotis, vel Regis. \* ( Ita Salmantic. *Tract. 17. cap. 6. num. 23. cum Soto, Suarez, Sanchez, Less. Villal.* ) \*

» 135. Nec per conscientiam meam, super conscientiam meam, etc. ut habet Less. cap. 42. d. 1. Bonac. loc. cit. quia tantum significant illum loqui ex dictamine conscientiæ, et notitia veritatis; nec in testem adducitur Deus. Esset tamen juramentum dicere, per *Fidem Catholicam, per sanctum Evangelium*, quia tunc censetur in testem adduci illius Fidei, et Evangelii Auctor, Vid. *Laym. loc. cit.*

Dicere igitur : *Per conscientiam meam, super meam conscientiam, in conscientia*, non est ju-

286 Lib. III. Tract. II. Dec. Sec. Præc. etc.  
 ramentum, ut docent *Less. lib. 2. cap. 42. n. 4. Elbel de 2. Præcept. num. 47. ac Salmant. dict. cap. num. 28. cum Led. et Villal.* quia nullus in testem adducitur, et sensus est: *Quod dico, est quod mihi dictat conscientia mea.* Idem videtur tenendum, cum Auctore ut sup. (*Istruz. etc. pag. 152.*) si dicas *Per conscientiam Animæ meæ*; Nam conscientia principaliter ibi, non Anima, nominatur et intenditur. Secus, si dicas: *Per Animam meam*: probabilius hoc esse verum juramentum dicunt *Salmantic. ibid. cum Suar. Pag. et Sanch. Elbel dict. num. 47. Renzi de Jur. q. 17. pag. 125. et Bus. num. 150.* Quia in Anima singulariter resplendet Deus qui in testem tunc censetur adduci. Vide dicta n. 129. *V. Sed hic.*

136. Item dicere: *Juro ita esse*, non est verè juramentum, quia tunc nec explicite, nec implicite Divinum testimonium imploratur. Ita *Salm. cap. 2. n. 24. cum Suar. Sanch. Bon. etc.* Nisi præcesserit interrogatio de jurejurando, quia tunc per interrogationem præcedentem illud juro satis determinatur ad verum juramentum.

137. » 9. Non jurat, qui dicit, tam verum » est quam sol lucet, quam hic sedeo, ambulo, etc. Unde etsi comparatio falsa sit, tantum est mendacium, cum nullus in testem invocetur. Idem est, si dicas, quod dico, » est Evangelium, est instar fidei, est de fide » etc. \* (*Dicere, est verum hoc sicut Evangelium, non regulariter est juramentum, ut » Salm. ib. n. 27. cum Sanch. et Pul. Et idem » tenet Auctor libelli cit. (Istruz. etc. pag. 153.) » quia hæc verba denotant potius assimilationem, quam invocationem, ut mox infra subdit Bus.*) \*.

» 10. Quamvis hæ, et similes comparationes,  
 » tam verum est, quam Deus est, quam Chri-  
 » stus est in venerabili Sacramento, quam ve-  
 » rum est Evangelium: item, tam sum inno-  
 » cens, quam B. Virgo, vel S. Franciscus,  
 » etc., communiter videantur continere jura-  
 » mentum cum blasphemia; id tamen non sa-  
 » tis apparet, quia nullus in testem invocatur.  
 » Neque videtur esse blasphemia, si sit verum,  
 » et animus proferentis sit significare tantum si-  
 » militudinem, ut sensus sit, hoc verum esse so-  
 » lummodo, sicut alterum est verum suo modo.  
 » Tunc vero esset blasphemia, si usurpans in-  
 » tenderet significare, tantam esse (secundum  
 » æqualitatem) in suo dicto certitudinem, quan-  
 » ta est in ea veritate Fidei, *Sanch. 2. mor.*  
 » c. 31.

» 138. » 11. Non est juramentum, cum quis  
 » jurat per creaturas, in quibus nihil divinæ  
 » bonitatis specialiter elucet: quia tunc non  
 » censentur adduci cum relatione ad Deum: ut  
 » si dicas: *Juro per hanc herbam, vestem, etc.*  
 » Censetur autem juramentum, cum sit per  
 » creaturas nobiliores: cum per eas tunc acci-  
 » piatur earum Creator, ut qui in iis singula-  
 » riter residet, ac relucet: sic v. gr. dum ju-  
 » ratur *per cælum*, intelligitur istius habitator:  
 » dum *per terram*, is cujus hæc est scabellum;  
 » dum *per templum*, is qui ibi colitur: dum  
 » *per aliquod Sacramentum*, is qui instituit;  
 » dum *per Crucem*, is qui in ea fixus est:  
 » dum *per Evangelia*, ea tangendo, aut no-  
 » minando, is cujus ea verba sunt, *Bon. q. 1.*  
 » p. 1. n. 4. *Suar. Sanch. ll. ce.*

## DUBIUM II.

*Quotuplex sit Juramentum ?*

139. *Quotupliciter dividatur juramentum ? usque ad n. 141.*  
 142. *An omnia juramenta sint ejusdem speciei ?*  
 143. *An sit juramentum : Puniat me Deus , si mentior ?*

139. » **R**esp. Divisiones aliquot communiter  
 » afferuntur sed tantum accidentales ; quæ spe-  
 » ciem non mutant , ut in Confessione distin-  
 » guere non sit opus. *Suar. Less. Bon. p. 2.*  
 » Itaque dividitur.

» Primo in *Verbale*, *Reale*, et *Mixtum* ; cum  
 » videlicet vel verbis fit , vel actione aliqua ,  
 » ut erectione digitorum , contactu Crucis , Sce-  
 » ptri, *Evangeliorum* : vel et verbis simul , et  
 » actione corporali , unde et vocatur juramen-  
 » tum corporale. *Vid. Bon. p. 2.*

» 140. » Secundo in *Invocatorium* , seu Conte-  
 » statorium , et in *Execratorium* , seu Imprec-  
 » torium. Illud est , quo Deus simpliciter , ut  
 » testis , invocatur ; hoc autem , quo non so-  
 » lum vocatur ut testis , sed etiam ut vindex ,  
 » cum jurans , se , vel alium dilectum , vel ali-  
 » quid sui , aut suorum subjicit Deo punien-  
 » dum , si falsum dicat : ut , *ita me Deus amet* ,  
 » *adjuvet : puniat me Deus , faciat Deus , ut*  
 » *hinc nunquam sanus surgam : nec conjugem ,*  
 » *nec liberos vivos hodie intuear : tollat me Deus*  
 » *subitanea morte ; in æternum damnet : super*  
 » *animam meam , etc.* in quibus , quando falso  
 » juratur , an sit conjuncta altera species mali.



» tiam contra charitatem sui, aut proximi, Scho-  
 » lastici controvertunt. Negant *Suar. Val. etc.*  
 » quia non solet quis etiam amico suo tale  
 » malum ex animo imprecari: sed potius  
 » cogitat Deum non facturum esse. Vid. *Bon.*  
 » d. 4. q. 1. p. 2.

141. » Tertio in *Assertorium*, et *Promisso-*  
 » *rium*. Illud est, quo præterita, vel præsen-  
 » tia affirmantur, aut negantur: hoc autem  
 » est, quo aliquid futurum promittitur. Addunt  
 » aliqui *Comminatorium*, ut v. gr. per Deum  
 » ego te cædam. Sed hoc referri potest ad pro-  
 » missorium. In confessione non opus est expli-  
 » care, ntrum per Deum, an Sanctos jurave-  
 » ris: quia est ejusdem speciei malitia, cum  
 » jurans semper intendat Deum adducere in te-  
 » stem. *Suar. Less. cap. 42. Lugo dist. 16.*  
 » n. 286.

142. Quæritur, an omnia ista juramenta sint  
 ejusdem speciei? Negat *Pal.* Sed melius affir-  
 mat sententia communis cum *Salm, tract. 17.*  
*c. 1. n. 18. et 19. cum Sot. Less. Sanch. etc.*

143. Notandum autem, quod prædicta verba:  
*Occidar, si hoc non est*, et similia, quamvis  
 sint vera juramenta, si per modum execrationis  
 dicantur, quia significant: *Deus, quem in te-*  
*stem invoco, me occidat, si hoc non est verum.*  
 Ceterum communiter non continent, nisi quam-  
 dam sponsionem, seu pœnæ obligationem, et  
 significant: *Si non est ita, spondeo meam vi-*  
*tam, vel pœnis mortis me submitto.* Item *Salm.*  
*tract. 17. cap. 2. num. 26. cum Pal. Fag.*  
*Trull. Willal. Bus. D. 1. num. 6. Sanch. Dec.*  
*lib. 3. cap. 2. n. 256. Elbel num. 52.* Secus  
 vero, si Deus ibi expresse nominetur, dicendo:  
*Deus me perdat, si mentior*; quia tunc jam  
 invocatur Deus, ut vindex mendacii, si forte

290 Lib. III. Tr. II. De Sec. Præc. etc.  
 profertur. *Sanch. Salm. Elbel ll. cc. cum Bu-*  
*semb. mox supra num. 140. Dicere autem :*  
*Habeat ut hereticus, si hoc est falsum, non*  
*est verum juramentum :* Sicut neque etiam,  
 regulariter loquendo ; dicere : *Tot Angeli tol-*  
*lant Animam meam, quot vicibus hoc feci. Vel :*  
*Ita faveat mihi Deus, sicut etc. Ita Salm. n.*  
*27. cum Pal. et Sanch. Neque est juramentum*  
*dicere : Juro per istam Crucem, Cruce tamen*  
*non demonstrata, vel signata. Salm. num. 24.*  
*cum Sanch. Fag. et Vill.*

### DUBIUM III.

*An, et quando sit licitum jurare ?*

144. *An liceat jurare ? Et quæ requirantur ad*  
*licite jurandum ?*
145. *Quid de Judicio requisito ?*
146. *Quid de Justitia ? An sit mortale defectus*  
*justitiæ in juramento assertorio ? Quid*  
*de dicentibus, per Deum te occidam ?*
147. *Quid de Veritate requisita ?*
148. *Quæ certitudo requiratur ad jurandum ?*
149. *An liceat petere juramentum a pejeraturo ?*
150. *An excusentur a mortali rustici pejeran-*  
*tes ? Et quomodo admonendi ?*

144. » **R**esp. Juramentum, si debito modo  
 » fiat, licitum esse, est de Fide. Et quidem  
 » est actus Religionis, ut omnes docent. Tunc  
 » autem debito modo fit, cum in eo observan-  
 » tur hæc tria, 1. Est *Judiciũ*, quod exigit,  
 » ut eum discretionẽ, prudentiã, consideratio-  
 » ne, ac reverentiã, non sine necessitate, aut  
 » gravi causa fiat. 2. Est *Justitiã*, quæ exigit

» ut quod juratur, sit res justa, licita, et honesta. 3. Est *Veritas*, ut nimirum sit res vera, aut saltem ex gravi ratione putetur esse vera; ita ut, prout ex defectu alicujus honorum minor, aut major in Deum injuria, aut irreverentia redundare censeatur, ita quoque majus aut minus committatur peccatum.

*Unde resolves.*

145. » 1. Quoad *Judicium*, si hoc solum desit, ut plurimum est veniale tantum: ut si quis absque necessitate juret, sive ex levitate quadam animi, sive ex consuetudine. V. *Sanch. lib. 3. cap. 6. n. 22. Less.*

» 2. Mortaliter tamen etiam hic, aut venialiter peccari potest, juxta quantitatem negligentiae, quam jurans admittit in investigatione veritatis, vel tollenda consuetudine. *San- ch. n. 10.*

» 3. Et sic mortalis est status illorum, qui non tollunt consuetudinem jurandi sine attentione, sitne verum hoc, an falsum, quod jurare solent.

146. » 4. Quod ad *Justitiam* spectat, peccat mortaliter, qui jurat se facturum rem mortaliter malam, ut se aliquem interfectorum, quia est gravis irreverentia, divina auctoritate se ad peccatum mortale quasi obligare, ita ut hic duae malitiae concurrant: una, quod velit malum, altera, quod ad hoc abutatur auctoritate Dei odio habentis omne malum. *Bon. loc. cit. p. 3. Less. lib. 2. cap. 42. d. 3.*

Hoc certum est in juramento promissorio; sed questio est, an sit peccatum grave defectus justitiae in juramento assertorio, si quis cum ju-

292 Lib. III. Tr. II. De Sec. Prac. etc.  
 iamento se jactet de aliquo peccato? *Prima sententia* affirmat *cum Tolet. lib. 4. cap. 21. n. 10. et 11. ac Sot. Less. etc. ap. Salm. c. 2. n. 46.* Sed probabilius dicendum non esse nisi veniale contra Religionem, ut *Suar. tom. 2. de Relig. lib. 1. cap. 3. n. 6. Sanch. Dec. lib. 3. cap. 4. n. 33. et Salm. n. 47. cum Pal. Tamb. et Leand.* Ratio, quia ideo in iuramento promissorio id est mortale, quia iuramentum assumitur ad firmandam voluntatem exequendi malum; In tali vero assertorio non assumitur ad confirmandam complacentiam, sed tantum pronuntiatur ad alios certiores reddendos de suo peccato, quod non est nisi quædam animi levitas venialis. Secus tamen dicendum, ut bene advertunt *Salm. ibid. cum AA. cit.* si quis iuramentum assumeret ad firmandam detractionem, quia iuramentum tunc sumitur, ut medium ad infamiam alterius certiozem reddendam.

Notandum autem hic, quod ex ira proferentes verba, videlicet: *Per Deum, per Christum te occidam*, communiter non peccant graviter, quia ex ignorantia, aut indeliberatione ut plurimum excusantur. Ita mecum sentit Auctor cit. lib. (*Istruz. etc.*) pag. 154.

» 5. Venialiter autem peccat, qui jurat facere rem venialiter malam, aut vanam, aut inutilem, aut frivolam: cum ibi levis tantum irreverentia censeatur. *Bon. ibid. Less. loc. cit. \** (ita etiam tenent *Tann. Spor. Sanchez etc.* Sed magis mihi arridet sententia opposita; quam tenet *Elbel num. 97. cum March. Turr. etc.* quia non levis, sed gravis irreverentia videtur invocare Deum in testem ac fidejussorem peccati quamvis levis) \*.

» 6. Item peccat venialiter, qui jurat aliquid

» contra consilia Evangelica: ut se non ingres-  
 » surum Religionem, non daturum eleemosy-  
 » nam, aut mutuum. *Suar. Less. Sanch. Bon:*  
 » *loc. cit.*

147. » 7. Quod ad *Veritatem* spectat: cum  
 » hæc deest, peccatur mortaliter, quia com-  
 » mittitur gravis in Deum irreverentia; quippe  
 » cum adducatur in testem falsitatis, quasi vel  
 » ipse veritatem nesciat, vel velit, aut possit  
 » decipere testando falsum. Nec hic excusat le-  
 » vitas materiæ: quia, sive hæc sit gravis, sive  
 » levis, seria, sive jocosa, æqualiter tamen  
 » repugnat Deo testificari falsum: et tale jura-  
 » mentum dicitur Perjurium. *S. Th. 2. 2. q.*  
 » 89. *ar. 7. Less. Sanch. Bon. l. c. \** (Hæc  
 » de re lege *Prop. 24.* inter damnatas ab In-  
 » noc. XI.) \*. An autem, et quando perju-  
 » rium possit esse veniale per accidens? \* (*Sci-*  
 » *licet ob defectum deliberationis, vel adverten-*  
 » *tice. Sal. Tract. 17. c. 2. n. 28. et 29. \*)*  
 » Vid. *Escob. tom. 1. cap. 3. n. 6.*

» 8. Nec excusatur, vel qui jurat verum; si  
 » is putabat esse falsum, vel qui jurat pro cer-  
 » to, de quo ipse dubitet, etsi a parte rei ve-  
 » rum sit. *Sot. Nav. Bonac. loc. cit.*

148. Ad recte tamen jurandum non requiri-  
 » tur certitudo absoluta, et omnino infallibilis;  
 » sed sufficit aliqua certitudo moralis, sive quæ-  
 » dam probabilitas, quæ ad quandam certitudi-  
 » nem moralem pertingat. Ita *Tamb. c. 2. §. 1.*  
 » *n. 6.* Immo *Sanch. lib. 3. cap. 4. n. 10. cum*  
 » *Val. et Suar. ac Salm. cap. 2. n. 42. cum*  
 » *Pal. Less. Bon. Azor. etc. cum communi, et*  
 » *eod. c. n. 49.* expressius ajunt sufficere in ju-  
 » ramento sive assertorio, sive promissorio proba-  
 » bilitatem veritatis assertæ, vel implétionis exe-  
 » quendæ rei promissæ; modo, intelligendum,

non habeatur ratio probabilis in oppositum. Hinc dicunt posse quidem affirmari cum juramento, quod auditum est a persona ita fide digna, ut moraliter certos nos faciat. Hoc tamen non currit in iudicio. *Salm. d. c. n. 44. cum Sanch. Pal. Bon. etc. Vid. Eus. n. 144.*

149. » 9. Peccat æque graviter, qui ab altero exigit juramentum, sciens eum esse peieraturum. Excipe, nisi justa causa, et necessitas exigat \* (*Dicunt vero Pal. tract. 14. D. 1. p. 10. n. 9. et Elbel de Jur. n. 110 sufficere causam, utilem honestam. Vide dicta lib. 2. n. 77.*) \* quia tunc perjurium ex sola pejerantis malitia sequitur, nec alter moraliter censetur illius causa, cum utatur suo iure. Quod tamen extra iudiciam raro habet locum cum in privatis personis. *S. Thom. q. 29. Suar. lib. 3. c. 13. et 14. Sanch. lib. 3. c. 8.*  
 » 10. Non peieravit, qui juravit aliquid re ipsa falsum, quod ipse bona fide, et cum ratione putavit esse verum.

150 » 11. Excusari subinde quidam simplices a mortali perjurio videntur posse, ratione inconsiderationis, cum usurpant quasdam formulas juratorias, ut, per animam meam, puniat me Deus. Etsi enim sciant id vocari juramentum, non tamen apprehendunt, quod jurare sit aliquid grave, et invocare Deum in testem, sed tantum apprehendunt confusam aliquam rationem mali non tanti momenti. *Vid. Bon. loc. cit. Laym. c. 14.*

Immo notandum, quod communiter rustici non apprehendunt pravitatem perjurii, dum se confitentes de juramentis parum, vel minime distinguunt juramenta vera a falsis; Et hoc ex praxi in Missionibus jamdudum intellexi. Quare pro iis, qui consuetudinem taliter ad pejeran-

dam habent, Confessarios potius censeo abstinendos esse ab instruendis his talibus de peccato gravi, quod revera est in perjurio, ne peccata materialia in iis ob malum habitum, quem habent, formalia evadant; ex regula generali, ut docet *Eus. de Sac. Pœn. cum. Lug. Sancti et Laym. etc.* Vid. lib. 6. n. 610. Bene tamen tales consuetudinarii sunt fortiter monendi, ut deinceps desinant falsum jurare. Ceterum non semper expedit monere hujusmodi rudem Pœnitentem de gravitate perjurii, si monitio prævideatur non de facili profutura.

## DUBIUM IV.

*An in juramento liceat uti æquivocatione ?*

151. *An liceat jurare cum Amphibologia ?*  
 152. *An vero cum Restrictione mentali ?*  
 153. *Resolvuntur casus , de Confessario affirmantem nescire peccatum confessum. 154. De Reo , vel Teste non legitime interrogato. 155. Quid si legitime rogetur , et æquivoce juret ? 156. Et an Reus capitalis teneatur crimen confiteri ? 157. De Pœnitente interrogato de peccato confesso. 158. De paupere indigente re aliena. 159. De debitore , qui alias non tenetur. 160. De rogato a Judice , an sit locutus cum Reo , et similibus ? 161. De creditore asserente nihil sibi solutum. 162. De adultera negante crimen. 163. De requisito ad mutuandum. 164. De mercatore , etc. 165. De famulo asserente Dominum non esse domi. 166. De assumendis ad Doctoratum. 167. De asserente acceptionem pecuniæ , quam non recepit. 168. De asserente falsum , addendo submitte aliquid verum.*  
 169. *An liceat alicui non rogato æquivoce jurare ?*  
 170. *Vide alios casus apud Busemb.*  
 171. *An liceat jurare sine animo jurandi ? Sed de hoc vide fusius n. 172. Dub. 5. Quær. an simulatio sit aliquando licita ?*

151. » **R**esp. Jurare cum æquivocatione ,  
 » quando justa causa est , et ipsa æquivocatio



» licet, non est malum: quia ubi est jus oc-  
 » cultandi veritatem, et occultatur sine menda-  
 » cio, nulla irreverentia fit juramento. Quod  
 » si sine justa causa fiat, non erit quidem per-  
 » jurium, cum saltem secundum aliquem sensum  
 » verborum, vel restrictionem mentalem verum  
 » juret: erit tamen ex genere suo mortale con-  
 » tra religionem, cum sit gravis irreverentia ad  
 » alterum in re gravi decipiendum usurpare ju-  
 » ramentum. Ita communiter DD. Sanchez. lib.  
 » 3. cap. 6. Bonac. p. 12. Laym. cap. 13.

Ad majorem claritatem pro hic dictis, et di-  
 cendis in hac materia tam difficili plura sunt  
 distinguenda. Primo loco distinguendum, aliam  
 esse *Amphibologiam*, sive æquivocationem; aliam  
*Restrictionem mentalem*.

*Amphibologia* triplici modo esse potest, I.  
 quando verbum habet duplicem sensum, prout  
*Volo* significat velle, et volare. II. Quando ser-  
 moni duplicem sensum principalem habet, v. g.  
*Hic liber est Petri*, significare potest, quod Pe-  
 trus sit libri dominus, aut sit libri auctor. III.  
 Quando verba habent duplicem sensum, unum  
 magis communem, alium minus: vel unum li-  
 teralem, alium spirituales: ut verba illa, quæ  
 dixit Christus de Baptista: *Ipse est Elias*. Et  
 Baptista dixit: *Ego non sum Elias*. Quo sensu  
 viri spirituales cibos delicatos, dicunt eis nocere,  
 idest mortificationi; Doloribus afflicti dicunt be-  
 ne valere, idest quoad robur spiritus. Cardenas  
*Diss.* 19. n. 47. Sic etiam quis interrogatus de  
 aliquo, quod expedit celare, potest respondere,  
*dico non*, idest dico verbum non Card. n. 52.  
 de hoc dubitat, sed salvo meliori consilio, vi-  
 detur immerito, cum verbum *dico* vere dupli-  
 cem sensum habeat, significat enim profecto,  
 in nostro autem sensu *dico* idem est ac *profeco*.

His positis, certum est et commune apud omnes, quod ex justa causa licitum est uti æquocatione modis expositis, et eam juramento firmare. Ita *Less. lib. 2. cap. 41. n. 47. Carden. Diss. 19. n. 35. Salm. Tr. 17. de Juram. c. 2. n. 115. ex S. Hieron. c. 22. q. 2. qui dicit: Utilem simulationem, et in tempore assumendam; quod explicans S. Th. 2. 2. q. 111. art. 1. ad 2. ait: S. Hieronymus utitur large nomine simulationis pro quacumque fictione. Ratio, quia tunc non decipimus proximum, sed ex justa causa permittimus, ut ipse se decipiat, et ex alia parte non tenemur ad mentem aliorum loqui, si justa causa subsit. Justa autem causa esse potest quicumque finis honestus ad servanda bona spiritui, vel corpori utilia. *Salm. ibid. num. 109. cum Val. Sanch. Pont. et Leand.**

Utrum autem jurare cum amphibologia, sive restrictione non pure mentali ut infra; sine justa causa, sit peccatum mortale? Affirmat *Viva in prop. 27. damn. ab Innoc. XI. item Tol. Ang. Arm. Nav. etc. ap. Sanch. Dec. lib. 3. c. 6. n. 2. Idemque tenet Bus. cum Laym. Sanch. et communi; ut asserit. Sed inmerito citat Sanch. et vocat suam sententiam communem: dum oppositam sequitur Sanch. loc. cit. et eandem tenent *Lugo de Fide D. 4. num. 64. Caf. 2. 2. q. 89. art. 6. ad 4. dub. 2. Salm. c. 2. n. 108. cum Sol. Val. Prado, Hart. Candido, Leand. etc. item Less. lib. 2. cap. 42. n. 48. Pal. tr. 14. D. 11 p. 7. n. 3. et probabilem putat Bus. n. 170. 3. Ratio hujus probabilioris sententiæ est, quia in hujusmodi juramento jam adsunt veritas et justitia; deficit tantum judicium sive discretio, cujus deficientia non est nisi venialis. Non obstat quod ait *Viva*, scilicet quod taliter jurans exerceat invocat Deum ad testificandum**

falsum; nam reipsa invocat ad testificandum verum, juxta suum sensum, quamvis permittat ex justa causa, ut alter ex sua incuria, vel inadyvertentia decipiat. Excipiendum tamen cum *Salm. loc. cit. et aliis communiter*, nisi hoc fiat in judicio, vel in contractibus. Ex præfata autem sententia inferitur, quod ad sic jurandum (præterquam in judiciis, et contractibus) non requiritur causa absolute gravis, sed sufficit quævis rationabilis causa, puta ad se liberandum ab importuna, et injusta interrogatione alterius, ut dicunt *Salz. n. 109. cum Val. Sanch. Bon. Pal. etc. Roncag. de Jur. c. 4. q. 2. R. 3. Elbel. n. 129.* Hic tamen notandum 1. cum *Ronc. loc. cit.* majorem causam requiri ad æquivocandum cum juramento, quam sine illo. Notandum 2. cum *Salm. dict. n. 109.* quod quo verba majorem occasionem præbent errandi, major causa exigitur: Unde dicunt, quod quando verba fere nullam causam præbent errandi, ut sunt verba per se æquivoca, duplicem sensum æque habentia, tunc levissima causa excusat.

152. *Restrictio autem mentalis* alia est *pure mentalis*, quæ nullo modo ab aliis percipi potest; alia *non est pure mentalis*, quæ ex adjunctis circumstantiis innotescere potest.

*Restrictio pure mentalis* nunquam est licita, nec juramentum super eadem, ut patet tribus propositionibus damnatis ab Innocent. XI. in quibus. Prima num. 26. dicebat: *Si quis vel coram aliis, sive interrogatus, sive propria sponte, sive recreationis, sive quocumque alio fine juret, se non fecisse aliquid, quod revera fecit; intelligendo intra se aliquid aliud, quod non fecit: vel aliam viam ab ea, in qua fuit, vel quodvis aliud additum verum revera non mentitur nec est perjurus.*

Secunda n. 27. dicebat : *Causa justa utendi his amphibologiis , est , quoties id necessarium , aut utile est ad salutem corporis , honorem , res familiares tuendas ; vel ad quemlibet virtutis actum ; ita ut veritatis occultatio censeatur tunc expediens , et studiosa.*

Tertia n. 28. Qui mediante commendatione , vel munere , ad Magistratum , vel officium publicum promotus est , poterit cum restrictione mentali præstare juramentum , quod de mandato Regis exigi solet , non habito respectu ad intentionem exigentis , quia non tenetur fateri crimen occultum.

E contrario licitum est justa causa uti restrictione non pure mentali , etiam cum juramento , si illa ex circumstantiis percipi potest. Id probatur ex Joan. 7. ubi Christus dixit : *Non ascendo ad diem festum hunc.* Et tamen narrat Scriptura quod postea ascendit : *Non ascendo ,* subintellexit , manifeste , ut rogabant Discipuli , sed *ascendo occulte.* Pariter ex Matth. 24. ubi Dominus dixit : *De die illa nemo scit .... neque Filius ,* subintelligendo , *ad manifestandum ,* ut Discipuli petebant , prout explicat D. Aug. P. 6. in Prol. Sic etiam sentit S. Thom. 3. p. q. 10. art. 2. ad 2. inquit : *Dicitur nescire diem , quia non facit scire.* Id est , ac si dixisset , *nescio ad manifestandum aliis.* Et idem sentiunt S. Jo. Chrisost. S. Hieronym. S. Ambrosius , S. Athanasius , S. Basilus , S. Hilarius etc. ut testatur Suarez Tom. 3. in 3. p. q. 10. a. 2. Hanc sententiam communiter tenent Gonet Man. t. 5. tr. 8. c. 2. §. 3. Laym. tr. 3. l. 4. c. 13. n. 7. c. Interim , Palud. in 4. D. 9. q. 3. a. 3. Concl. 1. Adrian. in 4. de Sac. Confess. D. 6. §. Ad argum. Major. in 4. D. 15. q. 18. q. 1. Soto de secreto , membr. 3. Wi-

*gandi tr. 10. Exam. 4. n. 61. Resp. 3. Cardenas in 2. Crisi Diss. 19. num. 81. ( qui in Propos. Innoc. XI. Diss. 19. n. 48. cum Suarez. et Lugo ait idem dicendum si respondeatur ad mentem interrogantis ). La-Croix l. 3. p. 1. n. 287. Hols. tom. 1. de Juram. pag. 273. n. 490. Elbel. cod. tit. tom. 2. pag. 52. n. 144. Spörer tr. 3. c. 1. n. 115. Viva in prop. 27. Innoc. VI. n. 4. et Sal. tr. 17. c. 2. n. 117. ubi dicunt hanc sententiam esse communem fere omnium DD. Idem sentit Continuator Tournely to. 1. p. 689. cum Varroi et Bourdad. dicens, etiam strictiores Theologos has restrictiones mentales ( quod idem est ac non pure mentales ) negare esse illicitas, ex D. August. qui in lib. contra mendac. c. 10. ait : Quamvis omnis qui mentitur, velit celare quod verum est, non tamen omnis qui vult quod verum est celare, mentitur. Consentit etiam rigidissimus Contensonius tom. 4. Diss. 2. c. 1. in Resp. ad Instabis; nam explicando illud Joannis 7. de ascensu Christi ad diem festum, dicit, Christum verba suboscuro adhibuisse, in quibus poterat vir prudens verborum sensum facile interpretamento aperire. Favet D. Thomas ( ut recte ait Wigandi ) 2. 2. q. 69. art. 2. ubi: Aliud est veritatem tacere, aliud falsitatem proponere. Item q. 110. art. 5. ad 4. dicit: Non est licitum mendacium dicere ad hoc, quod aliquis alium a quocunque periculo liberet, licet tamen veritatem occultare prudenter sub aliqua dissimulatione, ut Augustinus dicit in lib. contra mendac. Ratio autem hujus sententiæ est, quia, si non liceret uti restrictione non pure mentali, non existeret modus secretum licite celandi, si quis nequiret aperire sine damno, vel incommodo; Quod utique esset æque perniciosum commercio*

humano, quam mendacium. Damnatio autem peracta a Pontifice restrictionis mentalis recte intelligenda est de restrictione pure, et stricte sumpta; illa enim tantum vera mentalis restrictio dici debet; quæ tantum in mente fit, et ita occulta remanet, et nullo modo ex circumstantiis externis agnosci valet.

153. Hinc infertur I. Confessarius affirmare potest etiam juramento, se nescire peccatum auditum in Confessione, subintelligendo, *ut hominem*, non autem *ut Ministrum Christi*, ut docent *S. Th. 2. 2. qu. 70. art. 1. ad 1. Lug. Disp. 22.* (qui tamen *num. 75.* explicat alio modo illud verbum *nescire per scientiam*, quæ utilis sit ad respondendum) item *Sporer de Præc. n. 119. et Elbel. de Jur. n. 149.* cum aliis communissime. Ratio, quia interrogans non habet jus, nisi ad sciendam notitiam communicabilem, qualis non est illa Confessarii. Et hoc etiam si alter interroget, an audierit ut Minister Christi. *Lug. n. 66. Viva in prop. 17. Inn. n. 3. et 13. Ronc. de 2. Præc. c. 4. Reg. prax. n. 2. et Elbel de Jur. n. 130. cum aliis.* Quia Confessarius semper censendus est respondere ut homo, nam ut Minister Christi non potest loqui. Hinc dicunt *Card. Diss. 19. n. 39. in fine*, et *67. ac Fel. Pot. de Jur. n. 1734.* quod quoties tenetur quis occultare infamiam alterius, licite dicit, *nescire*, scilicet *non habeo scientiam utilem ad respondendum*: sive *non scio tanquam manifestabile*, ut *Card. cum Lugo d. loc. n. 43. et 44.* Et si quis temere petat a Confessario, an audierit tale peccatum in Confessione, bene potest respondere: *Non audiui*, scilicet, *ut homo*, vel *ad manifestandum*, *Card. cum Lug. n. 66.*

154. II. Reus, aut testis a Judice non legiti-

me interrogatus potest jurare, se nescire crimen, quod revera scit; subintelligendo, nescire crimen, de quo legitime possit inquiri, vel nescire ad deponendum. Ita *Caj. Opusc. to. 1. tr. 31. R. 5. Sporer de 2. Præc. c. 1. n. 120. et 121. Azor. to. 1. l. 11. c. 4. Ronc. de 2. Præc. c. 4. q. 2. R. 3. Sanc. Dec. l. 3. c. 16. n. 23. et 26. cum Nav. Tolet. Val. etc. ex eodem D. Th. 2. 2. q. 69. a. 1.* Idem, si testis ex alio capite non teneatur deponere, nempe si ipsi constet crimen caruisse culpa, ut *Salm. d. c. 2. n. 259. et Elbel. n. 145.* Vel si sciat crimen, sed sub secreto, cum nulla præcesserit infamia, ut *Card. ib. n. 51.* Reus tamen, vel testis, qui legitime a iudice interrogatur, nequit ulla æquivocatione uti, quia tenetur justo præcepto Superioris parere. Est communis, *Salm. c. 2. n. 146. cum Sot. Less. Sanch. etc. cum Bus. n. 2.* Et idem dicendum de juramento in contractibus onerosis, quia alias injuria alteri irrogaretur. *Salm. ibid.* Excipe in judicio, si crimen fuerit omnino occultum, tunc enim potest, imo tenetur testis dicere, reum non commisisse. *Tamb. c. 4. §. 2. n. 4. cum Card. et Pot. ut sup.* Et Idem potest reus, si non adest semiplena probatio etc. *Tamb. §. 3. n. 2. cum communi,* quia tunc Juxta non legitime interrogat. 155. Sed queritur hic 1. an si talis reus, vel contrahens æquivoce jurando decepit, possit absolvi, nisi veritatem manifestet? Negant aliqui non improbabiliiter, sed probabilius affirmant *Sanch. Dec. l. 2. c. 7. n. 8. et Salm. c. 2. n. 147. cum Philarch.* Quia tali juramento (quod perjurium nequit dici) non peccavit contra justitiam commutativam, sed contra legalem, et obedientiam Judici debitam, cujus præceptum detegendæ veritatis transiens.

est, daturque solum dum Judex interrogat. Idemque dicit *Sanch. ib.* de teste mentiente. Et ideo uterque absolvi possunt, quin veritatem revelent. Tenentur vero alteri satisfacere, si possunt alia via. At si non possunt, dicunt *Salu.* teneri, denuo in iudicio detegere debitum. Sed etiam excusarem, si omnino essent impotentes ad satisfaciendum in præsentī, et futuro.

156. Quæritur 2. an reus legitime interrogatus possit negare crimen, etiam cum juramento, si grave damnum ex confessione ipsi imminet? Negant *Elbel. n. 44. cum D. Th. d. ar. 1. ad 2.* et quidem probabilius, quia reus tenetur tunc pro communi bono, damnum illud subire. Sed, satis probabiliter, *Lugo de Just. D. 40. n. 15. Tamb. lib. 3. c. 4. §. 3. n. 5. cum. Sanch. Viva q. 7. art. 4. n. 2. Sporer de 2. Præc. c. 1. n. 15. item Elbel. dict. n. 144. Carden. in Prop. Innoc. XI. Diss. 19. n. 78. cum Nav. Less. Sa, et Fill. et aliis plurib.* dicunt posse reum, si sibi imminet poena mortis, vel carceris, aut exilij perpetui, amissionis omnium bonorum, triremium, et similis, negare crimen, etiam cum juramento (saltem sine peccato gravi), subintelligendo *non commisisse; quatenus teneatur fateri*, modo sit spes vitandi poenam. Ratio, quia lex humana non potest sub gravi obligare homines cum tanto onere. Additque *Elbel* hanc sententiam, licet minus probabilem, insinuandam tamen esse reis, et Confessariis, ut liberentur illi a culpa gravi, in quam facillime incident, si ad confessionem criminis obstringentur. Vid. dicenda l. 4. n. 274.
157. III. Pœnitens interrogatus a Confessario de peccato confessio potest jurare non commisisse, subintelligens illud, quod confessus non sit. Ita *Carden. Diss. 19. n. 48. Salu. n. 118.*



Cap. II. De Juram. Dub. IV. 305  
*in fine. Sanch. lib. 3. cap. 6. n. 14. Sporer*  
*de 2. Præc. cap. 1. n. 105. Hoc tamen intel-*  
*ligendum, nisi Confessarius juste interroget ad*  
*uoscendum statum poenitentis, ex Prop. 58.*  
*damn. ab Innoc. XI.*

158. IV. Indigens bonis absconditis ad susten-  
tationem, potest judici respondere, se nihil ha-  
bere, *Salm. n. 140. Pariter heres, qui sine*  
*inventario occultavit bona, si non tenetur ex*  
*illis satisfacere creditoribus, potest judici respon-*  
*dere, nihil occultasse, subintelligens de bonis,*  
*quibus satisfacere teneatur. Salm. loc. cit. et*  
*Ronc. c. 4. Reg. 2. in praxi.*

159. V. Qui mutuum accepit, sed postea sa-  
tisfecit, potest negare accepisse mutuum, subin-  
telligens, *ita ut debeatolvere, Salm. n. 140.*  
*et Spor. de 2. Præc. c. 1. n. 122. cum Suar.*  
*Nav. Az. Laym. Sanch. Cov. et aliis. Sic pa-*  
*riter, si quis fuit coactus ad Matrimonium,*  
*potest Judici asserere etiam cum juramento non*  
*contraxisse, scil. libere ut par erat, Tol. lib.*  
*4. c. 21. Laym. c. 14. n. 8. Nav. in c. Hu-*  
*mane aures 22. q. 5. et Spor. loc. cit. qui*  
*idem ait de eo, qui irrita Sponsalia inivit. Pa-*  
*riter qui Matrimonium promisit, sed inde non*  
*teneatur ad illud, potest negare promissionem,*  
*scilicet ut ex illa teneatur, Salm. n. 140. Qui*  
*non tenetur ad gabellam, potest respondere ni-*  
*hil ferre, scilicet ex quo gabellam debeat, Card.*  
*n. 77. Salm. n. 140. Spor. loc. cit. n. 121.*  
*cum Led. Qui venit de loco falso putato infe-*  
*cto, potest negare venire ex illo, scilicet ut pe-*  
*stilenti, quia hæc est mens custodum. Salm.*  
*n. 141. Less. c. 42. n. 47, Sanch. Dec. lib. 3.*  
*c. 6. n. 35. et Sporer loc. cit. n. 140. cum*  
*Tol. Nav. Suar. Henr. Rodr. etc. Imo hoc*  
*admittunt Tol. Less. et alii plures ap. Spor.*

etiãsi ille celeriter transisset per locum infectum, modo sit certus nil luis contraxisse, quia posset intelligi non venisse, ut ab ipso periculum sit timendum: Sed huic ego non omnino acquiesco. Admittunt etiam *Salm. dict. loc. cum Bus.* quod si quis a fure vi obligetur ad promittendam pecuniam cum juramento, potest subintelligere: *Dabo, si tibi debuero, secluso juramento*; quia dicunt promissionem illam, ex circumstantiis posse admittere talem amphibologiam. Pariter Uxor, cui constet Matrimonium esse nullum, potest Judici, vel Confessario, qui alias non vellet eam absolvere, promittere cum juramento cohabitare cum viro, etsi non intendat, intelligens de cohabitatione licita. *Salm. dict. n. 141.*

160. VI. Rogatus a Judice, an sit locutus cum reo, potest negare, intelligens, non locutum fuisse ad cooperandum crimini. Canonicus obligatus ad secretum, potest jurare nihil manifestasse, si vere nihil eorum, quæ sub gravi tenebatur celare, manifestavit. Ita *Salm. n. 142.* qui asserunt hæc omnia passim obvia esse apud omnes Auctores. Pariter *Less. c. 42. n. 48. cum Alex. Bart. etc.* qui eligendus est in officium, interrogatus, an habeat aliquod impedimentum, potest negare, si revera illud non sit tale, quod impediatur.

Pariter, si quis invitatus interrogetur, an sit bonus cibus, qui revera sit insipidus, potest respondere, esse bonum, scilicet, ad mortificationem: *Cardenas Diss. 19. n. 74.* Sic etiam dicant *Card. n. 76. et Croix lib. 3. p. 1. n. 302.* licite proferri perimonia: *Osculor manus, etc. Offero me famulum etc.* quia ex communi usu accipiuntur, ut verba materialia, prolata tantum ad honorem. Licitum est etiam celare

veritatem cum causa ; v. gr. si quis petat a te pecuniam, potes respondere : *Utinam haberem ! Vel gauderem habere, etc.* Card. Diss. 19. num. 53.

161. Sed quæritur r. an creditor ex instrumento possit asserere cum juramento nihil sibi solutum, si revera sit pars soluta, sed ipse ex alio capite habeat creditum, quod probare non possit ? Respondetur posse, dummodo non juret eam quantitatem sibi deberi ex illo instrumento, nec aliis creditoribus anterioribus damnum inferatur. Ita *Salm. cap. 2. n. 143. cum Sanch. Pal. Leand. etc.*

162. Quæ 2. an adultera possit negare adulterium, intelligens, ut illi revelet ? Potest æquivoce asserere, non fregisse matrimonium, quod vere persistit. Et si adulterium sacramentaliter confessa sit, potest respondere ; *Innocens sum ab hoc crimine*, quia per Confessionem est jam ablatum. Ita Card. Diss. 19. n. 54. Qui tamen hic advertit, quod nequit id affirmare cum juramento, quia ad asserendum aliquid sufficit probabilitas facti ; sed ad jurandum requiritur certitudo. Sed respondetur, quod ad jurandum sufficit certitudo moralis, ut diximus *supra Dub. 3. n. 147. cum Salm. c. 2. n. 44. Less. Sanch. Suar. Pal. et communi.* Quæ certitudo moralis remissionis peccati potest quidem haberi, quando quis bene moraliter dispositus recepit Pœnitentiæ Sacramentum.

Ad quæsitum vero dicunt *Salm. n. 144. cum Soto* non posse feminam adulterium negare, quia esset pura restrictio mentalis. Card. tamen n. 60. admittit in periculo mortis licere uti metaphora, quæ communis est in Scriptura ; ubi adulterium sumitur pro idolatria, ut ex *Ezech. 23. 27. Quia adulteratæ sunt. . . et cum idolis*

*fornicatæ sunt.* Imo si crimen est vere occultum; probabiliter cum *Bus. infra art. 4. et Less. Trull. ibid. ac Sanch. lib. 3. Dec. c. 2. n. 42. cum Sot. Sayr. et Arag.* potest mulier negare cum juramento, et dicere: *Non commisi;* eodem modo, quo reus potest dicere Judici non legitime interroganti, *crimen non commisi*, intelligendo non commisisse, ita ut teneatur ei manifestare, ut *Tamb. ex comm. c. 4. §. 3. n. 1. et 2. Et Viva q. 7. art. 4. n. 2.*

163. Quær. 3. an requisitus ad mutuandum; possit jurare non habere pecuniam, quam revera habet, intelligendo, non habere, ut ad mutuum præstet? Negant *Salm. num. 145. cum Sot. Henr.* Ratio, quia illa restrictio ex circumstantiis percipi nequit. Sed hoc intelligendum, si veritas nullo modo percipi possit; nam si posset conjici ex aliqua circumstantia, nempe paupertatis, vel indigentiae mutuatarii, bene posset ipse intelligere, non habeo superfluum; ut possim mutuare. Ita *Ronc. de 2. Præc. c. 4. Reg. 2. in præci, Viva q. 7. art. 4. n. 2. cum Sanch. Bon. Sylv. etc. Card. Diss. 19. num. 48. cum Suar. et Lug. de Pœnit. Disp. 23. sess. 4. num. 74. qui sic docet: ( Qui habet unum panem sibi necessarium, vere respondet se nullum habere ei, qui petit panem commodatum, quia nullum habet quem commodare possit, de quo solo ille interrogat ). Et idem dicit *Carden. n. 73. de pecunia petita, si domino sit necessaria.**

164. Quær. 4. an mercatores possint jurare, mercem carius ipsis constare, intelligendo cum alia merce? Affirmant aliqui, sed merito negant *Salm. dict. n. 143.* Probabiliter tamen posse ait *Croix lib. 3. p. 1. n. 301. cum Gob.* quando tales non intelligunt de mero pretio rei, sed

computant in eo expensas pro vectura, pro apotheca etc.

165. Quær. 5. an famulus ex jussu domini possit negare, ipsum esse domi? *Card. Diss. 19. n. 75.* admittit posse figere pedem in lapidem, et respondere, *non est hic*; Quia non est restrictio mentalis; sed huic non assentio, si alter nullo modo possit id advertere. Potius concederem posse dicere, *non est hic*, scilicet non in hac janua, vel fenestra; vel (ut ait *Tourn. Mor. tom. 1. pag. 689.*) *Non est hic*, quatenus videri possit. Item ait *Card.* posse respondere, *egressus e domo est*, intelligendo in præterito; non enim tenemur, ait cum *Less. ut supra*, respondere ad mentem interrogantis, si adsit justa causa. Secus, si ille rogetur, an hac mane dominus egressus sit, ut *Croix lib. 1. p. 1. n. 184.* Sic etiam *Card. n. 72.* ait de viro nobili qui est in luctu, posse respondere famulum, esse foris, scilicet esse remotum a consortio, ut ex usu loquendi solet intelligi.

166. Quær. 6. an assumendi ad gradum doctoratus possint jurare cum æquivocatione conditionem requisitam non veram, scilicet vacasse tot annis illi scientiæ etc. si tales sint æque idonei ac alii Doctores? Vide *Tomb. Dec. lib. 3. cap. 2. §. ex n. 11.* qui affirmat, et justam causam ait tunc esse sic jurandi, ne repellantur qui jam digni sunt. Sed quidquid sit de hoc, probabile magis mihi videtur non pejerare Doctorandos Neapoli, qui more solito scribunt manu propria in suscipiendo Matriculas: *Dico con giuramento essere il primo anno istitutista etc.* cum revera id non sit. Ratio quia verbum illud *giuro*; sive *dico con giuramento*, ut supra diximus *Dub. 3. n. 136. cum Salm. c. 2. n. 24. Bon. Sanch. Suar. de se non est jura-*

mentum, nisi præcedat interrogatio de juramento, sed hæc interrogatio Neapoli vel omnino non fit, vel non fit de vero juramento, sed tantum de illa scriptione materiali, quæ ex usu communi videtur non apprehendi ut verum juramentum.

667. Quær. 7. an possit quis licite coram Notario asserere accipere pecuniam, quam verè non recipit? Affirmat posse *Tamb. ibid. n. 20. et 23.* sensum impropriando, scilicet jurando, pecuniam pro accepta habere, vel accipere, qui certus sit moraliter alterum brevi pecuniam sibi fore soluturum. Et videtur probabile ex communi usu loquendi.

168. Quær. 8. an liceat jurare aliquid falsum, addendo tamen submissa voce circumstantiam veram? Affirmat *Hurtad. et Prado cum aliis ap. Salm. c. 2. n. 136. contra Torre*, qui dicant, quod ut locutio sit vera, sufficit, ut exterius concordet conceptui mentis, sive nuntibus, sive voce submissa explicetur, et per accidens est, ut alter non audiat. At melius *Salm. n. 138.* id admittunt, si tamen aliquo modo possit ab altero percipi illa submissa prolatio, licet ejus sensus non percipiatur; secus si omnino alterum lateat.

169. » 1. Graviter peccat, qui utitur æquivocatione, quando non rogatus, sed sponte » sua jurat: quia tunc tenetur uti vocabulis » secundum communem significationem, inquit » *Tolet. lib. 4. c. 21.* eo quod non habet rationem æquivocandi.

170. Probabilius tamen *Salm. c. 2. n. 142. in fine* cum communissima contrarium dicunt, nempe, quod quando adest justa causa necessitatis, vel utilitatis, potest quis uti amphibolo-

giis in juramento, etiamsi ad jurandum sponte se offerat.

» 2. Graviter item peccat qui utitur æquivo-  
» catione, quando juramentum juste exigitur,  
» ut a iudice vel superiore in re gravi. *Bon.*  
» *loc. cit.*

» 3. Si autem fiat tale juramentum in re le-  
» vi, per jocum, et citra inobedientiam, ac  
» notabile damnum alterius, erit tantum ve-  
» niale, ut probabiliter docet *Sanch. l. 3. c.*  
» 5. contra alios: quia sola discretionem, sive  
» iudicio caret. Vid. *Bon. loc. cit.*

» 4. Licet æquivoce jurare, si juramentum  
» exigatur injuste, ut v. gr. si quis exigit ju-  
» ramentum, qui jus non habet, v. gr. iudex  
» incompetens: vel si non servet ordinem juris.  
» Item, si exigatur per vim, injuriam, metum,  
» v. gr. si vir exigit juramentum ab uxore de  
» adulterio occulto; si latrones exigant a te ly-  
» trum cum juramento *Sayr. l. 4. c. 3. et lib.*  
» 1. c. 17. *Less. Trull. lib. 2. cap. 1. d. 15.*  
» 171. » 3. Qui exterius tantum juravit sine  
» animo jurandi, non obligatur, nisi forte ra-  
» tione scandali; cum non juraverit, sed lu-  
» serit. In foro tamen externo potest cogi, ut  
» servet. *Sanch. 7. mor. cap. 10. num. 11.*  
» *Trull. lib. 2. c. 1. d. 10. \** ( *Sed de hoc*  
» *vide mox dicenda Dub. seq. num. 172. »,*  
» *Quæritur* ) \*.

Quæritur hic ultimo, an simulatio sit ali-  
quando licita? Respondetur: Simulatio *formalis*,  
nempe cum quis intendit per factum externum  
aliud significare, quam in animo habet; hæc  
nunquam est licita, quia est verum mendacium  
facti, ut docet *D. Th. 2. 2. q. 111. art. 1.*  
Simulatio vero *materialis*, scilicet cum quis ali-  
quid agit, non intendens deceptionem alterius,

sed aliquem suum finem : hæc est licita cum  
 justa causa , semper ac ex circumstantiis alii  
 possint conjicere ad alium finem id agi , prout  
 dictum est de restrictione non pure mentali n.  
 152. Sic Josue c. 8. licite fugit , non inten-  
 dens significare metum , sed ut hostes longe ab-  
 ducerentur ab urbe *Hai* , et reliqui milites ir-  
 ruerent in Urbem. Ita etiam Christus Dominus  
*Luc. 24.* apud Emmaus *finxit longius ire* , non  
 intendens , ut Discipuli hoc crederent , sed vo-  
 lens significare , se revera iturum fuisse lon-  
 gius , nisi ab eis invitaretur. Ita *Croix. l. 3.*  
*p. 1. num. 298.*



DUBIUM V.

*Quæ , et quanta sit obligatio juramenti promissorii ?*

172. *Quotuplex veritas affirmanda sit in juramento promissorio ? Quale autem peccatum sit juramentum promissorium fictum, et quomodo obliget ?*
173. *An peccet graviter non implens promissum in re parva ?*
174. *An obliget juramentum metu extortum ?*
175. *Quid , si sit errorè , vel dolo extortum ?*
176. *An obliget juramentum de re mala , aut vana ?*
177. *Quid de juramento in favorem tertii ?*
178. *An juramentum non ludendi excludat ludum moderatum ?*
179. *An obliget juramentum factum contra primum ?*
180. *An juramentum sequi debeat conditionem promissionis ?*
181. *Quomodo obliget juramentum servandi statuta alicujus collegii ?*
182. *De juramento Medicorum non visitandi etc.*
183. *De juramento servandi secretum , dicendi veritatem , et solvendi debitum.*
184. *An obliget juramentum factum concubinae non cognoscendi aliam ?*
185. *An promissio prodiga cum juramento obliget ?*
186. *An obliget juramentum redeundi ad carcerem ? De juramento Parentum ac Dominorum puniendi filios , aut famulos.*

172. » **R**esp. 1. Juramento promissorio duæ  
 » affirmantur veritates, una de præsentī prima-  
 Ligu. Theol. Tom. II. 14

» ria , quod scilicet jurans habeat animum im-  
 » plendi quod promittit ; altera secundaria de  
 » futuro , quod scilicet impleturus sit suo tem-  
 » pore quod promittit : sive promittat Deo , et  
 » est votum cum juramento ; sive homini , et  
 » est jurata promissio humana. Unde oritur obli-  
 » gatio implendi , si rationabiliter possit. Ita  
 » communiter DD. *Laym. lib. 4. tom. 3. cap.*  
 » 6. *Bon. p. 7.*

*Unde resolves.*

» 1. Defectu primæ veritatis jurans vere pec-  
 » cat mortaliter , si vel non habet animum im-  
 » plendi , sive materia sit parva , sive magna ,  
 » licita , sive illicita : vel si dubitat , an fa-  
 » cturus sit , necne , quod jurat ; vel si putat  
 » sibi moraliter impossibile , ut impleat quod  
 » promittit : quia quoad istam veritatem præsen-  
 » tem , promissorium ab assertorio non differt ;  
 » unde nec parvitas materiæ excusat. *ib. \** ( *Pec-*  
*cat quidem graviter , qui promittit aliquid cum*  
*juramento , putans impossibile , ut impleat. Ita*  
*hic Busemb. Sed addendum cum Salmant. cap.*  
 2. *num. 49. cum Azor. Suar. Pag. Leand. etc.*  
*secus esse , si probabilem rationem haberet im-*  
*plendi ).*

Quæritur , quale peccatum sit juramentum  
 promissorium fictum , et ad quid obliget ? Di-  
 stinguo : Tripliciter potest quis fecte promittere  
 cum juramento , I. Sine animo jurandi. II. Sine  
 animo se obligandi. III. Sine animo implendi.  
 I. Si quis jurat *sine animo jurandi* , peccat qui-  
 dem , et ex prop. 25. damn. ab Innoc. XI.  
 quæ dicebat : *Cum causa licitum est jurare sine*  
*animo jurandi , sive res sit levis , sive sit gra-*  
*vis. Ratio , quia tunc illudit Divino testimonio.*

An autem hic peccet graviter? Resp. affirmative, si juret sine animo implendi promissionem; si vero cum animo implendi, peccat tantum venialiter, ut communissime dicunt *Sanch. Dec. lib. 3. c. 6. n. 10. Ronc. de Juram. c. 4. q. 1. R. 3. Tamb. de Juram. lib. 3. c. 3. §. 2. n. 4. Elbel de Jur. n. 129. Mazzott. cod. tit. c. 3. q. 3.* Recte vero excipiunt, si juramentum fiat in contractibus, vel coram iudice: quia tunc, licet non sit perjurium, est tamen gravis deceptio contra iustitiam.

II. Si autem jurat *sine animo se obligandi*, sed cum animo implendi, *Caj. 2. 2. quest. 89. art. 6. Croix lib. 3. p. 1. n. 2. 9. item S. Anton. Nav. Scotus, Tambur. et alii communius apud Sanch. loc. cit. n. 5.* tenent hunc peccare mortaliter, tum quia sic jurans, falso significat habere intentionem se obligandi, quam vere non habet; tum quia, ut sentit *Croix* tamquam probabilis, videtur gravis irreverentia adducere Deum in testem, et nolle ejus testimonio obstringi. Sed valde probabiliter idem *Sanch. n. 7. Tamb. num. 6. Elbel. num. 21. Renzi de Juram. p. 125. et Ant. a Spir. S. cui adhæret Ronc. loc. cit. R. 4.* tenent hunc non peccare nisi venialiter. Ratio, quia taliter jurans, cum habeat animum implendi, quamvis non intendat se obligare, ex una parte non jurat falsum, quia asserit verum de voluntate præsentis, ex alia parte, cum hic voluntatem non habet se ullo modo obligandi ex vi juramenti, de cujus intrinseca ratione est inducere obligationem Religionis, revera non jurat, ut ex communi dicunt *Salm. tract. 17. cap. 1. n. 19. Elbel loc. cit. Sporer in 2. Præc. cap. 1. n. 134. etc.* et ideo juramentum hoc idem est ac si factum sine animo jurandi, quod non est nisi veniale,

quando verum asseritur, ut supra dictum est.

Au autem sic jurans cum animo jurandi, sed sine animo se obligandi, teneatur ad servandum juramentum? *Prima* sententia negat, tum quia hujusmodi juramentum fuit invalidum, ut supra; tum quia Deus juramenta promissoria non acceptat, nisi juxta jurantium intentionem; *ex c. Humanæ aures*, qu. 5. ubi dicitur: *Divina judicia talia foris nostra verba audiunt, qualia ex intimis proferuntur*. Ita *Pal. tract. 24. D. 1. p. 8. num. 7. Salm. d. c. 1. n. 15. Ronc. R. 4. Tamb. n. 7. Mazzott. loc. cit. Elbel. n. 125. et Sanchi Dec. lib. 3. cap. 10. num. 8. cum S. Bonav. S. Anton., Scoto, Sylv. Nav. Arm. Gabr. Ang. et aliis cum communi*, ut asserit. *Azor. Et clare favet D. Thom. n. 3. D. 39. qu. 1. art. 3. qu. 3. ubi ait: Si autem simpliciter juret absque dolo, tunc in foro conscientie non obligatur, nisi secundum suam intentionem*. Et idem confirmat 2. 2. qu. 89. art. 7. ad 4.; *Si autem jurans dolum non adhibeat, obligatur secundum intentionem jurantis*. Is autem jurat sine dolo (ut dicit *Elbel num. 218. cum Ills.*) qui jurat alicui nullum jus habenti ex iustitia ad rem promissam. *Secunda* tamen sententia affirmat teneri ad servandum juramentum. Hanc tenent *Less. lib. 2. cap. 42. n. 37. (licet vocet oppositam valde probabilem) Cajet. 2. 2. q. 89. art. 7. Suarez cap. 7. Sot. lib. 8. q. 1. art. 7. item Valent. Sayr. Fill. Arag. apud Bonac. tom. 2. D. 4. quæst. 1. pag. 7. n. 3. et Renzi de Juram. pag. 125. quæst. 5.* Ratio; quia, qui jurat cum animo jurandi, jam verum juramentum emittit; et ideo tenetur efficere, ad servandam reverentiam Divini Nominis, ut verum evadat quod jurat; nec potest a juramento separare obligationem implendi pro-

missum, cum obligatio oriatur ex ipso juramento, de cujus natura est, ut effectum habeat quod juratur, ne vocetur Deus in testem falsitatis. Et in hoc apparet differentia inter votum, seu contractum, et juramentum; nam in illis obligatio pendet ab intentione voventis vel contrahentis, in juramento autem ex vi ipsius juramenti. Utraque sententia est probabilis, sed prima est probabilior, nam ratio hujus secundæ sententiæ supponit ut certum, tale juramentum sine animo se obligandi emissum, esse verum juramentum; Attamen probabilius est, et commune, ut asserunt *Salm. cap. 1. n. 19. cum aliis ut supra*, et etiam *Viva in proposit. 25. Innocent. num. 13.* (contra *Less. dict. num. 37.*) quod hujusmodi juramentum non sit verum juramentum, tum quia caret conditione necessaria ad naturam juramenti promissorii, qualis est animus se obligandi; tum quia juramentum sequitur naturam promissionis quam confirmat, ut certum est *ap. Bus. n. 280. cum Less. Bon. etc.* At promissio sine tali animo facta non est quidem promissio, sed simplex propositum; ergo evanescente promissione, evanescit etiam juramentum, et habetur ut factum sine animo jurandi, quod certe, ut vidimus, nullum est. Si autem nullum existit juramentum, nulla existit obligatio illud implendi.

III. Si demum quis jurat *sine animo implendi*, sed cum animo jurandi, et se obligandi, certe peccat mortaliter, quia tunc etiam de præsentis deficit veritas. An autem is obligetur ad implendum promissum? Respondetur affirmative, quia viget tunc essentia et obligatio juramenti. *Tamb. n. 6. Mazzott. l. c. et Sanch. lib. 3. cap. 10. num. 5. cum S. Bonav. Leon. et Suar. qui oppositum vocat improbable. Et*

hoc dicendum, etiamsi is nullum habuerit animum se obligandi ex vi promissionis; quia obligatur aliunde ex vi juramenti, ut *Sanch. n. 6. Tamb. ibid. et Mazzott. loc. cit.* Qui etiam recte advertit, quod is, qui habet verum animum jurandi, et nihil cogitat de juramenti obligatione, vere obligatur, quia obligatio sequitur ex ipsa juramenti natura, et qui vult actum, vult consequenter ejus proprietates. Idem ait, si ille ignoret obligationem juramenti; sed huic probabilius contradicunt *Salm. dict. c. 1. n. 23.* loquendo de voto, ubi ex sententia communissima dicunt, quod si quis ignoret votum trahere secum obligationem, et cum hoc errore emittat votum; obligationem nolendo, is ad votum non obligatur, quia nemo obligationem contrahit, nisi volens sibi illam imponat. Vide dicenda *De Voto num. 201. vers. Sed quær. I.* Et vide mox supra dicta, ubi vidimus cum *D. Th.* juramentum non obligare ultra intentionem voventis. Si autem quis injuste cogatur, puta a latrone, ad aliquid promittendum cum juramento, potest licite intendere non velle implere promissum, si relaxationem juramenti obtinuerit. Ita probabiliter *Croix lib. 1. p. 3. n. 278. cum Suar. Sanch. et Diana.*

173. » 2. Defectu secundæ veritatis vere peccat is, qui quod promisit, postea non implet; si rationabiliter implere potest. Id solum hic dubitatur; an qui promisit rem exiguam cum juramento, v. gr. dare alteri unum possum, vel nummum pro eleemosyna, vel castigare prolem, vel inter vendendum nolle se minori pretio vendere; vel nolle primum locum occupare, aut præcedere in ingressu portæ, etc. an, inquam, sub gravi peccato teneatur hæc servare? Ubi speculative quidem

» videtur, quod sic, quia vere adductus est  
» Deus ut testis, quod sit facturus: ergo si sine  
» causa non facit, quantum in se est, facit  
» Deum testem falsum. *Caj. Val. Tol. lib. 4.*  
» c. 44. Nihilominus probabiliter alii tenent  
» contrarium, ut *Sanch. V. Laym. sup. c. 4.*

Magna est quæstio, an detur parvitas materie in transgressionem juramenti promissorii, ita ut promittens dare aliquid modicum, si verum habeat animum præstandi, dum jurat, sed postea non præstat, tantum leviter peccet? Prima sententia valde probabilis negat. Hanc tenent *Cajet. 2. 2. quæst. 89. art. 7. Dub. 1. Tol. lib. 4. cap. 22. Less. cap. 42. n. 23. Bonac. 1. 2. Disp. 4. quæst. 1. p. 14. num. 2. item Vall. Reg. Medin. Cand. etc. apud Salm. tract. 17. cap. 2. num. 52.* Ratio, quia in hoc jam violatur juramentum, in qua violatione minime datur parvitas materie. Idque videtur sentire *S. Thom. 2. 2. quæst. 89. art. 7. ad 3.* ubi ait, quod si quis compellitur invitatus aliquid promittere sub juramento, licet postea in judicio poterit repetere quod solvit, tenetur tamen interim solvere promissum: *Quia magis debet damnum temporale sustinere, quam juramentum violare.*

Secunda vero sententia non minus probabilis, imo forte probabilius affirmat, et hanc tenent *Suar. de Relig. lib. 3. de Juram. cap. 16. n. 9. Soto de Justit. lib. 8. qu. 1. art. 7. Dub. 1. Az. lib. 3. cap. 27. quæst. 2. Castrop. tr. 14. Disp. 1. p. 6. n. 8. S. Antonin. part. 2. tit. 10. cap. 4. §. 1. Nav. Man. c. 12. n. 10. Sylv. v. Juram. 4. q. 1. Laym. lib. 4. tr. 3. cap. 14. n. 6. et Salm. loc. cit. cap. 2. n. 53. cum. Arag. Sanch. Jo. a S. Thoma, Rodriq. Trull. etc.* Ratio, quia in juramento promisso-

rio Deus non proprie ut testis adducitur ( nam alioquin perjurium committeretur, etiamsi deinceps promissio ex justa causa non impleretur ) sed solum tanquam auctoritatem præbens obligationi, quæ oritur ex promissione coram Deo facta, prout si quis aliquid promitteret coram Principe, intendens ex illius auctoritate suam firmare promissionem. Hinc dicunt, quod cum postea promittens non implet quod promisit, non jam peccat peierando, quia perjurium tum tantum patratur, cum invocatur Deus in testem mendacii; abest vero mendacium, ubi jurans habet voluntatem implendi promissum; non implere autem promissionem, non est mendacium, sed infidelitas, et aliquantulum gravior ratione irreverentiæ, quæ Deo irrogatur, coram quo promissio facta est; sed cum res promissa non sit gravis, hujusmodi infidelitas ad gravem culpam non pertingit. Sic etiam ajunt *Salm. cit. c. 2. n. 88. cum S. Antonin. Nav. Castrop.* et aliis supra relatis, quod si quis jurat servare secretum, et postea non servet, haud graviter peccat, nisi illud manifestet cum gravi læsione Proximi, vel Communitatis.

» 3. Illud certum est, quod si ex eo quod  
 » jurasti, tantummodo parum aliquid non ser-  
 » ves, non est grave: v. gr. si jurasti te non  
 » bibiturum vinum, non peccas mortaliter pa-  
 » rum bibendo. *Sanck. t. 1. lib. 4. c. 12. n.*  
 » 21. quia tunc excusat parvitas materiæ. Et  
 » sic excusantur, qui jurant servare statuta ali-  
 » cujus Capituli, Collegii, Universitatis; etc.  
 » si postea parvum aliquod statutum violent. Et  
 » idem dic de tabellionibus juratis, et aliis mi-  
 » nistris justitiæ: ut et de eo qui ex summa, quam  
 » alteri se daturum jurasset, parum tantum de-



» traheret : *Navar. Suar. Sanch. Vide Laym.*  
 » *Bon. p. 13.*

174. » 4. Obligaris probabiliter juramento pro-  
 » missorio, etsi extortum a te sit per injuriam,  
 » ac metum, ut si oblitus uti æquivocatione,  
 » jurasti prædonibus dare lytrum, usurario usu-  
 » ram. *Bec. 2. 2. quæst. 82. etc. Negat tamen*  
 » *Azor. p. 1. lib. 1. cap. 21. quæst. 13. in ma-*  
 » *teria matrimonii, quia matrimonium coactum*  
 » *metu cadente in constantem virum, nullum*  
 » *est : hinc etiam juramentum extortum de eo*  
 » *contrahendo videtur relaxatum ipso jure. Caj.*  
 » *v. Perjurium, Suar. cap. 9. Sanch. Bonac.*  
 » *p. 9.*

Quæstio magna est, num obliget in conscien-  
 tia juramentum metu extortum? Dicitur in con-  
 scientia, quia in foro externo, ubi præsumitur  
 non adfuisse animus jurandi, certe non obligat  
 tale juramentum, *ex c. Verum de Jurament.*  
 Quoad forum autem internum prima sententia  
 negat obligare *cum. Azor. S. Antonin. Sylv.*  
*Lop. Angel. Panorm. et aliis apud Sanch. de*  
*Matrim. lib. 4. D. 20. n. 3.* qui eam proba-  
 bilem vocat, *ex Authent. Sacramenta c. Si*  
*adversus venditionem :* ubi dicitur, talia jura-  
 menta nullius momenti esse habenda. Hinc di-  
 cunt, quod promissio sic jurata vel irrita est,  
 vel rescindibilis a metu passo. Secunda tamen  
 sententia longe probabilior, quam tenent *S. Tho.*  
*2. 2. quæst. 89. art. 7. ad 3. Salm. de Con-*  
*tract. cap. 1. num. 26. cum Bonac. Sot. Less.*  
*Sanch. Suar. ; item Elbel n. 57. ( qui vocat*  
*communissimam ) et Viva de Juram. q. 7. art.*  
*4. n. 7. ( qui vocat communem ) dicit tale ju-*  
 ramentum obligare. Ratio, quia tenemur effice-  
 re, ut verum sit quod juramus, ne Deum te-  
 stem falsi faciamus. Ideo *ex cap. cum contingat.*

*de Jurejur. in 6. et aliis ut infra*, regula est, quodlibet juramentum servandum esse, quod siue peccato impleri potest. Respondetur autem, *Authenticam* citatam non receptam, vel expresse revocatam fuisse a c. 8. et 15. *de Jurejur.* Notandum autem, quod metum passus tempore, quo ad impletionem ex vi juramenti tenetur, potest illius relaxationem petere ab Episcopo, vel a quocumque, qui possit juramenta commutare, ut *Salmant. loc. cit. n. 65. cum Lug. Villal. et Ledesm.* Et si jam solverit promissum, potest in judicio repetere, vel occulte sibi compensare, ut *Viva loc. cit.* Vide *de Contr. num. 175. vers. Quer. 2.*

177. » 5. Obligaris item, etsi juramentum » sit errore, aut dolo extortum, si dolus, vel » error versetur tantum circa circumstantias ac- » cidentales non magni momenti; nam si ver- » setur circa substantiam, ut v. gr. si annulum » te daturum alteri jures; putans esse ferreum, » cum sit aureus, vel circa circumstantias ma- » gni momenti, quibus cognitis non jurasses, » non obligaris. Vid. *Sanch. lib. 3. cap. 11. n. 11. Suar. etc.* \* (*Hanc doctrinam circa » qualitates accidentales probabilem putant Salm. » de Contractib. cap. 1. num. 21. Sed opposi- » tam censent probabiliorem. At vide n. 187. » v. Sod dubium, et de Voto. hoc lib. 3. n. 198. vers. Certum est. Et n. 225.*) \*

176. » 6. Non inducit ullam obligationem, » si jures rem malam, aut vanam, aut inu- » tilem, aut (ut habet *Cajetan.*) indifferen- » tem, quæ nec ex fine, nec ex circumstantiis » cohonestatur; quia juramentum non potest » esse vinculum iniquitatis, aut vanarum rerum, » ac otiosarum, ad quas Deus non vult nos » obligari. *Bonac. et alii communiter.* Ubi no-

ta ex *Laym. sup. cap. 6.* juramentum non con-  
valescere, etsi talis res illicita, et vana, postea  
» mutatis circumstantiis fiat honesta, cum juxta  
» reg. 18. juris in 6. non firmetur tractu tem-  
» poris, quod initio non subsistit.\* (*Cum Salm.*  
» *cap. 1. ex num. 55. Hinc etiam adde cum*  
» *Elbel num. 60. Pal. et Tamb. quod si jura-*  
» *mentum sit de servando aliquo a lege prohi-*  
» *bito, non valet, etiamsi lex prohibeat tan-*  
» *tum sub pœna; secus, si sit de aliquo a lege*  
» *permisso* ) \*.

177. Juramentum in favorem tertii, semper ac  
impleri potest, sine peccato implendum est;  
etiamsi sit contra consilia Evangelica, *Salm. c.*  
*2. n. 69. cum Pal. Less. Sanch. Suar. etc.* Et  
etiamsi promissio facta irrita sit a jure in odium  
iniqui creditoris, velut promissio solvendi usu-  
ras, ut ex *c. Debitores de Jurejur.* Et certum  
hoc esse apud omnes asserit *Sanch. Dec. lib. 3.*  
*c. 11. n. 3.* Vel promissio facta meretrici, li-  
cet tale juramentum fuerit illicitum, ut *Mol.*  
*Suar. Caj. Sanch. cum Salm. de juram. cap.*  
*2. n. 69.* Intellige si meretrix jam opus suum  
præstiterit; secus, si non. *Spor. c. 1. n. 55.*  
*Laym. c. 6. n. 2. Elbel n. 88.*

Aliter tamen dicendum, si promissio sit irri-  
ta jure, quia esset contra bonum commune;  
Ratio quia tunc ipsa impletio illicita esset. Ideo  
non obligat juramentum metu extortum super  
professione, matrimonio, sponsalibus, renuncia-  
tione fori Ecclesiastici, si sit Clericus: Item su-  
per donatione a Clerico, vel a milite facta con-  
cubinæ. Ita *Salm. de Contr. c. 1. n. 67. ex c.*  
*Diligenti de Foro compet. cum Bus. n. 174.*

Quæritur autem cum contractus est irritus a  
jure in favorem tantum promittentium, utrum  
tunc juramentum firmet contractum, ita ut pro-

missarius ex eo acquirat jus justitiæ? Affirmant *Azor. Sanch.* et alii. Sed probabiliter negant *Elbel n. 61. ac. Spor. c. 1. n. 53. cum Tamb. Potest. Pichler. etc.* Ratio, quia nullo modo juramentum habet vim firmandi hujusmodi contractum; non ex se, quia solum obligat virtute Religionis; non ex jure positivo, nam, licet ex c. 28. *de Jurejur. etc.* tales contractus debeant servari ob juramentum, nullibi tamen habetur reservandos esse ex justitia; Et ideo hæc obligatio non transit ad hæredes jurantis: et ipse jurans deobligatur, relexato juramento. Vide *Elbel n. 64.*

» 7. Nec obligaris implere, si quid jurasti  
 » contra consilia Evangelica, ut non ingredi  
 » Religionem, non dare eleemosynam, etc.  
 » *Mol. Sanch. Laym. lib. 4. t. 3. c. 6.* Et  
 » licet peccaris talia jurando, non tamen pec-  
 » eas non implendo. *Cajet. V. Perjurium.*  
 » ( *Ita Salm. c. 2. n. 58. Nisi juramentum*  
 » *fiat in favorem tertii cum Less. Sanch. Suar.*  
 » *Pal. etc. ut mox supra et eod. Bus. mox in-*  
 » *fra* ) \*

» 8. Teneris implere, nec potest commutari  
 » in aliquod opus melius, ut, v. g., religio-  
 » nem, si aliquid jurasti in utilitatem, aut gra-  
 » tiam alicujus hominis, aut aliquorum; dum-  
 » modo sit honestum, et sine peccato impleri  
 » possit. Unde, v. gr., alumnus, qui juravit  
 » servitutum Principi, aut huic, vel isti Ec-  
 » clesie, etc. non potest ingredi religionem sine  
 » relaxatione. Excipe tamen, si jurasses Titie  
 » eam ducere: nam eo casu potes, ea relicta,  
 » ingredi religionem; quia juramentum sortitur  
 » naturam actus, cui apponitur; promissioni  
 » autem matrimonii hæc tacita conditio inest,

» nisi ingrediar religionem. Vide Laym. c. 6.

» Bon. d. 4. q. 1. p. 3.

178. Quær. 1. an juramentum non ludendi obliget ad abstinendum etiam a ludo licito, et modicæ quantitatis? Resp. si juramentum sit factum non ludendi in genere, conveniant omnes non obligare ad abstinendum a lusu honesto, et moderato. Vid. Salm. c. 2. n. 95. Dubium est, si juramentum expresse, et specialiter factum sit abstinendi etiam a ludo licito, et moderato, an obliget? Negant Dic. Navar. Rodr. et Bassavus apud Salm. n. 94. Quia talis lusus pertinet ad virtutem eutrapeliæ. Sed affirmandum est cum Salm. n. 96. Tamb. Pal. Bon. Sanch. et commun. quia actus majoris virtutis est se abstinere etiam ab aliquo actu virtuoso ad majorem perfectionem. Hinc si jurans majus bonum expresse intenderit in abstinendo se a ludo, puta, ut Deo vacet, se mortificet, etc. tenetur implere; secus si sine tali fine juraverit. Salm. n. 95. et 100. in fin. In hoc autem ludo bene potest dari materiæ parvitas, quæ metienda est juxta finem intentum a jurante. Vide Salm. n. 98. Potest etiam talis jurans dare pecuniam alteri ad ludendum, et ipsum observare, et etiam adjuvare, quia hoc proprie non est ludere. Sanch. lib. 3. Dec. cap. 18. n. 4. Bon. t. 2. D. 4. q. 1. p. 16. n. 5. Palaus tract. 16. D. 2. p. 7. num. 5. et Salm. num. 99. cum Cand. Trull. Fag. etc.

179. Quær. 2. an obliget juramentum factum contra prius juramentum? Distinguendum, si juramentum alteri opponitur in actu jurandi, puta si jurasti non amplius jurare, et postea jures, v. gr. jejunare, teneris ad jejunium quia secundum juramentum est tunc de materia licita, quamvis peccasti jurando. E converso juramen-

tum secundum est nullum, si opponatur priori in materia jurata, quia tunc esset de materia illicita: Hinc si jurasti matrimonium Cajæ (imo etiam si simpliciter promisisti, ut docet *Sanch. de Matrim. lib. 1. D. 50. n. 2.*), et postea jures Titia, hoc secundum non obligat, etiamsi postea Caja remittat promissionem, ex regula: *Non firmatur tractu temporis quod ab initio non subsistit, de Reg. Juris in 6.* Ita *Croix lib. 3. p. 1. n. 323. cum Sanch. Tamb. et Salm. c. i. n. 102. et 103. cum Suarez, etc.* Notat tamen *Croix ibid. cum Sanch. Tamb. et communi*, quod si contractus posterior juratus impleatur, validus est quamvis illicitus, quia per juramentum non invalidatur actus, qui alias valide fieri poterat.

An autem valeat votum contra aliud votum? Vid. *infra de voto n. 210 v. Notandum.*

» 180. Resp. 2. Juramentum promissorium  
» eandem habet conditionem, eodemque modo  
» explicandum est quo promissio, vel propositum,  
» cui est annexum. Ratio est, quia accessorium  
» sequitur principale; ideoque quando non obligat  
» promissio, nec obligat juramentum appositum. *Less. lib. 2. cap. 42. d. 2. Bonac. d. 4. q. 1. p. 6. Trull. l. 2. c. 1. d. 17.*

#### Unde resolves.

» 1. Titius qui cum juramento promisit nuptias Bertæ diviti, sanæ, virgini, bonæ famæ, etc. non tenetur stare juramento, postquam Berta incidit in paupertatem, infirmitatem, fornicationem, vel infamiam: quia promissio ipsa non obligat eo casu \*. ( *Et hoc habetur in c. 25. de Jurejur \** ).

» 2. Qui urbanitatis causa juravit se ante al-  
 » terum non sessurum, bibiturum, vel ingres-  
 » surum domum, etc. non peccat contra jura-  
 » mentum, si coactus ab altero prius sedeat,  
 » bibat, vel ingrediatur: tum quia promissio  
 » illa, vel propositum habet tacitam conditio-  
 » nem adjunctam, nisi me coegeris, qua sub-  
 » lata, non obligat, et consequenter, nec ju-  
 » ramentum: tum quia relaxetur ab altero ce-  
 » dente juri suo. *Bonac. loc. cit. Sanch. Less.*  
 » *Trull.*

» 3. Qui juravit se servatorum decreta, et  
 » regulas, vel statuta alicujus Congregationis,  
 » Universitatis, vel Capituli: tantum tenetur  
 » servare ea quæ sunt in vigore, et quatenus  
 » sunt in usu, vel servantur a majore parte  
 » Capituli; nisi tamen aliud constet de mente  
 » jurantis, vel hic voluerit se ad illa indepen-  
 » denter a statutis obligare. Ratio patet, quia  
 » promissio ipsa non aliter obligat. *Trull. l. c.*  
 » *Azor. Less. Dian. p. 2. tract. 6. R. 39. \**  
 » ( *Vid. dicenda n. 181.* ) \*

In omni autem juramento promissorio, fictio-  
 ne juris, tacite subintelliguntur sequentes con-  
 ditiones, I. *Si potuero*, quia nemo censetur se  
 obligasse ad rem impossibilem physice vel mo-  
 raliter, scilicet cum permagna difficultate non  
 prævisa. Ita *Sporer c. 1. n. 77. Laym. c. 9.*  
*n. 4. Elbel num. 70.* II. *Salvo jure Superiorum*,  
 ex cap. 19. de Jurejur. III. *Si is, cui*  
*fit promissio, acceptet, vel non remittat*: Hæc  
 enim est promissionis natura quam sequitur ju-  
 ramentum. *Elbel ibid.* IV. *Si res non fuerit*  
*notabiliter mutata.* VII. num. 187. v. *Non te-*  
*netur.* V. *Si et altera pars fidem servaverit*: in-  
 tellige, si promissio fuit mutua cap. 75. de R.  
 J. in 6.

181. Quæritur, quomodo obliget juramentum servandi statuta alicujus Collegii, Congregationis etc.? Attende quatuor regulas communiter a DD. in hoc puncto traditas, I. Quod tale juramentum intelligitur de statutis editis, non edendis. *Salm. cap. 2. num. 72.* II. Quod juramentum intelligitur obligare sub gravi, aut levi, vel tantum ad pœnam, vel tantum sub consilio, sicut obligat statutum. *Elbel n. 91. Salm. n. 78. cum Pal. Sanch. Bonac. etc.* III. Quod tale Juramentum non obligat ad statuta, quæ non obligant ob impossibilitatem, vel ob desuetudinem, vel quia sic sunt usu recepta, etiamsi juramentum præstetur de aliquo statuto particulari. *Salm. n. 79. cum Suar. Bon. Sanch. Prad. etc.* IV. Quod neque etiam obligat, si aliquod statutum a majori parte communitatis non observetur, *Salm. n. 80. cum Sa. Sanch. Azor. etc.* Hinc inferunt *Salm. num. 83. cum Sanch. Pal. Trull. etc.* quod Officiales, qui jurant servare taxam præscriptam, non peccant aliquid aliud recipiendo, si taxa, siue stipendium sit insufficiens.

182. Quæritur ultra, qualiter obliget juramentum, quod præstant Medici apud Collegia ex præcepto *S. Pii V. in Motu proprio anno 1566. Supra gregem*, non visitandi infirmos ultra tertium diem, nisi certificentur de Confessione infirmi per rescriptum Confessarii? Dicunt *Salm. cap. 2. num. 91. cum Sanch. Cajet. Prad. Trull. Leand. etc.* tale juramentum non obligare; si non sit usu receptum, prout non esse receptum in Hispania testatur (sicut nec etiam receptum est Neapoli). Hinc dicunt ibi, tunc Medicum tantum teneri, quando prævidet in infirmo probabile periculum mortis, et simul probabiliter credit eum esse in mortali, vel ne-



cessarium esse, ut disponat de rebus suis ad solvendā debita, tollendas lites etc. Ita *Salm. ibid. n. 92. et P. Elbel de Jur. n. 91.* in Diœcesi autem Neapolitana per ultimam Synodum factus est casus reservatus cum excommunicatione, nam antea erat sine excommunicatione; Ibi enim num 4. sic dicitur: *Medici, qui visitantes in lecto infirmos post tres dies a visitatione non curaverint, ut prædicti infirmi peccata sua idoneo Confessario confiteantur, aut alias non deseruerunt, secundum terminos Constitut. S. Pii V. et Innocentii, XI.* Sed, ut dixi, hujusmodi Constitutio non est Neapoli usu recepta, ut plures Sapientes mihi asseruerunt, quando infirmitas levis est: dum vero periculosa est, viget Constitutio, et reservatio. Hinc *Mazzott. de Sacram. Pœnit. tom. 3. pag. 287. et pag. 550.* loquens de prædicto Casu reservato, ait Constitutionem S. Pii a consuetudine temperatam esse, ut intelligatur tantum de morbis periculosis. Excusaretur tamen Medicus, si per alium moneret infirmum, vel si certe censeret monitionem non profuturam. Dicitur certe, nam in dubio tenetur monere. Ita *Elbel dict. n. 89. cit. Sanchez, Bonacina, Tamburin. etc.* Idem ait *Mazzott. dict. pag. 287.* qui addit sufficere testimonium domesticorum, vel ipsius infirmi de Confessione recentiter peracta, si sint fide digni. Sed in hoc regulariter dico domesticos facile ut suspectos habendos. Vide dicenda fusius de hoc puncto in *Tom. II. de Sacrament. Pœnitent. n. 664. et in Praxi Confessar. n. 53.*

183. » 4. Qui juravit se servaturum secretum, non peccat contra juramentum, illud detegendo, quando non potest illud celari absque gravi suo, vel alterius damno, quia ipsa promissio secreti non videtur obligare,

» nisi hac conditione, si non noceat. *Sylv. Bonacina, Sanch. Trull. loc. cit. \** ( *Quoad revelandum secretum. Vide dicenda lib. 3. num. 971. v. Hoc* ) \*.

Juramenta autem de servando secreto, quæ præstantur in Congregationibus circa electiones, vel alia, obligant graviter vel leviter juxta nocumentum quod afferre possunt. Ita *Elbel n. 90. cum Henno*, quia obligatio juramenti sequitur obligationem secreti. Idem dicunt *Spor. tr. 3. c. 1. n. 42. Croix l. 3. p. 1. 321. etc.* de juramento servandi secretum circa artem conficiendi aliquam medicinam. Imo, non obstante juramento, teneris ex caritate eam revelare, si aliter quis subiret grave periculum mortis, cum juramentum non sit vinculum iniquitatis. Ita *Croix cum S. Th. Suar. etc.*

» 5. Qui juravit Judici, se dicturum quæ novit, non tenetur revelare occulta. Ratio patet. *Less. Bonac. Trull. loc. cit.*

» 6. Qui juravit, se soluturum debitum intra mensem, non tenetur intra illam vi Juramenti solvere, si a creditore terminus solutionis prorogetur: quia, cum hic cedat juri suo, cessat obligatio promissionis et consequenter juramenti. *Azor. Bon. Trull. l. c. num. 18.*

184. Quæritur 1. utrum, qui promittit concubinæ cum juramento aliam non cognoscere, teneatur ad illud? Negant *Dian cum Fag.* Quia finis talis promissionis fuit pravus, nempe conservandi amicitiam, et quia tale juramentum præberet occasionem permanendi in peccato. Sed affirmant probabilius *Salm. cap. 2. cum Sanch. et Prad.* Quia ex regula generali impleri debet juramentum semper ac impleri potest sine peccato: Occasio autem illa venit per accidens.

185. Quæritur 2. utrum promissio prodiga cum juramento obliget? Affirmant alii ap. *Salm. v. ib. num. 71.* Sed probabilius negant *Salm. dict. loc. cum Sot. Suar. Trull. etc.* Quia talis promissio saltem est leviter mala, et ideo juramentum, cum non sit vinculum iniquitatis, non obligat ex *Reg. juris in 6. Non est obligatorium contra bonos mores præstitum juramentum. Salm. n. 78.* Vide dicenda *de Matr. l. 6. n. 851. v. Cum autem.*

186. Quæritur 3. utrum qui promisit redire ad carcerem cum juramento, teneatur ad illud cum probabili timore mortis, vel gravissimi damni injusti? *Prima sententia* negat, quia esset actio mala sponte morti se offerre: Ita *Navarr. Man. c. 12. n. 18. et Vasq. Nav. Pont. Covarr. Tamb. Reg. ap. Salm. cap. 2. n. 74.* *Secunda sententia* multo probabilior affirmat, quia, posita promissione, redire esset opus virtutis. Ita *Tolet l. 4. cap. 22. n. 2. Suar. l. 2. cap. 10. n. 14. et 15. Less. lib. 2. cap. 42. n. 28. et Salm. n. 75.* ( licet primam vocent probabilem ) cum *Bon. Sanch. Less. Suar. Laym. Toled. etc.*

Parentes, aut Domini jurantes punire filios, vel famulos, raro peccant, si juramentum non impleant, vel quia delinquentes jam sint emendati, aut emendationem promiserint; vel quia juramentum fuit de re inutili, aut potius de vindicta inordinata. Ita *Laym. n. 9. c. 14. Anacl. D. 2. num. 22. et Elbel. num. 87.* cum *Gob.* aliisque satis communiter. Additque *Elbel* plerumque talia iuramenta fieri sine intentione jurandi, sed tantum terrendi; vide dicenda *num. seq. 187. ad IV.*

## DUBIUM VI.

*Quibus casibus excusetur ab impletione, qui in promissorio juramento obligationem contraxit?*

187. *An excuset mutatio circumstantiarum?*

188. *An excuset cessatio causæ finalis?*

187. » **R**esp. Tales casus præter ea, quæ ex  
 » superioribus colliguntur, a *Tol. et Caj.* re-  
 » censentur isti. I. Si quod bonum erat tem-  
 » pore juramenti, propter circumstantias postea  
 » fiat illicitum, vel vanum, vel impeditivum  
 » majoris boni, vel melius sit omitti, quam  
 » impleri. *Sanch. c. 14. \** ( *cum Salm. cap.*  
 » *2. num. 65.* ) \*. II. Si juramentum mutes in  
 » opus aliquod aperte melius, et Deo gratius:  
 » id enim quisque per se potest, ut habet *Tol.*  
 » *cap. 13.* Exoipe tamen semper, si quid in  
 » hominis commodum jurasses: nec enim Deus  
 » illum vult defraudari. III. Si notabiliter mu-  
 » tetur status rei, ut si v. gr. jurasses aliquem  
 » punire justa punitione, is autem supplex ve-  
 » niam peteret, et ageret poenitentiam, posses  
 » ei sine perjurio condonare: quia juramentum  
 » obligabat, servato eodem statu, in quo poe-  
 » niteret. *Laym. c. 9. \** ( *Vide mox infra v.*  
 » *Non tenetur* ) \*. IV. Si res jurata facta sit  
 » inutilis ad intentum, maxime si magis illius  
 » destructiva; ut si verbi gratia ex correctione  
 » impoenitentis filii notaretur is magis destruen-  
 » dus, quam emendandus, aut sit turbanda fa-  
 » milia, secuturæ rixæ cum uxore, et sic præ-  
 » stet non corrigere, *Regin. lib. 18. cap. 56.*

» Bon. l. c. p. 14. \* ( *Hinc si pœna , quam*  
 » *minatur pater , parum conducat ad correctio-*  
 » *nem , ipse non tenetur implere , saltem non*  
 » *sub gravi. Salm. n. 63. cum Soto , et San-*  
 » *chez. Excusatur autem ab implendo juramen-*  
 » *to , qui jurat comminatorie ex ira , vel non*  
 » *serio , ut solent pueri. Salm. n. 61. et 63.*  
 » *cum Bon. et Cajet. Vide dicta n. 186. in*  
 » *fine* \* . V. Si ita ferant conditiones illæ , quas  
 » in quovis promissorio juramento tacite subin-  
 » telligi natura , et DD. docent. Tales autem  
 » sunt , ut Laym. dicit ( *sup. c. 9.*  ) 1. si po-  
 » tero. 2. salvo jure Superioris. 3. nisi res no-  
 » tabiliter mutetur. \* ( *Quid si superveniat cir-*  
 » *cumstantia non prævisa? Vide dicta n. 180.*  
 » *v. In omni* ) \* . 4. nisi obligatio tollatur. De  
 » quo sequens Dubium.

Non tenetur quis implere juramentum , quan-  
 do supervenit notabilis mutatio , v. gr. pericu-  
 lum mortis , infamiae , vel alterius gravis dam-  
 ni ; quia non censetur in tali casu voluisse se  
 obligare , cum per mutationem tunc res sit di-  
 versa quam promissa ; In dubio autem , an mu-  
 tatio sit notabilis , tenetur. Palaus tr. 15. D.  
 1. p. 20. n. 4. Sanch. Dec. l. 4. c. 2. n. 34.  
 et Salm. de Jur. c. 3. n. 20. cum Trull. Leand.  
 etc. Vide de Voto n. 225.

Sed dubium est , num sit de se sufficiens illa  
 mutatio , etiam non notabilis , qua tamen præ-  
 visa , ille juramentum non emisisset ? Prima sen-  
 tentia affirmat ex S. Thom. in 4. dist. 48. q.  
 1. art. 3. q. 1. ad 1. qui sic docet : *Id liberare a*  
*voti , vel juramenti obligatione , quod si a prin-*  
*cipio notum fuisset , ea fieri impediret. Ratio ,*  
*quia intentio se obligandi tunc vel deest , vel*  
*sic interpretatur. Ita Navarr. Man. c. 18. n. 7.*  
*Silvest. v. Votum , 2. q. 17. in fin. Molina*

10. 2. de Just. D. 272. coll. 2. et 7. item S. Anton. Henr. etc. ap. Salm. d. c. 3. n. 21.

*Secunda sententia* tenet non sufficere, quia obligatio non est desumenda ex promissione, quæ in futurum non fieret; sed ex illa, quæ jam facta est. Ita Suar. l. 4. cap. 9. num. 8. Sanch. Dec. l. 4. c. 2. num. 22. Pal. tr. 15. D. 1. p. 20. n. 3. et Salm. ib. n. 22. cum Sot. Cajet. Val. etc. Merito tamen dicunt non posse negari probabilitatem primæ sententiæ. Imo ipsimet Salmant. c. 1. n. 152. censent illam esse notabilem mutationem, quæ si a principio cognita fuisset, jurans non promisisset; quod utique cum prima sententia cohæret. Vid. de Voto n. 226.

188. Adde, quod cessat obligatio juramenti, aut voti, si cessat causa finalis illius, v. gr. promisisti pauperi eleemosynam, sed ille postea fit dives: promisisti non ingredi talem domum ob periculum, sed illud cesset: promisisti peregrinationem ob salutem patris, sed ille moriatur, et similia. Ita Sanch. lib. 4. c. 2. n. 42. Suar. lib. 4. de Voto c. 18. n. 3. Bon. D. 4. q. 2. p. 3. §. 2. n. 10. Pal. tr. 15. D. 9. p. 20. n. 1. et Salm. c. 3. n. 16. cum Prado, Trull. Tamb. etc. Secus vero, si cessat causa tantum impulsiva. Ibid.

DUBIUM VII.

*Quomodo obligatio juramenti tollatur per irritationem, dispensationem, commutationem, et remissionem?*

189. *Quis possit irritare juramenta? Et quis dispensare?*

190. *An dispensans in votis possit et in juramenti?*

191. *De Commutatione, et Relaxatione juramenti?*

192. *Quid si juramentum sit factum in favorem tertii?*

193. *An possit remitti ab ipso tertio?*

*APPENDIX De ADJURATIONE, et præcipue de Adjuratione Dæmonum.*

189. » **R**esp. De hoc ex conditionibus jam  
» positis, et potestate Superiorum in suos, ac  
» suorum vota, a Laym. hic c. 11. et aliis  
» communiter hæc traduntur.

» 1. Quod spectat ad irritationem, irritare,  
» et annullare potest juramentum omnis Superior,  
» maritus, aut dominus; qui, et quomodo irritare potest  
» suorum vota, Sanch. c. 69.  
» n. 7. Suar. Azor. Fill. lib. 25. c. 9. p. 17.  
» dub. 16. V. Caput sequens ex n. 227.

» 2. Possunt et iidem irritare juramenta promissoria  
» facta in gratiam hominis, quotiescunque ipsam  
» promissionem, seu contractum infirmare iis concessum est.

» 3. Quoad dispensationem quicumque habet potestatem ordinariam,  
» vel delegatam; vel

» privilegium dispensandi in votis , potest in  
 » iisdem dispensare , etiamsi jurata sint.

190. Quæritur hic , an qui habet facultatem  
 delegatam dispensandi in votis , possit dispensare  
 in juramentis ? *Prima sententia* probabilis ne-  
 gat , quia vinculum voti ; et juramenti diver-  
 sum est ; et ideo ex stylo Curiae facultas quoad  
 juramenta specialiter conceditur. Ita *Less. lib.*  
*2. c. 42. n. 6. et Sanch. Bon. Azor. ac Led.*  
*ap. Salm. de Juram. c. 3. n. 3.* *Secunda* vero  
*sententia* non minus probabilis affirmat , quia  
 juramenta præstita soli Deo ; licet sint vincula  
 diversa a votis , in ordine tamen ad dispensa-  
 tionem , ut vota reputantur , argumento *l. Tar-*  
*tum. ff. de Servo corrupto* , ubi , *Dispositum*  
*in uno æquiparatorum , censetur dispositum in*  
*altero.* Illa autem specialis concessio quoad ju-  
 ramenta ex Stylo Curiae fit ad majorem caute-  
 lam. Ita *Salm. d. n. 4. cum Caj. Pont. Suar.*  
*Pal. Trull. Dian. Prad. Arag. etc.* Sed hoc  
 non obstante , prima sententia negativa omnino  
 est tenenda ; nam obligatio juramenti jam con-  
 tracta , cum sit certa , et possideat , auferri non  
 valet per dispensationem tantum probabiliter  
 validam. Aliter autem dicendum videtur quoad  
 juramenta facta homini ; quando obsint bono  
 communi ; Imo hujusmodi juramenta sunt per  
 se nulla , vide dicta n. 177.

191. » 4. Quoad commutationem , eadem est  
 » ratio , quæ de dispensatione.

» 5. Quod attinet ad remissionem , sive rela-  
 » xationem , juramentum factum in favorem  
 » hominis non potest relaxari , nisi ab eo cui  
 » factum est , aut cui is , et promissa materia  
 » subjecta est.

» 6. Et is quidem potest remittere , etsi talis  
 » favor ei juratus esset propter Deum , v. gr.



si quis per Deum jurasset pauperculæ eam du-  
 » cere, potest ipsa juramentum illud relaxare,  
 » ut habet *Navarr.* et alii, contra *Sotum*, et  
 » *Sylv.* quia, licet juramentum principaliter fa-  
 » ctum sit propter Deum, quia tamen executio  
 » est in favorem hominis, ab hominis etiam  
 » voluntate dependet.

» 7. An etiam civilis potestas relaxare possit  
 » juramenta suorum subditorum in temporali-  
 » bus, quando justa causa subest, v. gr. quia  
 » metu vel per aliam injuriam extorta sunt,  
 » controvertitur. Alii negant, alii ajunt apud  
 » *Laym.* Probabile est, quod docet *Sanch. l.*  
 » 3. c. 12. cum *Suarez*, non posse relaxare  
 » directe, sicut potestas Ecclesiastica, quando  
 » dispensat, sed tantum indirecte, v. gr. ra-  
 » tione materiæ, vel supplendo vicem ejus,  
 » cui juratum est, et qui remittere debeat. Plu-  
 » ra ad forum externum spectantia circa jura-  
 » mentum vide apud *Laym. supra cap. 11.*  
 » *Bon. l. c.*

192. Pro majori claritate dicendum I. quod,  
 si promissio in favorem hominis, firmata jura-  
 mento, nondum acceptata sit, non est obliga-  
 tio illam implendi, et revocari potest; quia ju-  
 ramentum tunc est accessorium, et sequitur na-  
 turam promissionis; secus autem, si promissio  
 principaliter fuit facta Deo. Hoc certum est,  
 Vid. *Salm. de Juram. c. 2. n. 56. cum Suar.*  
*Less. et fusius de contract. c. 4. n. 70.*

Dicendum II. quod, si talis promissio sit ac-  
 ceptata a tertio, cui facta fuit, tunc sine ejus  
 consensu nec etiam a Pontifice relaxari potest.  
 Est adhuc commune ap. *Laym. de Jur. cap. 11.*  
*n. 15. cum S. Th. 2. 2. q. 80. art. 9. ad 3.*  
*Tamb. l. 3. c. 7. §. 3. n. 3. Salm. c. 2. n.*  
*68. Croix l. 3. p. 1. n. 358. Et hoc, etiamsi*  
*Ligu. Theol. Tom. II.*

juramentum principaliter sit factum in honorem Dei, ut dicit *Croix ibid. cum Sanch. Suar. Less. Lug. Dian. Moya etc.* semper ac per acceptionem sit tertio jus acquisitum. Sed de hoc juramento principaliter in Deum emisso magna vertitur quæstio, circa quam vide dicenda *cap. 3. de Voto n. 255.*

Limitatur tamen Dictio II. mox lata in tribus casibus. I. Si jurans sit subditus, et juramentum sit circa ea; quæ Superiorum potestati subduntur, ut docet. *S. T. l. c.* Ideo Pontifex irritare potest omnia juramenta circa Beneficia, Officia Ecclesiastica etc. Parentes etiam possunt irritare juramenta impuberum, non vero puberum circa ses proprias ipsorum; tutores pupillorum; Superiores Religiosorum; Viri uxorum circa bona dotalia: Domini Servorum. Vid. omnia *ap. Salmant. cap. 3. ex num. 4: cum Bus. num. 2.*

Lim. II. Si juramentum non posset servari sine damno communi, prout esset juramentum non denunciandi, non accusandi etc. vel super contractu a lege vetito, v. gr. solvendi poenam, si quis resiliat a sponsaliis; quod prohibetur *cap. Gemma de spons.* (An etiam solvendi perditam ludo prohibito, ut dicunt *Salm.* Vide dicenda de *Ludo tract. de Cont. D. 13.*). Talia juramenta verius relaxatione non indigent, cum de se sint nulla, juxta dicta *num. 177. v. Aliiter.* Esto tamen essent valida, ab Ecclesia relaxari possunt. *Salm. ibid. n. 6. cum Sanch. Pal. et Guttier.* Nomine autem Ecclesiæ veniunt non solum Pontifex, sed etiam Episcopi, Capitula Sedibus vacantibus, et alii jurisdictionem Episcopalem habentes, ut *Salm. n. 7. et 8.* et etiam Confessarii delegatam facultatem habentes dispensandi in votis, qui possunt etiam talia ju-

ramenta relaxare, ut *Bus. n. 3. et Salm. n. 9. cum. Rodr. et Ledesm.*

Lim. III. Si juramentum sit dolo, aut metu extortum; tunc enim etiam ab iisdem, ut supra, relaxari potest in poenam extorquentium, ut certum est apud omnes; etiamsi juramentum sit extortum ab alio tertio, inscio principali, *Salm. n. 7. cum Suar. Sanch. Pal. Mol. Arag.* Ino hoc currit, etsi promissio non est indebita, puta de solvendo debito vero; sed juramentum injuste sit extortum; Et etiamsi extorqueatur juramentum per metum levem, saltem pro foro interno, ut *Salm. num. 8. cum Sanch. Suar. et Pal. ex c. Scilicet, et c. Accepta de Restit. spol.* ubi solum juramentum omnino spontaneum relaxari nequit.

193. Certum autem est, quod juramentum in favorem tertii potest libere ab eo remitti, absque relaxatione Ecclesiæ, ut docent omnes cum *D. Th. 2. 2. q. 89. art. 9. ad 2.* Sed quæstio est, an juramentum factum in favorem tertii cesset ex illius remissione, etiamsi promissio principaliter sit facta Deo? Negat *S. Th. ibid.* nisi opposita sit conditio, scilicet, si ita videtur ei, cui promittitur; Et idem tenent *Salm. cap. 3. n. 10.* generaliter loquendo cum *Sot. Sylv. Sanch. Bon. Pal. etc.* E converso *Busemb. hic n. 6. cum Nav. et Croix lib. 3. p. 1. n. 358. cum Gob. Tamb.* probabiliter tenent cessare obligationem. Ratio, quia licet promissio sit facta Deo, fuit tamen semper facta dependenter a voluntate hominis, cui juratum est, scilicet si ille non remittat excusationem. Et hanc quoque sequuntur *Salm. n. 14. cum Sanch. Pal. Trull. Prad. Fag. Leand. etc.* contra *Scot. Sylv. etc.* semper ac, licet juramentum principaliter sit factum in honorem Dei, promissio

340 Lib. III. Tr. II. De Sec. Præc. etc.

tamen tota cedat in favorem partis , puta si quis intuitu pietatis juret huic Ecclesiæ Calicem dare , huic pauperi eleemosynam , hanc Religionem ingredi. An autem Juramentum , vel Votum *Perseverantiæ* , quod emitti solet in aliquibus Congregationibus , possit relaxari , vel dispensari ab Episcopis , sine Congregationis consensu: Vide dicenda n. 255. *infra*.



# APPENDIX

## DE ADJURATIONE.

I. **A**Djuratio est invocatio Dei, vel rerum sacrarum, aut Sanctorum, ad inducendum aliquem ad quoddam agendum, vel omittendum. Ita *S. Th.* 2. 2. q. 90. art. 1. Alia autem est *Solemnis*, quæ fit a Ministris, et modis ab Ecclesia constitutis; alia *Privata*, sine hujusmodi solemnitatibus. Item alia est *Deprecativa*, prout fuit illa Principis Sacerdotum: *Adjuro te per Deum vivum, ut dicas nobis, si tu es Christus etc. Matth.* 26. Alia *Imperativa*, quæ competit tantum Superioribus erga subditos, et exorcistis erga Dæmones.

II. Ut adjuratio sit licita, tria requiruntur, sicut in juramento, scilicet I. *Veritas*, idest, ut adjurans vere intendat assequi quod petit, et vera sit causa ob quam petit; Carentia autem hujus veritatis raro erit plusquam venialis, nempe si fictus pauper per Deum petat eleemosynam, ut dicunt *Sanch. Dec. lib. 2. cap. 42. num. 5. Sporer de 2. Præc. cap. 1. num. 163. Elbel. Conf. 6. num. 153.* II. *Justitia*, ex cuius carentia certe graviter peccaret rem petens graviter malam, ex communi DD. Quid si rem petat leviter malam? Tenent esse veniale *Salm. de 2. Præc. cap. un. num. 4. Sporer num. 165. cum Suar. Bonac. Sanch. et Tab.* Sed melius *Elbel n. 97.* dicit esse mortale, quia satis gravis videtur irreverentia inducere alterum ad rem malam ope Divinæ auctoritatis. Vide dicta *num. 146. v. 5. Venialiter.* III. *Judicium*, idest de-

bita discretio, cujus carentia certe non est nisi venialis.

III. Tantum creaturæ intellectuales possunt directe adjurari, ut Homines, et Dæmones. Indirecte autem etiam irrationales, ut sal, nubes, locustæ, etc. adjurando vel Deum, ut earum usus nos adjuvet; vel Dæmones, ut per eas desistant nocere, prout docet *S. Thom. 2. 2. q. 90. art. 3. cum aliis communiter.*

IV. Privatum omnibus quidem licitum est adjurare; solemniter autem tantum Ecclesiæ Ministris ad id constitutis, et cum Episcopi expressa licentia. Ita communiter *Salmant. cum aliis, ex Luc. 10. 19. Ecce dedi vobis potestatem calcandi serpentes et scorpiones, et super omnem virtutem inimici.* Et ex *Marc. 16. In nomine meo Dæmonia ejicient.*

V. Præsertim autem circa *Adjurationem Dæmonum*, duo præcipue hic sunt notanda. I. Ut cum eis adjuratio sit imperativa, non vero deprecativa. II. Ut fiat tantum ad amovenda damna, et vexationem obsessi, non autem ad vanitatem et curiositatem; hinc dicunt DD. communiter cum *Salmanticens. de 2. Præc. cap. unum. 55.* non posse excusari a peccato gravi, qui multos sermones inutiles haberet cum Dæmone obsidente.

Sed quæritur 1. an sit mortale quærere a Dæmone unam vel alteram rem curiosam? Affirmat *Palaus*, quia tunc Exorcista potius videtur deprecative quærere, quam imprecative. Sed probabilius est tantum veniale, si revera adjuratio fiat imperativo modo. Ita *Sanchez, Dec. libi. 2. cap. 42. n. 25.* item *Cajet. Suar. Nav. Sol. communiter cum Salm. n. 55. et 56.*

Quæritur 2. quæ liceant Exorcistis a Dæmone interrogare? Licet quidem interrogare omnia,

quæ ad ejus expulsionem conducant. *Salmant. n. 51. cum S. Thom. et communi.* Hinc possunt quærere numerum, et nomina eorum qui in obsessio habitant, et a quanto tempore, ut habetur in Rituali Romano. Item causam sui ingressus. Item signum sui egressus, ut communissime contra *Sotum* permittant *Sánchez. n. 28. Salm. cum Pal. Del Rio, Trullench. etc.* An autem liceat quærere imperative a Dæmone manifestationem alicujus veritatis? Negat *Elbel Conf. 6. num. 156.* quia (ut ait) non videntur Ministri aliam habere potestatem, nisi interrogandi tantum ea quæ ad eum expellendum conferunt. Sed probabilius et communissime affirmatur licere, si id conducat ad Divinam gloriam. Ita *Sánchez. n. 24. ac Cajet. Sot. Con. Tab. etc. cum Salm. n. 59.* Atque expresse hoc docet *D. Th. 2. 2. qu. 95. art. 4. ad 1.* ubi ait: *Aliud autem est inquirere aliquid a Dæmone sponte occurrente, quod quandoque licet propter utilitatem aliorum, maxime quando Divina virtute potest compelli ad vera dicenda. Et aliud est Dæmonem invocare ad cognitionem occultorum acquirendam ab ipso; Quod certe malum est.*

Quid si Dæmon assignaret pro causa sui ingressus, obsessum invalide fuisse baptizatum, an hic rebaptizandus esset sub conditione? Ex una parte videtur negandum, quia nulla Dæmoni præstanda est fides: Ex alia videtur affirmandum, quia Dæmon ex vi Exorcismi tenetur patefacere veritatem. In hac difficultate rationabiliter opinantur *Salm. n. 6.* hunc non esse rebaptizandum, nisi aliunde adsint validæ conjecturæ non accepti Baptismi, nempe si baptizans fuerit maleficus, vel hæreticus, vel muliercula parum instructa: vel acer inimicus Parentum baptizandi, qui dixerit velle ulcisci, et similia.

Exorcista autem , ut obsessus vere liberetur , sedulo curet sequentia observare , 1. Prius bene exploret , an ille revera obsideatur a Dæmone. 2. Muniat se Fide , fiducia , et Charitate ; insuper et oratione , et jejunio , et maxime humilitate , alias parum proficiet. Dicunt tamen *Salm. n. 7.* Exorcismum suam vim habere , etiamsi fiat ab eo qui est in peccato. 3. Inducat obsessum ad Confessionem , confidentiam , et orationem. 4. Utatur Exorcismis in Ecclesia Romana , vel saltem in suo Diœcesi approbatis. Utatur etiam invocatione nominum Jesus , Mariæ ; et item signo Crucis , ac Reliquiis Sanctorum ; aut Aqua benedicta , Agnus Dei , etc. 5. Caveat , ne cum Dæmone jocetur , sed potius pauca proferat , et non permittat ei plura loqui , sed imperet tacere. 6. Caveat etiam , ut advertit *Rituale* , ne ob dictum Dæmonis , confugiat ad Magos , ut maleficium dissolvant. Jubeat tamen Dæmonem dicere , an ibi sit ob maleficium ; et ut signa malefica reddat , vel revelet. 7. Regulariter Exorcismum faciat in Ecclesia , januis apertis , nisi honesta adsit causa ( ut dicitur in *Rit.* ) , ut fiat domi. 8. Excludat mulieres , pueros , et viros otiosos , quorum modica fides expulsionem obstare potest. 9. Repetat pluries comminationem , et verba , quibus observat Dæmonem magis angi , semper augendo poenam. Demum advertat nulla adesse signa infallibilia egressus ; probabilia tamen signa sunt , si per longum tempus obsessus sit a molestiis immunis ; item Dæmonum confessio , ingens vomitus rerum putridarum , vel halitus valde foetidus : item magni clamores , qui ibi audiantur ; item si obsessus remaneat in terra dejectas et quasi mortuus , ac similia. Probabilius autem non licet concedere Dæmoni , quod



invadat aliud corpus hominis, vel bestię, ut exeat ab energumeno, sicut ille promittit, ut censet *Elbel* num. 167. cum *Bonac. Tamb. et aliis* contra *Pal. etc.*

Communiter autem dicunt DD. Exorcismos habere vim infallibilem expellendi Dæmones tamquam ex opere operato. Ita *Sporer de 2. Præcept. n. 167. Sanch. dict. cap. 42. n. 16. Pal. p. 4. n. 19. Elbel n. 160. et Salmant. n. 17. et 22. cum Cajetan. Sot. Trullench. etc.* Nec obstat, quod plures Exorcismi effectum non habeant; nam ut dicunt *Salmanticens.* semper illi aliquem effectum sortiuntur, si non complete, saltem imperfecte, vires Dæmonum attenuando. Vide alia apud *Del Rio* fuse de hac materia tractantem.

## CAPUT III.

## De Voto.

## DUBIUM I.

*Quid sit Votum , et quotuplex ?*194. *Quid est Votum ?*195. *Quotuplex est Votum.*

194. » **R**esp. 1. Est promissio facta Deo, de-  
 » liberate , de bono possibili , et meliori. *S.*  
 » *Thom.* 2. 2. *quæst.* 86. Vid. *Sanch. et Laym.*  
 » *lib.* 4. *t.* 4. Unde patet , quod Votum sit a-  
 » ctus latriæ soli Deo debitus. Quare, dum vo-  
 » vemus quædam Sanctis , sensus est voveri ea  
 » Deo in honorem simul Sanctorum \* ( *Ut ex*  
 » *communi acceptione Ecclesiæ , Salmanticens.*  
 » *de Voto cap.* 1. *num.* 29. ) \* , sicut templa,  
 » et altaria ædificamus Deo in eorundem ho-  
 » norem. Porro ex singulis particulis datæ de-  
 » finitionis multi casus resolvuntur , quos , ut  
 » vitetur confusio , et consulatur memoriæ , se-  
 » paratis dubiis proponam.

195. » Resp. 2. Dividitur votum , In *Absolu-*  
 » *tum* , et *Conditionatum*. Illud est , quod fit  
 » sine ulla conditione , ut voveo eleemosynam:  
 » hoc autem , quod fit cum conditione , ita ut  
 » nisi hac posita , non exurgat obligatio ; ut  
 » voveo eleemosynam , si sanitati restituar , vel  
 » ( quod dicitur Pœnale ) voveo facere disci-  
 » plinam , si hoc fecero. II. In *Solemne* , et  
 » *Simplex*. Illud est , quod ut tale acceptatur

» ab Ecclesia, et sunt hæc duo: votum casti-  
 » tatis, quod majoribus Ordinibus annexum  
 » est, et votum professionis religiosæ. Simplex  
 » autem votum est omne aliud, quod talem so-  
 » lemnitatem non habet. Ubi sciendum, quod vo-  
 » tum solèmnè reddit personam jure inhabilem ad  
 » contractus, vel actus contra votum, ut ad  
 » matrimonium, vel dominium bonorum habèn-  
 » dum. Vide infra lib. 4. c. 1. in tract. de sta-  
 » tu relig. Simplex autem tale votum verb. gr.  
 » castitatis ( excipio quod in Societate JESU  
 » emittitur post Novitiatum ), aut ingrediendæ  
 » Religionis, etsi reddat contractum, verb. gr.  
 » matrimonii, illicitum, non tamen invalidum.  
 » Vide infra lib. 6. de Matrimonio. III. In Rea-  
 » le, et Personale. Illud est, cum pecunia,  
 » vel alia res externa pretio æstimabilis promit-  
 » titur, ut calix, eleemosyna: hoc autem,  
 » cum aliqua hominis actio, vel cessatio ab  
 » actione, ut votum jejunii, peregrinationis,  
 » abstinentiæ a lusu. His aliqui adjungunt Mix-  
 » tum ex utroque, ut si voveas peregrinationem  
 » cum oblatione alicujus rei. Vide Lessium lib.  
 » 2. cap. 40.

DUBIUM II.

*Quæ requiratur Voti deliberatio, et intentio.*

196. *Deliberatio requisita ad Votum.*
197. *Do Voto emisso ex metu.*
198. *De Voto emisso ex errore.*
199. *An obliget simplex propositum?*
200. *An ad votum sufficiat promissio implicita.*
201. *Quale propositum voluntatis requiratur ad votum? Hinc plura quærentur, et I. An teneatur ad votum, qui positive noluit promittere, et se obligare? II. Qui non habuit animum implendi? III. Qui negative noluit se obligare sciens obligationem voti? Qu. I. Quid si nesciens? Qu. II. Quid si quis voluit promittere, et positive noluit se obligare? Qu. III. Quid si quis dubitat, an se voluerit obligare? Vel an noverit obligationem voti? Quid si dubitet, an fecerit propositum aut votum?*

196. » **R** Esp. Cum voti obligatio sit gravis-  
 » sima, requiritur intentio, deliberatio, et liber-  
 » tas perfecta, qua quis libere, et directe in  
 » se voluerit promittere, cum animo se obli-  
 » gandi. Ità Doctores communiter. *Less. Bon.*  
 » d. 4. q. 2. p. 1.

*Unde resolves.*

» 1. *Ætas, et usus rationis ad vovendum ea*  
 » *sufficit, quæ satis est ad peccatum mortale*  
 » *perfecto actu humano, et directo in se vo-*  
 » *litum. Excipe tamen votum solemne religio-*

» nis , quod invalidum est ante certam æta-  
» tem.

» 2. Non obligat votum factum cum semi-  
» plena animadversione , vel deliberatione: v. g.  
» ex repentino animi motu , vel consuetudine ,  
» lingua mentem præveniente , vel ex calore  
» iracundiæ rationis usum auferente. *Azor. San-*  
» *chez , Trull. l. 2. c. 2. d. 1.* Ubi notat ,  
» non esse sufficiens indicium , quod defuerit  
» præfata ratio , vel deliberatio , si voventem  
» facto voto mox pœniteat ; item motum iræ  
» raro , et vix unquam impedire usum ratio-  
» nis. \* ( *Hinc videndum an adsint aliæ cir-*  
» *cumstantiæ adjunctæ. Vid. Salm. c. 1. n. 11.*  
» *Peccat autem saltem venialiter , qui levi con-*  
» *sideratione emittit vota magni ponderis. Salm.*  
» *n. 13. Licet inde ad ea sit obligatus num.*  
» *14. )* \*.

» Quod si is , qui scit se vovisse , dubitat ,  
» an cum sufficienti deliberatione , et usu ratio-  
» nis , ob defectum ætatis ; si quidem vovit ante  
» septennium , votum non obligat , nisi constet  
» de sufficienti rationis usu ; quia eum jus in  
» tali non præsumit: et possessio stat pro liber-  
» tate. Si vero post septennium vovit , obligat;  
» quia possessio est pro voto , cum præsumatur  
» usus rationis , nisi constet oppositum. Si deni-  
» que dubitet , utrum ante , an post septennium  
» voverit , teneri voto vult *Sanch. et Pal. ne-*  
» *gat Diana etc.* \* ( *Sed probabilius San-*  
» *chez* ) \*.

In quocumque autem dubio , an desuperit ple-  
na deliberatio , valet votum. *Sanch. c. 1. n.*  
*147. cum Suar. Sanch. Pal. etc.* Item in du-  
bio , an vovens emisit votum metu coactus ,  
vel an metus fuerit gravis. *Salm. ibid. cum*  
*Bon. et Trull.* Secus in dubio , an materia fue-

rit honesta, vel possibilis; quia tunc votum nondum possidet; *ibid. cum Pal. Sanch., et Suar.*

4. Vota facta in ebrietate, etiam ante prævisa, et sic volita in causa, non sunt valida, cum non sint volita in seipsis, et directe, bonum autem non consurgat, nisi ex integra causa, quamvis ad peccatum satis sit voluntarium indirecte et in causa. *Laym. l. 4. t. 4. c. 1. n. 4.*

197. » 5. Vota facta in metu non incusso ad  
» hoc ipsum, ut votum extorqueretur, valida  
» sunt, quia sunt simpliciter voluntaria, et de-  
» liberata. \* ( *Sicut etiam valida sunt vota fa-*  
» *cta ex metu intrinseco, aut juste incusso.*  
» *Salm. c. 1. n. 161. ex c. 1. ci 2. de A-*  
» *dult.* ). \*. Facta autem in metu injuste incus-  
» so ad ipsum votum extorquendum invalida  
» sunt ex communi, non quia non sint volun-  
» taria, sed quia vel jus ea irritat, vel Deus  
» non acceptat, ne det vim injustæ coactioni;  
» idque, sive metus sit gravis, sive levis;  
» dummodo quis formaliter ex solo tali metu  
» voveat. *Suar. de Voto lib. 1. c. 8. Fill.*  
» *t. 26. c. 1.*

Sed quæstio hæc est, an votum emissum ex metu gravi, injuste incusso sit invalidum, saltem ex jure Ecclesiastico? *Prima sententia* negat cum *Suar. tom. 3. de Relig. lib. 6. c. 14 n. 6. et l. 2. de Voto c. 8. n. 5. Sylv. v. Metus 8. fin. et v. Votum 2. q. 12. Pontius lib. 7. c. 19. Pal. t. 3. tract. 15. D. 1. p. 8. n. 13. et probabiliter Pal. Bus. Sylv. et merito probabilem vocat Bon. et Trull. apud Salm. c. 1. n. 53. Excepto tamen solemni emissio in Professione Religiosa, quod certe est nullum, ex c. Prælatum. De Iis, quæ vi, etc. Secunda probabi-*

liter affirmat, ut *Busemb. et Sanch. lib. 4. c. 3. n. 11. Less. l. 2. cap. 40. num. 18. Azor. p. 1. lib. 11. cap. 56. quæst. 6. Nav. cap. 12. num. 52. ac Salm. ibid. num. 164. cum Trull. Bon. Val. Sot. etc. ex c. Ad audientiam de iis, quæ vi. Ubi dicitur: Debere carere robore firmitatis, quæ metu fiunt. Ex cap. cum locum de Spons. ubi: Cum locum non habeat consensus, ubi metus, vel coactio intercedit. Excipitur tamen, si metus juste illatus fuerit, ex cap. 1. et 2. de Adult. Vide Salm. num. 161. Utrum autem votum ex metu levi injusto emissum sit invalidum? Affirmat hic *Busemb. cum Suar. et Fill. item Nav. et alii plures ap. Sanch. Dec. lib. 4. c. 3. n. 24. Ratio (ut dicunt) quia ideo metus irritat votum, eo quod plenam consensus libertatem auferat: Ergo, metus quoque levis irritabit, quando eandem libertatem aufert, et causa est; ut votum fiat. Et hanc opinionem probabilem vocat Sanch. Sed probabilior est sententia opposita, quam tenet Sanch. num. 24. cum Sot. Val. Sa, Azor. etc. ac Salm. cap. 1. num. 161. qui vocant communem, et probant ex c. Prælatum de iis, quæ vi etc. Ratio quia non censetur causa rei tam gravis prout est votum, levis metus, qui de facili rejici potest, ut pariter dicemus de Contract. n. 718.**

» 6. Quoad vota emissa ex errore; si error  
 » fuerit circa substantiam materiæ promissæ,  
 » vel circa conditionem substantialem, vel cir-  
 » ca finem, sive rationem formalem, ac mo-  
 » tivum votendi, votum nullum est. \* (*Cum*  
 » *Salm. cap. 1. n. 155.*) \* ut verb. gr. 1. Circa  
 » substantiam, si quis voveret certum aliquem  
 » suum calicem, quem putat argenteum, cum  
 sit aureus: vel se ingressurum certum Mona-

» sterium , putans esse Ordinis Sancti Benedi-  
 » cti , cum sit Cartusianorum. 2. Circa condi-  
 » tionem substantialem : si quis v. gr. voveret  
 » se ingressurum Monasterium , ubi putaret re-  
 » ligiosam disciplinam , et essentialia religionis  
 » servari accurate , et tamen non ita esset : vel  
 » si voveret peregrinationem ad limina Aposto-  
 » lorum , putans tantum distare centum millia-  
 » ribus , cum tamen distarent trecentis. 3. Cir-  
 » ca causam finalem : si quis v. gr. voverit ali-  
 » quid in gratiarum actionem pro sanitate pa-  
 » renti reddita , et is re ipsa non fuisset ægro-  
 » tus ; vel esset mortuus. \* ( *Cum Salm. c. 1.*  
 » *n. 158. et c. 3. n. 15. et 16.* ) \*. Et ratio  
 » nullitatis talium votorum est , quia hic defi-  
 » cit liber consensus , qui non fertur in inco-  
 » gnitum , et nihil tam est contrarium consen-  
 » sui , quam error. *Fill. to. 25. c. 1.*

Certum est , quod error circa substantiam in-  
 validat votum ; etiamsi fuerit concomitans , id-  
 est non dans causam voto , puta , si adhuc , er-  
 rore cognito , tu vovisses. Ita *Sancti. de Matr. lib.*  
*7. D. 18. n. 6. et Dec. l. 3. c. 11. n. 43.* Et etiamsi  
 talis error fuerit quantumcumque crassus. *Sancti.*  
*ibid. de Matr. n. 7.* Et certum est etiam , quod in-  
 validat votum error circa circumstantias substan-  
 tiales , idest quæ pertinent ad substantiam rei  
 promissæ , juxta exempla a *Busemb.* hic posita.  
 Secus vero , si error , licet dederit causam vo-  
 to , sit circa condiciones , quæ substantiam rei  
 non afficiunt , puta , si quis voveat dare elee-  
 mosynam pauperi putato probo , amico , tenetur  
 dare , etsi postea cognoscit improbum , inimi-  
 cum , quamvis , his cognitis , antea non vovis-  
 set. Ita *Salm. de Voto c. 1. n. 156.* Aliter ,  
 ut dicunt , quot contractus , quot matrimonia ,



quot Professiones, quot Ordinationes infringi oporteret, si pateret aditus ad eas annullandas propter circumstantias accidentales præter substantiam non prævisas? Citant *Salm.* pro se *Sot. Less. cum Sanch.* At non bene, quia *Sanch. loc. cit. Dec. lib. 4. cap. 2. num. 11.* adhæret *Busembao*, qui *supra n. 175.* dicit probabiliter cum *Suar.* quod invalidat (et idem est de Voto) error etiam circa circumstantias accidentales, si hæc sint magni momenti, et si, ipsis cognitis, juramentum emissum non fuisset. Et hoc quoad contractus jam probabile putant *Salm. de Contract. c. 1. n. 21.* Ideoque quoad vota etiam probabile videtur. Vide dicenda *n. 226.*

» 7. Vota, quæ emittuntur post Novitium, in quocumque approbato Ordine, instar matrimonii carnalis, non sunt irrita ob ullum errorem, nisi solum substantialem circa substantiam.

» 8. Si error circa conditionem substantialem sit de re parvi momenti, non redditur votum irritum: ut si iter peregrinationis, quam quis vovit, sit paulo longius, quam putabatur, quia parum reputatur pro nihilo. Item si error sit tantum circa causam impulsivam, valet votum \* (*Salm. cap. 1. num. 158.*) \*: quia illa est tantum causa secunda, qua seposita, actus est sufficienter voluntarius secundum substantiam. Neque talis error in ceteris contractibus actum vitiat: v. gr. vovit aliquis peregrinationem Romam studio colendi Deum, et simul etiam habuit causam secundariam impulsivam, ut inviseret fratrem, quem putavit esse Romæ, quem etsi intelligat deinde insthic non esse, non ideo desinit obligari voto. Et ex his patet, quomodo intelligendum sit, quod dici solet, non vota

» obligare ultra intentionem voventis. *Sanch. lib. 4. c. 2. 4. Less. c. 4. d. 2.*

» 9. Ad votum non sufficit nudum propositum, licet firmissimum: quia qui tantum pro-  
 » posuit, non tenetur sub peccato præstare; qui  
 » autem promisit, obligatur sub peccato, et  
 » nisi præstet, agit contra fidem Deo datam.  
 » *Bon. p. 1. Laym. loc. cit.*

199. An negligens propositum bonum, pec-  
 cet venialiter saltem? Affirmant *Less. Pal. etc.*  
*apud Salmantic. de Vot. cap. 1. num. 17.* ob  
 inconstantiam sine causa tunc intervenientem.  
 Negant tamen *Busemb. Sanch. Dec. lib. 3. cap.*  
*1. num. 21. cum Sot. Arag. Azor. et Salm.*  
*n. 18. cum Dic. Pal. Suar. Tol. etc.* quia (di-  
 cunt) defectus constantiæ de se non est culpa,  
 nisi præceptum adsit. Utraque est probabilis.

200. » 10. Ad votum aliquando sufficit pro-  
 » missio implicita, ut patet in susceptione Or-  
 » dinum sacrorum, ubi licet non dicatur, vo-  
 » veo, vel promitto castitatem, votum tamen  
 » hoc fit implicite, hoc ipso quo sciens Eccle-  
 » siam annexuisse iis Ordinibus istud votum,  
 » eos suscipis. An vero, si quis plane id igno-  
 » raret, adhuc censeretur vovere ex implicita  
 » intentione, dubium est. Aliqui ajunt, aliqui  
 » probabilius negant, dicuntque talem teneri ad  
 » castitatem, non ex voto, sed ex Ecclesiæ  
 » præcepto. *Sanch. de matrim. l. c. d. 87. n.*  
*» 23. Bonac. c. 2. p. 1. et comm. \* (Sed cen-*  
*» set Laym. probabilius teneri ex præcepto Ec-*  
*» clesiæ ad votum emittendum. Sed vide de hoc*  
*» dicenda de Sacr. Ord. lib. 6. ex n. 806) \*.*

201. » 11. Si quis haberet intentionem pro-  
 » mittendi quidem, sed tamen se non obligan-  
 » di, nullum esset votum, secundum *Náv. Syl.*  
 » *Sanch. n. 27. Less. l. 2. c. 40. dub. 1. n.*

» 6. *Bon.* et alios contra *Cajet.*, quia talis non  
 » vult vovere, cum apponat conditionem con-  
 » tra substantiam actus. Unde *Lugo d. 24. de*  
 » *Just. sect. 1.* et alii contendunt talem non  
 » posse dici promittere. Verum videtur esse quæ-  
 » stio de nomine. Si vero haberet animum vó-  
 » vendi, et se obligandi, non tamen implendi,  
 » tunc etiam graviter peccaret, et votum esset  
 » validum. *Sanch. Fill. Bon. p. 1. num. 14.*  
 » *Laym. etc.*

Plura hic distinguere oportet, et I. Si quis  
 vovet cum animo positivo non promittendi, nec  
 se obligandi, certe votum est nullum, ut *Salm.*  
*tr. 17. c. 1. n. 19. cum S. Th. et communi.*  
 II. Si vovens habet animum promittendi, et se  
 obligandi, sed cum intentione non implendi,  
 dicendum est teneri ad votum, ex communi sen-  
 tentia, quam docent *Less. l. 2. c. 40. num. 7.*  
*Sanch. Dec. l. 4. c. 1. n. 23. et Salm. num.*  
*21. cum Suar. Cajet. Azor. Bon. etc.* contra  
*Valent.* Ratio, quia obligatio voti non pendet  
 ab intentione implendi, sed a voluntate se obli-  
 gandi, quæ jam adest. III. Si vovens habet ani-  
 mum promittendi, et implendi, sine tamen ani-  
 mo positivo se obligandi; tunc, si iste satis sciât  
 obligationem voti, sed eam non advertat, cum  
 votum emittit, et negative se habeat; non vo-  
 lendo, nec excludendo illius obligationem; te-  
 netur quidem ad votum, quia qui vult actum  
 antecedentem, vult (saltem implicite) ejus obli-  
 gationem consequentem. Ita communiter *Sanch.*  
*de Matrim. l. 1. D. 9. num. 11. Palaus tom.*  
*3. tract. 15. D. 1. par. 3. num. 2. Tamburin.*  
*l. 3. c. 12. §. 1. n. 6. Salm. loc. cit. n. 23.*  
 et alii passim.

Sed quær. I. An teneatur ad votum, qui ne-  
 scit voti obligationem, et negative se habet, non

explicite neque implicite intendens illam suscipere. Affirmant *Pal. l. c. n. 2. et Suar. de Vot. cap. 3. n. 9.* quia hic censendus est voluisse promittere, juxta modum, et intentionem, quam habent alii rite voventes. Sed verius negant *Sanch. de Matr. l. 1. D. 9. n. 2.* cum *Led. Arag. et Mun. item Croix l. 3. p. 1. n. 365. Tamb. l. c. n. 8. et Salm. n. 23.* qui asserunt hanc esse fere omnium doctrinam. Ratio, quia nemo obligationem contrahit, nisi velit illam sibi imponere; hic autem nullo modo eam vult suscipere, nec formaliter in se, nec virtualiter in promissione, cum erret in substantia, judicando talem obligationem non esse voto annexam. Secus tamen dicendum, ut bene advertunt *Sanch. et Tamb. ll. cc.* si quis voluerit vovere modo ordinario quo alii vovent, quia tunc implicite voluit obligationem contrahere.

Quær. II. An teneatur ad votum, qui velit promittere, et sciat obligationem voti, sed nolit ad votum se obligare? *Prima* sententia, quam tenent *Sot. de Just. l. 7. q. 1. a. 2. ac Prado, Arag. Gutt. etc.* apud *Salm. c. 1. n. 24.* dicit obligari, quia, posita voluntate verum emitendi votum, nequit ab eo separari obligatio, quæ oritur ex voto. *Secunda* vero sententia communior, et probabilior negat, et hanc tenent *Sanch. Dec. l. 4. c. 1. n. 27. Less. l. 2. c. 40. Pal. tr. 15. D. 1. p. 3. n. 2. et Salmant. num. 25. cum Suar. Azor. Bonac. Val. Trull.* Ratio, tum quia qui vult apponere conditionem contrariam substantiæ contractus, invalidum contractum reddit; tum quia lex (prout votum est lex particularis) non obligat, nisi juxta legislatoris voluntatem. Hinc inferunt *Salm.* quod is qui promittit sponsalia, vel sacros Ordines accipit, aut Religiosam Professionem emittit, ani-

mo non se obligandi, non tenetur ad sponsalia, neque ad votum. Sed vide de hoc dicenda de Ord. l. 6. n. 809. Dub. 2. Quale autem peccatum sit sic vovere sine animo se obligandi? Dicunt *Sanch. n. 38. Pal. n. 5. et Salm. cum Suar. Bonac. Trull. Regin. et Vill.* ordinarie non esse nisi veniale, propter quandam inordinationem. Dicitur *ordinarie*, quia in Professione Religiosa, et susceptione sacrorum Ordinum proculdubio esset mortale, quia esset deceptio in re gravissima. Vide dicta de Juram. n. 172. v. II. Si autem.

Quær. III. An teneatur ad votum, quod dubitat, an vovendo voluerit se obligare? *Tamb.* putat probabile non obligari; Sed dicendum oppositum cum *Croix l. 3. p. 1. n. 384. Gob. Dian. et aliis ib. communiter*; quia donec constet de invaliditate actus, præsumptio est pro illius valore, ut *Menoch. etc. ib. communiter docent.* Idem dicendum, ut recte ait *Croix num. 386. contra Gobat.* si quis dubitet, an noverit vel animadverterit obligationem voti, quia ex communiter contingentibus quisque censetur scire et advertere, quod omne votum obligationem parit illud implendi. Quid si quis dubitet, an fecerit votum, vel propositum, sed meminit credidisse graviter peccaturum, si promissionem non implevisset? Censet *Croix num. 366.* hunc non obligari, quia saltem votum est dubium, cum plures rudes adhuc nudum propositum facientes censeant erronee ad illud sub peccato teneri. Sed huic non consentio, et puto hunc censendum vere vovisse, et voti contraxisse obligationem; cum enim jam apprehenderit peccare non implendo promissum, recte arguitur illam revera agnovisse, et sibi imposuisse.

## D U B I U M III.

*Quæ requiratur materia Voti?*

202. *An teneat votum de re impossibili?*  
 203. *An votum vitandi omnia venialia? Quid si quis voveat vitare omnia mortalia, et venialia, collective?*  
 204. *An valeat votum de re vana?*  
 205. *An sit mortale vovere veniale?*  
 206. *An valeat votum factum ex malo fine?*  
 207. *An votum impeditivum majoris boni?*  
 208. *An valeat votum non petendi dispensationem?*  
 209. *An votum nubendi?*  
 210. *An votum non vovendi?*

202. » **R**esp. Ea debet esse probabilis (cum  
 » impossibile nec efficaciter intendi possit, nec  
 » ad illud sit obligatio); et non solum bona,  
 » sed etiam melior, quam oppositum, sive ejus  
 » ommissio: quippe finis intrinsecus voti est ho-  
 » norare per hoc Deum: id autem non potest  
 » fieri, nisi offeratur illi aliquid gratum: gra-  
 » tum autem esse non potest, ut quis obligetur  
 » ad relinquendum id, quod est melius. *Sanch.*  
 » l. 9. c. 7. *Laym. Navarr. etc.*

Quid, si quis voveat de re possibili simul,  
 et impossibili? Respondetur teneri ad partem  
 possibilem, si est divisibilis, puta si conjux vo-  
 veat castitatem, tenetur ad non petendum. Ita  
 etiam valet votum, si principale illius est pos-  
 sibile, licet accessorium sit impossibile. Secus,  
 si e converso. V. *Salm. cap. 1. ex num. 75.*  
 Quid, si votum sit disjunctivum? V. *num. seq.*  
*(vers. Pariter).*

*Unde resolves.*

» 1. Invalidum est votum nunquam peccandi  
 » venialiter, cum id moraliter et ordinarie sit  
 » impossibile. Aliqui tamen volunt, sic voven-  
 » tem teneri isto voto ad vitanda mortalia, et  
 » venialia graviora, de quo Scholastici, Nav.  
 » c. 12. n. 63. Suar. l. 2. c. 3. Sanchez de  
 » Matrim. l. 9. d. 35.

203. Salm. c. 1. num. 80. cum Sanch. Pal.  
 Trull. Prad. asserunt votum de vitandis omnibus  
 venialibus, etiamsi esset de plene deliberatis,  
 omnino invalidum esse, prout de re moraliter  
 impossibili, ex c. 23. Sess. 6. Trid. Quoad vo-  
 tum autem S. Teresiæ, agendi quicquid perfe-  
 ctius intelligeret, respondet illud ex speciali in-  
 stinctu Spiritus Sancti emissum fuisse. Vide Salm.  
 num. 83. Sed verius dicit Croix lib. 3. p. 1.  
 n. 401. cum Suar. bene valere votum de vitan-  
 dis venialibus deliberatis cum hoc revera non sit  
 impossibile, et personæ perfectionis amantes illa  
 satis evitent. Votum autem abstinendi a venia-  
 libus in aliqua materia determinata, communi-  
 ter validum est, maxime in personis magnæ  
 virtutis; in aliis vero modicæ virtutis erit ma-  
 teria impossibilis; imo in aliquibus materiis;  
 puta cogitationum inhonestarum, otiosarum etc.  
 cum sint inevitabiles quoad omnes, votum est  
 nullum. Ita Sal. n. 81. cum Caj. Sanch. Sua-  
 rez etc.

Pariter nullum est votum de vitandis morta-  
 libus, et venialibus collective. Et etiam votum  
 vitandi mortalia, aut venialia divisive: quia  
 nullum est illud votum disjunctivum, cujus pars  
 est apta, et pars inepta, et vovens de neutra  
 voluit determinate se obligare, puta, si voveas

aut orare, aut ludere, votum totum est nullum. *Salm. num. 83. et 141. cum Sanch. Trull. Vill. et Leand. Ita etiam Pal. p. 8. §. 1. n. 8. et Croix loc. cit. n. 402.* Qui tamen recte advertunt, quod si ad tale votum quis se obligavit, in quantum potest, tenetur quidem ad fugam saltem mortalium. Ac teneri etiam censeo ad vitanda venialia deliberata, juxta quod diximus supra.

204. » 2. Invalidum est votum de re vana, » vel inutiles, vel indifferente, nisi ex circum- » stantiis, aut fine fiat bona: \* (*Modo circum-* » *stantia non ex sola relatione voventis, sed ex* » *se ad bonum finem conducat. Salm. cap. 1.* » *n. 57.*) \* quia Deo displicet stulta promissio, » et hinc eam non acceptat: ac peccat venia- » liter talia vovens, ut v. gr. si quis decidens » ex equo, voveat non amplius equum ascen- » dere. *Navar. c. 12. Sanch. mor. 7. \* (cum* » *Salm. n. 55. \*.*

205. » 3. Invalidum est vovere mala, et qui » vovet mortale, peccat mortaliter; qui autem » veniale, eum venialiter tantum peccare di- » cunt *Sa, Sylv. etc. V. Juramentum: licet* » mortaliter peccare velit *Caj. V. votum, et* » *Less. lib. 2. cap. 4. d. 5. quod videtur pro-* » *babilius.*

206. Probabilius etiam mihi est vovere ma- lum, etiam veniale, de se esse culpam gravem; » cum de blasphemia sit velle, ut malum ce- » dat in honorem Dei; sed communiter ob igno- rantiam hoc non est nisi veniale, ut bene no- tant *Salm. c. 1. n. 71. in fine. Idem diximus* de Juramento *n. 146. v. 5. Venialiter.*

» 4. Invalidum est votum, cui adjungitur » finis, vel alia circumstantia mala, tenens se » ex parte rei votæ: ut verb. gr. vovet quis



Cap. III. De Voto Dub. III. 361

» eleemosynam ad obtinendam vanam gloriam,  
 » aut impetrandum per eam victoriam injustam,  
 » felicem successum furti, adulterii, etc. aut in  
 » gratiarum actionem pro successu talis peccati,  
 » quia datio eleemosynæ ad talem finem est  
 » actio blasphema, quasi Deus peccata promo-  
 » veat, ideoque non potest esse materia voti.  
 » *Cajet. Nav. cap. 12. Sanch. cap. 6. Laym.*  
 » *lib. 4. t. 4. cap. 2. num. 6. Fill. t. 26. cap. 5.*  
 » 5. Validum autem est, etsi ei adjungatur  
 » finis, vel alia circumstantia mala tenens se  
 » tantum ex parte voventis: ut v. gr. si quis  
 » ex vana gloria; aut ex ira erga importunum  
 » mendicum, voveat ei dare eleemosynam: quia  
 » tunc res ista bona est, quam vovet, licet  
 » ipse voveat male, et cum peccato. *ibid.*

Nota igitur hic differentiam inter finem pra-  
 vum ex parte rei votæ, et ex parte voventis:  
 Nam finis ex parte rei votæ, est quando res pro-  
 missa dirigitur ad pravum finem, nempe si vo-  
 veas jejunium, ut ex illo plausum captes; et  
 tunc votum est nullum, ut communiter doce-  
 tur cum *Busemb. Laym. lib. 4. Tract. 4. cap.*  
*2. num. 7. Salm. cap. 1. num. 67.* Et idem  
 tenendum dicunt *Salm. num. 68.* cum aliis,  
 etiamsi finis pravus voti non sit primario, sed  
 tantum secundo motivus, seu sit impulsivus,  
 sed sine quo votum non fieret. Idem dicendum,  
 si finis sit indifferens, vel mere temporalis; un-  
 de si quis voveat jejunium, ut parcat sumptibus;  
 eleemosinam, ne æstimetur avarus, nullum est  
 votum. Valet autem votum emissum ad obtinen-  
 da a Deo temporalia, vel ad gratias ei agendas,  
 quia bonum est hæc a Deo sperare, aut pro  
 ipsis gratias agere. Ita *Laym. ibid. num. 10. et*  
*Salm. n. 70. cum Sanch. Pal. Trull. Bon. etc.*  
 Notant tamen *Laym. n. 7. et Salm. n. 69. cum*

*Cajet. Sanch. Bonac. et communi*, quod si opus prævum non ponitur ut finis voti, sed ut simplex conditio, nempe si quis voveat jejunium, si inimicum occidet, si furtum faciet; tunc valet votum, quia impleta conditione posita, honestum est in se votum implere.

Ita ergo dicitur, quando finis prævus est ex parte rei votæ. Aliter tamen esset, quando finis prævus est ex parte *voventis*, scilicet quando non res vota, sed ipse vovendi actus dirigitur ad prævum finem, puta, si quis externe voveat jejunium, ut ex illa emissionem voti ab aliis laudetur, tunc valet votum, ut dicit recte *Busemb. num. 5. seq. cum communi apud Laym. ibid. et Salmanticens. num. 67*. Hinc dicit *ibid. Laym.* quod qui ex appetitu deordinato vescendi piscibus vovet fieri Carthusianum, tenet votum. Sed hoc minime mihi probari videtur, si comestio piscium, et non quidem bonum spirituale Religionis sit finis illius voti; Nam tunc ipsa materia voti, quæ est susceptio status Religiosi, dirigitur ad vanum finem, qui votum infirmat, ut supra dictum est cum communi.

» 6. Validum item est votum factum ex affectu erga rem bonam, ut bona est, etsi conjuncta cum causa mala: ut si quis voveret eleemosynam, si ex duello evaserit salvus, si non capiatur in furto; si filius sibi nascatur ex adulterio, quod parat, etc. licet enim duellum, furtum, adulterium velle malum sit; tamen his positis non lædi, non infamari, prolem gigni mala non sunt; sed Dei dona; et votum non cadit supra ista mala, sed super hæc bona, considerata (ut suppono) quatenus in se bona sunt. *Nav. Laym. l. c.*

207. » 7. Invalidum est, et veniale peccatum, vovere bonum, quod est impeditivum boni majoris, ut præsertim sunt vota contra consilia Evangelica, ut v. gr. manere in sæculo; ducere uxorem, ire ad militiam, facere mercatum. *Nav. n. 29. Suar. Fill. cap. 1. quæst. 7. num. 58. Sanch. etc. \* (idem dicunt Salm. num. 37. cum S. Thom. 2. 2. quæst. 89. art. 7. ad 2. ) \**

» 8. Si tamen aliquod bonum, per se et absolute minus, fieret per accidens majus bonum, tunc talia vovere valet: ut v. gr. si quis videret susceptionem Ordinum sibi damnosam. *Vid. Bon. p. 1.*

208. Ita etiam *Salm. num. 37.* Quæstio autem vertitur, an valeat votum de non petendo voti dispensationem, commutationem, aut irrotationem, etiam cum justa causa (nam sine justa causa, certum est quod valet). *Prima sententia negat cum Sot. Trull. Tamb. Sanch. etc. Secunda vero affirmat cum S. Antonin. Bon. Suar. Fill. etc. apud Salm. cap. 1. num. 49. et 50.* Et hæc videtur probabilior; advertendo, quod casu quo sit utilius ob bonum spirituale petere dispensationem, votum non obligat, quamvis fuerit validum. Hoc tamen votum semper a Superiore relaxari potest, cui salva semper est sua potestas. *Salm. n. 51. cum Sanch. Pal. Suar.* Notandum autem, quod vovens non petere dispensationem, potest petere commutationem; et e converso. *Vid. Salm. n. 52.*

209. » 9. Matrimonium ordinarie invalide vovetur, quia ordinarie melior est cœlibatus. » Dixi ordinarie, quia valide vovetur, 1. Si quis ad hoc obligetur; aut quia sine injuria » aut gravi infamatione sponsæ, vel liberorum » ex ea conceptorum a sponsalibus non potest

» recedere. 2. Si id Reipub. valde utile futu-  
 » rum existimetur, ut quia, v. gr. ex eo spe-  
 » ratur pax inter Principes, conversio hæreti-  
 » corum, regni tranquillitas. 3. Si quis ob fra-  
 » gilitatem, et inveteratam consuetudinem pec-  
 » candi adeo sit pronus ad lapsum, ut pruden-  
 » tes judicent consultum ei esse, ut nubat: in  
 » quo tamen ultimo *Laym.* et alii dissentiunt.  
 » Vide *Bonacina loc. cit. Fill. num. 6. Nav.*  
 » *Suar. loc. cit. Laym. n. 12.*

Votum nubendi, per se loquendo, nullum est, etiamsi sit de ducenda paupere, meretrice, vel ad tollenda aliena peccata, quia semper coelibatus est Deo gratior. Est commune apud *Salm. c. 1. n. 38. et 39. cum Sanch. Leand. Pul. Torre, Prad.* Secus, si votum sit emissum, ad scandalum, vel honorem puelle ex obligatione reparandum; vel ad bonum commune, ut addit *Bus.* vel ex supposito, quod vovens vellet nubere, tenetur ad votum, ut *Salmant. n. 38. in fin.*

Sed magna quæstio est, an, qui vovet nubere ob expertam sui fragilitatem, teneatur ad votum? *Prima sententia* negat, quia tale votum esset de se impeditivum majoris boni, nempe ingrediendi Religionem, aut servandi coelibatum? Deinde, quia tale votum esset inutile, cum tali voto non obstante, vovens libere posset Religionem ingredi; maxime, dum matrimonium est infirmum remedium concupiscentiæ. Ita *Less. lib. 2. c. 4. n. 44. et Pal. Sot. Prado, et alii ap. Salm. c. 1. n. 40.*

*Secunda* tamen sententia certe, et longe probabilior, quam tenent cum *Bus. Sanch. Dec. lib. 4. cap. 8. num. 53. Viva de Spons. quæst. 1. art. 3. ex num. 3. Salm. de Voto c. 1. n. 41. et 42. cum Bell. Nav. Caj. Bonac. Trull.*

*etc.* dicit votum esse validum, supposito quod talis nolit uti aliis remediis; Quia in tali casu matrimonium est majus bonum, cum ad concupiscentiam sedendam eis, qui alia remedia meliora suscipere nolunt, ideo matrimonium a Deo concessum sit; De his enim ait Apostolus: *Melius est nubere, quam uri.* Maxime, quia hic frequenter recidens teneretur ex jure naturæ nubere, posito quod nolle aliis remediis uti. Dicoes: ergo Subdiaconus vovens castitatem posset nubere, si non posset se continere, cum nubere sit illi melius bonum? Sed respondetur, quod hic ob bonum commune expedit magis votum in suo robore manere, quam ille sic consulat suæ fragilitati. Vid. *Salm. num. 45.* Dicunt autem *Salm.* teneri ad Matrimonium qui nolit, vel non possit alia remedia adhibere. Sed melius dicunt *Laym. l. 4. tract. 4. c. 2. n. 12.* citans SS. Hieronymum, et Ambrosium, ac *Sporer de Voto n. 61. et 62.* quod tenetur ad Matrimonium, qui aliud remedium adhibere nolit, non autem non possit. Nullus enim, qui velit opportunis remediis uti, dici potest, quod non possit ea adhibere; quis ceterum prohibetur uti saltem oratione, qua præcudubio potest omnes concupiscentias superare, ex illo. *Luc. 1. Omnis qui petit accipit?*

210. Quæritur hic, an, si quis nimis pronus ad vovendum voveat non amplius vovere, nisi cum licentia Confessarii; si autem postea voveat, v. gr. jejunium, valeat votum? Respondeo cum *Laym. lib. 4. tract. 4. c. 2. n. 5.* et dico 1. Quod primum votum est quidem validum, cum sit de meliori bono. 2. Quod peccavit ille emitendo secundum votum. 3. Dico, quod, primo voto non obstante, tenetur ad secundum, quod cum habeat objectum bonum satis est validum.

Excipio, nisi ille statuerit nolle futura vota valere, nisi accesserit Confessarii consilium, tunc enim nullum erit secundum votum, modo non retractetur expresse, vel virtualiter, scilicet si memor primi voti secundum emitteret.

Notandum denique, quod qui plura vota impossibilia emitteret, servare deberet illorum dignius, alioquin prius posteriori præfertur. Ita *Laym. eod. loc. cum Trull. et Bus. num. 225. 2.* contra *Sanch.* qui dicit, tunc esse in arbitrio voventis servare quod malit. De juramento autem contra aliud juramentum, vide *dicta supra n. 179.*

DUBIUM IV.

*Quæ, et quantâ obligatio Voti?*

211. *An votum de re levi aliquando graviter obliget?*
212. *Quid si negligas votum de re levi per annum?*
213. *Vide alia apud Busemb.*
214. *An Heres teneatur ad vota defuncti?*
215. *An Pater possit per vota lædere legitimam filiorum?*
216. *De votis de facto alieno.*
217. *An vota possint impleri per alium?*
218. *An peccet impediens impleri conditionem oppositam in suo voto?*
219. *Notanda circa conditiones in votis.*
220. *An transacto die promisso, tenearis ad votum?*
221. *An votum indeterminatum semper obliget? Et quæ dilatio sit mortalis?*
222. *Quid si quis voveat Religionem sine certo loco, vel certa Religione?*
223. *Quid si quis voveat non ludere sub pœna?*
224. *Plura notabilia advertenda circa vota; et præsertim, an teneat votum, si superveniat circumstantia non prævisa?*

211. » **R**esp. Tanta est, quantam tum quantitas materiæ permittit, tum intentio voventis, » qua se vel multum, vel parum, vel absolute, vel cum certa conditione, restrictione temporis, qualitatibus obligare vult, designat: ita » ut, etsi obligatio voti sit juris naturalis, vis » tamen ejus pendeat a voluntate, et facto hominis tanquam prævia conditione, ut tantum,

» vel tantum obliget. Ita commun. Vide Laym.  
 » c. 3. Bon. p. 5.

Unde resolves.

» 1. In materia levi nemo obligatur sub mortali, quia materia id non permittit. \* (*Neque etiam si vellet sub gravi se obligare, Salm. c. 1. num. 106.*) \* Nav. n. 40. Sanch. lib. 4. c. 12. Laym. loc. cit. Verbi gratia, vovisti recitare quotidie *Salve Regina*: omittendo semel, iterumque, non peccas mortaliter, quia materia est parva. Sanch. lib. 4. c. 12. Laym. loc. cit. Azor. lib. 21. cap. 15.

Queritur, an transgressio voti sit mortale, quando tota ejus materia parva est? Affirmant Cajet. Tolet. et Cord. ap. Salm. c. 1. n. 112. eodem modo, quo in juramento promissorio, si quid leve promittitur, peccat graviter (ut isti dicunt), qui illud non implet. Sed tenendum oppositum cum Bus. et Less. lib. 2. cap. 40. n. 56. Sot. Suar. Trull. Bon. Pal. etc. ap. Salm. n. 113. Quia votum est lex particularis, et lex non obligat, nisi juxta materiæ gravitatem. Imo idem dicendum de juramento promissorio, ut Salmantic. n. 114. cum alijs, et diximus supra n. 173.

Hinc inferitur, quod votum vitandi peccatum non obligat, nisi juxta illius gravitatem: puta, si voves vitare mendacium, mentiendo peccas tantum leviter, sed dupliciter contra veracitatem, et contra votum. Salm. num. 115. cum Sanch. Trull. Nav. etc. Nisi tamen vitatio illius peccati ob causas sit res magni momenti, prout mendacium valde indecens esset personæ in dignitate constitutæ: vel nisi per illud peccatum multum quis impediatur a profectio in virtutibus. Salm.



212. » Imo, etsi toto anno omittas, esse tan-  
 » tum veniale, eo quod materiæ istæ parvæ non  
 » coalescant in unam, probabiliter docet *Dian.*  
 » 1. 5. *misc. n. 24. ex Soto, Arag. et Tunn.*  
 » 2. 2. d. 3. *dub. 3. contra Valent. etc.*

Sicut etiam dicunt *Salm. cap. 1. num. 115. cum Vill. etc.* Sed recte hoc intelligendum esse advertunt, quando promissio illarum levium materiarum facta est in honorem diei, sicut censendum est in omnibus votis personalibus, nisi constet de opposito, ut dicunt communiter *Salm. loc. cit. et Croix lib. 3. p. 1. num. 450. cum Sot. Suar. Laym. Dian. Pal. etc.* Nam contra, si levis rei promissio sit facta per modum unius, ita ut dies non assignetur ut terminus, sed ne ultra obligatio differatur, tunc materiæ coalescunt, et possunt pervenire ad mortale. Quare, si voveas dare quotidie parvam eleemosynam, peccas graviter, si quotidie omittas voto facto per modum unius. Ita *Salm. cap. 1. d. n. 115. cum Sanch. Suar. Trull. Leand. etc.* Hinc uolunt, quod circa vota realia, nisi aliud constet, regulariter dies non apponitur ad finiendam, sed ad sollicitandam obligationem, et ideo materiæ coalescunt, ut docent communiter *Salm. num. 131. cum Suar. Pal. Bon. Vasq. et Croix loc. cit. cum aliis, ut supra. V. dicenda num. 220. v. Utrum.*

213. » 2. in materia gravi, etsi quis possit  
 » se obligare tantum leviter, \* ( *Ut fuse probant Salm. c. 1. num. 100. cum Molin. Suar. Pal. Fill. etc. cum communiri, et probabiliori contra Sotum, Pont. Cord. etc.* ) \* communiter tamen censetur voluisse se obligare  
 » graviter, nisi aliunde constet. Unde violans  
 » tale votum peccat graviter ex genere suo. Vi-  
 » de *ibid.*

370 Lib. III. Tr. II. De Sec. Præc. etc.

» 3. Qui postquam gravi voto se obstrinxit,  
» serio deinde dolet, quod fecerit, non peccat  
» graviter, modo retineat animum implendi. V.  
» *Sa, v. votum.*

» 4. Qui violat votum de re jam ante præ-  
» cepta, v. gr., qui post votum castitatis for-  
» nicatur, debet in Confessione addere, quod  
» votum id habeat, aut quod Ordines accepe-  
» rit, si Confessarius nesciat, quia duplex tunc  
» est malitia peccati. *Suar. cap. 6. Less. c. 7.*  
» *Sanch. c. 5. Fill. cap. 2. q. 7. \** ( *ex com-*  
» *muni enim bene valet votum de re alias præ-*  
» *cepta. Salm. c. 1. n. 32. cum S. Th. contr.*  
» *Gers. S. Anton. etc. n. 30. ) \**

» 5. Alieno voto nemo obligatur ex vi illius  
» voti. Unde, si qui Canones videntur indica-  
» re, filium à patre religioni devotum teneri  
» eam profiteri, intelligendi sunt, si filius vo-  
» tum patris semel ratificaverit. *Suar. cap. 9.*  
» *Sanch. Laym. cap. 5. num. 6. \** ( *Salm. c.*  
» *1. n. 118. ) \**

» 6. Cum heres teneatur solvere vota realia  
» defuncti, non tenetur vi voti, sed ex justi-  
» tia: sicut tenetur alia illius debita, legata,  
» etc. solvere. *ibid.*

214. Certe Heres tenetur solvere vota realia  
defuncti, sicut alia debita *ex l. secunda, ff.*  
*de Pollic. et ex c. Lites de Voto.* Ex quo pot-  
est cogi ad solvendum per excommunicationem.  
Hinc talia vota debent satisfieri ante legata, sed  
postea debita justitiæ. *Salm. art. 2. n. 125.*

215. Quæritur hic, an Pater in morte per  
vota possit lædere legitimam filiorum? *Prima*  
*sententia* affirmat cum *Nav. Sylv. Dian. Lop.*  
*Vega, etc. ap. Salm. cap. 1. n. 126.* Sicut  
etiã ( isti dicunt ) potest Pater gravare legiti-  
mam donationibus remuneratoriis. Sed tenendum

oppositum cum *secunda sententia*. Potest enim Pater in vita sua votis moderatis minuire aliquatiter legitimam filiorum, vel ascendentiũ: non tamen in morte, ubi juxta legem de bonis suis disponere debet, et legitima, cum debeatur de jure, nequit gravari debito voluntario, ex *Eccl. 34. Immolantis ex iniquo oblatio est maculata*. Ita *Salm. num. 127. cum Sanch. Laym. Bon. Pal. Trull. etc.*

216. » 7. Eodem modo, si Communitas ali-  
» quid vovit, in quod posteri non consenserunt,  
» non tenentur id servare vi voti; sed interdum  
» ratione pacti, statuti, vel longæ consuetudi-  
nis. Vid. *Laym. hic c. 3.*

» 8. Cum quis vovet factum alterius, sensus  
» est; se curaturum id eo modo, quo licite  
» potest, ut v. gr. rogando, persuadendo, vel  
» etiam præcipiendo, si sit Superior, vel etiam  
» aliquando paciscendo, et suppeditando sum-  
» ptus. Sic parens, qui filium devovit religio-  
» ni, ad nihil aliud tenetur, quam ut conetur  
» eam filio persuadere: sic qui Missas, vel pe-  
» regrinationem alterius curandam vovit, quan-  
» do stipendium, ac sumptus ei persolvit, non  
» tenetur alium substituere novis sumtibus, si  
» prior non præstet, ad quod se obligavit. *San-  
chez, Laym. n. 7.*

117. » 9. Vota personalia non implentur,  
» nisi per voventem; unde qui vovit peregrina-  
» tionem Romam v. gr. non satisfacit, si con-  
» ducat alium; neque ad id tenetur, si ipse  
» non possit. *ibid.*

» 10. Vota realia solvenda sunt ex proprio;  
» unde qui nequit ex suo, non tenetur ab alio  
» mendicare. Quod si possit ex suo, et tamen  
» alius sive rogatus, sive sponte pro ipso velit  
» solvere, id valet; quia tunc quod alter dat,

» fit ipsius : non autem actio alterius personæ  
 » potest fieri alterius, *ibid.*

Immo bene satisfacit voto, aut juramento elemosynæ, qui illam ab alio eo sine præstitam, ipso inscio, postea ratificat, cum noverit, quia tunc jam adimpletur votum cum consensu voventis. Ita *Salm. cap. 1. n. 122. cum Sanch. Bon. Trull. etc.* Et satis probabile videtur; sicut enim tali modo bene satisfaceret promissioni alteri homini factæ, sic etiam satisficit promissioni factæ Deo.

218. » 11. Vota conditionalia non obligant,  
 » cessante conditione, etiamsi ipse vovens causa  
 » fuerit, ut conditio non poneretur; dummodo  
 » id non impediverit per dolum, vim, aut ma-  
 » litiam : ut v. gr., vovisti peregrinationem,  
 » si eam Petrus approbet; deinde submittis,  
 » qui persuadeat, ut non approbet: illo igitur  
 » non approbante, non teneris. Imo, etsi ma-  
 » litiose per fraudem, dolum etc. impediveris,  
 » adhuc probabile est, te voto non teneri, ut  
 » habet *Laym. cap. 8. ex Suar. et aliis.* \* (*Et*  
 » *hæc est probabilior ex Salm. n. 173. cum*  
 » *Pal. Fill. etc. contra Azor. Bonac. etc. Quia*  
 » *jam non impletur conditio, licet per culpam*  
 » *voventis* ) \*. Interim, *Laym.* recte hic adver-  
 » tendum monet ad intentionem voventis : ut  
 » v. gr. si filius vovet se ingressurum religio-  
 » nem, nisi pater contradixerit, videtur ejus  
 » intentio fuisse nisi contradixerit ex se, sua  
 » sponte, sibi relictus, etc.

At si dolose impediās, peccas: Vovisti v. gr. Religionem, si Pater approbet: si tu precibus, vel rationibus impedis consensum Patris, non peccas; secus, si impediās vi, vel fraude. Item vovisti castitatem, si Deus per annum te liberet a mortali: si tu ex fragilitate cadis, non pec-

cas respectu voti. Secus si studiosè peccas, ut solvaris a voto. Et sic de ceteris. *Salm. cap. 1. num. 171. cum Laym. Palau, Sanchez etc.*

Quoad conditiones autem votorum notandum

1. Quod omnes conditiones turpes, aut impossibiles vota reddunt nulla. *Salm. cap. 1. num. 165.* Notandum 2. quod ad obligationem voti non sufficit, ut conditio impleatur æquivalenter, sed debet impleri specificè: v. gr. vovisti Religionem, si soror tua nupserit; non sufficit, si illa moriatur. *Salm. ib. n. 169.*

220. » 12. Qui vovit rem certam, et determinatam, v. gr. hunc calicem, si ea res pereat, non tenetur ad alium, cum id non soleat intendi: si autem eam rem vendiderit, probabilius videtur esse, temperari dare pecuniam, quam accepit: quia qui vovet rem, censetur promittere omnem ejus utilitatem.

» 13. Qui vovit aliquid faciendum certo tempore, ut jejunare hoc vel isto die, illo transacto, sive cum culpa, sive sine culpa ejus, ad nihil tenetur, et neque, si præviderit impedimentum eo tempore superventurum, tenebatur prævenire, cum hæc non soleat intentio voventis esse. *Suar. Nav. lib. 1. Vid. Bon. p. 5.*

Sed eadem regula, quam diximus *supra n. 212.* currit hic, ex communi cum *Salm. c. 2. num. 120. et 130.* Ad nihil enim teneris, transacto die, si dies appositus est ad finiendam obligationem, ut censendum est in votis personalibus, nisi constet de opposito, ut communissime dicunt *Croix lib. 3. p. 1. n. 450. cum Sot. Pal. Laym. Dian. etc. Salm. cap. 1. infra n. 115. V. Infertur 1. cum Trull. Suar. Sanch. etc.* Secus si diem apposuisti tantum ad sollici-

tandam impletionem; sicut e converso judicandum est regulariter in votis realibus; præcise, si ille dies nullam habeat magis specialem rationem, quam alii, ut *Salm. ib. num. 133. cum Suar. Pal. Bon. etc. ac Croix loc. cit. cum aliis, ut supra.*

Utrum autem in dubio, an dies sit appositus ad finiendam, vel ad sollicitandam voti executionem, tenearis ad votum pro diebus transactis? Negat *Dian. p. 3. tract. 5. R. 26*, quia, ut ait, vota in dubio non obligant, cum stricte sint interpretanda, ex regula communiter tradita a DD. cum *Cajet. Laym. etc.* Affirmant vero generaliter loquendo *Spor. de 2. Præc. num. 109. et Salm. cap. 1. n. 132. cum S. Thom. Sanch. Pal. Tull. Azor. et Bon.* Rationem dant *Salm.* quia, cum votum sit certum, et dubitetur tantum de circumstantia excusante, possessio stat pro voto. Sed hæc ratio non convincit, posset enim ei responderi, quod hic dubitatur de circumstantia, quæ afficit substantiam voti, et ideo votum ipsum redderet dubium, juxta dicta *num. 198.* Hinc mihi rectius distinguendum videtur, et dicendum, quod in votis personalibus in dubio non teneris satisfacere pro diebus transactis; Secus autem in votis realibus. Ratio quia ex una parte regula firma est, quod pro eo stat possessio, pro quo stat præsumptio, ut docent DD. communiter cum *Busem.* (vide *lib. 1. n. 74. v. Porro*) *Croix l. 1. num. 509. Sanchez. Dec. lib. 1. cap. 10. num. 13. cum Sot. Mol. Arag. et Menoch.* Ex altera parte communissima est sententia, quod nisi de opposito constet, ut supra prænotatum est, in votis realibus dies præsumitur appositus tantum ad sollicitandam obligationem, ut *Salm. cap. 1. num. 131. cum Suar. Sanch. Vasq. Pal. Bon. Prado, et Croix l. 3. p. 1. num.*

450. *cum Laym. Sot. et Dian.* Nisi tamen votum habuisset specialem connexionem ad diem; puta si voluisses dare eleemosynam in hebdomada Jubilæi, vel in Sabbatis per annum, quia v. gr. in anno illo gratiam receperis, ut *Spor. n. 106. et Salm. n. 129. cum aliis.* Secus, si dies nullam connexionem habuisset cum voto, nempe si vovisses dare eleemosynam in Sabbatis per annum, nulla habita ratione speciali illius anni, ut recte ait *Spor. n. 106. in fine.* In votis contra personalibus præsumitur dies appositus ad finiendam obligationem, ut dicunt *Salm. cap. 1. n. 115. et Croix loc. cit. cum aliis, ut supra allatis.* Hinc in votis realibus, quia præsumptio est pro voto, pro ipso est etiam possessio, et ideo implendum etiam pro diebus transactis. Secus vero dicendum in votis personalibus, in quibus præsumptio est in oppositum, et sic *Salm.* sunt intelligendi, dum ipsi *dict. c. 1. n. 115.* ut certum asserunt, quod in votis personalibus præsumitur dies appositus ad obligationem extinguendam.

221. » 14. Qui vovit aliquid sine certo tempore, verbi gratia, peregrinationem, tantum » tenetur implere, cum commodè primum » test: quia sic moraliter quisque censetur » intelligere suam promissionem, ut habita com- » moditate non nimis diu differat, quamvis mi- » nor causa sufficit ad differendum, quam ad » omittendum. *Fill. cap. 4. q. 10. Suar. Laym. » c. 3. Bonac. etc.*

Votum indeterminatum quoad tempus, v. gr. de Rosario diurno, jejunio in Sabbatis, obligat perpetuo; nisi aliud colligatur ex circumstantiis. *Salm. c. 1. n. 140. communiter.* Si dubium tamen sit, an votum fuerit pro anno, vel mense; non teneris, nisi ad minus. *Salm. n. 146.*

376 Lib. III. Tr. II. De Sec. Præc. etc.  
*cum Sanch. Trull. Suar. Bon. etc. ex c. 18.  
de Censib.*

Quæritur, an faciens votum pro tempore indetermi-  
nato, peccet mortaliter, si diu differat  
implere? Certum est, quod si votum est in per-  
petuum obsequium Dei, puta ingrediendi Reli-  
gionem, Xenodochio inserviendi, et similia, pec-  
cat lethaliter qui diu differt; si adsit opportu-  
nitas implendi, et non excuset rationabilis cau-  
sa. Dicunt autem *Arnüll. Rodriq. et Ledesm.  
apud Salm. de Statu Relig. tract. 15. cap. 2.  
n. 32.* differre votum Religionis per duos vel  
tres annos, non esse mortale; Sed hæc opinio  
merito videtur laxa aliis, ut *Sporer de 2. Præ-  
cept. num. 117. Salm. loc. cit. Sanch. Dec. l.  
4. c. 14. num. 22.* Alii vero, ut *Sanch. loc.  
cit. et Croix cum Pal.* universaliter loquendo,  
dicunt esse mortale differre per sex menses, et  
his adhærent *Salm. dict. num. 32. cum Trull.  
et Garcia*, putantes mortalem fore dilationem  
ultra sex menses. Consentit etiam *Sporer* si vo-  
vens excedat ætatem 40. annorum; censet tamen  
*Tamb.* excusari a mortali juvenem 15. vel 16.  
annorum, qui differt per tres vel quatuor an-  
nos: quia (ut dicunt) hoc tempus videtur par-  
va materia respectu ad servitium totius viæ:  
Sed huic omnino non acquiesco, nisi adsit justa  
causa dilationis. Justæ autem causæ differendi  
sunt, si vovens speret dilatione Parentes emol-  
liendos. Item si obstet gravis necessitas spiritua-  
lis, aut corporalis sororum vel fratrum. Ita  
*Croix lib. 3. p. 1. n. 446. cum Pal. et Gob.  
Bonac. de Voto q. 2. p. 5. num. 3. cum Arag.  
et Tabien. Sanch. dict. lib. 4. cap. 14. n. 5.  
et 6. et Salm. d. c. 2. n. 32. cum Suar. Mach.  
Pell. Trull. ac Garcia.* Bene tamen advertunt  
*Spor.*, et *Salm.* in his casibus sedulo cavén-



dum, ne dilatio sit nimia; aut periculum adsit votum nunquam implendi; quod periculum non raro deest in votis Religionis, pro quorum executione Dæmones innumera excitant dissidia, et impedimenta.

Si autem votum sit in obsequium temporale, scilicet tot jejuniorum, peregrinationum, etc. censet probabile *Spor. de 2. Præc. n. 11. cum Tamb.* quamcumque dilationem non pertingere ad mortale. Et laet *Sanch. dict. lib. 4. cap. 14. n. 21.* referens *S. Antonin.* qui dicit illam esse moram mortalem, quando fit dilatio per longa tempora, et ex ipsa dilatione est periculum oblivionis, vel impotentiae implendi. Sed verius dicendum peccare mortaliter, qui sine justa causa notabiliter votum differt implere, nempe ultra duos vel tres annos, ut recte sentiunt *Croix lib. 3. p. 1. n. 44. et Salm. de Statu Rel. c. 1. n. 32. cum Pal. Trull. et Garcia.* Putat autem *Croix, cum Diana*, quod si vovisti singulis mensibus confiteri, posses ex causa differre per duos vel tres dies ultra mensem.

222. n. 15. Qui vovit aliquid sine certo loco, » v. gr. ingredi religionem *S. Benedicti*, satis » facit intrando quodcunque Monasterium illius » Ordinis, in quo seryentur substantialia regu- » læ. Neque tenetur pro admissione peragrarè » provinciam, sed satis est adire loca aliquot » non nimis dissita. Et satisfacit voto, si post- » quam ingressus est, remittatur, aut egredia- » tur (saltem cum justa causa, qualis est v. » gr. gravis ac diuturna tristitia, et anxietas, » sive ex natura ipsa, sive aliunde nata: *Escob. » ex Sanch. t. 1. lib. 4. cap. 16. n. 100.*) » ante professionem. Vid. *Trullench. lib. 2. cap. 2. d. 20. num. 7. et 8. \* (Et vide lib. 4. ex » num. 72.) \**

378. Lib. III. Tr. II. De Sec. Præc. etc.

» 16. Qui vovit aliquid sine certa qualitate,  
 » v. gr. religionem in genere, potest ingredi  
 » quamcumque, etiam laxiorem, modo serventur  
 » essentialia, et sit approbata. Similiter, si quis  
 » vovit triticum, etc. non tenetur dare opti-  
 » mum, quod habet, sed satis est (loquendo  
 » de obligatione præcise) ut det, quod non sit  
 » plane ineptum \* (*idem Salm. c. 1. n. 140.*  
 » cum *Laym. Suar. Bonac. etc.* Qui vovet dare  
 » Calicem, ædificare Ecclesiam, debet implere  
 » juxta usum communem.

» 17. Qui vovit aliquid sine certa quantitate,  
 » v. gr. eleemosynam, pecuniam, frumentum,  
 » etc. satisfacit dando quantum voluerit \* (*Salm.*  
 » *ibid. cum cit. DD.*) \*, modo non tam pa-  
 » rum, ut videatur potius irridere suum votum,  
 » quam implere. Ratio horum omnium petitur  
 » ex intentione voventis, qua nemo censetur se  
 » obligare, nisi ad id quod commode potest,  
 » et communiter est decens. *Suar. Sanch. lib.*  
 » *4. cap. 13.*

» 18. In dubio de mente voventis, debet fieri  
 » interpretatio secundum verborum, quibus usus  
 » est, proprietatem, vel potius communem, et  
 » usitatam acceptionem. *Fill. tom. 26. cap. 2.*  
 » *Laym. cap. 3. \** (*Salm. ex n. 134.*) \*.

223. » 19. Qui vovit, si ludat chartis, dare  
 » decem imperiales, tenetur secundum *Sanch.*  
 » dare toties decem, quoties ludit, quia poena  
 » est actui accessoria. Videtur tamen negare *Laym.*  
 » *lib. 4. tract. 4. cap. 5. n. 4.* Vid. *Trull.*  
 » *Dian. p. 5. t. 9. R. 60.*

Bene distinguunt *Salm. cap. 1. n. 177.* Si vo-  
 » tum fuit simplex de solvenda poena, si luserit,  
 » tunc sufficit solvere poenam pro prima vice cum  
 » *Sanch. Bon. Sa, Dian.* Et satis probabile vo-  
 » cat *Laym. et Pal.* Secus si votum fuit duplex,

scilicet de non ludendo, et de pœna solvenda: Tunc quoties transgreditur votum, solvenda est pœna, nisi hæc sit gravissima, ut peregrinatio, elargitio magnæ eleemosynæ, quæ non soleat communiter repeti. Ita *Salm. ibid. cum Laym. Pal. Trull. Dian. etc.*

Hic advertendum, quod in tali voto pœnali duplici, si relaxetur primum, relaxatur etiam secundum, prout primi accessorium. *Salmant. cap. 1. num. 176. cum Pal. Laym. Sanch. etc.* Notandum deinde, quod qui invincibiliter ignorat, sive obliviscitur votum principale, aut votum de pœna, ad eam non tenetur. V. *Salm. ibid. n. 175. et 177.*

224. Plura ultimo hic pariter sunt notanda, et I. quod vota semper sunt interpretanda juxta benigniorem partem. *Salm. cap. 1. n. 148. cum Laym. Caj. et aliis communiter.* Notandum II. quod fractiones votorum sunt ejusdem speciei: hinc, si quis habens votum castitatis fornicetur, potest seorsim fractionem voti confiteri. *Salmant. cap. 1. n. 101.* Sed quid, si quis voveat jejunium ex speciali motivo temperantiæ? *Val. Sanchez, Bon. etc. apud Salm. n. 102.* probabiliter tenent committere duo peccata jejunium frangendo. Ita pariter conjugem voventem castitatem, ex motivo amoris ad castitatem, si petat debitum, dicunt committere duo peccata. Sed probabilius tenendum cum *Salm. et Caj. Trull. Suar. et Prad.* tales committere unum mortale contra votum, quia ex voto obligationem tantum fidelitatis erga Deum sibi imponunt, non aliam. Notandum III. quod si quis voveat disjunctive rem bonam, vel malam, aut vanam, aut impossibilem, votum nullum est, *Salm. c. 1. n. 141.* Si vero utraque pars est materia apta,

illa, quæ eligitur, præstanda est, etiamsi post electionem altera pars pereat, seu impossibilis reddatur. E converso, si pereat una pars, aut impossibilis reddatur ante electionem, non tene- ris ad alteram, nisi tua culpa res pereat, aut fueris in mora eam tradendi, aut determinandi. Ita *Salm. dict. n. 141. et 142. cum Sanch. Pal. Mol. etc.*

Quæritur hic, an unam partem jam electam possit vovens cum altera commutare? Negant probabiliter *Pal. et Sanch. cum aliis ap. Salm. de Voto cap. 3. n. 107.* Unde, si electa sit pars, cujus materia sit reservata, ut castitas, etc. requiritur dispensatio Papalis. Affirmant ta- men *Leand. et Tamb. cum pluribus apud ipsum,* et non minus probabile merito vocant *Salm. ibid.* Ratio, quia, non obstante electione facta, votum adhuc remanet disjunctivum, nec per determinationem peractam vovens se privavit li- bertate alteram eligendi partem.

Qui vovet per mensem audire Sacrum, pro- babiliter non tenetur in Festis audire duo: Si- cut probabile etiam est hoc, si imponatur a Confessario pro poenitentia. *Salm. c. 1. n. 136. cum Pal. Tamb. Suar. Trull. etc. Spor. de 2. Præc. c. 2. n. 96. ac Croix de Poenit. n. 281.*

Qui vovet Rosarium, satisfacit recitando ter- tiam partem, quia communiter sic intelligitur. *Salm. c. 1. n. 136. cum Pal. Tamb. Prad. etc.* Et satisfacit recitando alternatim, quia tale vo- tum obligat instar Officii Divini. *Salm. ibid. cum Trull. Tamb. Dian. Leand. etc.* Et etiam satisfacit dividendo Decades, *ibid. cum Sanch. Trull. Bon. etc.*

Qui vovet jejunium, potest comedere lactici- nia, ut *Salm. cap. 1. n. 137. cum Sanch. et Pal.* Si vovet jejunium per mensem, non tene-

tur in Dominica ; vel si vovet in vigilia alicujus Sancti , quæ veniat in Dominica , potest anticipare jejunium in Sabbato , *ibid. cum Bonac. Trull. Dian. etc.* Si vovens jejunium comedit carnes , non tenetur ad jejunium : ad differentiam jejunii præcepti ab Ecclesia , quæ duplici præcepto imponit et jejunium , et abstinentiam a carnibus , juxta *Salm. ibid. cum Sanch. Azor. Sylva. etc.* et prout declaravit regnans Pontifex Bened. XIV. vide *lib. 4. n. 992.* An vovens jejunium singulis Sabbatis teneatur ad votum , si in Sabbato cadat Natalis Domini ? Probabiliter negant *Molin. Azor. Pag. Dian. Rodr. Vill. apud Salm. c. 1. n. 138.* et probabilem vocant *Bon. de Voto p. 6. n. 9. et Tamb. de Voto §. 6. n. 13.* Nisi expresse intenderit adhuc eo die se velle obligare , quia tunc proculdubio tenetur. Affirmant tamen *Salm.* ut probabilis *n. 139. cum Suar. Sanch. Vasq.* Vide mox dicenda *n. 226.*

Si quis immemor voti , vel poenitentiae injunctæ , etc. præstet opus debitum , bene satisfacit per voluntatem generalem , quam quisque censetur habere satisfaciendi prius obligationibus , ita *Sporer tract. 1. de Consc. num. 50. Sanch. Dec. lib. 1. cap. 14. num. 15. Less. lib. 2. cap. 37. num. 11. Laym. lib. 4. tract. 2. cap. 11. num. 9.* Si quis autem est certus de voto , sed habet probabilem rationem quod illi satisfecerit , dicunt plures AA. voventem ad nihil teneri. Sed huic opinioni jam diximus *tract. de Consc.* non esse adhærendum , quia obligatio voti certi sola probabili satisfactione nequaquam impletur.

DUBIUM V.

*Quot modis tollatur obligatio Voti?*

225. *Tollitur obligatio voti. 1. Per materiæ mutationem. 2. Per auctoritatem humanam. Vide resolutiones.*  
 226. *An sit obligatio implendi votum, si superveniat circumstantia non prævisa? (Quid vero de votis simplicibus castitatis, et Religionis, et quid de solennibus? Vid. lib. 4. num. 50.).*

225. » **R**esp. Dupliciter tolli potest, 1. Nul-  
 » lius auctoritate interveniente: idque vel ma-  
 » teriæ mutatione; ut si materia ante hone-  
 » sta fiat turpis, indifferens, vel impeditiva ma-  
 » joris boni ratione novæ circumstantiæ, vel  
 » prohibitionis: vel fiat impossibilis absolute,  
 » aut moraliter, vel desitione conditionis, a  
 » qua pendebat. 2. Interventu auctoritatis hu-  
 » manæ: idque tripliciter, irritatione, com-  
 » mutatione, vel dispensatione, de quibus se-  
 » quentibus dubiis. Est communis, *Sanch. lib.*  
 » *4. cap. 24. Less. 2. lib. 2. cap. 24. Suar.*  
 » *Fill. t. 26. cap. 8.*

*Unde resolves.*

- » 1. Etsi tua culpa materia facta sit impos-  
 » sibilis, inutilis, etc. tamen, postquam jam  
 » talis facta est, cessat obligatio, et sufficit  
 » poenitere de culpa.  
 » 2. Si concurrat obligatio duorum votorum  
 » impossibile, implendum est id, quod

» est præstantius, et Deo gratus, et alterum  
 » cessat. Quod si vero sit æquale, aut nescias  
 » utrum sit melius, implendum est quod prius  
 » vovisti, et ruit posterius; si et hoc nescis,  
 » libera est electio. Vid. *Trull. lib. 2. cap. 2.*  
 » *dub. 9.*

» 3. Si materia voti fiat impossibilis quoad  
 » partem tantum, tunc si commode talis ma-  
 » teria dividi non potest, aut non solet, ad  
 » nihilum teneris: v. g. vovisti ædificare tem-  
 » plum, si totum non potes non teneris ad  
 » partem.

» 4. Si vero dividi commode potest, et so-  
 » let, manet obligatio ad illam partem, quam  
 » potest, ut v. gr. 1. Qui non potest jejunare  
 » tota hebdomada, potest autem aliquot die-  
 » bus, ad hoc tenetur. 2. Qui matrimonium con-  
 » traxit, et consumavit post votum castitatis,  
 » tenetur non petere debitum: cum eatenus vo-  
 » tum adhuc sit possibile (reddere enim de-  
 » bet). Vide *Bon. p. 7. §. 1.*

» 5. Quod si votum dividi quidem possit,  
 » sed unum in eo sit principale, reliqua vero  
 » accessoria tantum, non per se seorsim intenta;  
 » sed dependenter a priori, tamquam illius ap-  
 » pendices, et modi; tunc, si principale fiat  
 » impossibile, ruit etiam obligatio accessorii,  
 » non autem contra: ut v. gr. vovisti peregrin-  
 » nationem Romam in cilicio, et ibi certi ali-  
 » quid offerre; si peregrinatio impossibilis fiat,  
 » non teneris cilicium ferre, et oblationem mit-  
 » tere. Vide *Sanch. lib. 4. c. 10. Bon. d. 4.*  
 » *c. 2. p. 4. §. 4. Trull. lib. 2. c. 1. d. 10.*

226. Hic quæritur, an sit obligatio imple-  
 di votum, si notabilis circumstantia superveniat,  
 qua prævisa, quis votum non emisisset? Est  
 communis sententia apud *Salm. in tract. de*

*Juram. c. 3. n. 26. cum Sanch. Pal. Trull. etc.* (Vide dicta n. 187. v. *Sed dubium*); quod in omni promissione, prout est etiam votum, mutatio materiæ de se notabilis obligationem aufert. Ratio, quia per mutationem res fit diversa, quam promissa. Sed quid si nova circumstantia accidat non prævisa, puta si quis vovisset jejunare omnibus feriis sextis, an teneretur ad jejunium in die Nativitatis Christi Domini, quem diem exclusisset, si previdisset? Affirmant *Salm. de 3. Præc. c. 2. n. 104. cum Nav. Vasq. Sylv. aliisque cum Sanch. Dec. lib. 4. c. 11. n. 61.* (Sed notandum, quod *Sanchez.* hoc loco loquitur de præciso casu jejunii, quia censet circumstantiam Festi non efficere notabilem mutationem: Verum circa nostrum quæsitum oppositam tenet sententiam, ut infra). Ratio, ut dicunt, quia ad eximendum voventem ab obligatione voti, non est attendendum ad id quod ipse promisisset, si meminisset sed potius ad id quod actu promisit. Et probant ex c. *Explicari de Obs. Jejun.* ubi Honorius III. dixit: *Qui nec voto, nec regulari observantiæ sunt adstricti, in feria sexta, si festum Nativitatis Dominicæ die ipso venire contigerit, carnibus propter festi excellentiam vesci possunt secundum consuetudinem Ecclesiæ generalis.* Negant vero teneri ad votum *Molin. tom. 2. de just. disp. 272. Azor. 1. p. lib. 11. c. 2. q. 3. item Fagund. Dian. et alii apud Salm. loc. cit. de 3. Præc. num. 103.* loquendo de prædicto casu jejunii (de quo vide etiam dicta num. 224. circa fin.) et loquendo generice de omni nova circumstantia notabili superveniente, tenent *S. Anton. Nav. Sylv. Henr. etc. in tract. ut supra de juram. cap. 3. n. 21.* Et hanc sententiam expresse tenent *D. Th. in 4. dist.*



38. q. 1. art. 3. q. 1. ad 1. ubi sic docet :  
*Id liberare a voti vel juramenti obligatione ,*  
*quod si a principio notum fuisset , ea fieri im-*  
*pediret.* Ratio , quia tunc intentio se obligandi  
 vel deficit , vel sic interpretatur. Et hanc sen-  
 tentiæ dicunt *ibid.* n. 22. non posse denegari  
 probabilitatem ; Imo ipsimet *Salm. c. 1. num.*  
*152.* censent illam esse notabilem mutationem ,  
 quæ si a principio fuisset cognita , quis non se  
 obligasset ? Hæc secunda sententia mihi videtur  
 non minus probabilis , imo forte probabilior ,  
 quam prima. Ratio generalis , quia , superve-  
 niente circumstantia non prævisa , qua votum  
 onerosius redditur , materia voti fit diversa , quam  
 promissa. Et sic respondetur ad rationem oppo-  
 sitam , quia vovens teneretur ad plus quam pro-  
 misit. Respondetur autem ad definitionem Hono-  
 rii III. ut supra , quod ibi Pontifex non expli-  
 cat an circumstantia diei Nativitatis Domini fue-  
 rit , vel non prævisa ; quare textus explicari po-  
 test ( sicut intelligit *Azorius loc. cit.* ) de iis ,  
 qui expresse voverint servare jejunium etiam in  
 die Natalis , quo casu certe tenentur ad votum ,  
 ut diximus *supra num. 224. circa fin.*

## DUBIUM VI.

*De Voti irritatione*

## ARTICULUS I.

*An, et quomodo tollatur obligatio Voti per directam Irritationem?*

227. *Quis possit vota irritare?*  
 228. *An liceat irritare vota sine causa?*  
 229. *Quæ vota filiorum possint irritare Pater, Avus, Tutor, etc.*  
 230. *Quæ possit irritare Mater?*  
 231. *An vota subditorum valeant donec irritentur?*  
 232. *Quid si quis per errorem æstimabatur Pater, Maritus, etc.?*  
 233. *Quis possit irritare vota Religiosorum, et Monialium? An Abbatisa?*  
 234. *An vir possit irritare omnia vota uxoris?*  
 235. *An uxor vota viri?*  
 236. *Quid si mutuo consensu voveant castitatem?*  
 237. *An Superior possit irritare vota facta ante subjectionem? Quid si dubium sit, an sint emissa ante vel post subjectionem?*  
 238. *An autem vota facta tempore subjectionis possint post illud irritari?*  
 239. *Quid si Superior ea ratificaverit?*  
 240. *Quæ vota servorum, aut famulorum possint a Domino irritari?*

227. » **R**esp. Cum non debeat violari cujusquam dominium, ac quilibet dominus possit uti sua libertate, hinc si potestatis dominative

» alterius sit subjecta alicujus voluntas , potest  
 » is subditi istius omnia vota , qualiacunque  
 » sint , ad suum libitum , sine ulla causa vali-  
 » de irritare directe ; hoc est , potest velle , et  
 » pronuntiare , ut illa vota nulla sint , ita ut  
 » nullo etiam casu obligatio postea reviviscat  
 » ( etsi peccent , si absque causa irritent , ut  
 » docent *Less. lib. 2. cap. 40. n. 75. Navar.*  
 » *Suar. Fill.* ). Porro hoc jus provenit ex jure  
 » positivo , quo datur alicui legitima potestas  
 » dominativa in voluntatem alterius. Ita com-  
 » munitur DD. Vid. *Sanch. l. 4. c. 24. n. 30.*  
 » et 31. \* ( *Sed provenit etiam ex jure natu-*  
 » *rali , ut Salm. c. 3. n. 27. cum S. Th. 2.*  
 » *2. q. 185. art. 5.* ) \*.

228. Quæritur , an liceat irritare vota sine  
 causa ? Certum est pro valore irritationis nullam  
 causam requiri : Et commune est , quod non sit  
 mortale , ut *Salm. de Vot. c. 3. num. 29.* et  
*Less. l. 2. c. 40. n. 69.* cui videtur id certum  
 cum *Palud. Sylv. et Aug.* Dubium est , an sit  
 veniale ? *Prima sententia* affirmat cum *Bus. Less.*  
*etc.* quia dissonum est Superiorem sine causa uti  
 hac potestate. Sed de se loquendo verius est nul-  
 lum esse peccatum , quia vota subditorum sub  
 hac conditione consensus Superiorum emittuntur ,  
 unde obedientia sufficit pro causa. Ita *Salm. n.*  
*30. cum S. Anton. Cajet. Sylv. Azor. Tambur.*  
*etc.* Dixi de se loquendo , quia difficulter aliun-  
 de poterit excusari a veniali , vel quia facit actum  
 otiosum , vel quia irrationabiliter profectum al-  
 terius impedit , ut recte ait *Less. loc. cit. n. 70.*  
 Sufficit vero quævis causa rationalis ad excu-  
 sandum a veniali , ut *Elbel num. 254. ac alii.*  
 Et idem tenent *Spor. de 2. Præc. n. 34. cum*  
*Sot. Val. Med. etc.* communius non peccare gra-  
 viter Superiorem , qui dederit permissive licen-

388 Lib. III. Tr. II. De Sec. Præc. etc.

tiam, et postea revocaverit; Imo probabile putat ne veniale quidem esse, nisi promiserit non revocare. Valida est autem irritatio omnium votorum in genere, etiam futurorum, ac etiam renuente subdito. *Salm. cum Pal. etc. num. 34. et 35.*

*Unde resolves.*

» 1. Quivis pater, et in ejus defectu avus  
» paternus, tutor, imo etiam mater, non tan-  
» tum si nutrix sit, sed etiam in priorum de-  
» fectu, et secundum quosdam, reliquis defi-  
» cientibus, etiam magister, vel herus, ut  
» *Suar. Less. d. 10. num. 78. contra Sanch.*,  
» potest directe irritare vota liberorum impube-  
» rum, ut colligitur ex *c. Mulier 32. q. 2. c.*  
» *1. et 22. q. 1. etc. Si quis de reg. Impuber-*  
» *tas autem secundum jura finitur in masculis*  
» *anno decimo quarto completo: in feminis,*  
» *duodecimo completo, a die nativitatis compu-*  
» *tando, ut Sanch. loc. cit. Laym. t. 4. c. 7.*  
» *n. 10. Bonac. disp. 4. q. 2. p. 6. §. 2.*

229. Clarius singula explicanda. Pater, sive Avus paternus in ejus defectu, potest irritare quæcumque impuberum vota, sive personalia, sive realia; adhuc castitatis, et Religionis, etiamsi filius sit doli capax, et etiamsi votum sit de peculio castrensi, vel quasi, ut *Salm. c. 3. n. 45. ex S. Th. 2. 2. q. 88. art. 9. cum Caj. et Sanch. Suar. Trull. Laym. Less. Pal. etc. ex cap. 1. 20. q. 1. et 2.* Et ratio est, ut ait *Sanch. lib. 4. c. 18. n. 5.* quia in tali ætate deficit perfecta deliberatio ad tantam obligationem; Quare ad talem defectum natura prospexit, præbendo parentibus facultatem talia vota irritandi. In dubio autem, an votum sit emis-

sum ante vel post pubertatem, adhuc potest Pater irritare, quia possidet sua potestas. Ita *Sanch. Dian. Mich. cum Elbel n. 251.* Qui recte idem ait dicendum in dubio, an filius post pubertatem votum ratificaverit. Filiorum autem puberum non possunt parentes irritare vota personalia, puta castitatis, frequentiae Sacramentorum, etc. nisi præjudicent domesticæ gubernationi, prout vota longæ abstinentiæ, peregrinationis, jejunii incompatibilis cum modo familiæ, etc. Ita *Salm. num. 46. cum S. Th. Less. Pal. Sylv. Tamb. Pal. etc.* Bene autem possunt irritare (indirecte tamen, ut *Busemb. cum Laym. Art. seq. n. 242.*) vota realia puberum in minori ætate, quia in ea carent ipsi administratione bonorum. *Salm. ibid. 47. cum S. Th. Sanch. Trull. etc.* Excipe, si votum sit de peculio castrensi, vel quasi; vel si filius exierit a patria potestate. *Salmant. n. 48.* Item votum eundi Romani pro absolutione excommunicationis, ex *c. Relatum. de Sent. excomm.* Facultatem autem, quam habet Pater erga filios legitimos, eandem habet erga illegitimos, ut *Sanch. lib. 4. c. 35. n. 82. cum Pal. et Tamb. et est commune apud Salm. dict. c. 3. n. 33. infra.* Notandum hic, quod dictum est de Patre, dici etiam de Tutore respectu pupilli, et de Curatore respectu minoris. Et, si sint plures Tutores, vel Curatores, quilibet eandem potestatem habet. *Salm. c. 3. n. 49. cum Suar. Sanch. Bon. Trull.*

230. Quæstio est, an mater possit irritare vota filiorum? Si mater sit designata nutrix, aut curatrix, certe potest, quod tutores, et ceteri ut supra possunt. Sed quid, si non sit ut talis designata, et filius careat patre, vel avo paterno? *Sanch. Suar. Pal. etc. apud Salm. c. 3.*

n. 50. putant tunc filium esse sui juris : Sed oppositum dicunt esse probabile , scilicet quod in eo casu incumbit matri esse curatricem , ut probabilius tenent *Salm. ib. cum. Tamb. Prad. Leand.* quia rationabile est , ut mater vel avia minori provideat ; Et ideo bene potest eorum vota ut curatrix irritare.

Sed magis dubitatur , an mater , præsentē patre , vel tutore , possit filiorum vota irritare ? Est duplex sententia probabilis. *Prima* negat , et dicit , quod , solum deficiente patre , et tutore , potest mater irritare vota impuberum , et deficiente matre , idem potest avus , et avia ex parte matris. Ita *Suar. Sanch. Tamb. Laym. Pal. Trull. Bon. etc. apud Salm. cap. 4. n. 51. Secunda* non minus probabilis , ut merito ajunt *Salm. n. 52.* ( quam tenent *Prad. et Philarch. ac Rone. de Voto c. 5. q. 3. R. 3.* ) asserit matrem , etiam præsentē patre , vel tutore , posse irritare vota omnia impuberum , etiam castitatis , et Religionis ; et etiam vota personalia puberum , quæ præjudicant gubernationi domus ; non vero realia , quorum administratio pertinet ad patrem , vel curatorem. Ratio , quia talis potestas , licet non civiliter , naturaliter tamen etiam est in matre , cui filii tenentur obedire , etsi cum subordinatione ad patrem ; ita ut potest pater irritare vota filiorum , contradicente matre : sed non sic mater , contradicente patre. Et probatur ex *S. Th. Op. 17. c. 13. art. 10.* qui parentibus indistincte præbet facultatem irritandi vota filiorum.

231. Quæritur ultra , an vota filiorum , et aliorum subditorum , velut Religiosorum , uxorum , etc. ut infra , donec irritentur , sint valida in iis quæ Superiorum mandatis , aut jurisdictioni non præjudicant ? Negat *prima sen-*

lencia, et proinde ea non indigere dicit relaxatione, si sine consensu Superiorum sint emissa; quia tales subditi carent usu voluntatis, cujus dominium est penes Superiores. Ita *Val. Angel. March. Ricc. Rosell. et alii*; et probabilem vocant *Leand. Torres, et Peyr. ap. Salm. c. 1. n. 178.* Et sibi favere ajunt *S. Th. 2. 2. q. 88. art. 8. ad 3.* qui sic dicit: *Nullum votum Religiosi est firmum sine consensu Prælati.* Et idem dicit de voto uxoris, etc. *Secunda* tamen sententia probabilior, quam omnino tenendam dicunt *Salm. ibid. n. 183. cum Caj. Nav. Tam. Pal. Trull. Fill. Azor. Sanch. Suar. et aliis pluribus*; affirmat valida esse talia vota, sive sint realia, sive personalia, nisi irritentur; quia subditi revera non carent voluntate, sed eam subicere debent voluntati Superiorum, si contradicant. Et sic intelligendus est *S. Th.* qui loco citato nihil aliud docet, quam tale votum non esse firmum; quia, ut dicit *in resp. ad 1. et 4.* *In eorum voto intelligitur debita conditio, si suis Superioribus placuerit, vel non renitentur.* Quare sufficit, quod illi non renitentur, ut impleatur conditio voti, et votum sit firmum.

232. Quæritur denique hic, utrum, si per errorem communem cum titulo, quis existimabatur Prælatus, Maritus, Pater, etc. sit valida votorum irritatio ab eis facta, sicut validi sunt actus jurisdictionis ex *l. Barbarius ff. de Offic. Præst.?* Negant *Sanch. Bon. Trull. Pal. et alii apud Salm. cap. 3. num. 71.* quia differt actus domini ab actu jurisdictionis. Probabile tamen contrarium censent *Salm. ibid. cum Prado*, quia in his eadem ratio currit.

233. » 2. Vota Religiosorum \* (*Quæcumque, » etiam interna, ut Salm. n. 27. cum Sot. » Sanch. Laym. et Ronc. q. 2. quia Relig. tran-*

» stulit in *Prælatum totum suum velle*, et nol-  
 » le ) \* ( non tamen novitiorum ) \* ( *Licet vo-*  
 » ta personalia Novitiorum suspendantur. Vid.  
 » *Salm. c. 3. num. 42. et 43.* ) \* , etiam sub  
 » prædecessoribus emissa irritare possunt directe,  
 » præter Papam \* ( *Papa omnia quidem potest*  
 » *directe irritare vota religiosorum: Et episco-*  
 » *pus Monialium subjectarum. Salm. n. 33.* ) \*  
 » Abbates, Guardiani, Priores, et Rectores, \*  
 » ( *Etiamsi Prælati secundarii, absentibus pri-*  
 » *maris. Salm. num. 40.* ) \* ; ac probabiliter  
 » etiam Abbatissæ \* ( *Cum Salm. n. 41.* ) \* ,  
 » ut habet *Suar. l. 7. de voto; cap. 7. n. 19.*  
 » *Regin. lib. 81. n. 242. Fill. Bon. Loc. cit.*  
 » *n. 79.* Excipitur tamen votum transeundi ad  
 » Religionem strictiorem. V. *Binsfeld. 3. p.*  
 » *Ench. c. 9. Less. n. 73. Sanch. c. 24. n.*  
 » *3. Bon. l. 4.* \* ( *Hoc votum nec Papa pot-*  
 » *est irritare. Salm. n. 38.* ) \*.

234. » Idem potest, secundum *Sanch. lib. 9.*  
 » *de Matr. d. 39.* maritus respectu votorum  
 » uxoris: licet probabilius id alii limitent ad  
 » ea vota, quæ mariti juri præjudicant. *Laym.*  
 » *hic c. 7. Fill. tract. 26. cap. 8. q. 8. Less.*  
 » *d. 19. n. 83. et d. 15.*

Sed probabilior, saltem extrinsece, videtur  
 contraria sententia, quod vir possit directe omnia  
 vota uxoris irritare, licet non præjudicent usui  
 Matrimonii, vel proles educationi, vel guber-  
 nationi domesticæ ( ut tantum concedunt DD.  
 contrariæ sententiæ ap. *Salm. cap. 3. n. 57.* ).  
 Et maxime probatur ex *Num. cap. 30.* ubi di-  
 citur: *Si maritum habuerit, et voverit aliquid,*  
*si audiens vir statim contradixerit, et irritas*  
*fecerit pollicitationes ejus, propitius erit ei Do-*  
*minus.* Quod non de solo voto abstinentiæ, sed  
 de omni voto interpretantur 70. Interpretes, et



S. Ambr. ap. Salm. n. 58. sic dicit : *Evidentissime apparet ita virum esse caput mulieris , ut nulla vota , abstinence , vel Religiosæ conversationis licent sibi sine ejus licentia Deo offerre.* Pariter S. Thom. 2. 2. quest. 88. art. 8. ad. 3. docet votum uxoris ita nullum esse sine consensu viri , sicut votum Religiosi sine consensu Prælati : *Nullum votum Religiosi ( verba S. Thom. ) est firmum , nisi de Consensu Prælati ; sicut nec votum puellæ , nisi de consensu Patris ; nec uxoris , nisi sit ex consensu viri.* Et ratio est , quia expedit valde ad pacem familiæ , ad mutuum amorem fovendum , quod uxor voluntatem totaliter a viro dependentem habeat , et sic impetus feminarum retundarum. Ita Sanch. de Matr. l. 9. D. 39. n. 4. cum Soto , Sa ; et Salm. l. c. cum Sanch. Prado , Tamb. Dian. Rodr. Fag. Villal. Ledesm. Leand. Arag. etc. contra Sporer de voto c. 3. n. 27. cum Nav. Sylv. Az. etc. Sed etiam isti contrariam sententiam probabilissimam vocant ap. Salm. ibid. Hinc vir potest irritare etiam vota castitatis , et Religionis uxoris exequenda post mortem viri. Salm. num. 59. cum Sot. Arag. Leand. Fag. etc. item Sanch. l. c. n. 16. c. Disp. 40. n. 17. cum Pal. Led. et Vega , contra Navar. Cajet. etc. ;

235. E converso notandum I. quod uxor nequit irritare vota viri , nisi præjudicent , ut votum longæ peregrinationis , magnæ abstinence : vestiendi habitum Eremitæ , et similia. Salm. cum. Bus. art. seq. num. 242. inf. 2. Et etiam votum non petendi debitum ut probabilius tenent Sporer l. c. num. 28. cum Laym. Trull. Henr. Fag. etc. ( contra Less. Sanch. Basil. etc. ) ap. Salm. n. 56. quia valde gravosum esset pudori uxoris cogi semper ad petendum.

Talia vota docent DD. communiter esse irritanda : At potius videntur esse invalida , utpote de materia inepta , sicut sentiunt *Salm. Ibid. num. 25.*

236. Notandum II. quod si conjuges mutuo consensu voveant castitatem , aut Religionem , nequeunt vota invicem irritare ; quia virtualiter uterque cedit juri suo. Est commune ; ita *Salm. cum Sanch. Suar. etc. n. 56. et Bus. art. seq. n. 7.* qui bene addit secus esse si uterque independenter ab altero vovisset. Sed vide dicenda *n. 239. v. Quid autem.* Conjuges isti , si post tale votum mutuo consensu emissum revocant pactum , et coëant , licet non peccent contra castitatem , peccant tamen contra votum , nisi a gravissima causa excusentur. *Salm. n. 59. cum Suar. Pal. Bon. Sanch. etc.*

» 4. Qui semel votum irritavit , si postea » nolit , non ideò invalidatur , ut vult *Sa ,* » *V. irritatio voti. \** ( *Sic Salm. n. 70. cum* » *Soto , Sanch. Trull. contra aliquos* ) » *.\**

» 5. Nullus supradictorum potest directe ir- » ritare vota emissa ante subjectionem , v. gr. » ante matrimonium : facta vero intra tem- » pus subjectionis , de re implenda post tem- » pus subjectionis , v. gr. in pubertate , vel » post obitum mariti possent irritari. *Bonac. l. c. \** ( *Cum Salm. c. 3. n. 74. Val. Dian. Tamb. etc. ac Sanch. de Matrim. lib. 9. D. 39. n. 16. cum Sot. etc. Vide dicta num. 134.* ) » *.\**

Non potest vir directe irritare vota ab uxore emissa ante matrimonium , sed bene potest illorum suspendere executionem , quatenus præjudicant suæ potestati , *Salm. c. 3. n. 35. cum Sanch. Val. Pal. Suar. etc.* Vota autem Religiosorum certum est quod per professionem ex-

tinguntur, ut habetur ex c. *Scripturas de Voto. V. Elbel n. 253. et Salm. ibid.*

» 6. Votum de quo dubium est utrum emiseris tempore libertatis, an subjectionis, non » posse irritare Superiorem, docet *Salas 1. 2. q. 21. et Caram. lib. 3. c. 1. d. 1. sed contrarium tenent Suar. Sanch. Bon. etc. cum » Bard. lib. 6. cap. 2. §. 28.*

Quæritur igitur, utrum vir, vel Prælati possit directe irritare uxoris, aut religiosi vota de quibus dubitatur, an sint emissa ante vel post subjectionem? Affirmant *Satic. Dec. lib. 4. c. 32. n. 7. ex Suar.* (cum aliis apud *Busemb. ut supra*). Ratio, quia ut ait, professio præsentis voluntatis subditi est certa, cum certum sit illam esse uxorem, vel Religiosum; at exceptio quoad illa vota est dubia; Quare, usquedum probetur exceptio, scil. quod vota sint emissa ante subjectionem, prævalet certa possessio Superioris. Sicut a pari conjux dubitans de valore Matrimonii tenetur reddere alteri petenti ob certam suam possessionem, ut habetur ex c. *Dominus, de Sec. nuptiis.* Ita *Sanch.* Sed pace tanti Doctoris oppositum sentio. Non dubito (ut diximus n. 229.) quod Pater possit irritare vota filii, quando dubium est, an filius pertingerit, vel non ad pubertatem, quia eo casu possessio stat pro potestate Patris, ut diximus *dict. n. 229.* Secus vero e converso dico tenendum hic, cum vota sint certa, et possessio viri, vel Prælati sit dubia, eo quod dubitatur, an vota sint vel ne emissa tempore, quo jam incoeperit subjectio. Differt autem paritas conjugis petentis debitum; nam ibi ille habet certam possessionem super totum corpus conjugis dubitantis, et ex possessione jus certum habet illo utendi. Aliter tamen est in nostro casu, in

quo vir, vel Prælatus non habet possessionem totalem super voluntatem uxoris aut Religiosi. Habet quidem possessionem super voluntatem præsentem subditi, sed non habet super præteritam. Et ideo prædicti non possunt directe irritare vota, de quibus dubitatur, an sint de materia ipsis subjecta. Possunt tamen directe, juxta dicenda *Art. seq. n. 241.*

238. » 7. Vota facta tempore subjectionis pos-  
 » sunt adhuc irritari post illud, v. gr. quando  
 » filius jam est pubes. Quod verum est, etsi  
 » in pubertate ratificasset, putans ex errore esse  
 » firma: secus tamen, si infirma esse novisset,  
 » et independenter a prioribus ratificasset, ut  
 » *Less. lib. 2. c. 40. d. 19. \** ( *Et Elbel n.*  
 » *252. cum Spor. Tamb. etc.* ) \*.

Et hæc est probabilior, scilicet quod vota facta tempore subjectionis, etiam post illud irritari possint a Patre, ut tenent contra alios *Salmantic. cap. 3. num. 73. cum Sanch. Suar. Trull. Cajet. Bonac. Pal. etc.* Modo filius non confirmet votum in pubertate; et ut probabiliter addit *Bus. cum Less.* modo sciat tunc vota fuisse infirma.

Vota tamen realia puberum nequit Pater irritare, postquam ipsi emancipati sunt. *Salm. dict. num. 74.* Nec Prælatus vota Religiosi, si iste non sit amplius illi subjectus: nec vir vota uxoris, facto divortio formali Vid. *Salmant. num. 72.*

239. » 8. Supradicti possunt revocare, ac  
 » directe irritare vota, etsi semel ea ratificave-  
 » rint, quia non privarunt se dominio, et po-  
 » testate sua. Vid. *Suar. de voto lib. 6. cap. 6.*  
 » quod si tamen id sine causa fiat, erit secur-  
 » dum quosdam peccatum mortale, licet proba-  
 » bilius id negent *Suar. loc. cit. cap. 4. et Lay-*  
 » *man hic.*

Quod valide possint Superiores irritare vota subditorum, tametsi illa ratificaverint, videtur certum, quia ipsi, etiamsi velint, nequeunt sibi adimere potestatem dominativam quam in subditos habent. Ita communiter *Sanch. Dec. l. 4. cap. 27. n. 9. Elbel de Voto n. 259. et Salmant. cap. 3. n. 66. cum Cajet. Suar. Pal. Sayr. Trull. Prado; etc.* Et hoc valet non tantum pro Patre respectu filii, et Prælato respectu Religiosi: sed etiam pro Viro respectu uxoris, ut valde probabiliter tenent *Sanch. de Matrim. lib. 9. D. 40. n. 17. cum Sot. Ledesm. Arag. et Vega, item Tamb. Dec. lib. 3. cap. 16. §. 3. n. 48. et Salm. l. c. ex n. 64. cum aliis cit. ( contra *Elbel n. 259. et Sporer. de 2. Præc. cap. 3. n. 32. etc.* ). Ratio quia vir habet veram potestatem directam irritandi vota uxoris, etiam castitatis, et Religionis, ut dictum est n. 234.*

Certum contra est, quod omnes præfati Superiores, si sine justa causa irritant vota subditorum, postquam positive illa approbaverint, peccant tam ipsi, quam subditi relaxationem petentes. ( Dixi, si positive approbaverint, nam secus esset, si tantum permiserint subditos votare, vel exequi rem voto promissam, ut *Salm. ibid. num. 69. cum Sanch. et Pal. ).* Sed dubitatur, an irritando peccarent graviter, vel leviter? Adest duplex sententia probabilis. Prima asserit graviter ex num. 30. ubi de viro consentiente ad uxoris votum, et postea irritante dicitur: *Portabit ipse iniquitatem ejus.* Ratio, quia, posito suo consensu, tenetur votum non impedire. Ita, *Salm. n. 67. cum Cajet. Sanch. Laym. Ledesm. etc.* Secunda tamen sententia forte probabilior asserit, peccare leviter, secluso scandalo, aut contemptu, quia Superior utitur

jure suo, et irritando votum non est causa violationis illius, cum subditus nec ipse tunc violat votum. Ita cum *Busemb. hic tenent Suarez lib. 6. cap. 4. Bonac. p. 7. §. 2. n. 29. Sotus de Just. lib. 7. qu. 3. art. 1. Tamb. loc. cit. n. 37. et Trull. Pelliz. Dian. Peyr. ap. Salm. n. 67.* Eandemque tenent *Sporer l. c. n. 34. cum Val. Med. et communiori.* Verumtamen idem *Sporer n. 32. et Less. lib. 2. cap. 40. num. 95. ac Elbel 258. cum Laym.* ab his excipiunt virum, qui suo positivo consensu votum uxoris approbasset, maxime si esset votum castitatis, quia tunc (ut dicunt) ipse jam cessit juri suo; unde nec valide irritare posset, et si irritaret, graviter peccaret. Sed hi AA. loquuntur juxta sententiam quam ipsi tenent, scilicet quod vir tantum ex potestate indirecta possit vota uxoris irritare; Ajunt enim in hoc differre Prælatum respectu Religiosi a Marito respectu uxoris, quia Prælati, cum habet potestatem directam irritandi, non potest juri suo renunciare; potest tamen Maritus, ad quem spectat potestas tantum indirecta. Sed nos juxta prædictam sententiam relata *dict. n. 234.* dicimus cum *S. Th.* eandem potestatem dominativam, quam habet Prælati ad Religiosum, habere virum in uxorem; unde sicut non potest Prælati illam sibi adimere, ita nec vir respectu uxoris. Hinc satis probabiliter videtur opinari secundum supra dicta *Tamb. l. c. n. 53.* quod vir sine causa irritans votum castitatis uxoris, etiam postquam positive approbaverit, non peccet plusquam venialiter.

Quid autem, si conjuges mutuo consensu voverint castitatem? Certe vir eo casu remanet obstrictus suo voto, quod ab uxore non potest quidem irritari. Sic etiam ait *Sanoh. d. D. 40.*

n. 20. nec virum posse votum uxoris irritare , et eum sequuntur *Salm. num. 59. et alii comm.* At ego non invenio rationem certam qua damnare possim *Palacium et alios apud Sanch. loc. cit. num. 19.* qui contradicunt ; nam , si vir ( prout concedit ipse *Sanch.* ut vidimus ) potest valide irritare votum uxoris , ipso approbante , emissum , cur non poterit , arguit *Pulacius* , si mutuo consensu ipse etiam castitatem voverit ? Attamen , cum hæc opinio sit contra communem , et *Tamburinus* in hac difficultate involutus dubium indecisum reliquerit ; ita et ego sapientibus decernendum remitto.

» 8. Prælati potest irritare votum subditi ,  
 » a prædecessore æquali , vel inferiore confir-  
 » matum , non tamen a Superiore. V. de his  
 » *Bonac. loc. cit. §. 3. Laym. cap. 7. \** ( Et  
 » hoc valide , et licite , *Salmant. cum Sanch.*  
 » *Pul. Suar. Tamb. etc.* ) \*.

240. Si loquamur de mancipiis , Dominus potest irritare quæcunque eorum vota realia , nisi illi aliquod de proprio habeant , et personalia , quæ Domino præjudicant , prout Religionis , longæ peregrinationis , etc. Non vero castitatis , vel moderatæ orationis , aut jejunii etc. Ita *Salm. cap. 3. n. 62. et 63. cum aliis.*

Vota autem famulorum nequeunt ab heris irritari , sed tantum suspendi possunt pro tempore famulatus , quatenus debitis obsequiis præjudicant. *Salm. dict. num. 63. cum Sanch. Suar. Sonac.*

## ARTICULUS II.

*Quis vota indirecte possit irritare ?*

241. » **R**esp. Si alicui non quidem voluntas  
 » voventis , sed voti materia sit subjecta , ita  
 » ut in hanc jus habeat , is tale votum potest  
 » irritare , irritatione indirecta ; hoc est ejus  
 » obligationem suspendere , in quantum suo juri  
 » præjudicatur ; idque ex lege naturæ docenté ,  
 » quod nemo possit alteri promittere aliquid in  
 » præjudicium tertii. *S. Thom. in 4. d. 38.*  
 » *Suar. Less. etc. ll. cc.*

*Unde resolves.*

242. » 1. Sic irritare possunt , præter supra  
 » nominatos , Pater respectu filiorum puberum ,  
 » quamdiu manent in domo paterna , nec sunt  
 » emancipati : item tutor puberis , usque ad  
 » annum vigesimum quintum , in iis quæ eorum  
 » potestati officiunt. *Laym. cap. 7. \* ( Vid.*  
 » *Art. 1. antec. n. 229. ) \**

» 2. Item potest uxor respectu mariti , v. gr.  
 » si is voverit longiorem peregrinationem , ha-  
 » bitare alibi , cubare seorsim , quæ derogant  
 » vitæ sociali , et usui domini , quod habet in  
 » corpus mariti. *Less. n. 83. Fitt. n. 273. \**  
 » *( V. sup. A. 1. n. 235. ) \**

» 3. Item Dominus , et Domina respectu fa-  
 » mulorum , ut si ii voverint jejunium , quo  
 » fierent inepti ad obsequia Domini : quale vo-  
 » tum non est castitatis , vel brevæ orationis.  
 » *Less. num. 86.*

» 4. Item non tantum Pontifex respectu o-



» mnum fidelium, sed etiam Episcopi, et Prin-  
 » cipes respectu subditorum, quando materia  
 » illis præjudicat. Denique Superiores respectu  
 » novitiorum in iis, quæ impediunt novitatus  
 » exercitia. *Less. d. 13. n. 8.*

» 5. Non possunt irritari indirecte vota de re  
 » alias præcepta, v. gr. non furandi, quia ne-  
 » mini præjudicant. Item neque vota implenda  
 » tunc, quando materia voti non erit amplius  
 » subjecta: v. gr. vota servi implenda, cum  
 » erit liber, et conjugis cum alter erit mortuus.\*  
 » (*Sed probabilius hoc negatur de viro quoad*  
 » *vota uxoris, ut supra Art. 1. Antec. n. 234.*)\*.

» 6. Potest quis etiam indirecte irritare vota  
 » longe ante facta, quam sibi materia subjec-  
 » retur; v. gr. facta a conjuge longe ante ma-  
 » trimonium.\* (*Salm. cap. 3. num. 75. ut*  
 » *supra n. 237.*)\*.

» 7. Potest quis etiam vota a se vel anteces-  
 » sore concessa et confirmata indirecte irritare,  
 » ut patet ex articulo superiore. Excipe tamen,  
 » nisi suo juri cecisset, et hanc concessionem  
 » subditus acceptasset, ut v. gr. in voto casti-  
 » tatis, mutuo mariti, et uxoris consensu fa-  
 » cto. Secus tamen esset, si vel sola uxor, vel  
 » uterque independenter ab altero vovisset.\*  
 » (*Vide supra art. 1. n. 239.*)\*.

» 8. Vota indirecte tantum irrita revivi-  
 » scunt, et obligant, quando alteri desinunt  
 » præjudicare. V. de his *Bon. p. 7. Laym. c. 8.\**  
 » *Vota autem directe semel irrita nunquam*  
 » *reviviscunt, ut Elbel num. 226. cum Sanch.*  
 » *Val. et Fill.*)\*.

## DUBIUM VII.

*Quid sit Commutatio Voti?*

243. *Quando possint commutari vota?*  
 244. *An possit quis commutare sibi votum in opus æquale?*  
 245. *An valeat commutatio in minus sine justa causa?*  
 246. *Vide alia notanda.*  
 247. *An habens facultatem possit commutare in aliquantulum minus?*  
 248. *An facta commutatione, possit vovens implere votum per primam promissionem?*  
 249. *An facta impossibili re commutata, teneatur vovens implere primam?*  
*An qui immemor voti præstat opus promissum, a voto liberetur?*

243. **R**esp. Commutatio est substitutio alterius operis honesti loco ejus, quod voto promissum erat, sub eadem obligatione. Circa quam, ut licite fiat, traduntur hæc regulæ:  
 » *Prima*, ad commutationem voti requiritur auctoritas Ecclesiastica. 1. Quando commutatio fit in paulo minus bonum: quod si notabiliter minus sit, dicetur dispensatio. 2. Quando dubium est de æqualitate boni. \* (*Cum Salm. cap. 3. n. 130.*) \*. 3. Quando fit in bonum æquale: licet aliqui tunc putent sufficere auctoritatem propriam; hæc tamen sufficit ad commutationem in melius, quia in meliori minus continetur. \* (*Est commune cum Salm. n. 132. exceptis tamen votis reservatis*) \*. Voco autem melius, quod est tale in ordine ad

» utilitatem spiritualement voventis, et Deo gratius. \* (cum Salm. num. 142.) \* *Tutior est commutatio in frequentiam Sacramentorum, Sanch. Tamb. Bardi, Bassius ap. Salm. loc. cit.*

244. Quæritur, an votum possit propria auctoritate commutari in opus evidenter æquale? Adest duplex sententia. *Prima* probabilior negat ex *S. Thom. in 4. Dist. q. 1. art. 4. q. 4.* qui rationem profert: *Quia commutatio est quidam contractus, qui perfici nequit absque consensu ejus, qui vicem Dei gerit in terris, scilicet Prælati.* Deinde quia supposita promissione, magis gratum censetur esse Deo, ut vovens fidelis sit ei præstando rem promissam, quam aliam æqualem. Ita *Sanch. in Dec. ubi, licet antecedenter lib. 3. c. 19. n. 9. in fine, et lib. 4. cap. 5. n. 28. contrarium censuerit, se revocat tamen lib. 4. cap. 49. n. 12. et 21. cum Caj. Covarr. Sot. Azor. et Suar. Pal. Leand. Laym. Fill. Reg. etc. cum Salm. cap. 3. n. 134.* Qua posita sententia, alii dicunt talem commutationem esse tantum peccatum leve, ut *Sanch. Ledesm. Dian. Mendo, et alii ap. Salm. n. 135.* quia, ut dicunt, esset infidelitas in re modica. Quare, si jam præstita sit materia commutata, sufficit, quod vovens suppleat aliquid. Et idem dicendum asserunt, si materia præstita fuerit minor promissa. Alii tamen sentiunt esse peccatum grave, ut *Salm. cum Pal. Suar. Azor. Prad. etc.* quia de tali commutatione, prout irrita, nulla ratio habenda est. De hoc vide *n. seq. 245.*

*Secunda* tamen sententia, quam satis probabilem vocant *Salm. ibid. num. 133. et tenent Ellet n. 304. Henr. Medin. Major. apud Sanch. loc. cit. item Tamb. Dec. lib. 3. cap. ibid. §. 5. n. 14. cum Sa, Rodr. Bon. Fag. Dian.*

*Villal. et probabilem vocant Suar. Arag. apud Sanch. et Trull. Less. etc. apud Salm. ibid.* affirmat cuique licere commutare suum votum cum opere evidenter æquali. Ratio, quia præsumitur Deus æque acceptare opus quoad substantiam æquale, ob benignitatem Divinam, saltem ut hilarius ei oblatio præstetur; qua supposita præsumptione, ratio promissionis, ut supra, cessat. Doctrina autem, et ratio allata a *S. Thom.* intelligenda est de opere minori; nam aliter, nec etiam valeret commutatio in evidenter melius, quam valere non dubitat communis sententia, etiamsi sit materia disparata, ut *Salm. cap. 3. num. 132. cum Sanch. Azor. Val. Suar. Laym. et aliis contra paucos*, et probatur ex c. *Super his de Voto*. Conveniunt autem etiam primæ sententiæ DD. quod, si materia sit certo æqualis, et probabiliter, aut dubitanter sit melior, tunc propria auctoritate recte fit commutatio. Ita *Salmant. cap. 3. n. 134. in fine cum Sanch. Suar. Pal. etc.* quia tunc materia semper est moraliter melior, ut *Salm. ibid. n. 144. in fine*. Sed his non obstantibus, puto non recedendum a prima sententia, ratio enim allata a *S. Thoma* valde urget: Saltem ratio illa concludit pro opere æquali.

» *Secunda regula. Ad commutationem voti*  
 » in æquale requiritur causa, licet minor, quam  
 » ad dispensationem, quia dispensatio plane liberat ab obligatione voti, commutatio vero  
 » aliud subrogat. Unde si fiat in melius, nulla  
 » causa requiritur; si in æquale cum auctoritate Superioris, sufficit major in illud propositio.  
 » \* ( ut *Salmant. num. 145. cum Laym. Cajet. etc. vel minus periculum transgrediendi*, ut *Elbel num. 306. cum Sanch. Pal. et Croix* ) \*. Si vero dubitetur, an sit æquale,

» sufficit notabilis molestia in implendo. Vide  
» *Les. lib. 2. cap. 40.*

245. Quæritur, an, si commutatio fiat in  
minus sine justa causa, sit non solum illicita,  
sed etiam invalida? *Prima sententia* cum *Sanch.*  
*l. 4. c. 51. num. 8. et Dian. Candid. etc. ap.*  
*Salm. cap. 3. n. 147. et Tamb. de Voto §. 5.*  
*n. 9.* dicit esse validam, modo suppleatur de-  
fectus; quia, si non esset major obligatio erga  
homines, quam supplendi; tanto magis erga  
Deum, cum quo mitius agitur. Et hæc cohæret  
cum secunda opinione relata supra *num. 244.*  
*Secunda vero sententia* dicit esse invalidam, si-  
cut invalidam esse dispensationem sine justa cau-  
sa docet *S. Thom. 2. 2. quest. 88. art. 12.*  
Ratio, quia Prælati nequit excedere faculta-  
tem, quam habet sibi a Deo delegatam, scili-  
cet commutandi tantum cum causa justa. Ita  
*Salm. n. 148. cum Mar. Pal. Trull. etc.* Utra-  
que est probabilis. In dubio autem, an causa  
commutationis fuerit sufficiens, vel non? docet  
*D. Th. 2. 2. q. 88. art. 12. ad 2.* posse vo-  
ventem acquiescere iudicio commutantis.

*Unde resolves.*

246. » 1. Quamvis oratio absolute sit melior  
» jejunio, non licet tamen propria auctoritate  
» hoc in illam commutare, quia hic et nunc  
» potest jejunium esse Deo gratius, utpote uti-  
» lius ad bonum spirituale hujus hominis. *Less.*  
» *d. 16. Sanch. cap. 56. \** (*Asserit Lohm.*  
» *in instruct. etc. unam Confessionem, vel Com-*  
» *munionem valere pro Rosario totius hebdoma-*  
» *dæ. Sed huic, generaliter loquendo, non*  
» *acquiesco.* ) \*

» 2. Omnia vota personalia propria auctori-  
»

» te commutari possunt in votum religionis :  
 » imo ipso jure omnia vota realia sic mutantur  
 » in professione. \* ( *Sic. S. Thom. apud Salm.*  
 » c. 3. n. 129. ) \*.

» 3. Qui habet votum religionis , non potest  
 » illud propria auctoritate commutare in susce-  
 » ptionem Episcopatus , tum quia hic non effi-  
 » cit hominem perfectiorem , quam religio ; li-  
 » cet perfectiorem esse supponat : tum quia non  
 » constat , quod illud hic et nunc sit Deo gra-  
 » tius : tum quia sic respondit Innocentius III.  
 » ap. *Bonac. in secundum præceptum d. 4.*  
 » quæst. 2. p. 7. Idem docent *Less. lib. 2. c.*  
 » 4. d. 16. art. 103. *Azor. Sanch. Laym. l.*  
 » 4. t. 5. cap. 6. n. 15. *Pal. d. 3. t. 16. n.*  
 » 2. *Fag. Dian. p. 6. t. 6. R. 62.*

» 4. Qui habet facultatem dispensandi , \*  
 » ( *Etiam delegatam , ut verius Laym. Less.*  
 » *Pal. Suar. cum Salm. c. 3. n. 81. contra*  
 » *Náv. Sanch. etc.* ) \* habet etiam commutan-  
 » di ; non tamen contra : quia commutatio est  
 » pars dispensationis ; qui autem potest majus ,  
 » etiam minus potest. Qui autem habet faculta-  
 » tem commutandi tantum , non potest mutare ,  
 » nisi in æquale : quod moraliter , et non scru-  
 » pulose æstimandum est , ut monet *Laym. cap.*  
 » 8. In qua æstimatione , ait *Cajetan.* non ne-  
 » gligenda sunt concomitantia : verb. gr. in  
 » voto peregrinationis habenda ratio non tan-  
 » tum laboris , sed etiam expensarum , quas fe-  
 » cisset. *Suar. Less. Vide Bon. p. 7. §. 3. \**  
 » ( *Ex c. Magna , de Voto* ) \*.

247. Quæritur , an habens facultatem tantum  
 commutandi , possit commutare in opus aliquan-  
 tulum minus ? *Prima sententia* ( quam satis pro-  
 babilem recte vocant *Salm. cap. 3. num. 138.* )  
 affirmat , modo excessus non sit notabilis. Ra-

410; quia, si potestas commutandi non esset talis, esset pluribus anxietatibus obnoxia, ideo inutilis: cum difficillimum sit æqualitatem invenire in re subrogata. Deinde quia, si probabile est posse fieri commutationem auctoritate propria in æquale, probabile etiam esse debet, quod habens facultatem commutandi, possit commutare in aliquid minus; aliter talis potestas nihil operaretur. Ita *Sa, Bonac. Trullench. Dian. Leand. Medin.* et probabile vocat *Less. ap. Salm. dict. n. 138.* Secunda vero sententia tenet faciendam esse commutationem in rem æqualem, æqualitate tamen morali, non mathematica, itaut parva credatur esse differentia, et nullus excessus manifeste appareat. Ita *Salm. n. 139. cum Caj. Pal. Suar. etc. cum Bus. hñc et Laym.* Et sic sententia hæc revera cum prima conciliatur.

Notandum hic, quod recte potest opus personale commutari in reale; et e converso, et perpetuum in temporale, *Salm. c. 3. num. 140. cum Less. Suar. Laym. Pal. etc.* Recte autem *Elbel num. 308. in fin. cum Gob. et Tamb.* monet Confessarium, ut conetur talia opera voto substituere, quæ pœnitenti videantur magis utilia, et non nimis difficilia.

248. » 5. Si is, cujus votum mutatum est, » malit deinde implere primum, id potest: » tum quia id est melius, vel æquale; tum » quia in ejus favorem factum est, cum tacita » conditione, si ei placuerit. *Less. num. 97. » Sanch. Fill. n. 289.*

Si votum commutatum est in minus, vel æquale, procul dubio potest adhuc eligi primum opus. Est commune apud *Salm. c. 3. n. 167. cum Sanch. Pal. Suar. etc.* Dubium est, si commutatio facta sit in melius cognitum, et

acceptatum? Tunc *Suar. Fill. Regin. etc. ap. Salm. num. 68.* negant posse voventem redire ad primum. Sed probabilius id concedunt communiter *Less. lib. 1. c. 40. num. 111. Sanch. lib. 4. cap. 35. num. 26. Elbel num. 318. et Salmantic. num. 169. cum Laym. Bon. Pal. Tamb. Dian. Trull. etc.* Quia commutatio fit in favorem voventis. Excipit *Sanch. cum. Suar. n. 27.* si talis commutatio fieret consulto, et in maiorem Dei cultum. At verius dicunt *Salm. num. 170. cum Pal. Prad. et Villal.* neque adhuc talem commutationem obligare saltem sub gravi, nisi fiat novum votum; quia quodcumque propositum non obligat, nisi interveniente promissione, et animo se obligandi, ut docet *S. Thom. 2. 2. q. 88. art. 1. ad 2.* Ex his omnibus inferitur, quod vovens, etsi redierit ad primum opus, potest tamen iterum redire ad secundum subrogatum. Et præterea, si pluries facta est commutatio in diversa opera, vovens potest eligere eorum quodcumque malit. *Salm. ibid. num. 169. in fine, et 171. cum Trull. Dian. et Villal.* Si quis tamen post acceptionem rei subrogatæ iterum voveat rem commutatam; tunc tenetur ad utramque præstandam, si intendat se obligare novo vinculo voti. In dubio autem præsumi, quod habuerit animum se obligandi novo voto, dicunt *Trull. et Bonac.* At *Salm. n. 171.* putant etiam probabile esse oppositum, et sic teneri tantum ad rem commutatam. Et hoc mihi est probabilius, quia votum dubium non obligat, juxta dicta *lib. 1. num. 76.*

249. » 6. Si voti legitime a Superiore commutati materia, sive opus fiat impossibile, » vel indifferens, non tenetur redire ad prius, » quia obligatio extincta est. Vid. *Laym. Bon. » ll. cc.*



Facta voti commutatione etiamsi res subrogata fiat impossibilis culpa voventis, vel si ipse eam non impleverit, non tenetur ad primam; v. gr. pro eleemosyna subrogatum est jejunium tali die, si tunc jejunare non potuisti, vel noluisti, peccasti, sed non teneris ad eleemosynam, quia per commutationem prima obligatio extinguitur; Ita *Sanch. lib. 4. cap. 56. num. 15. et Salmanticens. cap. 3. num. 65. cum Laymann, Palaus, Trull. Suarez, Elbel numer. 318. ac Sporer cap. 3. num. 136. cum communissima*. Hoc tamen non currit, si commutatio fiat auctoritate propria, tunc enim, si non impletur secundum opus, implendum est primum; quia non extinguitur tunc prima obligatio, sed satisfit per impletionem superabundantem, vel saltem æquivalentem, ut supra; et hoc certum est. *Salm. n. 166. cum Tamb. Leand. etc.*

Ultimo pro complemento hujus Dubii quæritur 1. ap. habens facultatem commutandi vota pro aliis, habeat etiam pro se? Resp. affirmative, sicut de facultate dispensandi docent communiter *Sanch. de Matr. lib. 8. D. 3. n. 8. et 9. Dec. lib. 4. cap. 18. n. 42. et 45. Bon. p. 7. §. 4. n. 31. Ita Salm. c. 3. n. 128. cum Tamb. Suar. Trull. Azor. Dian. Prad. Leand. Rodr. etc.* et probant ex *S. Thom. 2. 2. quæst. 18. art. 8.* ubi docet posse Prælatum sibi dispensare. Quær. 2. An qui immemor voti præstat opus promissum; a voto in posterum liberetur? Vide *dicta num. 204. circa fin.* et dicenda de *Rest. n. 700. Quæst. II. v. Limitant.*

DUBIUM VIII.

*Quid sit dispensatio, et quis possit dispensare in votis?*

250. *Quæ causa requiratur ad dispensandum?*
251. *Quid si dispensatio sit facta bona fide, sed sine causa?*  
*Quid si dubium sit, an adfuerit causa?*
252. *Quæ causæ sufficiant ad dispensandum?*
253. *An sufficiat imperfecta deliberatio, aut libertas?*
254. *Vide alia notanda.*
255. *An dispensari possit votum factum in beneficium tertii?*  
*Et quid de voto, et jaramento Perseverantiæ, quod præstatur in quibusdam Congregationibus?*
256. *Qui possint dispensare? An Papa in votis solemnibus?*  
*An Episcopi in votis simplicioribus? Qui possint facultatem dispensandi delegare?*  
*An habentes facultatem valeant dispensare cum seipsis?*
257. *An Prælati regulares possint dispensare in omnibus votis Religiosorum? An Novitiorum? An Sæcularium?*
258. *De votis reservatis plura notabilia.*
259. *An juramentum Castitatis, aut Religionis sit reservatum sicut votum?*
260. *An, commutato voto reservato, materia subrogata etiam reservata sit?*
261. *An etiam sint reservata vota Castitatis, et Religionis conditionalia, aut pœnalia?*

262. *An peregrini possint dispensari ab Episcopo loci in votis, et legibus communibus?*  
*Remissive ad lib. 1. num. 158.*

250. » **R**esp. 1. Dispensatio est absoluta  
 » obligationis voti-condonatio, nomine Dei fa-  
 » cta. Ad hanc, ut valeat, juxta causa requi-  
 » ritur: qualis verb. gr. est 1. Bonum Eccle-  
 » siæ, vel commune Reip. \* ( *Et etiam Fa-*  
 » *milie: vel major profectus voventis. Salm.*  
 » *c. 3. n. 125. cum S. Thom. Suar. Sanch.*  
 » *Et etiam in dubio: de hoc Palau, et Suar.*  
 » *ib. )* \*. 2. Notabilis difficultas in observatione  
 » voti. 3. Imperfectio actus, vel levitas, ac  
 » facilitas, ex qua processit votum. *Suar. l. c.*  
 » *c. 17. Fill. n. 260. Sanch. l. 4. c. 25. Vi-*  
 » *de Bon. p. 7. n. 47. Laym. cap. 8. num. 5.*  
 » \* ( *Hinc monet Innocent. III. c. Magnæ. de*  
 » *Voto, tria attendenda esse in dispensatione*  
 » *votorum. 1. Quid liceat secundum æquitatem:*  
 » *2. Quid liceat secundum honestatem: 3. Quid*  
 » *expediat secundum utilitatem: Ex quo ait*  
 » *Elbel numer. 177. cum Sporer cap. 3. num.*  
 » *43. tunc dispensandum in voto, quando illud*  
 » *vergeret in ruinam, aut laqueum animæ ob*  
 » *perplexitatem, vel quando speratur major uti-*  
 » *litas spiritualis* ) \*.

251. Quæritur hic an valeat dispensatio si  
 bona fide credatur adesse justa causa, quæ re-  
 vera non sit? *Prima* sententia, quam tenet  
 cum *Busemb. (lib. 1. num. 3. ibid. in fin.)*  
*Sanch. Dec. lib. 4. cap. 44. num. 10. Less.*  
*lib. 2. cap. 40. num. 119. Salm. de Voto tract.*  
*17. cap. 3. num. 119. cum Tomb. et Leand.*  
*ac tract. 11. de Legib. cap. 5. num. 71. ubi*  
 citant etiam *Laym.* sed non bene, ut infra vi-

debimus ) affirmat valere dispensationem ; quia talis censenda est Voluntas Divina , ne conscientiae anxietatibus vexentur , et permaneant firmæ determinationes Pastorum , prout necesse id videtur ad rectum regimen Animarum. *Secunda* vero sententia , quam tenet *Pal. de Voto tract. 15. D. 2. p. 9. num. 4. cum Basilio , et Salas* , contradicit : Et hanc sequimur , si postea certum comperiatur non adfuisse causam , vel non sufficientem ; primæ enim sententiæ , licet a tantis AA. defensæ , obstat tamen principium certum , quod in Lege Superioris invalide dispensat. Inferior sine sufficienti causa, Secus autem dicendum puto , si dubium sit , an adfuerit causa , vel an sufficiens ; tum quia in dubio tunc stat pro valore dispensationis ; tum quia in eo casu urget ratio primæ sententiæ , nempe quod esset res nimis scrupulis obnoxia , si homines post obtentam dispensationem inquirere tenerentur de ejus valore ; et cum hoc frequenter accideret , bene tunc præsumitur Deus ratam habere dispensationem illam ad conscientias pacandas , et ad rectam gubernationem. Ubi autem certe detegitur nullitas causæ , recte ait *Pal.* quod minime præsumitur Deus favere , vel le errori manifesto ( quicquid dicat *Diana p. 1. tract. 10. R. 33.* ). Et sic revera loquitur *Laym. tract. 4. de Leg. c. 22. n. 12.* ubi dicit posse dispensatum bene acquiescere dispensationi , *donec veritas non appareat in contrarium* , citans *Sot. Nav. Suar. etc.* Et consentit nobis *Palaus* , qui ait casu quo causa est dubia , legitima præsumitur dispensatio. *V. lib. 1. num. 182.* Valde autem probabile est cum *Salm. de Legib. cap. 5. ex n. 75.* validam esse dispensationem , etiamsi mala fide a dispensante ipsa

fuerit impertita; si revera aderat justa causa, ut diximus *lib. 1. de Legib. n. 181.*

252. Sufficit autem pro causa ad dispensandum, periculum transgressionis ob indispositionem particularem voventis, vel ob communem fragilitatem hominum. Sufficit etiam magna difficultas in executione, non solum si non fuit prævisa, ut dicunt *Sanch. Pal. Suar.* sed etiam, si prævisa fuerit, ut censent *Salm. cap. 3. num. 124. cum Leand. et Tambur.* Tum quia tunc etiam adest periculum transgressionis; tum quia res multo difficilior apprehenditur dum instat executio, quæ deliberatur. Et etiamsi talis difficultas ortum habeat ex fragilitate voventis, ut *Suar. Pal. Laym. Trull. cum Salmant. ibid.* Sufficit etiam, si vovens vexetur magnis scrupulis. *Salmantic. ibid. cum Sanch. Trull. Fag. et Tamb.*

253. Præterea, etiamsi absit periculum transgressionis, et magna difficultas in executione, sufficit pro causa, quod votum emissum sit immature, scilicet cum nimia facilitate; vel ex imperfecta deliberatione, vel sine perfecta libertate; *Sanchez lib. 4. cap. 45. num. 28. et Caj. Pal. Suar. etc. cum Salm. cap. 3. num. 121.* Ob hanc rationem vota impuberum sine alia causa possunt absolute dispensari sine aliqua commutatione, ut *Sanch. ibid. num. 30. et Tamb. Pal. Caj. Suar. etc. cum Salm. num. 125.* Idem dicendum est, si votum sit emissum ob metum levem incussum ab extrinseco, *Sanch. num. 32. et Pal. cum Salmanticens.* Item, quando imperfecta deliberatio, aut libertas in vovendo processit ex tristitia sive ira, sive metu intrinseco naufragii, mortis, vel alterius mali; quia tunc immature vota fieri solent, et ideo possunt dispensari sine commutatione. Si autem

constaret tunc maturam adfuisse deliberationem; tunc dispensationi admisceatur aliqua commutatio. Sicut etiam fieri debet, si cessat causa impulsiva voti. Ita *Salm. eodem n. 23. cum Pal. Sanch. et Tamb.*

254. » 1. Cum causa non sufficit ad integram  
» dispensationem, partim dispensari, partim  
» commutari potest. *Bonac. loc. cit.*

» 2. Prælati videns, ac (cum facile possit) non contradicens, videtur dispensare,  
» ait *Sa.*

» 3. Potestas etiam delegata dispensandi in  
» votis extendit se etiam ad vota jurata, et juramenta pia soli Deo facta. Vide *Suarez lib. n. 6. de Voto, Sanch. lib. 8. de Matrim. dub.*

» 4. \* (ut diximus supra num. 190. An autem  
» juramenta religionis, castitatis etc. sint reservata, ut vota? Utraque est probabilis, ut  
» dicensus infra num. 259. v. Quæritur 1. ) \*

» 4. Ante voti acceptationem a certa persona, aut Ecclesia, non censetur ei jus acquisitum, ideoque sine ejus injuria potest dispensari, vel commutari.

255. Sed hic fusius discentiènda est quæstio, an votum redundans in utilitatem hominis possit dispensari, aut commutari sine ejus consensu? Resp. 1. quod si votum nondum a tertio est acceptatum, communissima est sententia posse commutari, ut *Elbel num. 309. et Sanch. Dec. l. 4. cap. 41. num. 7. cum Caj. Sa, Nav. Sylv. Azor. Suar. etc.* Etiam si promissio non in solum Deum, sed peculiariter etiam in personam directa fuerit, puta, si vovens dixerit: *Promitto cum voto dare tali pauperi etc.* sed promissio non fuerit acceptata neque ab illo, neque ab aliis nomine illius, ut addit *Sanch. ibid. num. 10. et 11. cum Suar. Sylv. Armill.*

etc. Et etiamsi promissio facta sit in honorem Sancti illius Ecclesiae, requiritur acceptatio ab illius Rectore, ut commutatio non amplius fieri possit. *Sanchez num. 12. cum Caj. etc.* Respondetur 2. quod si promissio fiat soli Deo dandi aliquid pauperibus indeterminatis, tunc semper commutari potest, etsi promissio alicui ex pauperibus postea manifestetur, et ab illis acceptetur, ut *Sanch. ibid. num. 14. cum Suar. Lugo de Just. D. 29. n. 93. Tamb. lib. 2. cap. 7. §. 6. n. 3. cum Pal.* Respondetur 3. quod, si e converso promissio facta sit in utilitatem solius hominis, et sit acceptata, nullatenus sine ejus consensu revocari potest, ut diximus supra c. 2. *D. 7. n. 192.*

Dubium magnum est, utrum votum principaliter emissum in honorem Dei, sed secundo, seu minus principaliter etiam in favorem alicujus tertii determinati, puta talis Ecclesiae, vel pauperis, possit commutari, postquam ab his sit acceptatum, siue eorum consensu? Negant *Elbel num. 309. Less. lib. 2. cap. 40. num. 90. Sanch. ibid. num. 18. Salm. cap. 3. n. 156. cum Suar. Moya, etc.* Ratio, quia tunc jus acquiritur Ecclesiae acceptanti, aut pauperi, cujus simul in voto ratio habita est, verb. gr. ob specialem affectionem, aut illius necessitatem. Alii tamen, ut *Sporer de 1. Praec. cap. 3. num. 113. cum Henr. Viva de Jubilæo quest. 12. art. 1. num. 3. et Fagund. Trull. Leand. apud Salm. n. 155.* dicunt satis esse probabile, quod bene potest tale votum commutari auctoritate Prælati, vel propria, etiam post acceptationem. Et huic opinioni consentit *Caj. (apud Sanch. ibid. num. 27.)* qui loquens de cap. *Licet de Regular.* ubi disponitur, quod professus in Religione, licet ejus Prælat

tus illum acceptaverit, potest in meliorem transire; *Caj.* reddit rationem, quia illic propter Deum, non propter Prælatum se Religioni donavit, et ideo potest suum votum propria auctoritate, etiam post acceptationem, in melius commutare. (Consentit etiam *Nav.* apud eundem *Sanch. ib.*) qui hæc ait: *Cum quis emisit votum dandi alicui certam quantitatem, etiam postquam acceptata est, posset Pontifex commutare, quod principaliter ea promissio non sit facta in gratiam hominum, sed in Dei cultum.* Et quod *Navar.* dicit de Pontifice, idem dicendum est, ut ait *Sanch.* de aliis Prælati ob rationem allatam. Ratio igitur huius sententiæ, ut loquitur *Fagund.* apud *Tamb. lib. 3. cap. 17. §. 2. num. 15.* est, quia hæc vota principaliter diriguntur in Deum in finem *cujus*; et pauper est solum finis cui minus principalis, sive accessorius, qui finem principale sequi debet. Etsi enim promissio sit peculiariter ad hunc pauperem, sit tamen propter Deum; hinc Deus est tota causa promissionis, et per accidens se habet, quod acceptaverit pauper, qui si adhuc aliquod jus acquisierit, acquisivit tamen dependenter a Beneplacito Dei, cui debet servari promissio.

Notandum pariter est hic 1. quod talis simplex promissio facta homini, etiam acceptata, etsi obligaret, non obligaret tamen sub gravi, juxta valde probabilem sententiam *Salmanticensium de Contr. cap. 4. num. 82. cum Cajet. Bann. etc.* uti fusius dicemus *de contract. num. 720.* Notandum 2. quod idem, quod dictum est de voto, dicendum est de juramento principaliter emisso in honorem Dei, ut probabiliter censet *Tamb. lib. 2. cap. 8. §. 6. num. 3. et c. 17. §. 2. num. 15. cum Fagundez,* quod



possit relaxari ab Episcopo, sine consensu partis. Sed notandum 3. quod hoc intelligitur de sola promissione gratuita; secus vero dicendum, si pars acceptans se ad aliquod onus obligaret in commodum promittentis, tunc enim, cum intercedat ibi contractus onerosus utrinque obligatorius, promissio, et consequenter juramentum non potest remitti promittenti, nisi altera pars consentit, juxta legem contractuum. Et sic evenit in juramento *Perseverantiæ*, quod præstat in V. Congregatione PP. Missionis S. Vincentii a Paulo, necnon in nostra minima Congregatione SS. Redemptoris, ubi Oblati, licet principaliter in obsequium Dei juramento promittant perseverare in Congregatione; attamen, quia eodem tempore Congregatio eos acceptando se obligat ad ipsos sustendendos et instruendos, atque ad non dimittendos, sine justa et gravi causa (de qua autem Superiores non tenentur dimissis rationem reddere), ideo cum intercedat hic contractus ultro citroque obligatorius, nequit juramentum ab alio remitti, quam ab ipsa Congregatione, vel a Summo Pontifice, prout supremo bonorum Ecclesiasticorum Domino. Id patet ex Monito SS. Domini nostri Benedicti XIV. sive Bulla *Convocatis* edita 25. Novemb. 1749. §. 32. pro anno Jubilæi 1750. ubi dicitur: *Denique quoad vota noverint (Confessarii) sibi abstinendum ab eorum (votorum) commutatione, in quibus agitur de præjudicio tertii. Quare in eo, quod pertinet ad vota, quantumvis simplicia, seu Perseverantiæ, seu alia emitti solita in aliqua Congregatione vel Communitate, et in vota obligatoria a tertio acceptata, non se ingerant.* Ita præfatus Pontifex Noster apud F. Theodorum a Spir. S. in *Tract. de Jubil.* novissime edito anno 1750.

Qui *cap. xi. §. 2. n. 10.* quæstionem proponens, an votum, vel juramentum perseverandi emissum in Congregationibus a Sacerdotibus, sive Mulieribus Oblatis possit commutari in vim Jubilæi? Respondet negative, hanc rationem adducens: ( » Nec quia reservatum, sed quia emissum est per modum contractus onerosi ultro citroque obligantis. Nunquam enim Summus Pontifex confert facultatem ad commutandum votum, ubi læditar jus aliorum, *ex cap. Cum sit, de Rescriptis.* Nec obstat, quod votum hoc perseverandi principaliter fiat in Dei cultum, secundario in Congregationis obsequium; quia hoc non adimit, quin sequatur inter voventem vel jurantem, et Congregationem contractus ex utraque parte obligatorius, et proinde quin jus Congregationi quæsitum læderetur, si ejus irrequisito consensu votum emissum commutaretur. Ex eadem ratione sequitur commutari non posse votum ab Alumnis Collegiorum emissum pro Missionibus ad Infideles, etc. cum de tertii præjudicio tractatur, etc. » ). Ita prædictus Auctor. Et idem SS. Pontifex Benedict. XIV. in Bulla *Inter præteritos* ( edita die 3. Decemb. 1749. ) §. 5. n. 66. sic ait: *Quod vero attinet ad commutationem votorum, in quibus de tertii præjudicio agitur, quæ quidem Pœnitentiariis interdicatur, apposite sane scribit Suar. tom. 2. de Relig. lib. 6. c. 5. num. 7. circa vota Perseverantiæ, quæ a quibusdam fiunt dum aliquam Congregationem ingrediuntur, quæque naturam assumunt contractus et reciproce obligationis inter ipsos et Congregationem quæ eosdem recipit, a quibus Pœnitentarii dispensare non possunt.*

256. » Resp. 2. Potestas dispensandi convenit omnibus Prælatis, qui habent jurisdictio-

nem in foro externo, vel privilegium. *Less.*  
*lib. 2. cap. 40. num. 12. Sanch. cap. 47.*  
 et commun. Unde dispensare possunt sequen-  
 tes. I. Papa respectu omnium fidelium in  
 omnibus votis. II. Episcopus respectu suorum  
 subditorum; non autem Parochus, quia tan-  
 tum habet jurisdictionem fori interni. *Suar.*  
*loc. cit. c. 12.* III. Prælati Regulares exem-  
 pli respectu suorum Religiosorum, et Novi-  
 tiorum: idque circa vota, quæ vel in sæcu-  
 lo, vel etiam in Novitiatu fecerunt. *Less. n.*  
*n. 8. et 107. Sanch. lib. 9. de Matr. d. 29.*  
 non autem Prælati non exempti, neque Ab-  
 batissæ. \* ( *Neque Pœnitentarii, neque Vi-*  
*carii Episcopi, nisi facultas specialiter eis de-*  
*legetur. Salm. c. 3. n. 84.* ) \* *Suar. Less.*  
*ll. cc. IV.* Ex Privilegio Papæ, Confessarii  
 Ordinum Mendicantium secundum concessio-  
 nem, et moderationem suorum Superiorum,  
 ut notat *Less. d. 13. n. 108.*

Quæritur, an Papa possit dispensare in vo-  
 tis solemnibus? Quoad Clericos in sacris bene  
 probabiliter potest in voto castitatis, cum sa-  
 tis probabiliter hoc votum sit jure Ecclesiasti-  
 co tantum sacris Ordinibus annexum. ( *Vid.*  
*lib. 6. n. 807.* ). Ita *S. Thom. 2. 2. quæst.*  
*88. art. 11. et Salm. de Ordin. cap. 6. n.*  
*11. cum aliis contra Con. etc.* Majus dubium  
 est, an Papa possit dispensare in votis Re-  
 ligiosorum? Negant *Sotus, Sylvest. Arag. Turr.*  
*et apud Salm. de Statu Relig. cap. 1. num.*  
*41.* quia vota hæc sunt essentialiter annexa  
 statui Religioso de jure Divino. Sed probabi-  
 lius et communius affirmant *S. Thom. in 4.*  
*T. 33. quæst. 1. art. 4. q. 1. ad 3. et Salm.*  
*ibid. num. 42. cum S. Ahtor. Pal. Suar. Less.*  
*Sanch. Ponc. Cajet. Lea. Pell.* Et licet videan-

420 Lib. III. Tr. II. De Sec. Præc. etc.  
 tur S. Thom. se revocasse. 2. 2. dict. quæ 88.  
 art. 11. Verum Caj. ibid. ac Salm. dict. cap.  
 1. num. 41. cum Az. et Basil. non inepte S.  
 Doctorem explicant intellixisse, Pontificem in  
 eo tantum sensu non posse dispensare cum  
 Monacho, ut simul sit conjugatus, et Mona-  
 chus remaneat. Ceterum in primo loc. cit. ex-  
 presse docuit bene posse Pontificem dispensare  
 cum causa tamen urgentissima, nimirum ob  
 bonum commune Ecclesiæ, vel alicujus Re-  
 gni, aut Provinciæ. Ratio, quia recte cen-  
 setur hoc Pontifici concessum, cui concessit  
 Deus totius Ecclesiæ regimen. Certum est au-  
 tem Papam posse dispensare in votis simpli-  
 cibus, et Episcopos in non reservatis. Qua  
 vero ratione possint? Vide dicenda de Matrim.  
 lib. 6. num. 1117. Certum etiam est, quod  
 omnes Prælati, qui jure ordinario habent fa-  
 cultatem dispensandi in votis, possunt eam  
 etiam aliis delegare, ut Salm. de Voto cap.  
 1. num. 83. Quamvis autem, qui dispensandi  
 facultatem habent, sive ordinariam, sive de-  
 legatam, nequeant vota propria irritare, quia  
 nemo potest emittere votum sub conditione sui  
 consensus, ut certum est cum Sanch. Pal. et  
 Croix lib. 3. p. 1. num. 483. bene tamen pos-  
 sunt ea secum dispensare cum sit actus jurisdi-  
 ctionis voluntariæ. Ita Less. lib. 2. c. 40. num.  
 116. Croix loc. cit. et l. 1. num. 799. cum  
 Laym. Suar. Sanch. Bon. Fill. etc. Elb. num.  
 278. cum Ill. qui asserit esse communem sen-  
 tentiam contra Henno, et alios aliquos.

257. Vota autem Religiosorum dispensari pos-  
 sunt a suis Prælati, etsi fuerint emissa cum li-  
 centia ipsorum; et etiamsi fuerit votum trans-  
 eundi ad strictiorem Religionem, si utilius no-  
 scatur Religiosum manere in sua. Vide Salm.

c. 3. n. 90. et 91. Sicut posset etiam Episcopus cum suis subditis dispensare in voto ingrediendi in arctiorem Religionem, voto Religionis quoad substantiam relicto; cum nullo jure talis dispensatio inveniatur reservata; ita *Less. lib. 2. c. 40. num. 107. et Sotus, Sanch. Arag. Ledesm. etc. cum Salm. cap. 3. num. 91.* Facultas autem dispensandi potest a dictis Prælati delegari etiam simplici Clerico tonsurato. Vide *Salm. c. 3. num. 85.* Vota tamen substantialia, vel ipsius annexa, prout votum non edendi carnes, renunciandi dignitates etc. quæ solent emissioni aliquibus Religionibus, nequeunt dispensari, nisi a Pontifice. Est commune cum *Salm. num. 29.* Præterea Vota Novitiarum, si non sunt reservata, possunt dispensari tum a Prælati Religionis, tum etiam ab Episcopis propriis, ut docent *Sanch. Pal. Bon. Pelliz. cum Salm. c. 3. n. 89.*

Immo ex communi DD. cum *Less. lib. 2. c. 40. n. 154. et Nav. Sanch. Pal. Tumb. et quamplurimis cum Salm. c. 3. n. 79.* Omnes Confessarii Regulares possunt dispensare vota quorumcumque Fidelium intra, et extra Confessionem (nam minime requiritur, ut qui facultatem habet, dispenset in Confessione): et hoc ex diversis Privilegiis Pontificiis, quæ afferunt *Salm. d. 94. Elbel n. 280.*

Eandem facultatem habent Legati a latere, et Nuntii in Provincia sibi commissa: Item Capitulum, Sede vacante, et Abbates Episcopalem jurisdictionem habentes. Vide *Salm. n. 88. 258.* » Resp. 3. Supradicti omnes Papa inferiores possunt dispensare in omnibus votis, » exceptis quinque soli Papæ reservatis, scilicet » voto Castitatis perpetuæ, religionis approba- » tæ, Peregrinationis ad limina Apostolorum,

» ad S. Jacobum Compostellam, et Ultramarina,  
 » ua, sive in terram Sanctam. Vid. *Bon. Less.*  
 » *Laym.* II. cc.

Quoad vota reservata plura sunt notanda.  
 Notandum I. quod facultas dispensandi in his  
 non intelligitur concessa a Pontifice, nisi adsit  
 concessio specialis, vel saltem generalis per  
 clausulam, quia talis facultas expresse conceda-  
 tur, ex *Extrav. Et si Dominici. 2. de Poenit.*  
*et Remiss.* ubi Pontifex præcipit non relaxari  
 talia vota, *Nisi ex speciali licentia, et certa*  
*scientia nostra.* Atque in c. *Si Episcopus eod.*  
*tit.* dicitur: *In generali concessione non veniunt*  
*ea, quæ non esset quis verisimiliter concessurus.*  
 Et est commune. Vid. *Salm. cap. 3. num. 126.*  
 Si vero concedatur facultas dispensandi reserva-  
 ta, ad omnia extenditur, si nullum votum ex-  
 cipitur: *Suar. Pal. etc. cum Salm. ibidem.*

Notandum II. quod Episcopi, et similem juri-  
 sditionem habentes possunt recte dispensare  
 in votis reservatis in urgente necessitate, puta  
 si non sit facilis accessus ad Papam, et in  
 mora sit periculum gravis damni vel spiritualis,  
 prout violationis voti, scandali, fixarum, aut  
 alius peccati; vel periculum temporalis proprii  
 aut alieni, nimirum gravis infamiae mulieris,  
 et similia. Ita *Less. lib. 2. cap. 40. n. 126.*  
*et 127. Sanchez lib. 4. cap. 4. num. 44. et*  
*Laym. Barb. Suar. Pal. Sylv. Tambur. et alii*  
*cum Salm. cap. 3. num. 96.* An autem eo ca-  
 su possint in his votis dispensare etiam Confes-  
 sarii Mendicantes? Negant communius *Tambur.*  
*Enrix, Sanch. Spor. etc.* Sed *Elbel num. 279.*  
*cum Ana. Henr. Bass. etc.* putat probabile,  
 quod possint; quia Episcopi tunc dispensant  
 vero jure ordinario, ut valde probabiliter docet  
*Less. ibid. cum Nav. Silvest. et Sp.* Vide di-

cenda *lib. 6. de Matrim. num. 1129. v. Queritur.* Adverte autem hic, quod prædicta procedunt, quando dispensatur votum reservatum, puta castitatis, ad contrahendum Matrimonium; tunc enim requiritur, ut periculum sit in mora, et non pateat facilis recursus ad Papam. Nam si Matrimonium est jam contractum, etiam sine tali periculo possunt Episcopi, sicut et Confessarii Mendicantes, dispensare in voto castitatis ad petendum debitum. Vide *de Matr. lib. 6. n. 989. 990. et 1129.*

Advertendum autem quod prædicta facultas, quæ probabiliter conceditur Episcopis, et aliis quibus ab ipsis communicata est potestas dispensandi in votis reservatis, urgente necessitate ut supra, non conceditur Confessariis in Jubilæo habentibus a Papa facultatem dispensandi in votis simplicibus; nam quod conceditur Episcopis propter ipsorum ordinariam potestatem, non conceditur Confessariis in Jubilæo. Ita recte ait *F. Theod. a Spir. S. De Jub. cap. 11. §. 2. num. 21.* Advertendum etiam, quod dispensatio præfata non est concedenda, nisi quatenus necessitas obligat; unde si sufficiet suspendi votum, non potest dispensari: Item, si dispense-tur cum adstricto voto castitatis, ut nubat cum aliqua ad reparandum ejus honorem, nequit ille cum alia nubere. *Sanch. n. 40. et Salm. in fine cum Laym. Suar. Pal. Tamb. etc.*

Notandum III. quod prædicta vota minime sunt reservata: I. Si sint emissa sub obligatione levi, ut *Sanch. Dec. lib. 4. cap. 40. n. 47. et Salm. dict. cap. 3. num. 103. cum Pal. Trull. etc.* II. Si sint emissa ex metu, etiam levi, ab alio incusso, quia tunc non sunt facta cum plena libertate. *Salm. ibid. cum Tambur. Bassæo, et Leand. etc.* III. Si votum non

sit perfectum ex parte materiæ; et ideo non est reservatum votum non nubendi, non fornicandi; non petendi debitum, neque servandæ virginitatis, si intendatur tantum conservatio illius, secus si abstinencia ab omni actu venereo, neque votum castitatis pro aliquo tempore. Neque votum emittendi votum castitatis aut Religionis, vel suscipiendi Ordines Sacros, quia non est votum castitatis factum; sed faciendum. Ita *Laym. Suar. Pal. Prad. etc. cum Salm. num. 104.* Neque votum servandæ castitatis conjugalis. *Salmantic. ibid. cum Sanch. Trull. etc.*

IV. Item nec est reservatum votum Religionis non approbatæ. Nec votum peregrinationis ad Romam etc. si non sit emissum sola devotionis causa, et præcise illorum locorum; unde, si quis vovet Romam ire ad visitandam Imaginem S. Mariæ Majoris etc. votum non est reservatum. *Sanch. ibid. n. 77. et Pal. Fag. etc. cum Salm. num. 105.*

V. Quamvis vota sint reservata, non sunt tamen reservatæ circumstantiæ ipsorum, puta peregrinandi mendicando, ingrediendi Religionem arctiorem; potest enim Episcopus dispensare, ut is ingrediatur laxiorem; item, si votum sit ingrediendi statim, potest Episcopus cum causa dispensare, ut differatur ingressus. *Sanch. num. 74. et Pal. Tambur. Bas. etc. cum Salm. num. 106.*

VI. Nec est reservatum votum disjunctivum, puta Religionis aut jejunii, saltem si non elegerit partem reservatam; ut *Sanchez num. 46. Less. n. 124; et Pal. Laym. etc. cum Salm. num. 107.* Dubium est, an sit reservatum, si pars reservata jam electa fuerit? Affirmant *Sanch. Pal. etc.* Sed probabiliter etiam negant *Salm. ibid. cum Leand. Tamb. et aliis pluribus, juxta dicta, n. 224.*

V. Quæritur hic.



An autem Episcopus post matrimonium contractum dispensare possit votum castitatis emissum a conjuge? Vide dicenda de *Matrimon. lib. 6. art. 989. et 990.* ubi probabile est cum *Sanchi et aliis* posse, sive votum sit emissum ante, sive post matrimonium. Et idem posse Confessarios Mendicantes, dicitur *ibid. n. 1129.* Sed plures hic remanent quæstiones resolvendæ.

259. Quæritur I. an juramentum castitatis, sive Religionis sit reservatum pariter ac votum? Adsunt tres sententiæ. *Prima sententia* affirmat cum *Less. Fill. Laym. et Azor. apud Vida. de Jub. quæst. 12. num. 12.* quia in æquiparatis dispositum de uno censetur etiam de altero, ex *6. Postquam, de Elect. in 6.* Sed hæc ratio non videtur satis firma, dum communiter docent DD. vinculum voti, quod obligat ex fidelitate, et reverentia erga Deum, majus esse vinculo juramenti, quod obligat tantum ex reverentia, ut docet *S. Thom. 2. 2. quæst. 80. art. 8.* et ideo talia juramenta Pontificibus non solent reservari, ut dicunt *Viva loc. cit. et Dian. p. 4. Tract. 4. Res. 69. cum aliis.* *Secunda sententia* cum *Sanchi. de Matrim. lib. 8. D. 13. num. 4. et Sol. Caj. Azor. Val. et Salm. cap. 3. num. 108.* cum aliis disjunct: si juramentum includat votum, seu promissionem obligatoriam erga Deum, dicit esse reservatum; secus, si non includat. Sed hæc sententia nec etiam videtur congruenter loqui; nam quando supponuntur in tali juramento adesse duo vincula, scilicet juramenti, et voti, tunc dicendum votum esse reservatum, sed non juramentum. *Tertia* igitur *sententia* cum *Viva, et Dian. loc. cit. cum Trull. Tabien. Led. Pelliz. etc.* et probabilem vocat *Sporer de 2. Præc. cap. 3. num. 97. cum Tamb.* congruentius loquitur,

et tenet, quod minime sit reservatum tale juramentum; et si forte in ipso sit votum inclusum, votum equidem erit reservatum, sed non juramentum. Et hoc puto vere intellexisse *Sanch. loc. cit.*

Sed dubium magnum est, quandonam judicandum sit votum inclusum adesse, vel non in tali juramento? *Sanch. dict. lib. num. 4. Diana, et Viva dict. loc. cit.* putant, ut plurimum in tali juramento includi etiam votum; maxime, ait *Sanch.* quando offertur res Divinum honorem respiciens. Admittit tamen posse dari tale juramentum sine voto, quando quis inducitur ad jurandum ab aliquo motivo humano; puta, si ob officium amissum, vel ex ira erga propinquos juret Religionem. Sed proprius loquendo dicendum esse censeo, quod talis jurans intenderit se obligare ad Religionem duplici vinculo, nempe voti seu promissionis obligatoriae sub gravi, et amplius vinculo juramenti; tunc licet dispensetur a juramento, remanet tamen ligatus voto. Sed, si intenderit se graviter obligare tantum vinculo juramenti; ita ut emittat juramentum Religionis non ad firmandam alio vinculo suam promissionem, sed ad firmandum suum nudum propositum, seu promissionem de se non obligatoriam, tunc tenetur sub gravi tantum ex vinculo juramenti, a qua obligatione per relaxationem juramenti omnino liberatur; quia tunc obligavit se Deo, non ut creditori suam promissionem acceptanti; sed ut testi exigenti veritatem sui testimonii iure promissa, seu proposita; ut in hoc recte loquitur *Sanch. dict. num. 4. cum Lopez et Valent.*

In dubio autem, an adfuerit tale votum sive promissio obligatoria, jam communis est regu-

la, quod votum dubie emissum non obligat;  
Vide *Bus. de Conf. lib. 1. n. 75.*

260. Quæritur 2. utrum; commutato voto reservato, materia subrogata etiam reservata sit? Affirmant *Azor. et alii apud Leand.* quia tunc idem vinculum voti transfertur in illam. Sed communiter et probabilius negant *Leis. lib. 1. cap. 40. num. 124. Sanchez Dec. lib. 4. cap. 40. num. 46. et Suar. Laym. Pal. Tamb. Bus. etc. cum Salm. cap. 3. num. 109.* Ratio, quia, licet materia subrogata habeat idem vinculum voti; sed, cum non sit reservata, secum minime trahit reservationem, quæ primæ materiæ tantum addicta erat.

Quæritur 3. an votum conditionale Castitatis etc. sit reservatum? Prænotandum 1. quod si conditio sit de præterito, vel præsentī, certe votum remanet reservatum, quia tunc revera non dicitur conditionale, sed absolutum; cum conditio non suspendat obligationem. Vid. *Salmant. de Matrim. cap. 7. num. 1.* Idem dicendum, si conditio sit de futuro necessario, quæ habetur ut non appositā; vel etiam de futuro contingenti, quod sit commune, v. gr. *Si vixerō, si poterō etc.* Idem si conditio apponatur animo suspendendi non obligationem, sed executionem voti, v. g. *Voveo ingredi Religionem, si vigesimum annum attigero: Si cursum studiorum consummaverō.* Vide *Salm. de Voto c. 2. n. 38.* Prænotandum 2. ut certum, quod si conditio nondum sit impleta, potest votum dispensari a quocumque habente facultatem ordinariam, quia reservatio intelligitur de obligatione consummata. Est commune cum *Salm. de Voto cap. 3. n. 3.*

261. Magnum dubium est, an sit reservatum votum conditionale de futuro, conditione jam

impleta? Adest triplex sententia probabilis. *Prima* affirmat, sive votum sit conditionale, sive pœnale; quia, verificata conditione, perficitur votum, et fit absolutum, ac si tunc esset emissum. Ita *Sot. Azor. Covarr. et apud Salm. d. cap. 73. num. 143.* *Secunda sententia* dicit, reservatum quidem esse votum conditionale, non autem pœnale, cum pœnale non fiat ex affectu ad religionem, aut Castitatem; immo potius ex horrore erga illas, dum promittitur in pœnam. Ita *Less. lib. 2. c. 40. num. 132. et Laym. Suar. Bon. et apud Salm. ibid.* *Tertia* vero sententia valde probabilior, quam tene *Sanch. Dec. l. 4. cap. 40. num. 93. Croix lib. 3. p. 1. num. 545. et 546. Salm. ibid. n. 114. et 115. cum Tol. Trull. Prado, Led. Dian. et pluribus aliis, et Elbel num. 286.* vocat probabilissimam. cum *Pal. Fill. Spor. et March.* docet omnia vota sive conditionalia, sive pœnalia non esse reservata; Ratio, quia votum, ut sit reservatum (prout admittere videntur omnes, etiam Auctores secundæ sententiæ), debet procedere ex perfecto, et solo affectu ad rem promissam: sic enim reservatio intelligenda est. Votum autem pœnale tale non est, ut patet; neque votum conditionale, ubi conditio præfertur rei promissæ, et ideo principalis affectus magis est ad conditionem. Quare, licet, impleta conditione, reddatur obligatio absoluta, votum tamen cum procedat ex affectu imperfecto, non est reservatum. Secus tamen dicendum, ut bene ait quidam Neotericus (*F. Theodor. in tract. de Jubil. cap. XI. §. 2. num. 9.*), si quis voveret Religionem cum conditione, v. gr. *si Mater obierit*; quia tunc votum potius est absolutum, quamvis ad executionem, durante Matris vita, non

obliget; particula enim *si* non raro æquivaleret particulæ *quando*.

262. Utrum autem peregrini possint dispensari ab Episcopo loci, ubi reperiuntur, in votis et juramentis? Probabilius negatur cum *Sanchez de Matrim. lib. 3. D. 25. num. 12. et 13. Salm. de Leg. cap. 3. num. 55. et aliis communiter contra Pontium. Pal. et Joseph. de Januar. nisi animum saltem habeant manendi ibi per majorem anni partem. Vide tamen quæ fuse de hac quæstione diximus lib. 1. de Leg. num. 138. Et vide etiam dicenda num. 232. in fin. v. An autem, ubi satis probabile est cum Suar. Pont. Salas Pal. Sanch. Salm. etc. peregrinos fieri vere subditos Superioris illius loci, ubi sunt, etiamsi per breve tempus ibi commorentur.*





## TRACTATUS III.

*De Tertio , et Quarto Præcepto.*

## CAPUT I.

*Quid tertium præceptum , Memento , etc.*

263. *An hoc præceptum sit naturale , vel cære-  
moniale ?*
264. *An per hoc Præceptum præcipiatur cultus  
interior ? Et an hoc Præceptum sit affir-  
mativum ?*
265. *An observantia Dominicæ sit de jure Di-  
vino ?*
266. *An Episcopi possint Festa indicere ?*
267. *A quo tempore incipiat obligatio Festi ?*
268. *Ad quid obliget hoc Præceptum ? Quibus  
Festis permittantur opera servilia in Re-  
gnis Siciliæ ?*
269. *An sit obligatio audiendi Concionem ? Et  
qualis sit obligatio Episcoporum , et Pa-  
rochorum concionandi.*
270. *Qui teneantur observare Festa ?*
271. *An in Festis liceat injungere servilia Infir-  
melibus ?*

263. » **P** Ræceptum hoc , quatenus vult tem-  
» pus aliquod sanctificari , sive impendi cultui  
» Divino , est naturale , et adhuc obligat : qua-  
» tenns vero tempus ad id designatur die Sab-  
» bati ; est cærimoniale , et in novo Testamento  
» abrogatum ; ac pro eo ab Ecclesia designatus

432 Lib. III. Tr. III. De III., et IV. Præc. etc.

» dies Dominicus, et Festi, præscriptusque mo-  
» dus colendi, ut quædam opera illis diebus  
» fiant, quædam non; hæc prohibentur, illa  
» præcipiuntur. *Bon. Laym. ex D. Thom. 2.*  
» 2. q. 122.

Quæritur 1. an præceptum de Sabbato sancti-  
ficando fuerit *Naturale*, aut *Cæremoniale*? Re-  
spondetur una cum *Bus.* quod præceptum, prout  
determinavit in aliquo anni tempore esse Deo  
vacandum, fuit *Naturale*, et obligavit omnes,  
et ideo inter Decalogi præcepta computatur;  
prout autem determinavit diem Sabbati a vespe-  
ra usque ad vesperam (ut in *Lev. 23.*) fuit  
cæremoniale, et obligabat tantum Hebræos. Est  
commune cum *Catech. Rom. 3. p. in Præc. Dec.*  
*num. 4. et 6. et S. Th. 2. 2. q. 122. art. 4.*  
*ad 1.* qui sic docet: *Præceptum de sanctifica-*  
*tione Sabbati est partim morale, partim cære-*  
*moniale. Morale quidem est quantum ad hoc,*  
*quod homo deputet aliquod tempus vite sue ad*  
*vacandum Divinis..... Sed in quantum in hoc*  
*præcepto determinatur speciale tempus in signum*  
*creationis Mundi, est cæremoniale. Unde poni-*  
*tur inter Præcepta Decalogi, in quantum est*  
*morale, non in quantum est cæremoniale. Vide*  
*Salm. tract. 23. de 3. Præc. hoc punctum fuisse*  
*disserentes c. 1. a n. 1. usque ad 7.*

264. Quæritur 2. an in hoc præcepto præci-  
piatur cultus Dei etiam interior? Affirmat *Scotus*,  
*Angel. et Tabien. apud Sal. dict. cap. 1.*  
*num. 8.* unde dicunt teneri Fideles ex hoc præ-  
cepto ad eliciendos actus charitatis, et contritio-  
nis; sic enim obtinetur animæ sanctificatio, quæ  
hoc præcepto jubetur. Sed communissime negant  
*S. Antonin. p. 2. tit. 9. cap. 7. §. 2. q. 4.*  
*art. 4. concl. 2. dub. 2. Sanch. Dec. lib. 2.*  
*cap. 35. num. 8. et Salm. ex n. 9. cum Cov.*



*Fill. Bon. Sayr. etc. ex D. Thom. 1. 2. q. 122. c. 4. ubi docet quod ad interiorem cultum non cogimur, sed movemur a Spiritu-Sancto; Et ideo (ait) in tertio præcepto præcipitur exterior Dei cultus. Idemque docet Catech. Rom. de 3. præc. n. 1. ubi: Hoc legis præcepto externus ille cultus, qui Deo a nobis debetur, præscribitur. Sanctificatio autem animæ est quidem finis præcepti, sed finis præcepti non cadit sub præcepto, juxta commune axioma Theologorum, utque docet idem D. Th. 1. 2. q. 100. art. 9. in corp. et expressius ad 1. ubi: Non enim idem est finis præcepti, et id de quo præceptum datur.*

Quær. 3. an hoc præceptum sit affirmativum, aut negativum? Et respondetur esse affirmativum, dum non obligat semper, et ad semper. *Suar. Sanch. Pal. Leand. Fag. cum Salm. ibid. n. 25. contra Caj. et Fill. etc. qui tuentur esse negativum, cum in eo nihil positivum Judæis præcipiebatur; sed hoc negatur. Vide Catech. Rom. n. 11.*

265. Quæritur 4. an observantia diei Domini sit de jure Naturali sive Divino, vel tantum Ecclesiastico? *Prima* sententia asserit de Divino; quia Dominicus dies successit loco Sabbati, quod jure divino erat institutum ad Deum colendum. Ita *Abb. Ang. Panorm. apud Salm. et his adhæret Croix lib. 3. p. 1. num. 691. cum March. et Spor.* qui dicit excusatum in Festo a Missa, teneri in Dominica colere Deum saltem aliquo actu interno. Sed longe probabilior, et communis est *secunda* sententia, quod sit de jure Ecclesiastico, ex *Catech. Rom. n. 19. ubi: Placuit autem Ecclesiæ Dei, ut diei Sabbati cultus in Dominicum transferatur diem.* Idem docet *S. Thom. 2. 2. quæst. 122. art. 4. ad 4. Observantia diei Dominicæ succedit observan-*

*tive Sabbati non ex vi legis, sed ex institutione Ecclesie. Et ideo observantia Dominicæ ab Ecclesia mutari, et dispensari potest; quamvis dispensari non posset, quod nullus sit dies festivus cultui Divino specialiter deputatus, prout de facto Alexander III. dispensavit, ut in Dominicis fiat piscatio haleciarum, uti habetur in c. Licet de Feriis, ubi sic dicit: Licet tam veteris, quam novi Testamenti pagina septimum diem ad humanam quietem specialiter deputaverit, et tam eum, quam dies Majestati altissimæ deputatos, necnon natalia Sanctorum Ecclesia decreverit observanda; Indulgemus, ut liceat diebus Dominicis, et aliis Festis (præterquam in solemnitatibus), si halecia terre se inclinaverint, eorum captioni ingruente necessitate intendere. Hanc sententiam tenent Sotus de Just. lib. 2. quæst. 4. art. 4. ad 2. D. Anton. p. 2. tit. 9. c. 7. Nav. cap. 13. num. 1. Azor. tom. 2. lib. 1. cap. 2. quæst. 2. Suar. t. 1. de Relig. lib. 2. cap. 4. n. 8. Sanch. Cons. lib. 5. c. 2. Dub. 1. ex n. 2. Elbel n. 340. et Salm. cap. 1. num. 38. communiter cum S. Th. loc. cit. mox supra num. 263. Fill. Caj. Bon. et cum aliis Carden. in tract. 52. p. 2. num. 15. ac Bellarm. Sed urget magna oppositio, videlicet: Præceptum Sabbati erat certe naturale, et morale, nam ideo inter Decalogi præcepta numeratum fuit: Ergo Dominica, quæ Sabbato substituta fuit, etiam de jure naturali sive Divino est. Respondetur, quod licet sit de jure Divino et naturali, ut designetur aliquod tempus determinatum ad Deum colendum, determinatio tamen hujus cultus, et dierum quibus conferendus erat, fuit a Christo dispositioni Ecclesiæ relicta: ita ut posset tunc Papa decernere, ut observantia Dominicæ duraret tantum per aliquas*

Cap. I. Quid tertium præc. etc. 435

horas , et quod licerent aliqua opera servilia , ut dicunt *Salm. dict. num. 38.* Et ideo præceptum hoc , quoad exhibitionem cultus , est quidem Divinum , sed quoad determinationem cultus , et temporis , est Ecclesiasticum. Vide *Salm. dict. n. 38. et 39. et in fine Proœmii ad 3. Præc.*

166. Quæritur 5. an Episcopi possint pro suis Dioccesibus Festa indicere ? Constat posse ex *c. Conquestus de Feriis.* Sed dubium est ex *Bulla Urb. VIII.* ubi in Domino monentur Episcopi , ut abstineant a Festis instituendis. Verum probabilius illa verba sunt potius monitiva , quam præceptiva. Vid. *Salm. c. 1. n. 113. et 114.*

Dubium majus vertitur , an requiratur consensus Cleri , et populi ? Affirmandum est cum *Azor. Covarr. Bonac. Trull. etc. et Salm. ibid. num. 116. ex dict. cap. Conquestus de Fer.* Notandum tamen , quod sufficit , si Clerus , et Populus non contradicant. Notandum deinde , quod , licet Episcopus , illis contradicentibus , nequeat Festa iudicare perpetua , potest tamen una , vel altera vice. Imo *Suar. Bonac. Trull. Pal. Barb. etc. ap. Salm. num. 117.* dicunt sufficere ex consuetudine solum Cleri consensum ; sed huic contradicunt *Salm. 118. juxta jus antiquum.* Notant tamen , quod , attento jure novo ex *Bulla Urb. VIII. Universa* , edita ann. 1642. possunt Episcopi sine consensu Populi , et Cleri instituere Festa perpetua. Ita *Salmantic. n. 119. et 120. cum Bord.* Sed contradicit *Croix* , dicens non teneri Populum servare Festum indictum ab Episcopo sine ejus , vel Cleri consensu , cum *Barbos. Gav. Gob. etc. n. 619.* Et quidem probabilius , nam ex una parte certum est ex *dict. c. Conquestus* , non posse Episcopum sine consensu Cleri et Populi Festa iudi-

cere : Ex altera autem parte in præfata Bulla ( juxta verba ipsius relata apud *Salm.* ) non aliud dicitur , nisi quod Episcopi abstineant de facili Festa instituire : Unde non bene , saltem , non satis deducitur hanc facultatem absolute Episcopis concedi.

Utrum autem Episcopi possint Festa instituire in honorem Sanctorum tantum beatificatorum ? Affirmant *Suar. Trull. Fag. etc. apud Salm. num. 21.* Sed ipsi ut verius negant cum *Sanch. Barb. Vill. Dian. etc. num. 122.* Principes seculares etiam posse indicare dies festos , saltem quoad abstinentioniam a servilibus , dicunt *Sa. Silv. etc.* Sed negant commun. *Azor. Sanch. Fill. et plures alii cum Salm. n. 125.*

Quæritur 6. a quonam tempore incipiat obligatio die festi ? *Ang. Panorm. etc.* tenent incipere a vespera ad vesperam. Probabilius vero incipit a media nocte ad aliam ; talis enim est usus hodiernus Ecclesiæ Romanæ. Verum est tamen , quod possunt institui Festa usque ad meridiem ; aut noctem. Ita *Nav. Suar. etc. cum Salm. num. 131. et Elbel de 3. Præc. n. 331.* Notandum autem , quod si festum ob diem impeditam transferatur in aliam quoad Officium , non transfertur obligatio audiendi Sacrum , et abstinendi a servilibus. Est commune , vide *Salm. n. 133.* quia talis est communis praxis Ecclesiæ.

268. Quær. 7. an hoc præceptum obliget sub gravi ; et ad quid obliget ? Ad primum respondetur affirmative , cum dampnata fuerit ab Innoc. XI. propos. 51. dicens : *Præceptum servandi Festa non obligat sub mortali , seposito scandalo , si absit contemptus.* Ad secundum respondetur , quod obligat ad audiendum Sacrum ex c. *Vice illius , de Tregua , etc. Si quis , de Con-*

*secr. Dist. 1. Et ad abstinendum a servilibus ex Lev. 23. 7. et ex cap. 1. Licet de Fer. Et hoc non solum in Dominicis, sed etiam in aliis Festis.*

Hic opportune advertendum, quod ex Brevi edito die 22. Decemb. an. 1748. a nostro Pontifice Bened. XIV. pro Regnis utriusque Siciliae permittuntur opera servilia in Festis, exceptis *Diebus Dominicis Paschatis Resurrectionis, et Pentecostes, et aliis Dominicis per annum; necnon diebus Circumcisionis, Epiphaniae, Ascensionis, Corporis Christi, et Nativitatis Domini; diebus Purificationis, Annunciationis, Assumptionis, Nativitatis, et Conceptionis B. M. V. Immaculae; Festo SS. Ap. Petri, et Pauli, omnium Sanctorum, ac præcipui quorumque locorum Diocesium Patroni.* Pro aliis Festis præcipitur tantum auditio Sacri.

269. Utrum autem sit obligatio etiam audiendi concionem? Sic videtur præcipi in *c. Sacerdotes. Dist. 1. de Consecr.* Sed respondetur negative cum *Bus. infra n. 308. et n. 323. ac Salm. tr. 23. cap. 1. n. 141.* Explicat autem *Glossa* textum cit. loqui tantum de contemnentibus concionem. Et, ut notat *Suar. t. 2. de Relig. l. 2. c. 16. n. 8.* nil aliud ibi præcipitur, quam ut Episcopi, et Parochi diebus dominicis, et solemnioribus per se, aut per alios idoneos concionem faciant, et in adventu, et Quadragesima saltem tribus diebus in hebdomada prædicent, si ita oportere duxerint. Ex quibus verbis non imponitur alia obligatio, quam Episcopis et Parochis prædicandi. Hic obiter advertendum, quod in *Trid. sess. 5. cap. 2. de Ref.* præcipitur tam Episcopis, quam Parochis obligatio concionandi suis Populis in dominicis, et Festis solemnibus, his verbis: *Omnes Episco-*

pos, et Prælatos teneri per seipsos, si legitime impediti non fuerint, ad prædicandum (vel per idoneos si impediti fuerint). Si quis autem hoc adimpleri contempserit, districtæ subiaceat ultioni. Archipresbyteri quoque, Plebani, et quicumque curam Animarum obtinent, per se, vel alios idoneos, si legitime impediti fuerint, diebus saltem Dominicis et festis solemnibus plebes sibi commissas pro sua, et eorum capacitate pascant salutaribus verbis, docendo ea quæ scire omnibus necessarium est ad salutem, annuntiandoque eis cum brevitate, et facilitate sermonis vitia quæ eos declinare, et virtutes quas sectari oporteat. Idem præceptum renovatur Episcopis in eodem Concil. Sess. 24. cap. 4. Hinc non dubito cum *Salm. de 3. Præc. c. 1. num. 143. et. 144. et Barb.* quin prædictum præceptum obliget tam Episcopos, quam Parochos graviter, et absolute. Nec obstat id quod sentit *Suar. apud Bon. D. 5. q. un. p. 2. in fin.* nempe quod hoc præceptum non obliget tam rigore, ita ut graviter peccent Parochi qui interdum, vel sæpius omittunt concionari: id opinatur *Suar.* tam ex consuetudine sic legem interpretante; quam ex ipso Concilio, ubi in *dict. cap. 4. sess. 24.* cum agitur de hac obligatione Episcoporum, dicitur *si ita oportere duxerint*; Et huic interpretationi adhærent *Bonac. l. c. et Pal. tr. 9. D. 9. p. 4. n. 5.* Sed bene respondent *Salm. l. c. n. 143.* quod conditio illa refertur ad tempus tantum Adventus et Quadragesimæ, ut patet revera ex contextu Concilii, sed non ad alia anni tempora. Communiter tamen DD. in tali præcepto admittunt parvam materiam; *Rone. de 5. Præc. c. 5. p. 6.* vult parvam materiam tantum duodecimam partem concionum infra annum: Sed

hoc videtur nimis rigidum. *Salm.* autem num. 145. rationabiliter afferunt non excusari a culpa gravi Parochos sæpius prædicationem omit- tentes, quo videntur *Salm.* excusare Parochos interdum omittentem. Hinc non improbabiliter videntur tenere *Bon. et Pal. ll. cc.* non pecca- re graviter Parochos, qui interdum concionari omittunt; secus vero, ut ajunt, si omittent per unum integrum mensem continuum, aut per tres menses discontinuos in anno. Tanto ma- gis, quia in *Trid. d. 3. 5. c. 2. in fin.* dicitur quod si ab Episcopo ipsi Parochi, moniti, trium mensium spatio muneri suo defuerint, per cen- suras etc. cogantur, ut officium suum impleant. Ex quo videtur in hac materia ejus parvitatem majorem latitudinem habere. Notant demum *Salm. id. n. 145.* bene posse Parochos concio- nes omittere, ut postea opportunius suppleant. Episcopi autem rarius quidem quam Parochi te- nentur conciones facere.

270. Quær. 8. quinam teneantur observare Festa? Respondetur omnes Fideles rationis com- potes, idest circa finem septennii. Ita ex com- muni *Croix l. 3. p. 1. et n. 615. et Salm. c. l. n. 151.* contra alios, quorum opiniones passim rejiciuntur. Hinc pueri, qui ante septennium certo pervenerint ad usum rationis, tenentur, ut censent probabilius *Suar. 3. p. t. 3. D. 82. sect. 4. in fine; Nav. c. 21. n. 7. Azor. t. 1. l. 7. c. 2. q. 1. et Salm. c. 1. n. 152. cum Fagund. ac Dian. p. 10. tr. 12. R. 37.* qui hanc sententiam probabiliorē vocant ( contra vero non tenentur, si post septennium adhuc usu rationis carerent). Ratio, quia lex ista ob- ligat omnes qui ad annos discretionis perveniunt. Sed non immerito sententiam oppositam proba- bilem putant *Elbel. de Leg. n. 369. Dian. l.*

440 Lib. III. Tr. III. De III. et IV. Præc. etc.  
*e. cum Trull. Rocafull. et Pasqualig. ac Croix*  
*l. 1. n. 676. cum Burg. Illsung. et Jo. Sanch.*  
*Zachar. l. 3. p. 1. n. 615.* nempe pueros ante  
septennium, etiamsi usum rationis acquisierint;  
non teneri ad leges positivas, quia istæ non ob-  
ligant, nisi secundum communiter contingentia,  
ut habetur in *l. Nam ad ea. ff. de Leg.* ubi  
*Nam ad ea potius debet aptari jus, quæ fre-*  
*quenter et facile, quam quæ perraro eveniunt;*  
hac etiam ratione *D. Th. 2. 2. q. 147. ar.*  
*4. ad 2.* excusat a jejuniis juvenes ante 21. an-  
num etiamsi aliquis non indigeret frequenti cibo.  
Quia ( ut ait ) *Legislator attendit id quod com-*  
*muniter et in pluribus accidit.* Idem autem di-  
cunt *Sanctius, Dian. et Burgh.* apud *Croix*  
*lib. 6. p. 2. n. 2026.* de præcepto annuæ Con-  
fessionis; Sed tenendum cum *Pal. de Sacr.*  
*Pœn. p. 20. §. 2. n. 2.* qui dicit esse com-  
munem sententiam cum *Sylv. Suar. Con. Nap.*  
*Laym. Vasq. Bon. etc.* bene obligare ad Con-  
fessionem pueros conscientiam peccati mortalis  
habentes, dum ex *c. Omnis utriusque sexus,*  
*de Pœn. et rem.* præcipitur, quod omnis fide-  
lis, postquam ad annos discretionis pervenerit,  
teneatur ad annuam Confessionem. *Ad annos di-*  
*cretionis,* bene explicat *Glossa, idest, cum*  
*est doli capax.* Post septennium vero, in dubio  
rationis adeptæ pueri, certe tenentur, ad omnes  
leges, quia tunc sine dubio præsumptio ex com-  
muniter contingentibus stat pro obligatione, ut  
*Elbel ib. et Sanch. Bón. Dia. etc. ap. Salm.*  
*d. n. 151.* Qui autem simul esset cæcus, mu-  
tus, et surdus non tenetur adesse Missæ, quia  
non posset præstare moralem assistentiam; secus  
si tantum sit cæcus, vel surdus. *Croix lib. 3,*  
*p. 1. num. 616.* An teneantur peregrini ad ob-  
servanda Festa? Vide dicta supra *l. 1. num.*



Cap. I. Quid tertium præc. etc. 441  
156. et dicenda hoc lib. 3. num. 332. in fin.  
v. *An autem.*

271. An autem liceat in Festis injungere opera servilia Infidelibus? Negant *Fernand. ap. Tamb. c. 3. §. 1. num. 17.* Sed affirmant *ib. Dian. Merolla, Laym. l. 1. t. 4. c. 9. n. 3. Croix l. 1. n. 579. cum Viva, Tamb. et Elbel n. 410.* merito putant non improbable: cum *Laym.* permittat injungi perpetuo amentibus servilia, utrique enim sunt extra legem, dum Apostolus nos instruit, quod *Ecclesia non judicat de iis, qui foris sunt, 1. Cor.*

## DUBIUM I.

*Quæ opera tum hoc præcepto , tum ab  
Ecclesia prohibeantur ?*

272. *Quæ sint opera servilia ?*  
 273. *An sit duplex peccatum peccare in die festo ?*  
 274. *Quæ opera non sint servilia ?*  
 275. *An itinerari ?*  
 276. *An ducere currus vel jumenta onusta ?*  
 277. *An molere ?*  
 278. *An docere , scribere , canere etc. etiamsi fiant ob lucrum ?*  
 279. *An transcribere ?*  
 280. *An pingere ?*  
 281. *An delineare , retrahere , et an sculpere ?*  
 282. *An liceat Typographis componere ? Et an distillare ?*  
 283. *An venari , et piscari ?*  
 284. *Quæ sint opera forensia vetita in Festis ?*  
 285. *An liceant venditiones , et contractus ?*  
 286. *An liceant nundinæ , et mercatus ?*  
 287. *An liceat excommunicare , confiscare Testamenta , et similia ?*

272. » **R**esp. 1. Die festo prohibentur omnia  
 » opera servilia , hoc est , quæ et versantur  
 » circa materiam externam , et vel mechanica,  
 » et illiberalia sunt , v. gr. suere , fabricare ;  
 » vel requirant tantum laborem corporis , et a  
 » servis fieri solent. Ita DD. communiter Vid.  
 » Laym. lib. 4. tr. 6. c. 2. Suar. Fill. etc. ex  
 » S. Th. loc. cit.

Priænotandum , triplex genus operum dari  
 communiter ab AA. Alia sunt opera corporis :

quæ per corpus exercentur et ordinantur immediate ad utilitatem corporis, ut fodere, suere, etc. Et hæc dicuntur *Servilia*, quia a servis fieri solent. Hinc definitur opus servile ab *Ills. apud Croix l. 3. p. 1. num. 284. Actio quæ immediate in utilitatem corporis potius, quam animi viribus efficitur.* Alia sunt opera *Animæ*, quæ ab Animo præcipue procedunt, et ad animum excolendum spectant, ut legere, docere, canere, organa pulsare. Et hæc dicuntur *Liberalia*, quia a liberis exercentur. Alia denique sunt *Media* seu *Communia*, quæ a liberis et servis promiscue exercentur, ut iter facere, venari etc. Ita *Laym. Tract. 7. c. 1. n. 1. Bon. Dub. 5. q. un. p. 2. n. 6. Anaclet. Viva, etc.*

273. Quæritur hic, an peccent contra hoc præceptum, qui peccant in die festo? Affirmant *S. Bon. S. Anton. Med. etc. apud Salm. de 3. Præc. c. 1. n. 224.* quia, ut dicunt, peccatum opponitur cultui Divino, qui in Festo præcipitur. Sed probabilior, et non longe communior est contraria sententia *Nav. cap. 6. n. 9. Suar. l. 1. de Rel. lib. 2. cap. 18. n. 3. Lug. de Pœnit. D. 16. n. 116. et Salm. ex n. 225. cum Caj. Sot. Sylv. Sanch. Bon. Pal. Med. Trull. etc. ex D. Thom. qui in 3. D. 39. q. 5. art. 5. q. 2. ad 2. Glossæ dicenti in cap. 13. Lucæ, quod lex prohibet in Sabbato, non hominem curare, sed servilia opera facere, idest peccatis gravari, sic respondet: Opera servilia mystice intelliguntur peccata, sed ad literam dicuntur ad quorum exercitium servos deputatos habemus. Nec obstat illud quod S. Doctor ait 2. 2. q. 122. art. 4. ad 3. ubi dicit: *Mugis contra hoc præceptum agit, qui peccat in die festo, quam qui aliud corporale opus facit.* Nam hoc intelligit de fine præcepti, non*

444 Lib. III. Tr. III. De III. et IV. Præc. etc.  
autem de præcepti obligatione ; finis vero præ-  
cepti non cadit sub præcepto , ut dictum est n.  
264. ex eodem *D. Th.*

» 1. Impertinens est ad rationem operis ser-  
» vilis , utrum fiat ex lucro an ex recreatione :  
» ex hac , an ista intentione , pia , vana , et  
» turpi. *Cajet. Suar. Laym. loc. cit. etc. con-*  
» tra *Sylv. et Canonistas.*

274. » 2. Impertinens quoque est , sive fiat  
» cum defatigatione , et labore , sive non ; sive  
» brevi , sive longo tempore , etc. quia nihil  
» horum mutat naturam operis.

» 3. Servile non est , ideoque nec prohibitum ,  
» festo ludere , choreas ducere , instrumenta mu-  
» sica pulsare , iter facere pedibus , equo , cur-  
» ru , vel navi : unde etiam ad hæc necessaria  
» sunt licita. *Nap. c. 13. Tolet. et Laym. Suar.*  
» de fest. c. 27.

275. Utrum sit licitum in die festo itinerari  
pedibus , equo , vel curru ? Negant *Abul. Caj.*  
*Sylv. etc.* At Affirmandum est ex communi cum  
*Bus. Viva de 3. Præc. q. 9. n. 8. Elbel num.*  
*404. et Salm. c. 1. n. 247.* Et sententia oppo-  
sita nunc relinquenda est ut antiquata , bene  
ait *Ronc. c. 3. q. 4.*

Utrum autem sit licitum uti lectica ab ho-  
minibus portata ? Negat *Croix lib. 3. p. 1. n.*  
*577.* Affirmat *Tamb. cum Ills.* Sed in hoc dico  
attendendam esse consuetudinem locorum , quæ  
jam viget in urbe Neapolis , et excusat a cul-  
pa , ut bene advertit *Mazzotta de 3. Præcept.*  
*cap. 1. §. 1.*

276. » 4. Nec servile est , ducere jumenta  
» sine ouere , cum id sit iter facere , ut ait *Fill.*  
» hic c. 9. n. 170. Ducere autem jumenta ,  
» currus , vel navigium onustum mercibus , est  
» servile. *Suar. loc. cit. Fill. loc. cit.* Quod si

Cap. I. Quid tertium præc. Dub. I. 445

» tamen ante festum talia itinera incepta sint ,  
 » continuatio eorum permittitur , vel ob publi-  
 » cam utilitatem , vel ob damnum , quod alias  
 » sequeretur.

Quæstio gravis est , an liceat ducere currus ,  
 vel jumenta onusta in die festo? Triplex est  
 sententia. *Prima* tenet hoc esse p̄ se opus ser-  
 vile , præciso labore. Ita cum *Bus. Bon. Disp.*  
*5. q. un. p. 2. n. 25. cum Reg. et S. Anton.*  
*Nav. Caj. et Sylv. ap. Salm. cap. 1. n. 246.*  
*Secunda sententia* tenet non licere sub gravi ,  
 non autem per se , sed ratione laboris , si is  
 esset gravis in imponeudis aut levandis oneribus.  
 Secus si labor esset modicus. Ita *Croix l. 3. p.*  
*1. n. 578. Tamb. Dec. lib. 4. cap. 3. §. 1.*  
*n. 22. cum Dian. Sanch. Cons. lib. 5. cap.*  
*2. d. 7. n. 10. Pal. ap. Salm. cap. 1. n. 249.*  
*in fin. Elbel de 3. Præcept. n. 404. Tertia sen-*  
*tentia* probabilior , saltem hodie , quam tenent  
*Viva q. 9. Art. 1. n. 9. Ronc. c. 3. q. 4.*  
*Salm. c. 1. n. 250. cum aliis* , censet omnino  
 licitum esse non solum iter inceptum continua-  
 re , sed etiam inchoare. Ratio quia in tali la-  
 bore muliones non insumunt tempus notabile :  
 Et , si aliquando sit notabile , excusatur vel ob  
 evitandum grave damnum , vel ob publicam  
 utilitatem , vel denique quia adest universalis  
 consuetudo , quam adesse merito asserit *Max.*  
*t. 1. p. 405. Idemque ait de nautis p. 409.*

277. An autem liceat in Festis molere? Con-  
 cedit *Sanch. Cons. lib. 5. cap. 2. d. 13.* si sit  
 mola , quæ agitur aqua , vel vento ; non au-  
 tem , si agitur bestiis , et in qua requiritur ma-  
 gnus labor , et occupatio. Ex qua doctrina satis  
 probabiliter inferunt *Tamb. n. 14. et Croix n.*  
*578.* quod quando cooperatio , et applicatio ho-  
 minis est modica , non sit illicitum , saltem gra-  
 viter , etiam cum bestiis molere.

An autem liceat Ferrariis equos iter agentium ferrare? Vid. *Dub. seq. II. n. 300.*

278. » 5. Item nec servile est, sive gratis, » sive pro pretio docere, studere, scribere, » transcribere, et secundum quosdam, ut *Medin.* » *Lopez*, et *Armillam*, quorum sententiam pro- » habilem putat *Laym.* contra *Fill. Azor.* et » alios multos, pingere, etiam coloribus (nam » de rudibus lineamentis plerique concedunt); » terere tamen colores, et non pingere, sed » tingere, ut v. gr. colorare asseres, vel pan- » nos, dealbare parietes, illiberale est.

Hic plura sunt distinguenda.

Quær. 1. an docere, scribere, ludere, canere etc. sint *servilia*, si fiant ob lucrum? Affirmant *Abul. Azor. Tabien. etc. ap. Salm. c. 1. n. 263.* quia, licet tales actiones sint liberales, ex lucro tamen fiunt serviles. Sed tenendum est oppositum ex *S. Th. 2. 2. q. 122. art. 4. ad 3. cum Sot. Nav. Suar. et Salm. n. 264.* Ratio, quia intentio operantis non potest opus mutare.

279. Quær. 2. an transcribere sit opus servile? Affirmant *Caj. Nav. Sanch. Sylv. etc. apud Salm. c. 1. n. 268*, quia transcribere, dicunt, non est opus mentis, cum multi transcribant etiam quod non intelligunt, sed negant communissime, et probabilius *Elbel num. 399. Ronc. c. 3. quæst. 4. Resp. 1. Salm. c. 1. n. 279. cum Suar. Sa, Trull. Bon. et Viva. Q. 9. Art. 1. num. 3. cum Pal. et communi*, quia transcribere, sicut scribere, ordinatur ad mentem instruendam: Et ideo *Elbel n. 400. Viva ibid.* notat ex *Tamb.* licere etiam transcribere notas musicas, et rationes, et etiam characteres componere, ut *Laym. cum Dian. Bus. n. 282. seq. Mazz. et Elbel num. 401.*

Cap. I. Quid tertium præc. Dub. I. 447  
cum *Spor. Tamb. Mayr. et pluribus contra Pal.*

280. Quær. 3. an pingere sit opus servile?  
*Prima sententia* negat cum *Lopez, Med. Aug. Sylv. Sayr. Armilla, Rosell. Barb. apud Salm. c. 1. n. 237. et apud Busemb. et Laym.* Ratio, quia, ut dicunt, tale opus proprie servile non est, sed potius liberale, prout simillimum ac scribere. Saltem non esse servile, si fiat recreationis causa, admittunt *Azor. Reg. Fill. etc. apud Bon. Disp. 5. q. un. p. 2. n. 25.* Hanc sententiam *Spor. n. 45.* vocat probabilissimam. *Secunda* tamen communior sententia tenet esse opus servile, quia non potest dici actio liberalis, cum non tendat ad mentem instruendam, ut tendit scriptura, sed solum ad assimilandas imagines rerum. Deinde, quia pingere simillimum est ac sculpere, et acu depingere, quæ ex communi sunt servilia. Ita *Salm. n. 238. cum Caj. Suar. Pal. Sanch. et aliis.*

His tamen non obstantibus, *Laym. Tract. 7. c. 2. n. 3. Viva q. 6. A. 2. n. 4. Elbel num. 395. Holzm. n. 541. Ronc. ib. q. 4. Anacl. Tract. 10. q. 2. Tamb. lib. 4. c. 3. §. 1. n. 8. cum Sa, Pelliz. et Pal.* admittunt primam sententiam esse probabilem, modo id fiat sine magno apparatu, scilicet colores miscendo, tabulas dolando, etc. Ratio, quia pingere, licet requirat operationem materialem, non videtur tamen proprie posse dici actio servilis, immo potius dicenda videtur liberalis: nam, sicut scriptura exprimit conceptus internos, ita dictura exprimit imagines rerum, ut dicunt *Castrop. Tambur. et Viva*; Vel, ut ait *Laym.* videtur, pingere esse actio liberalis quatenus tendit ad animum recreandum. Negari non potest prædictam opinionem satis esse pro-

babilem, ut recte dicit *Mazzotta*. Nam, etsi non constaret, quod pingere sit opus liberale, nec etiam constat esse servile; quod utique constandum fore videtur, ut posset dici prohibitum. Probabilius enim videtur esse actio, saltem *media*, et communis servis et liberis, dum sæpe communiter observamus nobiles viros non erubescere hanc operationem pingendi addiscere, et exercere; opera enim *in quantum* ( loquitur *S. Th. 2. 2. q. 122. art. 4. ad 3.* ) sunt *communia servis, et liberis, servilia non dicuntur*. Saltem, ut dicit *Ronc. in Reg. Præx.* non sunt dimittendi sine absolutione, qui hanc opinionem, ut probabilem sequuntur.

Communiter autem admittunt *Sporer tract. 3. in Dec. c. 4. Fel. Pot. n. 2033. Mazzott. et alii apud Tamb. et Viva*, non esse opus servile delineare, retrahere imagines vel exemplaria acu, ut solent scæminæ: hæc enim ( ait *Tamb.* ) magis referuntur ad exercendum ingenium, quam ad operandum. Excusant etiam *Az. Fill. Sylv. et Ang. apud Bon. ib. n. 25. in fine* puellas acu pingentes, ut addiscant, cum *Pal. Sa, Mirch. apud Bus. hic n. 283. in fin.*

Ars tamen sculptoria communiter, saltem in æstimatione hominum, inter artes mechanicas numeratur. Vide *Tamb. cum Pal. ibid. n. 10.*

282. » 6. Videtur etiam excusari posse in Typo-  
 » graphis litterarum collocatores, quando post  
 » Divina collocant neglectum pensum, ut ha-  
 » bet *Laym. hic*. Imprimere tamen servile ha-  
 » betur. *Escob. D. 5. c. 4. Suar. Laym. etc.*  
 » 7. Excusat etiam *Fill. hic n. 169.* distil-  
 » lationem, quæ sine corporis fatigatione potius  
 » ad experientiam, et peritiam fit, quam ex  
 » officio, et arte \* ( *Admittit eam Croix n.*  
 » 578. *si parva sit applicatio. An autem ob*



Cap. I. Quid tertium præc. Dub. I. 449  
 » eandem rationem liceat emundare triticum ma-  
 » nibus? Tamb. §. 1. in fin. in dubium revo-  
 » cat. Ceterum P. Michael apud Elbel n. 408.  
 » permittit ad vitandum otium leves labores, ut  
 » decerpere rosas, deorticare poma, etc. Sed  
 » in his potius dicendum, puto, quod requiratur  
 » majus temporis spatium ad materiam gra-  
 » vem).

283. » 8. Servile aliqui non putant (alii  
 » contrarium teneant; et excusant per consuetu-  
 » dinem, ad otium, aliaque pejora vitanda)  
 » venari. Granat. 2. 2. c. 3. l. 12. art. 4.  
 » sect. 7. n. 65. aucupari, militare, gladiari,  
 » piscari (saltem in fluminibus recreationis gra-  
 » tia) et similia: piscatio tamen moderata esse  
 » debet. Vid. Laym. et Fill. tr. 27. c. 9. q.  
 » 12. Bon. d. 5. q. 1. p. 2. n. 23. Escub.  
 » qui docet, laboriosam, et ex officio non li-  
 » cere. Similiter quidam excusant puellas ad  
 » otium vitandum acu pingentes, Arm. Azor.  
 » Pal. Sa, Marcant. Vid. Dian. p. 5. l. 6.  
 » R. 15. et p. 4. tr. 4. R. 64.

Quæritur, an venatio, aucupatio, et piscatio  
 sint opera vetita in Festis? Adest duplex sen-  
 tentia. Prima affirmat, quia dicunt esse opera  
 servilia, maxime si fiant ob quæstum, ut Syl-  
 vest. Angel. Corell. et apud Salm. c. 1. n.  
 141. Secunda tamen sententia probabilior, et  
 communior negat esse prohibita, etsi fiant causa  
 lucri; vel quia non sunt opera servilia, ut te-  
 nent Laym. cap. 2. n. 4. Elbel nu. 402. Sanch.  
 Conf. lib. 5. cap. 2. D. 14. et 15. Navar.  
 Medin. Granad. Rod. Lóp. Vel quia saltem  
 excusantur a consuetudine, ut recte tenet Holzm.  
 n. 542. Viva Art. 1. n. 15. cum Pal. Sanch.  
 Trull. Fill. Leand. etc. modo, intellige, hæc  
 fiant sine magno labore: alias frustra videretur

450 Lib. III. Tr. III. De III. et IV. Præc. etc.  
Pontifex dispensasse in piscatione halecum in c.  
3. de Feriis.

284. » Resp. 2. Prohibentur præterea quæ-  
» dam opera non servilia, quæ dicuntur foren-  
» sia, ut sunt mercatus, placitum, judicium  
» ad mortem, vel poenam, et strepitus omnis  
» judicialis, idest actiones, quæ ad decisionem  
» causarum tam civilium, quam criminalium,  
» tam Secularium, quam Ecclesiasticarum spe-  
» ctant. Ita commun. DD. ex c. 2. de feriis.

*Unde resolves.*

» 1. Festo non licet citare, adducere testes,  
» idest, exigere juramentum judiciale, profer-  
» re, aut exequi sententiam, quæ si feratur est  
» irrita. Vid. Laym. Lib. 4. t. 7. c. 2. n. 7.

Prohibetur in Festis præstare juramentum ju-  
diciale pro rebus temporalibus, ut S. Th. 2.  
2. q. 89. art. 10. Sed licitum est præstare ju-  
ramentum Inquisitoribus, et etiam juramenta,  
quibus confirmantur contractus promissi in die  
festi. Viva, Art. 2. n. 15. Prohibentur etiam  
formatio processus, citatio partis, et sententiæ  
prolatio, sive executio, nisi aliter requirat ne-  
cessitas, aut pietas, ex c. ult. de Feriis.

285. » 2. Nec licet emere, et vendere res  
» non necessarias, negotiari publice, vel priva-  
» tim, inire contractus emtionis, locationis,  
» permutationis, etc. ( nisi ex consuetudine,  
» vel aliis justis causis excusetur ); quia in-  
» telliguntur nomine mercatus, qui prohibitus  
» est c. 1. de feriis, ut docent Bon. ex Suar.  
» c. 13. et Fill. t. 27. c. 10. q. 2. n. 180. \*  
» ( Vide n. seq. v. An autem ) \*.

286. Nundinæ universales ex consuetudine jam  
permittuntur, et alicubi etiam nundinæ particu-

Cap. I. Quid tertium præc. Dub. I. 451  
 lares in quavis hebdomada , ut *Viv. q. 9. art. 2. n. 2. cum Pal. et Salm. cap. 1. n. 276. et 278. et ibid. Sanch. Caj. Sor. etc. cum Croix n. 606.* qui cum *Pal. et Tamb.* dicit , quod ex consuetudine nunc videtur omnino licitus esse mercatus. Emptiones autem mercium certe sunt vetitæ a jure Canonico , ut ait *Sanch. D. 25. n. 3. etc. ap. Salm. n. 279.* At ubi est contraria consuetudo , excusantur : *Sanchez et Viv. ib.* Consuetudo enim ( ait *Mazz. §. 2.* ) in hoc magna ex parte legem abrogavit. Hinc notant *Salm.* permitti in Festis vendere poculenta , et esculenta , etsi ad gulositatem , cum *Caj. Sanch. Nav. et Busemb. D. 2. juxta Decr. Sacr. Congr. Rituum ap. Salm. n. 286.* Item vendere calceos , candelas , et similia , quorum pretium jam æstimatum sit. Item vendere domum , equum , merces , etiam præsentis , et quamvis in hoc multum tempus impendatur ; tum quia sic fert timoratorum usus ; tum quia Ecclesia tantum venditionem in publicis officinis prohibuit ratione scandali. Ita *Salm. ex n. 280. cum Sanch. Nav. etc. et Croix n. 606. cum Pal. Tamb. et Ills.*

An autem nomine mercatus vetentur etiam locationes , negotiationes , et similia ? Affirmant *Bus. cum Tab. Sylv. etc.* Sed communius negant *Sanc. cap. 2. D. 26. n. 3. Viv. Art. 2. n. 4. Salm. cap. 2. n. 274. cum Trull. Pal. Azor. et Leand.* Quia talis est sapientium consuetudo , qua videtur derogatum *Decretis S. Pii V. Cum primum , ann. 1566. et Sacre Congr. Rituum ap. Salm. n. 286.* Hinc licitos esse omnes contractus , si fiant sine instrumentis , et Judicis auctoritate , dicunt *Sanch. Ills. et alii apud Croix n. 606.* Ideo venditionem magni momenti cum solemnitate *Mazzott. d. §. 2. damnat de mortali ;* Sed *Viva* asserit ex communi

cum Pal. Qu. 9. Art. 2. n. 4. quod permittitur  
 conficere testamenta, contractus celebrare, ali-  
 osque similes actus facere, qui non requirant  
 strepitum judiciale; Et revera ubique inter  
 nos in Festis stipulantur instrumenta; Quamvis  
 Notarii alicubi solent ad hoc petere ab Ordina-  
 rio generalem licentiam, quæ ceterum commu-  
 niter conceditur.

237. » 3. Fæsto licet excommunicare, dis-  
 » pensare, judicem privatim informare, advo-  
 » catum consulere, consilia conficere; eligere,  
 » etc. quia non requirunt strepitum judiciale;  
 » V. Bon. l. c. \* ( Est communis apud Viva  
 » Qu. 6. Art. 2. n. 4. Licitum est etiam con-  
 » ferre Beneficia, et etiam jurisdictionem exer-  
 » cere sine strepitu judiciali: Item emancipare,  
 » et etiam appellare, Viva ibid. )\*

DUBIUM II.

*Quæ causæ excusent ab observatione Festorum,  
ob quas opera prohibita liceant.*

288. *Qui possint Dispensationem dare ad laborandum ?*
289. *Quinam laborantes excusentur ex Consuetudine ?*
290. *An vertentes segetes etc. An Barbitonsores, et Sutores ? Et quid sufficiat ad notitiam consuetudinis ?*
291. *Quomodo excuset Pietas ?*
292. *An liceat in Festo verrere Templum, ornare Altaria, erigere Sepulcrum ? etc.*
293. *An liceat laborare ad subveniendum pauperibus, vel locis piis ?*
294. *Quomodo excuset Charitas erga Proximum ?*
295. *Quomodo Necessitas ?*
296. *An excusentur famuli a Domino coacti ad laborandum ?*
297. *An pauperes reficientes vestes, etc.*
298. *An liceat in Festo coquere cibos, occidere animalia, conficere pastillos, et colligere fructus ?*
299. *An conficere panem ?*
300. *An mederi, conflare ferros, coquere calcem, vitrum etc. ? Et an ferrare equos ?*
301. *An liceat laborare pro magno lucro ? Et an ob id etiam omittere Sacrum ?*
302. *An ad vitandum otium ?*
303. *An excusentur Instauratores viarum etc. ? et Sartores perficientes vestes in Festo ?*
304. *Quomodo excusat Utilitas ad publicam lætitiā ?*
305. *Quomodo excuset Parvitas materiæ ? (Vid. etiam de hæc lib. 7. n. 436. ).*

306. *An peccet graviter mandans sex famulis laborare per horam ?*

307. *Unde sumatur gravitas materiæ in forensibus ?*

» **T** Ales præcipue sunt septem : Prima , *Di-*  
 » *spensatio* Episcopi , vel habentis potestatem  
 » quasi Episcopalem , uti Superiores Religio-  
 » num ; imo et Parochi , quando non datur  
 » facilis accessus ad Episcopum , *Suar. c. 33.*  
 » *Loyu. c. 4. n. 2. Bon. p. l. n. 20.*

288. In præcepto abstinendi ab opere servili dispensare potest *primo* Pontifex , ut supremus Legislatur et Pastor , in omnibus festivitatibus , et pro tota Ecclesia. *Secundo* Episcopus in sua Diocesi ; et etiam Capitulum , Sede vacante ; necnon prælati Regulares erga suos Religiosos subditos , et eorum domesticos. Et notandum , quod Episcopi dispensare possunt etiam in Festis communibus ; notandum tamen , quod , si in iis dispensent sine justa causa , peccant graviter , et invalida est dispensatio ; secus , si dispensent in Festis Synodalibus , sive particularibus loci. *Tertio* Parochus dispensare potest , quando subditus nequit adire Episcopum , sed tantum ad tempus , et pro aliquo particulari casu. Ita *Sanch. Cons. lib. 5. c. 2. d. 20. n. 2. et Caj. Sot. Nav. Suar. Pal. Azor. Trull. cum Salm. c. 1. n. 359. et Viva A. 2. n. 13.* qui notat , quod Vicarius Generalis etiam potest dispensare , sed tantum ex speciali mandato ; nam ex generali ei non committuntur illa , quæ gratiam sapiunt , ut ait *Tamb. l. 4. §. 2. n. 3. cum Meroll. Barb. et Sanch.* Etiam vero præsentente Episcopo , Parochi ex consuetudine possunt dispensare in minutis et frequentibus neces-

Cap. I. Quid tertium præc. Dub. II. 455  
 sitatibus, in iis tamen rebus tantum, in qui-  
 bus ex consuetudine introductum est ipsos dis-  
 pensare, prout in jejuniis, et in vacatione ab  
 operibus servilibus in Festis. Ita *Viva loc. cit.*  
*Tamb. ut supra n. 37. et c. 5. §. 7. n. 56.*  
*cum Th. et Jo. Sanch. Spor. de Leg. c. 1.*  
*n. 349. cum Suar. Mazzott. de Leg. tr. 1. D.*  
*4. q. 1. cap. 2. ac Salm. de Leg. c. 5. n.*  
*40. comm.* Censet autem *Elbel de 3. Præc. n.*  
*414. cum Suar. Sylv. Fill. etc.* quod, urgente  
 necessitate, sufficit etiam dispensatio præsumpta,  
 si dispensator adiri nequeat. Hic autem notan-  
 dum, quod habens potestatem ordinariam po-  
 test eam alteri delegare; non autem si habeat  
 delegatam. *Croix n. 584. cum Tamb. etc.*

289. » Secunda, *Consuetudo*; nam sic li-  
 » cent nundinæ illæ, in Festis passim haberi  
 » solitæ, et præparationes deliciarum non ne-  
 » cessariarum, ut cupediorum, placentarum,  
 » et similium ciborum artificiorum; item em-  
 » tiones, et venditiones rerum parvi momenti.  
 » *Bon. l. c. Laym. l. c.*

290. Hinc ex consuetudine *Salm. c. 1. n.*  
*347. et Sanch. apud Viva Art. 2. n. 12.* ex-  
 cusant eos qui in area vertunt, ut separent sege-  
 tes, et hortulanos, rigantes olera. *Fernandez au-*  
*tem ap. Dian. cum Tamb. n. 13.* excusant Bar-  
 bitonsores ex consuetudine (et idem ait *Viva*  
*ib.* dici posse de Sutoribus calceantibus novos  
 calceos). Notat autem *Viva* quod communius  
 DD. dubitant de tali consuetudine approbata,  
 de qua pariter dubitant *Sanch. D. 27. n. 1.*  
*et Salm. c. 1. n. 343. cum Caj. et Tol.* Ad-  
 mittunt tamen probabiliter *Tourn. l. 3. p. 348.*  
*Coll. 4. Mazzott. tom. 1. c. 2. Croix lib. 3.*  
*p. 1. n. 591. Elbel n. 417. Tamb. §. 2. n.*  
*13. et Viva l. c.* eos excusari posse, vel ex

parvitate materiæ, scilicet si unum, vel alteram tondeant, vel ex necessitate rusticorum, quibus tantum in Festis conceditur tonderi. Et id concedunt *Salm. cum Trull. et Pasq. n. 341.* non solum quando rustici alibi habitant, ut admittit *Sanch.* sed etiam in eodem loco, ubi degit Barbitonsor, ex consuetudine jam introducta. Excusant eos etiam *Viva, Mazz., et Tamb. cum Fern. ib. et Crcix cum Dian. et Ills. n. 591.* ratione notabilis lucri cessantis, si alias a plerisque relinquerentur cum gravi jactura lucri; cum *Spor. n. 55.* qui universe permittit id cum *Fern. Dian. etc.* ex consuetudine fere ubique tolerata.

Notandum autem circa consuetudinem id quod dicit *Viva Art. 2. n. 8.* scil. quod ad excusandum sufficit probabilis consuetudo: sufficit enim, ut dicunt *Salm. de Leg. c. 6. n. 18. cum Salas, Gran. etc.* dictum unius Doctoris eximii, etiam moderni, qui consuetudinem afferat. Bene autem advertit *Mazz. de 3. Præc. c. 2.* quod in dubio de consuetudine possidet Præceptum, unde petenda est dispensatio; secus si probabile sit adesse consuetudinem.

291. » Tertia, *Pietas* in Deum, per quam  
» licent opera, quæ proxime ( non quæ re-  
» mote ) spectant ad cultum Dei: ut pulsare  
» campanas, circumferre imagines, vel cruces  
» in supplicatione. Ornare autem, et verrere  
» templa, ac similia, quæ ad ipsum officium  
» non spectant, si absque ratione in festum dif-  
» ferantur, venialia habentur. *Fill. n. 218.*  
» *Bon. loc. cit.*

292. Quæritur hic 1. an liceat in die festo verrere Templum, còquere Hostias, ornare Altaria aut Ecclesiam tapetis, tabulara erigere necessaria ad festivitatem, vel Sepulchrum, et



Cap. I. Quid tertium præc. Dub. II. 457.  
 similia? Tres sunt sententiæ. *Prima* sententia cum *Conrad. et aliis apud Dian.* dicit hæc esse illicita sub gravi, nisi excuset rationabilis causa, quia sunt vere servilia; sed hæc est contra communem. *Secunda* sententia cum *Viva Art. 2. n. 10. Suar. Tol. Croix n. 86. et Tamb. S. 2. n. 3.* dicit non esse servilia; sed si possent expediri in die præcedenti, esset veniale transferre illa ad diem festum. *Tertia* sententia satis probabilis tenet hæc ne sub levi quidem vetari in die festo: tum quia est communis consuetudo; tum quia hæc opera per se proxime concurrunt ad cultum Divinum. Ita *Elbel n. 420. Salm. c. 1. n. 259. cum Dian. Pasq. Leand. etc.* Notant autem *Viva, et Tamb. ibid.* quod scienter præparare tabulata in die festo ad videndam processionem, de se esset peccatum grave; sed, si non sint facta pridie, licite fiunt in die festo: Et idem tenet *Mazzott. loc. cit.*

293. Quær. 2. an ob solam pietatem, sine actuali necessitate, liceat in Festis laborare, scilicet conficere vestes pro pauperibus, colere agros Ecclesiæ, vehere lapides, et ligna ad ejus ædificium, dealbare parietes Templi? Affirmant *Angl. v. Feriæ, num. 9. et 28. Tamb. v. Feriæ, n. 18. et 37. Gloss. in c. Conquestus de Feriis, v. Pietas, Sa, v. Fest. Vill. c. 22. n. 80. Fill. tr. 27. n. 156. item Perez, Sylvest. Pal. etc. apud Sanch. cons. lib. 5. cap. 2. Dub. 23.* Limitat tamen *Sylv.* modo non fit in Dominicis, et festis solemnioribus, nec usque ad ultimam fatigationem. Moventur, quia ex *c. Conquestus de Feriis*, excusantur judicialia, si necessitas urgeat, vel pietas suadeat: ergo similiter dicunt excusari servilia. Et hæc ratio non videtur spernenda, cum de eodem

jure Ecclesiastico ut supra nu. 265. vetentur  
 judicialia ac servilia. In æquiparatis autem,  
 ubi currit eadem ratio, eadem currit legis dis-  
 positio, ut ex communi diximus *de Leg. Eb.*  
*1. n. 106. in fin.* Negant vero alii licere, nisi  
 actu urgeat necessitas, vel saltem nisi interve-  
 niat licentia Episcopi; quia talia opera de se  
 sunt servilia, et non nisi remote concurrunt ad  
 cultum Divinum. Judicialia vero, ut supra, de  
 se non sunt servilia, et ideo permittentur ob  
 pietatem. Præceptum autem colendi Deum, ab-  
 stinendo a servilibus operibus, est altioris ordi-  
 nis, quam opera pietatis. Hæc secunda senten-  
 tia mihi videtur certo probabilior cum *Sanch.*  
*l. c. n. 3. Pal. tr. 9. D. un. p. 10. n. 2.*  
*Bon. p. 3. n. 6. et Salm. cap. 1. n. 260. cum*  
*Suar. Cajet. Nav. etc. commi.* Rinc dicunt *Vi-*  
*va art. 2. n. 8. Tamb. n. 18. Sporer tract.*  
*3. cap. 4. n. 53. Ronc. cap. 3. q. 5. et Salm.*  
*num. 357.* tum solum licitum esse laborare,  
 cum pauper actu graviter indiget; vel ( prout  
 addunt *Ronc. et Salm. ib. cum AA. cit.* ) ita  
 indiget, ut nisi in festo laboret, non posset  
 suæ necessitati subveniri, et alias ipse pauper  
 stipendium operariis non valeret solvere. Idem  
 tenet *Escob. de 3. Præc.* dicens licere extruere  
 Ecclesiam, ejus agros colere etc. si ipsa sit adeo  
 paupercula, ut aliunde sibi providere non va-  
 leat. Advertit *Tamb. l. c. cum Fag.* ad hoc  
 non sufficere necessitatem communem, sed re-  
 quiri, ut noscatur hujusmodi pauper in parti-  
 culari, vel gravis et certa necessitas in aliqua  
 Universitate. Loquendo autem de locis piis *Salm.*  
*n. 260.* sic ajunt: Ceterum, quia fere omnes  
 Ecclesiæ, et Monasteria jam his temporibus ege-  
 state laborant: idcirco pro his, sive pro Hospi-  
 talibus, Confraternitatibus, et similibus possunt

Cap. I. Quid tertium præc. Dub. II. 459

*licite homines laborare Tempia extruendo, segetes metendo, agros colendo, etc. Ita Salm. ibid. cum Suar. Sot. Pal. Bonac. Trull. Caj. Sanch. etc. Sic pariter permittit Mazzott. laborare ad conficienda ornamenta necessaria pro Ecclesia indigente.*

294. » Quarta, *Caritas* erga proximum; per  
» quam licent, et valent actus judiciales pau-  
» perum orphanorum, viduarum et miserabi-  
» lium personarum, ne expensis graventur. Sic  
» etiam possunt rusticanorum, in parvis oppi-  
» dis, si aliis diebus adesse nequeant, causæ  
» civiles agitari. Similiter licet pauperibus, et  
» infirmis pro tunc egentibus subvenire. Item  
» emere, et vendere rusticis, qui aliis diebus  
» impediuntur. *Laym. cap. 2. n. 7. Vide Dian.*  
» t. 1. R. 34.

295. » Quinta, *Necessitas* propria vel alie-  
» na, corporis, vel animæ; si nimirum sine  
» gravi incommodo; aut detrimento aliquid  
» omitti non possit. \* (*D. Th. 2. 2. q. 122.*  
» art. 4. *generaliter excusat, qui laborant ad*  
» vitandum damnum bonorum) \*. Quo modo  
» excusantur. 1. Judicial, quæ celeritatem re-  
» quirunt: v. gr. si latro sit fugitivus, nisi  
» tunc capiatur. 2. Servi, et ancillæ coacti a  
» dominis laborare, nec audentes recusaret quod  
» si tamen frequenter contingat eos deserere de-  
» bent, *Suar. Laym. loc. cit.*

296. Famuli coacti a Dominis ad laborandum  
in die festo, nisi sit in Festi contentum, satis  
excusantur ob timorem gravis indignationis do-  
mini, aut gravis incommodi, v. gr. si timeant  
dimitti, quin possint statim, aut de facili alium  
dominum invenire. Ita *Croix cum Ills. n. 593.*  
*Ronc. c. 3. q. 5. Elbel de 3. Præc. n. 377.*  
*Viva Art. 2. n. 9. Salm. c. 1. n. 346. cum*

*Pal. Suar. Azor. Bon. Nav. Sanch.* Quod si talis timor non adsit, verius dicunt *Sanch. n. 18. Salm. n. 347. Ronc. ibid. contra Bus.* ipsos teneri statim dominos deserere; nisi sint ad-discentes, vel obligati ad famulandum usque ad certum tempus; si hi vere grave damnum paterentur. Idem quod de famulis, dicitur de filiis, aut uxoribus, quæ cogantur ad laborandum a viris, si nequeunt renuere sine timore gravis damni, aut gravis indignationis, ut *Viva et Salm. ibid. cum citat. AA. cum Mazzott.*

297. 3. Excusantur iidem, et similes reficientes  
 » suas vestes: cum id aliis diebus non possint  
 » \* ( *cum Laym. et Spor. n. 50.* ) \*. 4. Pau-  
 » peres, qui se, suosque alere non possunt,  
 » operantes privatim, sine scandalo, maxime  
 » quando multi dies festi concurrunt. *Bon. num.*  
 » 13. \* ( *Cum Sanch. lib. 2. D. 18. n. 15.*  
 » *et Salm. num. 331. cum Azor. Suar. Pal.*  
 » *etc.* ) \*.

298. » 5. Exensantur Coqui, et Culinarii.  
 » Certum est licere coquere cibos, ut DD. com-  
 » munitur *cum S. Th. 2. 2. q. 122. art. 4.*  
 » *ad 4. et 5.* \* ( *Et quoad ipsos præparandos*  
 » *pertinet, licitum est etiam animalia occidere,*  
 » *et excoriare, si pridie commode non potuerit*  
 » *fieri, ut solet evenire in magnis Civitatibus;*  
 » *non autem in oppidulis, nisi sit in tempore*  
 » *æstivo, vel nisi concurrant plura Festa. Sanch.*  
 » *dict. D. 18. n. 6. Salm. c. cum Salm. n.*  
 » *333* ) \*.

Licitum esse etiam Artocopis facere pastillos, saltem ex consuetudine, ajunt *Sanch. n. 3. Salm. n. 334. cum Sot. et Trull.* Sed merito negat *Tamb. §. 2. n. 21.* nisi sint pro cibo proprio tantum illius diei; vel opus esset ad publicam abundantiam, ut ait.

Utrum liceat conficere cibos ad delectationem, puta sacchares conditos, etc. Negat. *Sanch. n. 15.* cui adhærent *Salm. n. 328.* et *Ronc.* nisi sint ( ut dicunt *Salm.* ) *ad modum victus diurni*; vel nisi occurrat improvisa aliqua specialis causa invitandi amicos, vel nisi, addit *Roncag.* tales cibi in die antecedenti non sit commode, vel sane fieri possint. Sed *Pal. apud Tamb. n. 9.* dicit hos cibos, etsi superfluos, et ad delectationem, excusari consuetudine, et merito probabile putat *Tamb. n. 10. cum Fagund.* Et consentit *Viva Art. 2. n. 6. vers. 2. cum Azor. et Mazzott. c. 2. pag. 408.*

Permittunt etiam ex consuetudine *Mazzott. ibid. Viv. dict. n. 6. et Fag. Pal. apud Tamb. dict. l. et n. 22.* colligere fructus in die festo, etiam non necessarios ad usum diei, ut integriorer serventur. Et hoc facilius permittendum, si periculum sit, ut ab aliis surripiantur, vel a pluvia contaminentur; Unde usu receptum est multis in locis colligi die festo olivas, castaneas, et alios fructus sylvestres. Certum est autem licere in Festis præstare opera, quæ sunt necessaria ad usum quotidianum, ut sternere lectos, purgare domum, aut vestes, utensilia culinaria lavare, et similia. *Elbel num. 394. cum Sporer n. 42. Henno, etc. communiter.*

» 6. Excusantur Pistores, et Laniones, et similes miles oppidis populosis, et concursu festorum.\*  
 » ( Dicit *Tourn. tom. 3. p. 348. Coll. 4.*  
 » cum *Pontas, et Juenin, bene excusari Pistores,*  
 » *et vendentes merces, si aliter nequeunt*  
 » *se suosque sustentare; vel si non laborant,*  
 » *sunt aliis grave incommodum parituri* ) \*.

Utrum liceat conficere, et coquere panem? Quoad Pistores seu Furnarios, ait *Viva* eos communius a DD. non excusari, si possint illum con-

ficere die antecedenti ; Et idem dicunt *Sanch. D. 18. n. 3. et Bonac part. 3. n. 9.* sed excusant, si interveniant concursus Festorum, aut multitudo emptorum, vel utilitas Populi. Probabiliter tamen *Mazzot. loc. cit. et Salm. num. 335. cum Sa. Azor. Posq. Leand. etc.* universe tales excusant, etsi ad panem conficiendum farinam cribrent, triticum terant. Ratio ; tum quia semper adest aliqua ex causis excusantibus, a *Sanch. et Bon.* mox assignatis : tum quia panis diurnus est aptior ad victum, et alias minima ejus penuria apta esset ad populum commovendum ; tum quia adest consuetudo Romæ, et crederem posse dici ubique cum *Spor. n. 55.*

Ita quoad Pistores, sed quoad alios, an ad sit consuetudo permittens conficere panem ? Merito dubitat *Tamb. num. 9.* nisi concurrant plura Festa, vel nisi panis coctus non sit satis aptus ; vel denique nisi sit necessarius ad usum illius diei, ut dixit de pastillis, quia tunc reducitur ad præparationem proprii victus. Ita *Tamb. n. 9. et 11. cum Sanch. Bon. et Fag.* De Lanionibus autem, vendentibus carnes, vide dicta *n. 298.*

» 7. Chirurgi, Pharmacopla. 8. Conflato-  
 » res ferri, et vitri, coctores laterum, calcis,  
 » etc. et quicumque, quorum opus semel cte-  
 » ptum non potest interrumpi sine damno.

Licitum est coquere calcem, vitrum, saponem, quia talium coctio plures requirit dies, Et hæc potest aliquando etiam inchoari die festo ad vitandum grave damnum, ut *Sanch. n. 21. et Sot. Pal. Trull. Nav. etc. cum Salm. d. n. 348.*

Licitum est pariter ferrare equos itinerantium, vel eorum qui summo mane iter sunt acturi, aut in agrum egressuri ad laborandum ; nam alias grave damnum paterentur. Est commune, *Salm. c. 1. n. 353. cum Sanch. n. 14. Sot.*

*Trull. Nav. etc. ac Mazzott. dict. c. 2.* Idcirco pariter possunt refici vomeres eorum, qui aliter die sequenti laborare non valerent. Sic etiam reficere vias, pontes, ut *Mazzott. ibid.*

» 9. Excusantur Molitores (*Vide supra Dub. » 1. n. 577.*), et Naucleri pendentes a ventis » 10. Piscatores halecum, thynnorum, etc. qui » certo tantum anni tempore id possunt.

Quæritur hinc 1. an occasio quarendi magnum lucrum excuset ab exercendis servilibus in die festo? Duplex est sententia probabilis. *Prima* affirmat, ut tenet *Cujet. Summ. v. Festor. violatio, Angel. v. Feria. n. 34. Armilla v. Festum, n. 20. Holzm. tom. 1. pag. 287. num. 546. v. Quarta. Sanch. Cons. lib. 5. c. 2. dub. 19. cum Palac. Rosell. et Alcov. P. Zachar. l. 3. p. 2. n. 588. Renzi de III. Præc. cap. 3. q. 13. Spor. de 3. Præc. c. 4. n. 51. Mazzott. c. 2. Elbel n. 402. Bon. p. 3. n. 15. Viv. art. 2. n. 9. in fin. Tamb. c. 3. §. 2. n. 80. cum Dian. et Fill. Sayr. et aliis apud Salm. c. 1. n. 349.* Ratio, quia amissio magni lucri (scilicet extraordinarii, non autem mercedis diurnæ) idem est ac magnum pati damnum; ideo in *c. Licet de Feriis* Alexander III. dispensasse fertur, ut possent capi halecia in Dominicis, et aliis Festis, exceptis solemnioribus. (sed non sub mortali ut notat *Sanch. n. 4.*) Idque *Bus. hie. cum Gob. Caj. Nav. apud Sanch.* recte extendunt ad piscationem thynnorum. *Secunda* tamen sententia, quam tenent *Roncag. c. 3. q. 5. R. 11. et Salm. ibid. num. 350. cum Suar. Reginahl. Pal. Abul. etc.* negat excusare, quia, ut dicunt, non est idem amittere lucrum, quam damnum pati. Sed prima satis est forte magis probabilis, cum communiter illi, qui laboribus se sustentant, raras habent occasiones talis magni lucri acqui-

rendi, et existimant magnum lucrum sustinere, quando magnum lucrum amittunt; in idem enim revera coincidunt, aliquid amittere, et prohiberi acquirere quod amplius acquiri non potest ut ait *Spor. dict. n. 51.* nam in *l. un. C. de sent.* magnum lucrum cessans gravi damno æquiparatur. Saltem in tali circumstantia dicendum videtur, præceptum Festi, prout humanum, non obligare cum tanta jactura, ut ait *Tamb.* Nec non *Ronc. d. l.* non negat saltém excusare magnum lucrum speratum, si esset tale, quod ex eo posset quis multas necessitates patiens, sibi providere et suis, cum *Suar. Reg. ex Fill.*

Ob eandem rationem probabiliter dicunt *Tambur. cap. 1. §. 2. num. 7.* et *Mazzott. de 3. Præc. cap. 3. §. 2.* contra *Salm. num. 352.* excusare etiam ab auditione Sacri, notabilis lucri amissionem. Vide seq. *Dub. 5. n. 532.* Merito autem reprobant *ibid. Salm.* illud, quod adhuc probabile putat *Tamb. cap. 1. §. 3. n. 9.* ( et ei consentit *Viva q. 4. art. 3. n. 12.* ) posse aliquem proficisci in Sabato ad venandum in nemore longinquo, licet in Dominica ibi non possit audire Missam, Communiter enim ( ait *Tamb.* ) excusantur itinerantes, et vectores mercium, qui pridie Festi iter aggrediuntur. Qui vero die Jovis venatum iret, communiter excusatur apud *Viv. ib. cum Sanch. March. et Pal.*

302. Quæritur 2. an excuset ratio otii vitandi? Adsunt tres sententiæ. *Prima* cum *Suar. Comit. et aliis ap. Croix n. 586.* omnino negat, quia pius finis otii vitandi non potest efficere, ut servile opus servile non sit: Sed hæc ratio non suadet, quia causa quando est justa, licet naturam operis non mutet, tamen excusat. Hinc *secunda* sententia, quam tenent *Sa., Sylv. et*



Cap. I. Quid tertium præc. Dub. II. 465

sequitur *Laym.* l. 4. Tr. 7. *io* 4. n. 2. in fine, et *Mazzot. cum Pelliz. et Burgh. ap. Croix*, excusat eos qui nisi laborent, occasione otii versantur in probabili periculo peccandi. Si enim, dicunt, excusat periculum damni temporalis, tanto magis debet excusare periculum spiritualis. Hanc sententiam admittunt *Tamb. cap. 3. §. 9. n. 18. Viva art. 2. n. 19. Sanch. Dist. 15. n. 13. Croix d. n. 586. Zachar. l. 3. p. 1. n. 586.* tantum in casu, quo urgeret tentatio, quæ aliter vinci non posset, nisi laborando. Et sic etiam vere loquitur *Laym.* qui ideo dicit cum *Viva*, et *Spor. n. 54.* raro talem necessitatem laborandi accidere; Et hæc est tertia sententia, cui libentius me subscribo.

303. » 11. Excusantur instauratores fontium, » pontium, viarum publicarum et similium, quæ » moram non patiuntur, 12. Sartores in operibus necessariis, ut funeribus, nuptiis, etc. si » aliter fieri non potest, ut satisfaciant.

Sartoribus, qui in diebus profestis vestes suere non potuerint, licet eas perficere in Festis, urgente necessitate, v. g. funerum, nuptiarum, et similium; (dicunt *Salm.*) si advena careat vestibus decentibus: decencia enim status istius illos excusat. Ita *Salm. c. 1. n. 344. cum Laym. c. 2. n. 2. Trull. Dian. Pasq.* Eos excusant etiam *Viva a. 2. n. 7. Mazzott. c. 2. Spor. n. 50. et Croix n. 562. cum Laym. et Dian.* si alii expectent ad usum vestes promissas: Sed intelligendum (ait bene *Croix*) si aliter Sartores passuri essent grave incommodum. Idem dicunt *Salm. ib. de Sartoribus cum Viva n. 12. et Mazzott.* qui excusant calceantes novos calceos, ex consuetudine introducta.

» 13. Item Agricolaæ ad cavendum dampnum » ruti laborantes, ut si ob pluviam imminen-

» tem segetes vel scœnum congregant. *Bon. n.*  
 » 13. *Fill. n. 211. \** (*Cum Croix. n. 558. \**).

» 14. Denique excusantur etiam mercatores,  
 » qui clausis tabernis quædam vendunt; cum  
 » præsupponere possint emptoribus ea tunc esse  
 » necessaria, nec alias commode emere posse.  
 » \* (*Vid. sup. n. 286. \**). De supra dictis V.  
 » *Suar. Fill. Laym. Bon. ll. cc.*

304. » Sexta, *Utilitas*, non simpliciter ne-  
 » cessaria, sed ad communem lætitiâ, vel  
 » splendorem, sic enim licet in adventu vel  
 » ortu Principis laborare, ut perficiantur thea-  
 » tra, ignes, vestes, etc. Quamquam monet  
 » recte *Suarez*, præstare in hoc casu petere  
 » veniam a Pastoribus. V. *Bon.*

Licitum esse constat, ob publicam causam,  
 et honestam necessitatis, vel lætitiæ, puta ob  
 victoriam, adventum, vel ortum Principis etc.  
 conficere vestes, theatra, et similia. Extendunt  
 hæc fieri posse etiam ob recitandam comœdiam,  
*Sanch. D. 18. n. 27. Tol. et Trull. Pasq. ap.*  
*Sal. c. 1. n. 354.* qui a fortiori extendunt ad  
 taurorum agitationes; dummodo talia in die  
 profesto præveniri non potuerint. Ratio, quia  
 talia signa lætitiæ sunt Reipublicæ moraliter ne-  
 cessaria; et ideo permittuntur ex consuetudine.  
 Nam ad hæc omnia, ut notat *Viva*, sufficit  
 probabilis necessitas, aut probabilis consuetudo.  
 Sic pariter permittit *Mazzott. d. c. 2.* conficere  
 theatra, vestes famulorum; etc. causa nuptia-  
 rum, si pridie perfici nequiverint.

» Septima, excusat item, saltem a gravi pec-  
 » cato, *parvitas operis*, seu temporis. Unde gila-  
 » ve non videtur una hora laborare, ut habet  
 » *Suar. l. 2. de fest. c. 31.* maxime, ut notat  
 » *Laym.* si labor non sit nimis servilis, et fati-  
 » gans corpus. Imo durum videtur mortalis dam-

Cap. I. Quid tertium præc. Dub. II. 467

» nare si quis duas, aut tres horas impendat.

» V. *Fill. tr. 29. c. 1. q. 1. n. 105.*

» Quæritur, 1. quanam in hoc sit gravitas materiæ. Aliqui Canonistæ ap. *Suar.* ut ajunt *Salm. c. 1. n. 319.* ponunt pro materia gravi tertiam partem diei; sed hæc opinio communiter rejicitur. Alii contra nimis rigorose, ut *Azor. Bon. et Reg. ap. Croix n. 594.* ponunt unam horam, et hos impugnat *Suar. et Pal.* maxime, ut notat *Bus. cum Laym.* si labor non sit nimis fatigans. Alii ponunt pro materia gravi duas horas, ut *Ronc. c. 3. q. 5. R. 5. cum Sanch. Trull. et Salm. c. 1. n. 320. cum Pal. Elbel. n. 395. Holz. n. 545.* Et hanc *Spor., ac Mazz. cum March.* vocant communem sententiam. Idem sentit *Henno ap. Tour. p. 350.* si labor sit valde servilis, ut cedere lapides, fodere terram, etc. In aliis autem requirit tres horas. Alii vero genericè loquendo, requirunt ad materiam gravem (et non improbabiliter) duas saltem, et aliquantulum plus quam duas horas, ut *Viva cum communiore*, ut asserit, et *Dian. Gran. Henr. Bassæus, Leand. Vall. Ills. ap. Salm. n. 319. in fin. et ap. Croix d. 1. cum Tamb. cap. 3. §. 2. n. 1.* qui dicit esse hanc sententiam nostra ætate jam receptam. Alii ut *March. et Gob. ap. Croix ib.* requirunt tres horas, quod *Viva et Mazzott.* etiam admittunt, si aliqualis necessitas, vel alia causa concurreret, per se sola non sufficiens ad excusandum. *Busemb.* pariter cum *Fill.* ait durum esse dampnare peccati mortalis laborem duarum, vel trium horarum. Consentit *Croix, lib. 2. p. 1. num. 564.* et concludit quod communior, et probabilior nunc est sententia non esse mortale, nisi laboretur saltem multum ultra duas horas, puta duas horas cum dimidia.

Quæritur 2. an peccet graviter, qui lesto mandat sex famulis, ut laborent per horam? *Coinch. in Clypeo Tomo 3. art. 5.* affirmat, et pariter non negat *Arsdek*, cujus opinionem dicit probabiliorem *Croix n. 581.* casu quo dominus mandet, ut laborent successive, nam si eodem tempore, consentiunt omnes cum *Sanch. Bon. Trull. etc. ibid. num. 580.* non esse mortale. Ceterum probabilior, et longe communior est sententia, quod in utroque casu non est mortale, ut *Viva Art. 2. n. 11. cum Bon. Sanch. Dec. l. 1. c. 4. n. 12. Ronc. c. 3. q. 5. in fine, et Salm. cap. 1. n. 324. cum Trull. Dian. Pasq.* Ratio quia operæ famulorum non uniuntur in unum: nequit autem dominus peccare magis, quam ipsi famuli, qui tantum leviter in hoc peccarent, cum leviter tantum unusquisque deficeret ab obligatione vacandi Deo. Secus certo esset, si dominus uni famulo manderet pluries laborare in die festo usque ad materiam gravem.

» In forensibus autem, et judicialibus materiæ quantitatem non ex quantitate temporis, » sed qualitate operis desumendam, monet *Escob. E. 5. c. 3. n. 14. ex Palao. l. 1. tr. 9. d. 2. p. 3. n. 4.* Sic grave peccatum esse » asserit venditionem rei magni momenti, cum » magna solemnitate, licet brevi tempore fiat. » Quod intellige (secundum prædicta) nisi consuetudo, vel necessitas excuset. \* *Vide dicta n. 286. in fin. )* \*.

DUBIUM III.

*Quæ opera Festis præcipiantur ?*

308. *Quomodo præcipitur in Festis auditio Con-  
cionis, et Missæ ? Et Parochis concio-  
nari ? Remissive.*
309. *An satisfaciât recitans sub Missa Officium,  
etc. An inserviens Missæ ?*
310. *Quenam omissio sit gravis in audiendo  
Sacro ?*
311. *An liceat audire successive duas Missas  
dimidias ?*
312. *E quo loco possit audiri Missa ?*
313. *An in audienda Missa requiratur attentio  
interna ?*
314. *An satisfaciât se confitens tempore Missæ ?*
315. *An extasim patiens ?*
316. *An dormitans ?*
317. *An confabulans, se vertens, aut calceans,  
aut deambulans, aut colligens eleemosy-  
nas, canens etc. ?*
318. *In qua Ecclesia audienda sit Missa ?*
319. *Quinam satisfaciant audiendo Missam in  
Oratoriis privatis ? An satisfaciant au-  
dientes in litore, aut Castris ?*

308. » **R**esp. præcipitur 1. Auditio con-  
» cionis, non tamen sub mortali, nisi quate-  
» nus quisque tenetur discere necessaria ad sa-  
» lutem. V. *Trid. sect. 24. c. 4. de Reform.*  
» *Fill. hic c. 8. Bon. t. 2. d. 5. qu. 1. p.*  
» *2. n. 27. Suar. etc. Dixi, nisi quatenus etc.*  
» quia homines rudiores ignorantes præcipua  
» Mysteria Fidei, ea præsertim, quæ sub gra-

» vi obligatione eos scire teneri dictum est su-  
 » pra l. 2. tr. 1. c. 1. tenentur lege charitatis  
 » ( si alias ea commodè addiscere non possint )  
 » sub gravi peccato concubui, vel potius cate-  
 » chesi interesse. Bon. d. 2. in præc. 2. n. 28.  
 » addens, eo casu concionem etiam Missæ præ-  
 » ferendam esse. Trull. l. 1. c. 1. d. 4. n. 12.  
 » Fag. etc. \* ( Quando autem Episcopi tenean-  
 » tur concionem facere: Vide dicta n. 269. v.  
 » Hic obiter ) \* Præcipitur, a speciali præcepto  
 » obigente sub mortali, audire Missam, hoc  
 » est morali, et humana assistentia, sive præ-  
 » sentia: ei interesse, Est communis ex corp.  
 » Omnes fideles, et ex c. Missas, de Conse-  
 » crat. dist. 22. contra Ang. et Rosellum, qui  
 » semel, et vel iterum negligere, dicunt esse  
 » veniale. \* ( Est præterea damnata hæc pro-  
 » pos. ab Innoc. III. Propos. 52. ) \* Obligat  
 » hoc præceptum omnibus fideis omnes bapti-  
 » zatos usum rationis habentes: non autem in-  
 » fantes, inmentes, vel cathecumenos. Ratio  
 » primæ partis est, quia est universale. Ratio  
 » secundæ est, quia assistentiam humanam ha-  
 » bere non possunt. Ratio tertiæ est, quia non  
 » sunt Ecclesiæ subjecti. Cuius Luga d. 2. q. 2. res-  
 » pondet, et dicitur Nuvat. Sanch. et Conit.

§ 2. Unde resolves.

Unde resolves.

» Non est obligatio audiendi concionem  
 » nisi Parochia propria: tum quia Parochi multi  
 » nullum habent de re præceptum agnoscunt cum  
 » Trident. sess. 24. c. 4. de Ref. dicat, volen-  
 » ti, ubi et commodè fieri potest scilicet quia,  
 » nisi quia obligatio fuit, ei derogatum est per  
 » privilegia, irregularia, et generalem consue-  
 » tudinem contrariam. Suar. de rel. t. 1. l. 2.

Cap. In Quod tert. Præc. etc. Dub. III. 471

» c. 16. *Azor. Navar. Cencel. Zerol. p. 1. V.*  
» præd. *Trull. l. 2. c. 1. d. 4. Vide Barb.*  
» in *Trid. sess. 24. c. 4. Juno. fratres Præ-*  
» dicatores, et minores, et qui cum ipsis iprie  
» vilegiis communicant, concionantes in suis  
» Ecclesiis quovis anni tempore possunt audi-  
» toribus suis concedere 18. annos, et 220.  
» dies indulgent. nomine Papæ. *Dian. p. 4.*  
» l. 4. *R. 22. ex Rodriq. etc. \* (Vide di-*  
» cta sup. num. 269.) et dicenda apud *Bus.*  
» in 1323) \* *Non est obligatio ad audiendam Missam*  
» feria quinta, et sexta, et Sabbato majoris  
» Hebdomadæ, neque diebus Rogationum: *A-*  
» *Henriq. Suar. d. 88. sect. 4.*  
» 3. In die Nativitatis Christi tantum teneris  
» audire unam Missam. *Nav. Suar. Fill.*  
» 309. 4. Satisfacit, qui recitat sub Missa  
» (ex obligatione) Horas Canonicas, vel pœ-  
» nitentiam injunctam in Confessione (ut con-  
» tra *Caj. Sylv. Ang. Armill. docent Suar.*  
» *Sa. Rodriq. Fill. etc.* Ratio est, quia duo-  
» bus præceptis potest simul satisfieri. \* (*Idem*  
» *sentiant Spor. cap. 4. num. 6. Elbel n. 1359.*  
» *Salm. de Matrim. c. 6. n. 20. cum Pal.*  
» *Bona Sanch. et communissima*) \*, ut su-  
» pra l. 1. c. 2. c. 3. dub. 3. *Idem de eo,*  
» qui confitentur tempore Missæ, affirmat *Regin.*  
» *Lib. 19. n. 14.* dummodo intentionem habue-  
» rit audiendi Missam. Negat autem *Suar. d.*  
» 88. sect. 6. *Azor. cap. 7. q. 6. Gordanus,*  
» *Card. Lug. etc.* si quidem possit differre  
» Confessionem, nec adsit necessitas præcepti  
» Confessionis. *Idem dicit Bon. disp. 4. art.*  
» 1. *lib. 1. p. 1.* Ubi contrariam præxiorem quorundam  
» excusatorum vel ob necessitatem communicandi,  
» vel ob intentionem audiendi Missam aliam, vel

472. Lib. III. Tr. III. De III. et IV. Præc. etc.)

» denique ob bonam fidem? \* (Vid. *infra*  
» num. 314. ) \*  
» 5. Satisfaciunt etiam inservientes Missæ,  
» si recedant altatum necessaria, v. gr. vinum,  
» hostiam y thus; etc. quia, cum hæc orden-  
» tur ad officium, non censentur abesse, dum-  
» modo non recedant ab Ecclesia, vel saltem  
» non longe. V. Bon. \* (Ita etiam Lugo Disp.  
» 22. Sect. 1. n. 24. et Salm. de Sacr. Miss.  
» c. 6. n. 21. cum Sa. Nav. Sylv. Dic. etc.  
» Et sic tenendum cum Elbel n. 356. Pal. et  
» Bon. si sit per breve tempus, vel non exea-  
» tur ab Ecclesia contra Dic. Leand. et Dian.  
» apud Salm. dict. n. 21. ) \*

310. » 6. Peccat, qui non audit integram  
» Missam; et quidem venialiter, si omittatur  
» parva pars y mortaliter, si notabilis, v. gr.  
» media, vel tertia pars. Laym. tamen, et alii  
» durum putant, mortalis damnare eum, qui  
» ab Offertorio usque ad finem adsit. Additque  
» communiter excusari a mortali, qui audiunt  
» a principio Epistolæ, vel secundum alios E-  
» vangeliæ usque ad finem; vel ab initio usque  
» ad Communionem. V. Bon. l. 1. d. 4. q.  
» ult. Card. Lugo d. 22. sect. 1. n. 3.

» Queritur quænam omissio in audiendo Sa-  
» cro sit peccatum grave? Diversæ sunt senten-  
» tiæ. Prima dicit esse grave omittere ab initio  
» usque ad Epistolam exclusive; ita Tol. Bon.  
» Nav. Torr. ap. Croix l. 3. p. 1. n. 665. Se-  
» cunda dicit esse grave, si omittatur inclusive  
» usque ad Epistolam, ita tenent Viva quæst. 9.  
» art. 3. n. 2. Croix; et Salm. de Miss. Sacrif.  
» c. 6. n. 2. cum Sol. Suar. Tab. Azor. Fag.  
» Con. Henr. Dic. etc. cum communioni, ut as-  
» serunt Salm. Tertia sententia dicit non esse gra-  
» ve, si omittatur ab initio usque ad evangelium



inclusive, modo audiatur usque ad ultimum Evangelium; Ita *Dicast. Pal. Lug. Tamb. Sa.* apud *Salm. et Cr.* Et probabilem hanc censent *Holzm. de 3. Præc. n. 525. Elbel n. 258. et apud Salm. ibid. Suar. Azor. Bonac. Laynt. Henr. Rodr. etc.* Etiam si omittatur *Credo*, ut *Lug. Henr. Burgh.* apud *Croix loc. cit.* quia *Credo* non est pars regularis. Hinc dicunt non peccare graviter, qui veniat ante Offertorium, ex quo, teste *Isidoro*, olim *Missa* incipiebat. Secunda sententia mihi est probabilior; Sed hanc ultimam (recte dicunt *Salm.*) quis neget esse probabilem in re, quæ pendet ab æstimatione hominum; cum sit fulcita tot et talibus Auctoribus?

Qui autem omittit omnia post Sumtionem, non peccat graviter, est commune cum *Croix n. 666.* Neque si omittat omnia ante Epistolam simul; et omnia post Sumtionem, ut *Suar. Ills. Fag. apud Croix.* Quid si omitteret etiam Epistolam? *Baun. et Llamas* etiam excusant, sed contradicunt *Pal. Suar. Con. etc. communius ap. Croix.* Omittere autem solum Offertorium sive ante, sive post Consecrationem non est grave, ait *Pasq. ap. Croix n. 667.*

Quoad Canonem autem certum est minorem omissionem esse grave. Quare grave quidem est ommissio Consecrationis, et Sumtionis simul, ut communiter *ap. Salm. n. 3. et Croix d. num. 667.* Item si omittatur a Consecratione usque ad *Pater noster* exclusive. *Salm. ib. Croix lib. 3. p. 1. n. 667. Leand. et alii apud Croix.* Sed dubitatur, an omittere tantum communionem, vel Consecrationem sit grave? Affirmant ex communiori *Reg. Bon. Con. Avers. etc. cum Croix ib. Ronc. c. 2. q. 1. Pal. de Euch. p. 16. n. 6. Holzm. c. 1. n. 52. Salm. ibid. n.*

4. Immo *Pasq.* dicit esse grave, etsi una Consecratio omittatur, quia probabilius Sacrificium in Consecratione consistit. Alii tamen, ut *Lugo de Euch. D. 22. n. 4. Tamb. lib. 6. c. 2. §. 1. n. 3. Diana p. 5. tr. 13. R. 16. Escob. d. 17. n. 126.* a gravi excusant, etiamsi tota Consecratio omittatur; cum salis non constet, utrum essentia Sacrificii sit vere in Sumptione, vel Consecratione; Et probabile putat *Elbel n. 358. sum. Suar. Hum. Fag. Burghaber, etc.* valdeque adhaerent *Spor. Viva, Laym. et Mazz.* Prima sententia videtur probabilior, quia (ut ajunt *Salm. et Holzm.*) licet non constet, an essentia Sacrificii consistat in Consecratione, vel Sumptione, constat tamen utramque ad integritatem substantialem Missæ pertinere. At quia contra non constat, an Ecclesia præcipiat sub gravi audientibus utrique parti interesse, ideo secunda sententia non videtur improbabilis. In die autem Parasceve non est obligatio audiendi Missam, si in eo occurrat Festum Annuntiationis, ut ait *Mazzot. de 3. Præcept. c. 3. §. 1.* cum communi, contra *Vasquez.* Quæritur, an qui veniret ante Consecrationem, nec posset aliam Missam audire, teneatur saltem illam partem audire? Negat *Sanxolius*; At omnino affirmandum cum *Sanch. Dec. lib. 1. cap. 19. num. 6. Salm. de Sacrific. Miss. cap. 1. num. 13. cum Lug. Suar. et communi*, quia remanent ea, in quibus consistit Sacrificium. Sed si veniret post Consecrationem, tunc non teneri reliqua audire dicunt *Henr. et alii apud Salm. ib. juxta dicenda de Sacra. Miss. lib. 6. n. 365.* ubi dicemus valde probabiliter essentiam Sacrificii in sola Consecratione specie- rum consistere. Sed contradicit *Cont. Tourin. tom. 3. pag. 253.* inquit, obligationem Mis-

se habere instar Officii; quod recitari debet in parte; si nequit integræ. Sed hoc non surdet; quia in Officio præcipitur oratio; unde qui nequit integræ orationi satisfacere, tenetur parti quam potest; sed ubi deficit essentiali Missæ; cessat omnino obligatio, cum præceptum sit de audienda Missa; non autem de audienda ejus parte; quæ non est Missa. Ceterum sententia hæc affirmativa est valde probabilis, et in praxi teneanda (ut ait *P. Zachar. W. 3. p. n. 668.*) et ex alia ratione, scilicet quia audiri potest pars notabilis cæremoniarum ab Ecclesia præcepta.

Quæritur 3. an omittens levem partem Missæ, teneatur supplere, si possit? Negat *Filli* quia si omittit cum causa; tunc non peccavit; si sine causa; tunc jam veniale commisit. Sed probabilius contradicunt *Salm. n. 1. f. 1. Leand.* quia; cum potest, tenetur Missam integram audire.

¶ Non peccat; saltem mortaliter, qui a duobus Sacerdotibus successive duas dimidias Missas audit, ut habet *Navy. c. 2. Saq. Soc. Henr. Dian. l. 1. tr. 3. R. 18. Bon. d. 4. q. ult. part. 11. Hurt.* contra *Sacr. Conc. Fag.* quia audit integram Missam. Ob quam causam est probabile; (nunc improbable; ob damnatum ab *Innoc. XI. propos. 53.*) et si simul audiat, ut habet *Bon. l. c. Hart. et Dian.* contra *Regin. Conc. Card. Lugo;* et ceterorum sententia videtur probabilior.

Quæritur igitur, an satisfaciatur præcepto Missæ audientis duas illius dimidias partes successive a duobus Sacerdotibus? Ad hoc prænotandum est propositio 53. damnata ab *Inn. XI.* quæ dicebat: *Satisfacit præcepto Ecclesiæ de audiendo Sacro, qui ejus duas partes; immo quatuor st-*

476 Lib. III. Tr. III. De III. et IV. Præc. etc.  
*mul. a diversis celebrantibus audit.* Sed dubium  
 est, si audiat successive? *Prima sententia*,  
 quam tenent *Nav. cap. 22. n. 2. Sa. v. Missæ*  
*auditio num. 2. Laym. c. 3. in fine, Cabass.*  
*T. J. l. 2. c. 32. n. 5. P. Zachar. lib. 3. p.*  
*1. num. 611. March. tr. 4. tit. 2. qu. 1. d. 2.*  
*item Sot. Bon. Pal. etc. ap. Salm. de Sacr.*  
*Miss. c. 6. num. 7. Card. ap. Croix l. 3. p.*  
*1. num. 611. et probabilem putant Salm. et*  
*Croix ll. cc. Viva de 3. Præc. quest. 9. art.*  
*3. num. 1. cum Diana, Pasqual. et Tamb.*  
*de 2. Præc. cap. 2. num. 10. Mazzot. c. 3.*  
 §. 1. affirmat satisfacere etiamsi audiantur duæ  
 partes dimidiæ inverso ordine; etiam cum ali-  
 qua interpositione temporis, nimirum horæ,  
 ut sentit *Mazzotta*. Ratio hujus sententiæ tum  
 quia auditio tunc bene terminatur ad unam  
 Missam integram, si non physice, saltem mo-  
 raliter; Tum quia, cum Christus sit principa-  
 lis offerens Missæ, jam illæ duæ partes ab ipso  
 integrantur; Tum quia illæ duæ medietates,  
 licet non sufficiant ad unitatem Sacrificii, suf-  
 ficiunt tamen ad unitatem obsequii ab Ecclesia  
 præcepti, cum jam præstetur assistentia parti-  
 bus Sacrificium componentibus. Hanc sententiam  
 dicimus non esse / satis probabilem. Si quis au-  
 tem audiat Missam ab uno Sacerdote usque ad  
 Consecrationem exclusive, et ab altero a Con-  
 secratione usque ad finem, putamus probabilem.  
 Si vero audiat ab uno usque ad Consecrationem  
 inclusive, et ab altero usque ad finem, proba-  
 biliorem censemus secundam sententiam, quod  
 non satisfaciat, ut tenent *Suarez de festis sect.*  
*2. Tourn. Tam. 3. p. 354. Coll. 5. Spor. de*  
*3. Præcep. cap. 4. num. 23. Tamb. d. num.*  
*10. Lugo disp. 22. num. 8. cum Azor. et Co-*  
*ninch.* Ratio potissima, quia Ecclesia præscri-

bit audire et assistere Missæ; quæ sit unum integrum Sacrificium; Sed sicut non dicitur unum Sacrificium illa Missa, quæ ab uno Sacerdote celebratur usque ad Consecrationem, et ab altero usque ad finem; ita nec dici debet assistere uni Sacrificio, qui duas Missæ dimidias partes a diversis Sacerdotibus audit.

Nec obstat dicere 1. ut ait *Viva*, quod si dicatur Missa ab uno, et eo deficiente, ab altero perficiatur, unum dicitur Sacrificium; nam respondetur tunc vere unum Sacrificium perfici, sed aliter res se habet in casu nostro, ubi duæ dimidiæ partes minime unum Sacrificium integrant. Non obstat 2. dicere cum *Croix*, quod cum Christus sit principalis offerens, bene ex illis duabus partibus unum conficitur Sacrificium; quia respondetur, quod licet Christus in illis duabus Missis sit unus offerens, tamen quia Christus tunc bis offert, ideo non jam conficitur unum Sacrificium, sed vere sunt duæ Sacrificia diversa, quibus assistens quis per dimidias partes, non potest dici quod uni Sacrificio assistat, sed duobus Sacrificiis imperfectis. Ceterum omnes conveniunt, et dicunt, quod qui sine justa causa duas medias Missas sic audiret, nullo modo excusaretur saltem a peccato veniali, ut ajunt *Salm. Viva et alii communiter*.

312. » 8. Non satisfacit, qui sub Sacro dor-  
» mit, \* (*Vide infra n. 316.*) \* pingit, do-  
» cet; vel qui est post murum, aut aliam rem,  
» tali loco, unde nihil audiri, videri vel no-  
» tari possit; quid fiat; quia non censetur mo-  
» raliter præsens. Satisfacit tamen surdus, cæ-  
» cus, et quicumque ( licet sit post ostium,  
» aut columnam, vel in fenestra, vel procul  
» a templo ) ita est præsens, ut ex signis ex-

» ternis colligere possit ; quid a celebrante agatur ; spectata loci natura ( etiamsi per accidens nihil addiat ; videat aut intelligat ) ; sitque pars per moralem conjunctionem ( ejus multitudinis ; quæ dicitur præsens ; et est in conspectu altaris Boni l. c.

Idem , quod Bus. asserit , docent Lug. Reg. Dic. Leand. Bord. ap. Salmo de Sacr. c. 6. n. 23. Sufficit enim audire Missam in Choro post Altare , vel per fenestram , quæ fert in Templo , etsi non ceruatur Sacerdos ; modo per alios assistens advertere possit , quid fiat. Ita Croix num. 641. et Mazzot. l. c. qui subdit bene posse audiri Missam post Altare ; et etiam post parietem , aut columnam , modo assistens uniatur aliis audientibus. Et adhuc e loco extra Templum , si junctus sit multitudini protensæ usque ad Altare ; ut admittunt etiam Croix n. 642. et Elbel n. 334. cum communi. Dicit autem Mazzot. non satisfacere qui in magna Basilica esset in aliqua Capella , et in altera distantissima fieret Sacrum , sed hoc non videtur probabile , si is bene possit respicere celebrantem , et quid agat ; quisque enim qui adest in Templo , quamvis procul ab Altari ; satis præstat Missæ moralem assistentiam , ut bene ait Sporer de 3. Præc. c. 4. n. 8.

An autem possit audiri Missa ab eo , qui e domo sua , interjecta via , respicit Altare ? Affirmant Sporer num. 9. et 211. de Lug. Dic. Gob. etc. ap. Croix n. 643. Idque non improbabiler admittunt Mazzotta l. c. et Elbel n. 355. cum Escobar et pluribus , si distantia sit parva ; quia ille jam satis moraliter assistit. Et huic non dissentit Continuator Tournely tom. 3. pag. 352. num. 3. Dicunt autem Lugo , et Escob. non ob stare distantiam 30. passuum. Sed

*Tumb. et Gobat. apud Croix ib. id. non admittunt.*

» Audiens debet esse attentus ; saltem vici-  
» tualiter ; et in confuso ; ut aliquo modo ad-  
» vertat , quid fiat. Hinc si quis nunc atten-  
» dat , nunc fabuletur ; ut tamen semper ad  
» vertere possit ; quid fiat , licet peccet irreve-  
» rentiâ , non tamen damnandus est mortali.  
» Imo *Con. 3. p. q. 83. cum Sylv. Rosel. et*  
» *Med.* debet eum satisfacere , qui voluntarie  
» toto sacro est distractus ; modo sibi sit præ-  
» sens , et cum reverentiâ externa assistat. Quod  
» probabile esse docet *Laym. contra Suar. Bon.*  
» et alios. V. *Con. 1. c. et Card. Lug. num.*  
» *26. et 27.* Plura de tota hac materia vide  
» *suprà t. 1. n. 163. et 165.*

Circa debitam attentionem ad Missam ; quaeritur I. an ad satisfaciendum præcepto Missæ requiratur etiâ attentio interna? Adest duplex sententia. *Prima* negat , quia Ecclesiâ actus internos non præcipit ; haque sufficit assistere attentione externa mortali ; ita ut possimus testari quæ fiunt. Ita *Lugo de Euch. D. 22. S. 2. n. 71. et Con. Dic. Pell. Henr. Syl. Med. Hurt.* et alii multi *ap. Salm. de Sac. Miss. cap. 6. num. 38.* et probabilem vocant *Laym. Less. Mazzot. c. 3. §. 1. Zachar. l. 3. p. 1. n. 658.* ( cum communi , ut asserit ) ac *Spor. n. 18. etc.* *Secunda* tamen sententia communior et probabilior , quam tenent *S. Th. in 4. D. 15. q. 4. art. 2. q. 4. Elbel n. 435. Sporer n. 13. Laym. Bonac. Dian. et alii cum Salm. d. c. 6. n. 39.* affirmat requiri attentionem internam ; quia Ecclesiâ , licet non possit præcipere direcie actus internos , potest tamen indirecte. Juxta autem sententiam hanc , sufficit ( ut dicunt *Salm. n. 41. cum Caj. Sot. Suar. Nav.*

*l. c. n. 10.* ) ad satisfaciendum , sicut in Officio , attentio virtualis , scil. quod quis sub initio habeat intentionem attendendi , et illam non mutet ; nam si postea distrahatur ; etiam advertenter , sed non advertat se distrahi a Missa , vel ab Officio , etiam satisfacit : quia iste , licet voluntarie se distrahat , non tamen distrahitur voluntarie a Missa. Ita *Salm. n. 42. cum Caj. Sot. Suar. Nav. et Sanch.* cum pluribus. Attentio autem sufficiens ad Missam duplex est , 1. ad verba et actiones Celebrantis , animo colendi Deum. 2. ad Mysteria , vel ad Deum , scil. ad contemplanda ejus Attributa , Amorem etc. modo attendatur ad principales partes Missæ , et præcise ad Consecrationem , et Sumtionem ; At post factum , bene advertit *Elbel n. 337. cum Tamb. et Sporer n. 16.* quod nemo anxius esse debet ob scrupulum hujus attentionis non præstitæ , quia sufficit habuisse intentionem generalem colendi Deum.

Ceterum primam sententiam , quam *Croix lib. 4. n. 1341.* vocat spectata ratione probabilior , et *lib. 3. p. 1. n. 658.* vocat communem , negari non potest esse satis probabilem , juxta dicenda de *Hor. Canon. lib. 4. n. 177.* Et a fortiori quoad missam audiendam , cui sufficit præstare assistentiam moralem , ut dicunt *AA. citati cum Renzi de 3. Præc. c. 3. q. 5.* quin expresse requiratur oratio. Saltem ( dico ) , stante auctoritate tot tantorumque DD. hanc sententiam tuentium , sat dubia videtur Ecclesiæ Lex ( ab AA. contrariis supposita ) quæ etiam ad attentionem internam , ac ad orationem audientes obliget , cum plures graves DD. ut *Less. Suar. Med. etc.* doceant ad Missam audiendam non esse opus orare , sed tantum intendere Deum colere. Hinc *Croix l. 6. p. 2.*



Cap. I. Quod tert. Præc. etc. Dub. III. 481

n. 1740. ponit contrariam inter sententias rigidas periculosas in praxi, ratione scrupulorum, quibus illa semper est obnoxia. Intelligitur tamen, nisi distractio sit talis, ut audiens nullo modo attendat ad Missam, ut notat *Tr. l. 3. p. 1. n. 659.*

314. Quæritur 2. an satisfaciatur, qui tempore Missæ se confitetur? Resp. negative cum sententia communi, quam tenent *Contin. Tournely t. 3. p. 351. cum Tab. et Pontas, Salm. de Sac. Miss. c. 6. n. 46. Tamb. de 1. Præc. c. 5. n. 25. Escob. c. 9. n. 183. Con. de Euch. q. ult. p. 11. n. 26.* (qui a contraria sententia se retractavit) *Holzm. de 3. Præc. c. 1. n. 527.* (qui oppositam vocat improbabilem) item cum aliis *Lugo de Euch. D. 22. n. 22.* qui docet hanc nostram omnino tenendam. Utuntur autem diversis rationibus; *Bon.* enim et *Bassus* negant, quia non oraret; sed huic obstat id, quod docent *Suar. Less. Med. Gob. ap. Croix n. 634.* ut mox supra diximus, scilicet quod sufficit audire Missam colendo Deum, pro quo cultu oratio non est absolute necessaria. Melius *Tamb. Dic. Pasq. etc.* negant, quia nec externa præstaretur attentio; dum confitens tunc adesset ut reus, non jam ut offerens Sacrificium cum Sacerdote. *Secunda* vero sententia affirmat satisfacere, si se confitens aliquo modo attenderet simul ad Missam. Hanc tenent *Pal. Tr. 22. pun. 16. n. 4. cum Reg. et Molf. Gob. tr. 5. n. 258. Less. Conf. mor. 1. Missa cas. 2.* (sed *Less.* requirit audiri saltem bonam partem Sacri ante Confessionem) item *Hurt. de Resid. p. v. R. 8. n. 26.* et probabilem putant *Croix l. 3. p. 1. n. 655. Zachar. l. 3. p. 1. n. 655. et Elbel de 3. Præc. n. 345. cum Ficher, ac Pell.* Ratio, quia talis

*Ligu. Theol. T. II.*

bene assisteret moraliter, dum per piam actionem Confessionis satis Deum directe coleret. Item (dicunt *Gob. et Elbel*) Confessio facta Sacerdoti est, ac si fieret Christo, quis autem negabit confitentem Christo peccata sua, Missæ non satisfacere? et idem dicunt *Elbel n. 342. Zach. n. 656.* (cum communi, ut asserit) et *Pal. ac Gob. apud Croix n. 656.* de Sacerdote excipiente Confessiones. Hæc *secunda* sententia non videtur omnino probabilitate destituta, et olim probabilem ipsemet censui; sed quia postmodum observavi eam a pluribus gravibus DD. rejici, modo non audeo probabilem dicere. Absolute autem illam tenet, et consuluit *Croix l. c. cum Less. casu*, quo obligati ad Missam essent famuli, qui aliter non confiterentur; tunc enim (ut ait) saltem præsumitur quod Ecclesia consentiat. Vide dicenda *n. 332. p. Non excusatur.* Commune vero est, quod satisfacit qui inter Missam examinat suam conscientiam; sicut qui legit librum spiritualem; nisi legeret historiam sacram animo discendi stylum, ut *Suar. Croix n. 654. etc.* Sicut etiam celebrans potest audire Missam alienam, ut probabilius putant *Croix cap. 657. Zachar. n. 657. et Spar. n. 16.* quia hic dum celebrat, jam orat.

315. Quæritur 3. an satisfaciat præcepto qui, dum Sacrum audit, extasim patitur? Negant *Lug. Torr. Leund. apud Salm. Lug. de Euch. D. 22. num. 19.* item *Torre c. 1. num. 205.* quia tunc, cum sit alienatus ab usu sensuum, non assistit præsentia humana, et morali. Sed satisfacere affirmant *Salm. ex n. 206. cum Suar. Trull. Led. et aliis*: Quia tunc adest attentio ad Deum, quæ perfectior est præ aliis, ut communiter docent DD. cum *S. Th. 2. 2. q. 83. n. 13.* Utraque est probabilis. Sed probabilior

est secunda cum *Cont. Tourn. t. 3. p. 352.* quia in extasi non amittitur liberum arbitrium, ut docet *D. Th. 1. 2. q. 113. art. 3. ad 2.* 316. Quæritur 4. an dormitans inter auditionem Sacri, vel recitationem Officii, satisfaciat? Respondetur cum *Sanch. Cons. l. 7. c. 2. D. 33. Nav. et Salm. dict. c. 6. n. 48.* quod si post debitam intentionem audiat Sacrum, vel recitet Horas ea attentione, quæ saltem advertat non omittere audire, vel dicere ullum verbum, licet vexatus a somno non attendat ad significationem, satisfacit, et saltem non peccat graviter.

317. Quæritur 5. an satisfaciat, qui audit Sacrum confabulando? *Bus.* hic affirmat, si confabulatio etiam non impediatur advertere, saltem in confuso, quid fiat. Sed verius contradicunt *Salm. d. c. 6. n. 50. cum Suar. Dicast. et Fik.* et eis adhærent *Laym. Bon. Trull. cum Sot. Med. et aliis ap. Croix n. 653. in fin.* qui dicunt non satisfacere, si confabulatio esset per magnam Missæ partem, et de re seria; secus, si esset per parvam partem, vel discontinuatim de re levi, quæ omnem attentionem non impediret: et sic sentit etiam *Elbel nuni.* 343. Sed huic ultimo neque omnino acquiesco; dum confabulatio etiam de re levi potest impedire attentionem externam.

Qui autem, dum audit Missam, se vestit, aut caleat, probabiliter satisfacit, ut dicunt *Dio. Leand. Nav. Caj. Bon. etc. cum Salm. n. 52.* Qui tamen deambulet audiendo Missam, dubitat *Bon.* an peccet graviter; sed dicunt bene satisfacere. *Dic. Gob. cum aliis ap. Croix n. 424.* Qui autem magnam Sacri partem insumit in colligendis eleemosynis, a pluribus excusatur, si sit in Ecclesia parva, secus

in magna: Ita *Henr. cum aliis apud Salm. n. 52.* Sed *Lessius apud Croix dict. n. 652.* indirecte eos excusat, si simul attendat ad Missam; Et vere talis distractio non videtur esse impossibilis. Musici, Organædi, et alii etiam satisfaciunt, si dum cavunt, vel pulsant instrumenta, simul ad Missam attendunt; dum id etiam refertur ad eundem Dei cultum, ut *Croix d. n. 652. et Spor. n. 16.*

318. » 10. Præceptum audiendæ Missæ impletur quocumque loco, sive in Parochiali, » aut Cathedrali, sive in Regularium Ecclesia, sive in Oratoriis privatis, sive extra » Ecclesiam audiatur. Ratio est quia Ecclesia » tantum auditionem Missæ præcipit, non autem locum: ergo quovis loco impletur. \* (*Ita Salm. de Sacrif. Missæ c. 6. n. 1. cum Lugo, Dic. etc. communiter. Sed quoad Oratoria privata, vide n. seq. 319.*) \* *Tol. l. 9. c. 7. Azor. cap. 6. Rodr. Nav. Fill. Neg. Suar. Conc. Bon. d. 4. q. ult. c. 32. n. 4. et plures.* Quæ doctrina, licet certa satis sit, nihilominus, quia post omnes supra citatos Auctores a quodam Moderno, viro alias docto, in dubium vocatur, peculiari dubio examinanda, est, ne cui (quia libenter obvius est) scrupulus, aut conscientia nascatur erronea.

Hic operæ pretium est plura ad trutinam revocare circa privilegium Oratorii privati: et ante omnia refert adnotare verba Brevis Pontificii, quo solet huiusmodi Indultum concedi.

Clemens XIII, *Tibi NN. Diocesis Neapolitanæ, qui (ut asseris) ex nobili genere procreatus existis, ut in privato domus tuæ solitæ habitationis Oratorio existente in Civitate N. et Diocesi N. ad hoc decenter muro extracto, et ornato, seu extruendo ab omnibus domesticis*

usibus libero, per Ordinarium loci prius visitando, et approbando, de ipsius Ordinarii licentia, ejus arbitrio duratura, unam Missam pro unoquoque die, dummodo in eadem domo celebrandi licentia, quæ adhuc duret, alteri concessa non fuerit, per quemcumque Sacerdotem ab eodem Ordinario approbatum sæcularem, seu de Superiorum suorum licentia Regularem, sine tamen quorumcumque jurium Parochialium præjudicio, ac Paschalis Resurrectionis, Pentecostes, et Nativitatis Domini nostri Jesu Christi, nec non aliis solemnioribus anni festis diebus exceptis, in tua, et natorum, ac Familiæ tuæ, nec non Hospitum tuorum Nobilium præsentia celebrari facere libere et licite possis et valeas, indulgemus. Non obstantibus etc. Volumus autem quod Familiares servitio tuo tempore dicto actu non necessarij ibidem Missæ hujusmodi interessentes, ab obligatione audiendi Missam, in Ecclesia diebus festis de præcepto minime liberi censeantur.

Oportet nunc unamquamque Indulti Clausulam breviter ad examen ponere, ut difficultatibus occurratur.

**CLAUSULA I.** *Tibi N. N. Diocesis Neapolitanæ.*

Hic quæritur, an Privilegiatus transferendo domicilium in aliam Diocesium, poterit ibi illo uti? Affirmant communissime *Barbosa de Jure Ecclesiast. lib. 2. cap. 8. num. 16. Salas de Leg. D. 20. sect. 15. num. 123. Pasqual. tom. 1. de Sacrific. Miss. quæst. 629. Pellizzar. tom. 2. tract. 8. cap. 2. sect. 2. num. 152. Tambur. Meth. celebr. Miss. lib. 1. cap. 6. §. 4. n. 2. La-Croix lib. 6. p. 2. num. 269. cum Sylv. Bon. etc. Diana p. 4. tract. 4. Reg. 208. cum aliis pluribus. Ratio horum est, quia hoc*

486 Lib. III. Tr. III. De III. et IV. Præc. etc.  
privilegium est personale, cum non concedatur loco, sed personæ ob illius nobilitatem, quapropter, sicut cessante causa privilegii, privilegium cessat, ita perseverante ejus causa, nempe nobilitate personæ, privilegium perseverat. Nec ob stare dicebant illud, *Tibi N. N. Diæcesis Neapolitanæ*, id enim non apponitur taxative, sed tantum demonstrative, nimirum, *Tibi qui nunc es Diæcesis Neapolitanæ*, et hoc, ne privilegium usurpari possit ab alio alterius Diæcesis, qui forte sit ejusdem nominis. Advertunt tamen præfati AA. quod semper requiritur inspectio loci ac approbatio ab Ordinario illius alterius Diæcesis. Sed his non obstantibus, sentio cum *P. Fortunato a Brixia de Orat. domest. p. 62. et P. Gattico eod. tit. c. 22. n. 20. ac Morella ap. Dian. loc. cit.* quod translato domicilio in aliam Diæcesim Privilegium cessat. Ratio quia in exemplaribus hodiernis hujusmodi indulti nomen Civitatis, et Diæcesis non solum applicatur personæ, nempe *Tibi Diæcesis N.* sed etiam ipsi Oratorio, cum ibi dicatur: *In privato domus tuæ solitæ habitationis Oratorio, in Civitate N. existente*; et aliquando additur etiam nomen Diæcesis; ergo sicut limitatur Privilegium circa personam, sic etiam circa locum. Et ideo posito Auctores pro prima opinione citatos olim fere communiter illam tenuisse; quia olim nomen Diæcesis apponebatur tantum personæ, non autem loco; sic enim habetur in exemplari relato a *Tamb. loc. cit. num. 1. Tibi Diæcesis N. ut in privato Domus tuæ solitæ habitationis Oratorio, ad hoc decenter muro extracto etc.* Sed hodie, posito quod nomen Civitatis, aut etiam Diæcesis apponitur adhuc loco, non dubitandum quin, non demonstrative, sed taxative apponitur. Præ-

terquamquod, etiamsi hoc dubium esset, huiusmodi Privilegium in dubio stricte est interpretandum. Scio *Tambur. in cit. §. 4. n. 31.* citando pro se *Pelliz.* mihi adversari dicentem, quod tale Indultum Oratorii late interpretari debet, cum sit privilegium Principis, quo nulli præjudicium inducitur. Sed oppositum mihi verius apparet, et *P. a Brixia l. c. c. 3. Animado. l. p. 91.* asserit id commune esse apud omnes. Ratio quia alias communiter docent *Sanchez de Matr. l. 8. D. 1. n. 1. et 5. Bon. de Privil. D. 1. q. 3. p. 7. §. 1. n. 5. Suar. de Leg. lib. 8. c. 27. Salm. tract. 18. cap. 1. n. 79. cum Palao, Laym. Bass. Tamb. et aliis* passim, quod licet privilegia, prout sunt favorabilia, late, imo latissime sint interpretanda, tamen privilegia illa quæ juri communi derogant (sicut est hoc) regulariter stricte interpretari debent; quia privilegium contra jus commune continet et importat dispensationem, quæ semper est odiosa. Idque confirmatur ex *Reg. 15. juris in 6.* ubi dicitur: *Quæ a jure communi exorbitant, nequaquam ad consequentiam sunt trahenda.* Dixi regulariter, nam excipiuntur aliqui casus, quos recensuimus in *Appendice de Privilegiis posita lib. 1. post Tract. 2. de Legibus*, vide ibi n. 7.

Dicunt autem *Pignatellus*, et *Pasqualigis*, posse Dominum, etiamsi per breve tempus maneret ruri, uti ibi privilegio Oratorii, cum privilegium hoc sit personale. Sed etiam hoc negandum cum *Ronc. de Sacrif. Missæ cap. 5. q. 3. vers. Quarto*, juxta verba ut supra relata Indulti, ubi dicitur: *In privato domus tuæ solitæ habitationis Oratorio.* Domus autem rusticana, ubi per breve tempus Dominus degit, nequit dici solitæ habitationis.

CLAUSULA II. *Qui ( ut asseris ) de nobili genere procreatus existis.*

Primo loco hic advertendum cum *Tambur. Meth. cel. Missæ l. 1. c. 6. §. 4. n. 5.* quod non verificata hac conditione nobilitatis, omnino corrumpitur hoc privilegium; quia ex communi doctrina tradita a *Sanch. de Matr. lib. 8. D. 21. n. 8.* cum non verificatur conditio, qua non existente, privilegium non concederetur; privilegium cessat, eo quod conditio illa tunc requiritur ut causa finalis et principalis concessionis. Dicunt autem *Pignatell. Conf. 68. num. 100. et Pasqual. ac Clericat. ap. P. a Brixia in cit. Opusc. de Orat. dom.* sufficere ad id quamcumque nobilitatem sive ex genere, sive ex privilegio, sive ex dignitate, aut gradu, vel alio modo. Sed hoc negat præfatus *P. a Brixia*, dicens Pontificem principaliter ob nobilitatem moveri ad hoc Privilegium alicui impertiendum, et ideo non præsumi, quod velit illud participari ab eo qui non sit realiter nobilis. De cetero ait *Tamb. loc. cit.* illum hic censeri nobilem, qui per aliquot generationes artem mechanicam non exercuerit. Hinc censeo semper distinguenda esse loca, nam qui forte nobilis æstimabitur in aliqua Civitate, non æstimabitur talis in alia.

CLAUSULA III. *Ut in privato domus tuæ solite habitationis Oratorio, in Civitate N. existente, ad hoc decenter muro extructo, ornato, ab omnibus domesticis usibus libero.*

Nota 1. verba, *Muro extructo.* Dicunt hic *La Croix lib. 5. part. 2. n. 266. et Tamb. loc. cit. n. 8.* non esse opus quatuor muris cum janua, qui Oratorium ab aliis dividant locis, sed posse pro quarto muro aptari tapes, aut tela quæ reseretur, vel claudatur ad commodi-



Cap. I. Quod tert. Præc. etc. Dub. III. 489  
 tatem audientium Misam. Censet autem *P. Fortunatus a Brixia* non sufficere amplos armarios intra cavitatem parietis, qui lignea tabula post absolutum Sacrificium claudantur. Nulli dubium quod hujusmodi Oratoria decentius intra quatuor, vel saltem tres parietes in separato cubiculo construerentur; sed ego novi præfatos armarios in usu esse Neapoli, novique ab Archiepiscopo approbari. Et revera hujusmodi Oratoria sic formata non videntur juxta tenorem Indulti, ut supponit *P. a Brixia*, esse vetita, quia tabulæ laterales satis gerunt vices parietum; modo tamen Altare ligneum ita sit parieti colligatum, ut non sit amovibile, juxta Decretum S. C. Rituum emanatum die 3. Decemb. 1661. quo dictum fuit: *Habens Indultum eligendi Oratorium in propria domo, si quis voluerit ibi ædificare Altare ligneum, non indiget facultate Apostolica, dummodo Altare ligneum cum sacro lapide parieti colligatum amovibile non sit, et Altaris portatilis imaginem non præseferat.*

Nota 2. verbum, *Ornato*. Omnes conveniunt, locum Oratorii debere ita esse constructum, ut diversus discernatur ab aliis ad profanos usus designatis; ut ex ornatu sacrum appareat; imo ait *Pasqualigus quæst. 618. num. 3.* quod in his Oratoriis splendidior requiritur ornatus, quam in Ecclesiis; in quibus, cum adsit locus jam permanenter Divino cultui dicatus, per se locus venerationem sibi advocat, sed cum id cesset in Oratoriis privatis, ideo nitor ornatus venerationem supplere debet.

Not. 3. verba, *Ab omnibus domesticis usibus libero*. Dicunt *Pasqual. de Sacr. Miss. qu. 618. et Tamb. loc. cit. n. 9. ex Sa verb. Ecclesia n. 3.* quod occurrente necessitate, sicut per-

mittitur etiam in Ecclesia consecrata comedere, dormire, et similia agere, tanto magis ea permittenda in Oratorio, quod solum ad tempus est ad Sacrum usum deputatum. Addit *La Croix lib. 6. p. 2. n. 266.* quod hujusmodi actiones, licet absque necessitate fierent, non excedunt culpam venialem; docent enim DD. apud *Bonac. et Suar. de Relig. lib. 3. cap. 5.* quod illæ etiamsi fierent in Ecclesia consecrata non sunt mortalia, nisi, fierent constanter, et per modum habitus, utendo Ecclesia vel Oratorio tamquam quocumque loco profano. Quo tamen casu censet *Pasqual. cit. q. 618. num. 8.* cum aliis, locum effici ineptum, et ideo cessare Privilegium; Saltem, ait *Tamb. ex Castrop.* tunc locum indigere nova approbatione Episcopi.

An autem sit illicitum supra tectum Oratorii vel Ecclesiæ ponere lectos, aut alia profana exercere? Negant *Roncaglia de Sacr. Miss. cap. 5. qu. 3. v. Primo, in fine cum Pignatell. et Croix cit. n. 266. cum Quarti et Tamb. num. 9. vers. Illud, ex Sanch. l. 1. n. 26. et Glossa in cap. unic. de Consecr. Eccl. in 6.* dicentes quod abstinere ab his erit quidem de congruentia, non vero de Præcepto; qui enim supra tectum Ecclesiæ dormit, extra Ecclesiam dormit. De cetero S. Carolus Borromeus in *Concil. 4. Mediol.* prohibuit ne supra Ecclesiam, Capellam, aut Oratorium, ubi Missa peragitur, locus sit in quo dormiatur, aut habitetur, aut quidquam profani fiat. *Sed P. Cattico c. 23. num. 6.* censet quod si alicubi aliter provideri nequeat ob angustiam domus Privilegiati, in hac re aliquid indulgendum.

CLAUSULA IV. *Per Ordinarium loci prius*

Cap. I. Quod tert. Præc. etc. Dub. III. 491  
*visitando, et approbando; ac de ipsius Ordinarii licentia, ejus arbitrio duratura.*

Oratorium debet quidem ab Ordinario visitari, et approbari, ut aptetur in loco decenti, id vero non nisi semel et gratis. Approbato autem Oratorio, nequit deinde Ordinarius impedire, ne in eo celebretur, prout decisum refert *Barb. in Trident. sess. 32. Decr. de Observ. etc. num. 19.* Nomine Ordinarii veniunt tam Vicarius Generalis Episcopi, quam Capituli, Sede vacante ex *Sanch. de Matr. lib. 5. D. 19. num. 3. et 5.* Potest autem Episcopus etiam alteri hanc visitandi facultatem committere, cum hæc facultas Officio-Episcopali perpetuo sit adnexa. *Sanch. ibid. D. 31. n. 1. et alii passim.*

Verba illa, *Ac de ipsius Ordinarii licentia, ejus arbitrio duratura*, assevit *Tambur. n. 14.* non in omnibus Indultis apponi, sed ubi apponuntur, si Ordinarius revocet licentiam; non potest quidem in Oratorio celebrari, tantum poterit ipse cogi, ut concedat, si neget injuste; *Tamb. cit. n. 14. ex 15.* Advertit tamen idem Auctor *n. 16. et Sanch. Consil. lib. 7. cap. 1. Dub. 55. n. 7.* quod verbum *arbitrio* differt a libera voluntate, unde ait non posse Ordinarium hujusmodi licentiam revocare sine justa causa. Justa causa tamen existente; bene poterit celebrationem suspendere, et non solum vi præfatæ clausulæ, sed etiam vi Tridentini ex citato Decreto in *Sess. 22. de Observ. etc.* ubi universe Episcopis, tamquam Delegatis Apostolicis, data est potestas statuendi aut prohibendi quæ ipsis visa fuerint circa celebrationem Missarum.

CLAUSULA V. *Unam Missam pro unoquoque die, dummodo in eadem domo celebrandi li-*

492 Lib. III. Tr. III. De III. et IV. Præc. etc.  
centia, quæ adhuc daret, alteri concessa non  
fuerit.

Nota; unam Missam, idest unicam, ut de-  
claravit ( quicquid alii dixerint ) Bened. XIV.  
in Bulla Magno; vide dicenda super hunc  
punctum lib. 6. num. 359. vers. Notandum III.  
Per verba autem, Dummodo in eadem domo  
etc. etiamsi unus ex duobus Dominis habe-  
ret proprium Oratorium in sua habitatione se-  
parata ( vulgo Appartamento ) ejusdem do-  
mus, nulliter alter Dominus Privilegium im-  
petraret.

CLAUSULA VI. Per quemcumque Sacer-  
dotem lib. eodem Ordinario approbatum secula-  
rem, seu de Superiorum suorum licentia Re-  
gularem.

Quidam Auctor apud Tambur. num. 33. pu-  
tauit per hanc clausulam, Sacerdotes indigere  
speciali obligatione ad celebrandum in Oratorio  
privato; sed recte id negat Tambur., quia  
passim Sacerdotes solent tantum ex universali  
approbatione celebrandi, in prædictis Oratoriis  
Sacra facere.

CLAUSULA VII. Sine tamen quorumcumque  
jurium Parochialium præjudicio.

Clausula hæc importat, ut celebratione ne-  
queant in privatis Oratoriis annumerare Matri-  
monia, jejunia, et similia ad Parochos spe-  
ctantia. Importat etiam, ut non possint mini-  
strare ( quicquid dicat Tambur. ) Eucharistiæ  
Sacramentum, sicut expresse prohibuit Bene-  
dict. XIV. in quadam Encyclica ad Episcopos  
Poloniæ; vide dicenda lib. 6. n. 359. in fine,  
vers. Quæres hic. Sacramentum autem Pœni-  
tentie universe præscribitur in Rituali Romano  
a penine posse ministrari domi, nisi ex ratio-  
nabili causa.

Cap. I. Qdod tert. Præc. eto. Dub. III. 493

**CLAUSULA VIII.** *Paschatis Resurrectionis, Pentecostes, et Nativitatis Domini nostri Jesu Christi, nec non aliis solemnioribus festis diebus exceptis;*

Advertit Tamb. n. 7. ex Grav. p. 1. tit. 10. §. Sciendum, nomine Paschatis, et Pentecostes tantum primam diem intelligi, in qua revera solemnitas est. Quinam autem dies subintelligantur pro *Tò Solemnioribus* vide lib. 6. n. 339. v. ex quo deducitur 1. ubi affertur Decretum S. C. illos explicans.

**CLAUSULA IX.** *In tua, et natorum, ac Familiæ tuæ, necnon Hospitum tuorum nobilium præsentia celebrare facere.*

Nomine *Tua* omnino requiritur præsentia Domini. Olim Roncaglia de Sacr. Missæ c. 5. q. 3. vers. Quinto, cum Barbosa probabilem putavit opinionem, posse celebrari Missam, assistente Familia, quamvis Dominus abesset, dicens particulam *Ac* (in tua præsentia, et natorum, ac Familiæ) intelligi *Vel;* alias (ait) non sufficeret præsentia Domini, si abesset Familia. Sed hodie sancitum habemus a Bened. XIV. in Decreto incipiente, *Cum duo nobiles* (vide Constitutiones Benedicti XIV. in extensum relatas in Diss. Proleg. sub initio tom. 1. Parte 2. c. 3. Decr. 5.) non posse celebrari in privato Oratorio, nisi actu intersit aliqua persona ex iis, quibus Indultum principaliter concessum et directum est.

Nomine *natorum*, dicunt Pignatell. tom. 6. Cons. 58. n. 105. et Pasq. de Sacrif. Missæ q. 654. n. 1. venire etiam Filios illegitimos, modo sint nati ex certo Patre, et de ipso constet. Sed P. Gattico de Orat. dom. c. 25. n. 25. et P. Fortun. a Brixia eod. tit. cum Barb. tenent venire tantum legitimos, non vero spu-

494. Lib. III. Tr. III. De III. et IV. Præc. etc.  
rios, nec naturales, donec hi legitimetur per  
subsequens Matrimonium, vel per auctoritatem  
Principis; atque hujus sententiæ ego magis ad-  
hæreo, cum hujusmodi Privilegium stricte sit  
interpretandum prout probavimus in explicando  
Clausulam I.

Nomine *Familie* veniunt quidem tam Con-  
sanguinei, quam Affines. Utrum autem veniant  
omnes Propinqui cujuscumque gradus? Affirmant  
*Pignatell. Cons. 94. n. 102. et Pasqual. q. 654.*  
Verum tamen *P. Gattico loc. cit. num. 76.* sen-  
tit Privilegium non extendi nisi ad quartum  
gradum; quia ( ut ait ) præsens disciplina,  
postquam impedimentum Matrimonii ex carnali  
cognatione restrinxit ad quartum gradum, non  
respicit amplius ad gradus inferiores. Præterea,  
dicit *Tamburinus* cum *Pellizzario* gaudere Pri-  
vilegio Propinquos, etiamsi vivant propriis ex-  
pensis, et in separatis partibus, modo habitent  
in eadem domo. Sed communius et verius id  
negant *Pignat. loc. cit. n. 95. Pasqual. q. 649.*  
*Roncag. de Sacrif. Miss. cap. 5. q. 3. v. Se-  
cto. Croix lib. 3. p. 1. n. 627. et P. a Bri-  
xia pag. 83.* quia ex Indulto requiritur; ut  
Cognati non solum degant in eadem domo, sed  
etiam ut sint de ejus familia.

Nomine tandem *Hospitum*, dicit *P. a Bri-  
xia pag. 93. cum Pelliz. et Gattico* admitti pos-  
se etiam Hospitem ( modo sit nobilis juxta In-  
dultum ) unius diei: et adhuc qui ad prandium  
invitatur a Privilegiato, ut de Privilegio par-  
ticipet. Non possunt tamen de eo gaudere Ho-  
spitis Famuli, cum non sint de Privilegiati  
familia.

CLAUSULA XI. *Volumus autem quod Fa-  
miliares servitio tuo tempore dicto actu non ne-  
cessarii ibidem Missæ hujusmodi non interessent.*

Cap. I. Quod tert. Præc. etc. Dub. III. 495  
*tes, ab obligatione audiendi Missam in Ecclesia diebus festis de præcepto minime liberi censeantur.*

Ut ergo Familiares Privilegio Oratorii gaudeant, requiritur 1. ut vivant expensis Domini, et ejus servitio incumbant ex c. *sicut nobis, de Verb. sign. in 6.* Requiritur 2. ut actu ipsi sint necessarii servitio Domini. Requiritur 3. ut actu sint necessarii, non solum aliquando intra diem, sed tempore quo Missa celebratur; ita recte *P. a Brixia pag. 96. cum Gattico*, idque patet ex verbis Indulti. Censet autem *Pignatellus Cons. 98, num. 107.* quod Familiares utiles servitio habendi sunt pro necessariis; idque admittit *P. Gattico cap. 25. n. 19.* saltem casu quo Famuli sint necessarii convenienti decori Domini. Sed neutrum concedit *P. a Brixia* ex principio pluries supra repetito, quia Privilegium hoc stricte, et juxta rigorosam proprietatem verborum est interpretandum; tantum admittit cum Gattico unicum Famulum, qui reputetur moraliter necessarius ut assistat Domino in iis quæ tempore Missæ ei occurrere possunt. Familiares autem Cognatorum non gaudent hoc Privilegio, nisi assumantur ab ipso Privilegiato ut assistant, et sint necessarii modo prædicto, Cognatis qui sunt sub cura Privilegiati.

319. Dubitatur 1. An gaudeant Famuli viventes quidem expensis Domini, sed habitantes extra ejus domum? Negant *Bon. Barb. Lezana, et Gobat. apud Croix lib. 6. pag. 2. num. 272.* Sed affirmant *P. Mazzotta tom. 3. pag. 183. Pelliz. Man. tract. 8. c. 2. Sect. 2. q. 22. P. Gattico ap. P. a Brixia pag. 98. et Palaus, Diana, Quarti, et alii apud Croix loc. cit.* quorum sententia non videtur repro-

banda, et Familiæ illi assistant continuo servitio Domini, et revera ( ut diximus ) sint Domino necessarii tempore Missæ.

Dubitatur 2. An omnes extranei audientes Missam in Oratorio privato, satisfaciant præcepto? Affirmant *Bus. cum Azor. et aliis*. Sed merito opinionem hanc rejiciunt *Tamb. Meth. celebr. Miss. lib. 1. c. 4. §. 4. n. 34. Sporer de 3. præc. c. 4. num. 14. Mazz. de Sacr. Miss. cap. 3. pag. 183. et alii*, ex verbis Indulti ubi dicitur: *Volumus autem ut qui non sunt de Familia, non censeantur liberi ab obligatione audiendi Missam in Ecclesia*. Nec obstat dicere, quod extranei illi jam Missam audiant, et de loco non adest præceptum; verba enim illa, *Volumus etc.* ajunt apponi de stylo Curiae, pro tempore quo olim Missa audienda erat in Parochia. Sed recte respondet *Tamburinus*, quod Pontifex dicendo, *Volumus etc.* satis clare imponit præceptum etiam de loco, jubendo et qui non sunt de Familia, teneantur audire Missam, non jam in Parochia, sed in Ecclesia publica excluso Oratorio privato.

Dubitatur 3. An aliquando teneatur Dominus uti Privilegio Oratorii, si non possit Ecclesiam adire? Videtur negandum, quia si tenetur uti suo Privilegio, privilegium redderetur onerosum. At merito affirmant teneri Dominum, si commode Sacerdotem habere potest. *Pasqual. q. 662. n. 4. Gattico c. 25. n. 33. et P. Fortunat. a Brixia p. 101.* non quidem ex vi privilegii, sed ex vi præcepti, quo obligat ad Missam audiendam omnes qui illud sine gravi incommodo implere valent. Hinc ( ut etiam recte ait *P. a Brixia pag. 112. cum Nugnez, Pasqual. et Gattico* ) tenetur Privilegiatus,



Cap. I. Quod tert. Præc. etc. Dub. III. 497  
si commodè potest, providere de Sacerdote,  
non solum sibi, sed etiam aliis de Familia,  
si quis eorum nequit ad Ecclesiam accedere.

Probabile autem est, quod satisfaciat quicun-  
que audit Missam in littore, aut in castris,  
*Croix num. 629. cum Bon. etc. DD. cit.* No-  
tandum hic, quod Oratoria in domibus Epi-  
scoporum; Religiosorum, vel Missionariorum  
privilegiatorum, vel alibi erecta, et benedicta  
ab Episcopo, cum janua in via (intellige hoc  
pro domibus laicorum), illa non sunt jam  
Oratoria privata, sed veræ Ecclesiæ; quare  
in iis audientes Missam bene satisfaciunt, et  
in quibuscumque Festis. Vide *Croix num. 626.*  
et vide *Tr. de Euch. lib. 6. ex n. 357.*



## DUBIUM IV.

*An sit obligatio audiendi Missam in Parochia  
Dominicis, et Festis majoribus?*

320. » **R**esp. Etsi id quidem decens sit,  
» non tamen est obligatio. Est communis Au-  
» ctorum ( quos vide *superiore dub. cas. ult.* )  
» et ut ait *Card. Lugo disp. 23. sect. 1. num.*  
» 2. certa; etsi *Marchantius in Candelabro my-*  
» *stico t. 1. c. 7.* et in *Resolutionibus moralibus*  
» in *forma manualis editis c. 8.* in dubium vo-  
» cet, scrupulumque movere conetur. Ratio est  
» 1. Quia nullum extat ea de re præceptum.  
» 2. Quia *c. Ut Dominus*, jubetur Parochus  
» ante Missam ejicere eos, qui, proprio Paro-  
» cho contempto, insthic Missam audire vellent;  
» ergo sine contemptu ( formali ) licet. 3. Quia  
» *c. Si quis, de Consecr.* jubentur ii, qui  
» habent Oratorium domi, in majoribus festi-  
» vitatibus audire sacrum in Parochia, vel in  
» civitatibus. 4. Quia universalis fidelium, et  
» ipsorummet etiam Parochorum doctorum, et  
» Confesiariorum ( qui pœnitentes hac de re  
» non interrogant ) consuetudo id non tan-  
» tum, ut loquitur *Marchant. l. c.* insinuat,  
» sed manifeste docet. 5. Quia *Trid. sess. 22.*  
» *c. 7.* tantum dicit, populum debere moneri  
» ( non autem teneri ) ut frequenter adeant  
» Parochias, saltem Dominicis, et festis majo-  
» ribus. V. *Fagund. Lug. Barb. Zened. Trull.*  
» *lib. 3. c. 1. dub. 6.*

321. » Neque obstat, quæ *March.* objicit,  
» ut 1. Quod jura antiqua decernant contra-  
» rium, eo quod Sixtus IV. *De Tregua*, et

» pace, præcipiat, ne Mendicantes prædicent,  
 » non teneri audire Missam in Parochia Domi-  
 » nicis, et festis. Nam in primis ex illo *Sixti*  
 » decreto nihil sequitur, cum is non dicat te-  
 » neri, sed tantum prohibeat, ne publice præ-  
 » dicetur, non teneri. Cum enim honestissimum  
 » sit populum audire missam in Parochia, id-  
 » que suadere deceat, minime deceret, id (pu-  
 » blice præsertim) dissuadere; nam inde scan-  
 » dala, et proprii Parochi contemptus sequi  
 » possent; et hoc est, quod Sixtus cavere vo-  
 » luit. Deinde, esto antiqua forsitan aliqua jura  
 » id habeant, eis posterioribus temporibus, per  
 » varia privilegia, receptamque consuetudinem  
 » universalem, est derogatum. *Cajet. Lugo,*  
 » *etc. Auctor. cit.*

» Nec obstat. 2. Quod multos Canonistas eam  
 » opinionem secutos asserit. Esto enim olim  
 » quidem sic senserint: hoc tamen tempore,  
 » post tot, et tam ampla privilegia, post tam  
 » claram, et diuturnam consuetudinem, post  
 » Eminentiss. Cardin. declarationes, et ipsorum  
 » etiam Pontificum nota decreta contraria ( *ut*  
 » *vid. seq. Resp.* ), an aliqui id doceant,  
 » nescio.

322. » Nec 3. Locus Trid. paulo ante in  
 » resp. citatus, quem objicit, ut patet ex ipsis  
 » verbis, et declaratione Eminentiss. Cardin.,  
 » Auctorumque communi explicatione.

» Resp. 2. Episcopus non potest censuris,  
 » mulctis, aliisque pœnis cogere ad audien-  
 » dam Missam in Parochia. Est contra *March.*  
 » *l. c.* ubi ait, *Regulares ita communiter re-*  
 » *spondere, ut privilegiorum suorum fimbriae*  
 » *magnificent, et dilateant phylacteria: et con-*  
 » *tra Auctorem Parochiani obedientis. Ratio*  
 » *autem est, quia, ut ait Navarr. Episcopus*

» non potest tollere (nec restringere) jus com-  
 » mune, et generalem totius orbis consuetudi-  
 » nem. Ita docent præter *Auct. sup. cit. S. Ant.*  
 » *p. 2. tit. 9. c. 10. §. 1. d. 4. Sylv. p. Mis-*  
 » *sa. Tolet. Laym. l. 4. t. 7. c. 3. etc.* et com-  
 » mun. omnes Theologi, et Canonistæ moder-  
 » ni: afferuntque *Azor. t. 1. l. 7. c. 8. q. 6.*  
 » et *Card. Lugo disp. 22. lib. 1. pro hac sen-*  
 » tentia declarationem *Card. in Trid.* quæ ex-  
 » presse habet: *Non posse Ordinarium mul-*  
 » *ctis, et pœnis cogere ad audiendam Missam,*  
 » *vel Concionem in propria Parochia, etiam*  
 » *in casu negligentiae, et contumaciæ.* Et, si  
 » quis his duobus tanquam Regularibus, mi-  
 » nus fidat, legere potest eandem declarationem  
 » *ap. Barb. in Trid. sess. 22. cap. 8. de Sa-*  
 » *crif. Miss. et sess. 24. de reform. c. 4. num.*  
 » *12. Item tr. de Offic. et Potest. Parochi,*  
 » ubi eandem sententiam *Barbas.* ipse sequitur,  
 » et pro ea supra viginti Auctores celebres  
 » partim Theologos, partim Canonistas, qua  
 » Regulares, qua non Regulares citat. Vid.  
 » *ejusdem Remissiones in Trident. impress. An-*  
 » *tuerpiæ Anno 1644. et Zerolam in praxi*  
 » *Episcopali p. 2. v. Parochia, et p. 1. v.*  
 » *Missæ, §. 6.* Idem disertis verbis confirmat  
 » *Clemens VIII. Anno 1592. 22. Decembr.*  
 » decreto suo, circa hanc ipsam controversiam  
 » Duaci excitatam; quo eam dirimit, his ver-  
 » bis; *Præsenti nostro decreto sancimus, li-*  
 » *bere secularibus, Christique fidelibus univer-*  
 » *sis, Missas diebus Dominicis, et Festis aliis*  
 » *majoribus audire in Ecclesiis tam Fratrum*  
 » *Prædicatorum, quam aliorum Mendicantium,*  
 » *nec non etiam Collegii Societ. JESU, juxta*  
 » *eorum privilegia, et antiquas consuetudines,*  
 » dummodo id in contemptum Parochialium

» Ecclesiarum non faciant ; et tam dictis fra-  
 » tribus , Prædicatoribus , ac Præbyteris di-  
 » cte Societatis , quam aliis privilegiatis , qui-  
 » bus id a Sede Apostolica indultum est , ido-  
 » neis tamen , et ab Ordinario approbatis ;  
 » peccata sua , etiam Quadragesimali , et Pa-  
 » schali , et quovis alio tempore confiteri licite  
 » posse , etc. Quod si vero dicta privilegia ,  
 » et alia similia clarius cognoscere lubet , in-  
 » spiciatur ( ut alia taceam ) Compendium  
 » privilegiorum Societatis JESU , ubi præter  
 » Leonis X. clara sunt verba Pauli III. in  
 » Extrav. data Anno 1549. Kalend. Novemb.  
 » quæ incipit , Licet debitum ; quæ omnibus  
 » Christi fidelibus , cujuscumque conditionis , qui  
 » verbis Dei prædicationibus in templis ejusdem  
 » Societatis interfuerint , concedi , ut ibidem  
 » Missas audire , et Sacramenta recipere libe-  
 » re , et licite valeant , neque ad id ad Pa-  
 » rochiales Ecclesias accedere teneantur. Por-  
 » ro , ne quis miretur , tam ampla privilegia  
 » Regularibus concessa a variis Pontificibus ,  
 » placebit inspicere eorum Bullas , in quibus  
 » reperiet motiva gravissima : aut si nec inspi-  
 » cere lubet , recogitet saltem , Deum ipsum  
 » Innocentio III. ( dum vidit Ecclesiam La-  
 » teranensem jam jam ruituram ) ostendisse  
 » eam sustentari a S. Dominico , et S. Fran-  
 » cisco. Consideret , quod , sicut olim in va-  
 » rias orbis plagas , et in ipsam Germaniam  
 » doctrina Christi translata est opera Regula-  
 » rium , ita sine eorum subsidio conservata diu  
 » non fuisset , vel saltem minus florisset. Et  
 » denique , ne Regularibus succenseat quisquam ,  
 » quod privilegia sua tueantur , sciendum est ,  
 » quod sine consensu Sedis Apostolicæ iis re-  
 » nunciare , aut cedere non possunt , ut v.

» lib. 2. *Decret. tit. 43. de Arb. c. 5. imo,*  
 » etsi faciant, irritum fore, et peccaturos :  
 » quia injuriam inferrent Ordini, et Ecclesiæ  
 » toti. Nunc ad argumenta *Marchantii* breviter  
 » respondeo.

» 1. Afferit auctoritatem ejusdam P. Ca-  
 » puccini, qui Parochianum obedientem scri-  
 » psit; Et huic quidem me paulo ante sat  
 » multas, gravesque auctoritates opposuisse exi-  
 » stimo.

» 2. Ait, quorundam Episcoporum pra-  
 » xim esse contrariam, eamque fundari in ju-  
 » re antiquo, et novo *Trid. loc. cit. sess.*  
 » 22. et sess. 24. ubi dicit, teneri unumquem-  
 » que Parochiæ suæ interesse, ad audiendum  
 » verbum Dei, et rudimenta Fidei: hæc au-  
 » tem in plerisque locis, ruralibus docentur  
 » in Missa: ergo etiam ad Missam possunt  
 » compelli.

» 323. p. Resp. 1. Praxim istam ( sicubi est )  
 » paucorum esse, et contrariam praxi com-  
 » muni Episcoporum, in omnibus regnis, et  
 » provinciis, et insuper Præsulis summi.

» 2. Praxim istam nec fundari in jure an-  
 » tiquo, cum illi ( si quod fuit ) per privi-  
 » legia sit derogatum, et abrogaverit consue-  
 » tudo; nec in novo, tum quia *Trid. l. c.*  
 » loquendo de concionibus, et catechesi, nul-  
 » lam fecit mentionem Missæ, et in pœnali-  
 » bus non valet illatio; Tum quia *Trid.*  
 » expresse addit ( quod *Marchantius* in sua  
 » citatione omittit, cum tamen ad rem pluri-  
 » mum faciat ), *si commode fieri potest*; Tum  
 » quia nec illam quidem obligationem, quoad  
 » conciones, esse receptam ostendit universa-  
 » lis Ecclesiæ consuetudo, eo quod forte re-  
 » gulariter *commode fieri non poterat*, ut

Cap. I. Quod tert. Præc. etc. Dub. IV. 503

» notat *Cardin. Lugo l. c.* Neque Catechesis  
 » communiter docetur in Missa, nisi forte in  
 » pagis, ubi rarius contendunt Regulares cum  
 » Parochis de re præsentī. Denique nescio, an  
 » non Episcopi, de quibus loquitur, ex nu-  
 » mero forte sint eorum, de quibus Pius V.  
 » in Bulla, *Etsi Mendicantium*, queritur,  
 » quod, etsi, Episcopi Ordines mendicantes  
 » merito colere, et adjuvare deberant, non  
 » solum id negligant, verum etiam Concilii  
 » Tridentini verbis in pravam sensum detor-  
 » tis, eos incommotis, et perturbationibus af-  
 » ficiant.

» 3. Citat decreta Synodi Leodiensis, et Na-  
 » murcensis, subjungitque: *Quis vero audeat*  
 » *hæc contempnere, et Patres istius Synodi,*  
 » *inter quos multi Theologi fuerunt?*

» Resp. Decreta ista (et si quæ forte sunt  
 » similia) intelligenda esse, ne cum contemptu  
 » proprii Parochi audiant Sacrum extra Para-  
 » chiam; aut si quem sensum alium habent,  
 » non esse recepta, vel usu abrogata. Ita *Auct.*  
 » *cit. communis.* Videri potest *C. Lugo loc. cit.*  
 » *Barb. et Zerol. ll. oc.* et dignissimus lectu  
 » libellus *Francisci Pontani* Concionatoris regii  
 » cujus titulus: *Responsa ac quæsitæ cujusdam*  
 » *primarii Prælati, etc.* excusus primum Gal-  
 » lice Nancæi, Anno 1625. postea vero latini-  
 » tate donatus, et recusus Viennæ Austriæ,  
 » typis Michaelis Rictii, anno 1634. Mitto ra-  
 » tiones ceteras, quibus frequentationem Pa-  
 » rochiæ (sine obligatione tamen) persua-  
 » dere conatur: cum eam, utpote honestam  
 » in primis, atque decentem, minime impro-  
 » bare, sed erroneam tantum conscientiam im-  
 » pedire intendam: ne videlicet cum persua-  
 » sione obligationis Parochialia, vel cum appre-

» hensione peccati Regularium templa frequen-  
» tentur.

*Bened. XIV. de Syn. lib. 7. c. 64. n. 7.*  
ostendit ( contra *Juenin. et Van-Esp.* ) nunc  
non esse obligationem audiendi Missam in Pa-  
rochia.

## DUBIUM V.

*Quæ excusent ab auditione Sacri?*

324. *Quæ sint causæ excusantes? An habens privilegium Oratorii teneatur conducere Sacerdotem?*
325. *Quomodo excusentur navigantes, vel carcerati, vel infirmi, aut excommunicati?*
326. *An excusentur custodientes domus etc.? vel timentes carcerari, aut assistentes infirmis?*
327. *An uxores, filii, et famuli timentes offensionem Dominorum?*
328. *An aliquando viatores?*
329. *Quæ distantia ab Ecclesia excuset ab audienda Missa?*
330. *An excusentur foeminae ratione luctus, vel partus, vel quia non habent vestes convenientes? et an puellæ prægnantes, vel tempore quo faciendæ sunt proclamationes pro ipsis?*
331. *An possit omittere Sacrum puella sciens ab aliquo turpiter concupisci?*
332. *An excuset amissio magni lucri? An aliud bonum spirituale majus?*  
*An peregrini ad breve tempus commorantes teneantur audire Missam in loco, ubi est de præcepto?*

324. » **R** Esp. Dux sunt causæ, quarum al-  
» tera si adsit, non teneris curare celebrari pri-



Cap. I. Quod tert. Præc. etc. Dub. V. 505

» vatim in portatili cum privilegio, neque  
» ( etsi id consilii sit ) preces interim ullas loco  
» Missæ dicere, ut habet *Nav. c. 13. Suar.*  
» *Fill. t. 5. c. 5. q. 11.*

» Prima causa est impotentia, vel simplici-  
» ter, vel moralis; aut difficultas ex notabili  
» incommodo, proprio, vel proximi; corporis,  
» vel bonorum, vel etiam honoris; quia hæc  
» est mens Ecclesiæ præcipientis instar discre-  
» tæ, et benevolæ matris. *Bon. d. 4. q. ult.*  
» *p. ult. Nav. Fill. t. 5. c. 7. q. 11. Suar.*  
» *d. 85.*

» Secunda causa est quodcumque motivum ra-  
» tionale, quo quis bona fide putat se excu-  
» sari. Vid. *Suar. in 3. p. sect. 6. c. 5. Laym.*  
» *et Bon. l. c.*

Excusat igitur ab audienda Missa quævis cau-  
sa mediocriter gravis, scilicet, quæ involvit  
notabile aliquod incommodum, aut damnum in  
bonis Animæ, vel corporis proprii, vel proxi-  
mi. Ita communiter cum *Bus. DD. ap. Croix*  
*lib. 3. p. 1. n. 675. Salm. de Sacrif. Miss.*  
*c. 6. n. 63. Mazz. de 3. Præc. c. 3. §. 2. et*  
*Zachar. lib. 3. p. 1. num. 575. cum Suar. A-*  
*zor. Pal. Fill. Tanner. etc.*

Recte autem docet hic *Bus.* et est commune  
cum *Dian. ap. Croix n. 676. et Salm. dict.*  
*c. 9. n. 62.* quod habens privilegium Oratorii  
non tenetur Sacerdotem conducere, ut Missam  
ipse audiat. Sed quid, si Missa jam dicatur  
gratis, vel facile gratis haberi possit? *Suar.*  
*Meroll. Escob. Pellizz. etc. ap. Croix n. 576.*  
*et Salm. lib. n. 61. cum Fill. Pal. Trull.* pu-  
tant adhuc non teneri Missam audire, si alias  
erat excusatus, quia privilegium datur ut fa-  
vor, non ut onus; Et ideo nemo tenetur uti  
privilegio suo; nam aliter privilegium reddere-

506 Lib. III. Tr. III. De III. et IV. Præc. etc.  
 tur gravosum. Probabilius tamen teneri dicunt  
*Tourn. t. 3. p. 358. v. 2. et Croix n. 676.*  
*cum Lugo, Tamb. et communiori*, ut asserit.  
 Ratio, quia, licet non teneatur quisque uti  
 privilegio suo, tenetur tamen satisfacere præce-  
 pto, dum potest sine notabili incommodo. Et  
 idem dicendum puto cum *Tournely*, si cum  
 modico stipendio possis conducere Sacerdotem,  
 quia quisque tenetur leve pati incommodum,  
 ut Præcepto satisfaciatur.

*Unde resolves.*

» 1. Excusantur, qui sunt in navigatione  
 » vel carcere. Item in morbo, vel convalescen-  
 » tia, in quo obsit prodire foras. Item qui sunt  
 » in excommunicatione, vel interdicto, de quo  
 » suo loco.

Infirmi excusantur, quando prudenter timent  
 non leve damnum, vel moram notabilem ad  
 convalescendum. Ita communiter DD. *Cajetan.*  
*Soto, Suar. Nav. et alii cum Salm. de Sacrif.*  
*Miss. c. 6. n. 18. et Elbel de 3. Præc. num.*  
*366. apud quem Gob. cum Sanch. excusat et-*  
*iam eum qui ægra valetudine laborans timeret*  
*exeundo notabile gravamen capitis, virium las-*  
*situdinem, cruditatem etc. Sed quid, si dubium*  
*sit, an incommodum sit leve, vel sufficienter*  
*grave? Standum est consilio Medici, aut Supe-*  
*rioris, aut Parochi, vel alius viri prudentis;*  
*Et etiam suo iudicio potest acquiescere infirmus,*  
*si prudenter ita iudicet. Sed quid, si adhuc,*  
*consilio petito, maneat dubius? Suarez dicit*  
*tunc petendam esse dispensationem; sed Pal.*  
*Bon. ap. Croix n. 679. et Salm. ibid. n. 59.*  
*dicunt absolute non teneri ad Missam; quia,*  
*stante periculo gravis damni, præceptum Ec-*

Cap. I. Quod tert. Præc. etc. Dub. V. 507

clesiæ tunc non possidet adversus infirmum; Et idem sentit *Lugo*: Saltem (ait *Gob.*) tunc judicandum est, Matrem Ecclesiam in tali casu non obligare: Vide *Croix ibid.* Est valde probabile cum *Mazz. l. c.*

Excommunicatus, vel interdictus non peccat, omittendo Missam, et sic pariter carceratus, etiamsi negligent absolutionem, vel libertatem, quia isti non obligantur auferre impedimenta remota. Est commune contra paucos *ap. Salm. de Sacrif. Miss. c. 6. n. 53. cum Nav. Suar. Azor. Bon. Sa, Pal. etc.* Modo, bene advertunt *Sporer tr. 3. c. 4. n. 26. et Elbel n. 265.* ipsi non ideo ex proposito negligent liberationem, ne teneantur ad Missam. Imo probabilius dicunt *Bon. et Trull. ac Tourn. t. 3. p. 358. v. Sed hic*, ipsos non excusari, si de facili possent absolutionem, aut libertatem obtinere, et negligent; quia quisque tenetur cum levi incommodo tollere impedimenta, ut gravi præcepto satisfaciat.

326. » 2. Item qui custodiunt castra, urbem, » gregem, domum, infantes, vel puerum (qui » in templo quietus, et sine perturbatione aliorum contineri non potest), aut ægris solatio » sunt, aut coquere debent, et similia curare, » quæ omitti non possunt. *Bonac. Con. n. 86. » et 314.*

Excusantur igitur custodientes domos, vel greges, ex communi cum *Laym. lib. 4. tract. 5. c. 4. n. 3. Palao tr. 22. Tourn. p. 338. n. 2. D. un. p. ult. n. 4. Bon. D. 4. q. ult. n. 3. et Salm. c. 6. n. 68.* At si sint plures custodes, et una dicatur Missa, debent alternatim eam audire. Ita *Salm. d. cap. 6. cum Suar. Nav. Con. Laym. Cov. etc.* Et ita pariter, si a viro, vel uxore manendum sit domi

ad custodiam, non potest vir cogere illam, ut semper domi maneat, cum sit socia, non famula, quæ e converso cogi posset: sed etiam posset dominus manere domi quandoque, ut famula audiret Missam, nam istius utilitas dominum excusaret. Ita *Croix cum Steph. et Gob.* Pari modo excusantur ab audiendo Sacro Matres, quæ non habent domi cui relinquere parvulos sine periculo, et contra non possent eos adducere in Ecclesiam sine notabili adstantium perturbatione. Ita *Bon. l. e. num. 2. et Salm. num. 73. et Suar. Trull. et Elb. num. 389. cum Laym. etc. communiter.* Probabiliter excusatur etiam qui timet carcerari, si Ecclesiam adeat. *Croix n. 689. cum Henr. Dic. et Gob. ac Zanch. lib. 3. p. 1. n. 689.*

Excusatur etiam qui nequit Missam audire, quin relinquat infirmum siue assistentia ad cibum, sive ad remedia præstanda; vel quin infirmus, relictus ab illo, gravem turbationem patiatur. Ita *Pal. Dic. Fill. Suar. Sot. etc. cum Salm. d. c. 6. n. 76.* Et hoc, etsi adesset alius assistens, sed infirmus putaret illius assistentiam esse sibi necessariam, et alias gravem pateretur tristitiam. Ita *Pasq. ap. Croix n. 686. et Mazz. loc. cit.*

327. » 3. Item, cui periculum est gravis » offensionis mariti, parentum, vel dominorum. *Henr. Suar. Fill. num. 226.* Si tamen » id fere semper fieret, de alio medio laborandum esset.

Excusantur famuli, quando eorum ministerium est communiter necessarium, et omittere nequeant sine gravi incommodo dominorum; Debent tamen mediocrem diligentiam adhibere, ut Missam non omittant: Ita *Suar. D. 88. sect. 6. n. 5. Pal. loc. cit. num. 5. Tourn. p. 339.*

Cap. I. Quod tert. Præc. etc. Dub. V. 509  
*et Salm. num. 74. cum Con. et Dic.* Imo no-  
 tat *Croix num. 685. in fin. cum Pal.* eos te-  
 neri ad hoc, adhuc cum mediocri molestia seu  
 vigilia, non autem cum notabili diminutione  
 somni. At si ministerium non sit ita necessarium,  
 domini proculdubio peccant, si famulos impe-  
 dianc Sacrum audire. Ipsi autem famuli tenen-  
 tur tunc audire, adhuc contra domini jussum,  
 nisi gravem indignationem timeant; vel nisi  
 statim, et de facili non possent alium dominum  
 invenire, ut bene ait *Croix lib. 3. p. 1. num.*  
*685. cum Pal. tr. 22. p. ult. n. 6.* Quicquid  
 dicant *Sporer de 3. Præc. c. 5. n. 75. et Salm.*  
*n. 75. etc.* sentientes, famulos per aliquot vi-  
 ces semper excusari. Notat autem *Mazz. d. §.*  
*2.* quod minime peccant domini, si tempore  
 Missæ præcipiant famulis, quæ nequeant differ-  
 ri juxta commuem vivendi modum (intelli-  
 gendum, sine notabili ipsorum dominorum in-  
 commodo). Et tunc sane excusantur etiam fa-  
 muli si tempore Missarum sint occupati in ob-  
 sequio actuali et necessario, ut ait *Spor. d. 24.*  
*cum Salm. etc. ut supra.*

Sic pariter excusatur uxor, si ex accessu ad  
 Ecclesiam timeat gravem indignationem viri ira-  
 cundi, vel zelotypi; secus, si levem. Com-  
 munitur *Pal. Suar. Bon. Azor. cum Salm. d.*  
*c. 6. n. 68. Mazz. loc. cit. et Elb. n. 369.* Sed  
 hoc raro admittendum. Ex justa causa, notat  
*Croix n. 688. cum Tamb. et Fag.* posse Pa-  
 trem detinere filium domi clausum in poenam,  
 etsi Missam non audiat. Idem ait *Elb. n. 380.*  
 Recte etiam excusatur cum *Tourn. p. 359.* qui  
 qui omitteret Missam ad reparandas rixas alio-  
 rum, aut furta alienorum bonorum.

328. » 4. Item, si quis alioqui amissurus  
 » esset occasionem commodanti itineris, v. gr.

510 Lib. III. Tr. III. De III. et IV. Dræc. etc.

» socios , cum viam ignoret , vel pericula me-  
» tuat. Alias vero tenetur ad Missam ante iter ,  
» vel in itinere. *Suar. sect. 6. Rodrîq. Bon.*  
» *l. cit.*

Excusatur etiam viator , si alias perderet ex-  
pensas itineris , quas faceret socius , ut *Suar.*  
*Dic. Gob. ap. Croix n. 582. et Salm. n. 69.*  
*cum Bon. etc. ac Elbel n. 383.* Vel si gravio-  
res expensas subire deberet , si relinqueret oc-  
casionem illam ob Sacrum audiendum , ut ad-  
dit *Elbel loc. cit.* Vel si non esset securus in  
itinere sine comitiva , *Elbel ibid.* Vel si socie-  
tas illius multum eum sublevaret , et longæ viæ  
auferret tædium , quod certe videtur grave in-  
commodum , vel saltem est conjunctum cum  
periculo gravis incommodi , ut *Tambur. Suar.*  
*Dic. Gob. Henr. apud Croix ibid.*

329. » Si sit gravis difficultas eundi ad Ec-  
» clesiam ob distantiam , v. gr. unius , vel al-  
» terius milliaris Germanici , vel etiam mino-  
» ris spatii : maxime si via sit molesta , cælum  
» pluvium. Ubi habenda est ratio personarum ,  
» loci , temporis , et consuetudinis , *Bon. Suar.*  
» *Fill. loc. cit. March. Hor. Past. l. 4. c. 6.*  
» *num. 7.*

Pro distantia excusante , alii assignant tria  
milliaria nostralia , alii duo , alii unum. Sed  
hoc judicandum ex circumstantiis personæ , tem-  
poris etc. ut *Bus. Viv. Salm. ex communi.* Or-  
dinarie tamen milliaris distantia non excusat ,  
ut bene ait *Croix n. 687.* Sed *Dicastillus apud*  
*ipsum ibid.* non obligat mulieres nobiles , et te-  
neras ad 1500. passus ; obligat vero alias me-  
diæ sortis , et rusticas ad longius spatium. E  
converso *Salm. d. c. 6. n. 65. cum Suar. Pal.*  
*Trull. Fill. etc.* ( quibus adhærent *Zach. lib.*  
*3. p. 1. n. 687. ac Croix cum Dian. Gob. ,*

Cap. I. Quod tert. Præc. etc. Dub. V, 511  
et *Fag.* ) dicunt , quod regulariter excusat distantia leucæ , sive trium milliarium , idest ( ut *Croix* ) unius bonæ horæ , seu 5. quadrantium iter pedibus agentes ; et minus si esset molestia nivis , imbris , vel alia causa. Et idem tenet *Mazz.* dicens absolute , quod distantia trium milliarium omnes excusat.

330. » 6. Si ex consuetudine patriæ feminæ » egredi non soleant tempore luctus , vel etiam » post partum. *Sylv. Caj. et Fill. n. 227.*

Excusantur igitur viduæ ratione luctus , ut *Spor. n. 35. et Elb. n. 384.* ac etiam filiæ , et sorores , ut addit *Mazz. cum Suar.* Sed talem consuetudinem ( ajunt *Fill. Villul. et alii* ) non esse extendendam usque ad mensem a morte viri. Mensem tantum permisit S. Carolus Borromæus in Conc. 1. Mediolanensi. Quamvis , si alia esset consuetudo in aliquo loco , non esse damnandam de peccato gravi docent *Pal. Dic. et Fill. cum ceteris ap. Salm. n. 82.* Illæ tamen , quæ e domo jam egrediuntur ad alia , non sunt excusandæ , ut recte notant *Salm. ib. cum Pal.* Alicubi etiam ex consuetudine virgines excusantur a Missa , ne in publicum exeant , *Salm. n. 81. cum Fill. Pal. et Suar.* qui tamen cum *Azor. et ceteris* merito advertit talem consuetudinem moderandam esse , quoad fieri potest.

» 7. Si quis non habet vestes statui suo convenientes , *Navarr. Henr. Sa , Azor. Bon. n. loc. cit.*

» 8. Si quæ ex occulta fornicatione prægnans » metuat , ne id advertatur , si prodeat. *Laym. n. l. 4. t. 5.*

Bene excusantur cum *Bus. et Elb. n. 367.* mulieres non habentes vestes decentes juxta suum statum , vel famulum , aut sociam , sine qui-

bus magno rubore suffunderentur, ut ait *Mazz. l. c.* Sed merito advertunt *Salm. de Sacr. Miss. c. 6. n. 64. Led. Suar. Fill. Dic. Pal. etc.* non esse excusandas ab audienda Missa valde mane, si possunt; aut in Ecclesia remota, ubi Populus non concurrit. Idem dicitur de puella inhoneste prægnante, si posset in aliquo loco occulte, et sine nota Missam audire. Ita communiter cum *Bus. infr. Elb. n. 367. Tourn. .t. 3. p. 338. n. 2. et Pal. Laym. Reg. etc. cum Salm. ib.* Sic etiam possunt aliquando excusari puellæ, quæ ab Ecclesia exeunt, quando fiunt proclamationes pro earum matrimoniis, etsi ideo omittant Sacrum, si ob id notabilem verecundiam pati debeant. Ita *Elb. num. 374.* idemque sentit *Spor. c. 4. n. 35.* de mulieribus nobilibus. Illoc autem raro et difficile puto admitti posse; ut si revera puella ex hoc tantum ruborem pateretur, ut magnum incommodum subiret, eo casu non improbo. *Croix vero num. 690.* absolute tales puellas excusat, ubi adest hujusmodi consuetudo. Pariter consuetudo excusat puerperas, domi se continentes post partum per aliquod tempus (v. gr. per sex hebdomadas ex communi usu, ut testantur *Sporer; et Elbel*), etiam postquam convaluerint. *Spor. num. 35. Elbel n. 384. et Salm. c. 6. n. 79. cum Pal. ex cap. un. de Purif. post part.* Non vero excusantur mulieres ob menstruum. *Salm. num. 80.*

331. » 9. Si quæ sciret, alteri, a quo per-  
» dite amaretur, secuturam occasionem pecca-  
» ti, si prodiret. *Sa, Fill. n. 227.*

Quæstio magna est, an puella sciens ab aliquo turpiter concupisci, possit omittere Missam? Tres sunt sententiæ. *Prima*, quam tenent *Laym. de Car. c. 13. n. 10. Spor. de 6. Præc. c. 1.*



Cap. I. Quod tert. Præc. etc. Dub. V. 513

n. 29. et 37. *Val. Lop. ap. Salm. dict. c. 6.*  
n. 77. dicit posse; Et bis, vel ter etiam tene-  
ri omittere. *Secunda cum Pal. et Henr.* dicit  
teneri audire Missam, non obstante ruina alte-  
rius, quæ illi voluntarie evenit. *Tertia cum*  
*Mazz. c. 2. §. 2.* qui asserit communem cum  
*Suar. Sa, Fill. Bon. Sanch. etc. ap. Salm.*  
docet posse quidem omittere ad evitandum pro-  
ximi damnum: Sed non teneri, quia utitur  
jure suo, et damnum ille sua culpa patitur.  
Hæ sententiæ omnes sunt probabiles, sed prima  
probabilior. Ratio, quia præceptum naturale de  
vitando scandalo præferendum est positivo de au-  
dienda Missa. E converso, quia caritas non  
obligat cum gravi incommodo, non tenetur  
puella abstinere a Missa plus quam semel, vel  
iterum. Vide *dict. de Caritate l. 2. n. 51. et 53.*  
332. Quæritur hic in fine, an amissio nota-  
bilis lucri excuset ab auditione Sacri? Negant  
*Salm. de 3. Præc. c. 1. n. 352.* Sed satis pro-  
babiliter affirmant doctus *P. Holzm. de 3. Præc.*  
*c. 1. n. 258. Viva Art. 3. n. 7. Mazz. loc.*  
*cit. Etbel n. 368. cum Anacl. Dian. etc. Tamb.*  
*c. 2. §. . . . n. 7. cum Azor. Bass. apud Croix*  
*n. 681.* ob eandem rationem, qua diximus su-  
pra n. 301. excusari, qui, ne amittat extraor-  
dinarium lucrum, laborat die festivo, ex ratio-  
ne generali, quia Præcepta Ecclesiastica non  
obligant cum gravi incommodo. Idem tenet *Gob.*  
qui excusat pauperem etiam ob lucrum unius  
ducati, et duorum alium tenuis fortunæ. Et in-  
juste *Salm. loc. cit.* rejiciunt prædictam secun-  
dam sententiam, cum *de Sacrif. Miss. c. 6. n.*  
*67. cum Suar. Pal. Bon. etc.* non negent ex-  
cusari viatorem, qui, ne amittat solas expen-  
sas, quas sperat a socio, Sacrum omittit. Utrum  
autem excusetur, qui in Sabbato venatum iret,

514 Lib. III. Tr. III. De III. et IV. Præc. etc.  
ubi Missam audire nequit? Vid. *d. num.* 301.  
*circa fin.* Verum *Dic. et Gob. apud Croix n.*  
684. excusant Aurigas, qui non possunt audire  
Sacrum, quin vecturam relinquant cum nota-  
bili jactura. Idem ait *Mazz. d. §. 2. de Ta-*  
*bellariis, et Custodibus Gabellarum,* qui timeant  
notabilem jacturam: Idemque dicit de nautis  
vectoribus mercium, qui nequeant audire Mis-  
sam sine magno incommodo. Illud autem non  
admittimus, quod aliqui AA. addunt *ap. Croix*  
*l. c.* scilicet quod, etsi quis possit sine tanto  
damno omittere vecturam, adhuc tamen is ex-  
cusari posset ex consuetudine aliorum, quam  
habent vehendi. Pariter *ibid.* dicunt *Suar. et*  
*Gob.* excusari Molitores, si causa Missæ eis eve-  
niret jactura mediocriter gravis. Valde autem  
probabiliter excusatur, qui ob Missam audien-  
dam omittere deberet negotium cum damno gra-  
vi, ut *Suar. Dic. Cajet. etc. cum Salm. n.* 70.

Non excusatur autem ex communiori cum  
*Pasq. apud Croix n.* 683. qui omitteret Sacrum  
ob aliud bonum spirituale, quamvis majus.  
Probabiliter tamen *ibid.* admittit *Ills.* excusari  
qui omitteret Missam pro se confitendo, si alias  
deberet aliquandiu permanere in statu peccati  
mortalis; et idem tenet *Croix cum Less. num.*  
665. Item excusatur a Missa, qui alias non  
posset impedire blasphemias, rixas, furta, etc.  
*Elb. n.* 391.

An autem Peregrini teneantur audire Missam,  
quæ audienda est ex peculiari præcepto loci,  
ubi sunt, etiamsi per unum diem ibi commo-  
rentur? Affirmant *Suar. de Rel. l. 1. c. 14.*  
*a n. 9. Pont. de Matr. lib. 8. c. 4. n. 7. Jos.*  
*de Januar. et Salas ap. Pal. de Leg. D. 1. p.*  
*24. n. 12.* qui merito probabile id vocat cum  
*Sanch. Dec. l. 1. c. 12. n. 37. et Salm. de*

Cap. I. Quod tert. Præc. etc. Dub. V. 515

*Leg. c. 3. num. 58.* Ratio quia Peregrini vere fiunt subditi Superioris loci ubi sunt, licet per breve tempus ibi commorentur. Probabilius tamen negant *Sanch. l. c. n. 38. cum Tol. Azor. Sayr. etc. Bon. D. 1. q. 1. p. 6. n. 6. et 43. Sylv. v. Jejunium q. 2. n. 7. Elbel de 3. Præc. n. 383. item S. Antonin. Gran. Vega, etc. ap. Salm. l. c.* Ratio, quia Superior loci non habet jurisdictionem in peregrinos, nisi ii maneant, vel saltem animum permanendi habeant per majorem anni partem juxta dicta *de Leg. lib. 1. n. 156.*

Hic refert adnotare, quod Benedict. XIV. in Brevi, *Cum sicut etc.* dato die 22. Dec. 1748. quoad Regna Neapolis, et Siciliarum indulsit ab absistentia operum servilium in diebus festis, exceptis Dominicis Paschatis, et Pentecostes, ac omnibus aliis Dominicis in anno: item die Circumcisionis, Epiphaniæ, Ascensionis, Corporis Christi, Nativitatis Domini: item Purificationis, Annunciationis, Assumptionis, Nativitatis, et Conceptionis B. V. M. Immaculatæ, item die SS. Petri et Pauli, omnium Sanctorum, et Patroni principalis cujuscumque Civitatis aut Pagi illius Diœcesis. In aliis vero Festis præscripsit Fideles teneri tantum ad Missam audiendam.

## CAPUT II.

De Quarto Præcepto , *Honora Patrem , etc.*

### DUBIUM I.

*Ad quid teneantur liberi erga Parentes ?*

333. *Quæ teneantur filii præstare parentibus circa Amorem ?*  
 334. *Quæ circa Reverentiam ?*  
 335. *Quæ circa Obedientiam ? Vide alia ibid.*

333. » **R**esp. Tenentur vi hujus præcepti ,  
 » tum Genitoribus , tum Superioribus , in iis  
 » rebus , in quibus quisque , et quamdiu subje-  
 » ctus iis est , *amorem , reverentiam et obedi-*  
 » *tiam* præstare , ita ut , si notabilis horum de-  
 » fectus sit in re gravi , graviter peccetur : quod  
 » facilius fiet respectu parentum , quam alio-  
 » rum. Ita communiter. V. *Fill. t. 28. p. 2.*  
 » c. 1<sup>a</sup> etc.

*Unde resolves.*

» I. Contra *amorem* graviter peccat filius I.  
 » Si signa odii parentibus ostendet , et aspere  
 » tractet. II. Si torvo oculo fere semper intuea-  
 » tur , ac ita aspere loquatur , ac si odio ha-  
 » beret. III. Si non subveniat in gravi necessi-  
 » tate spiritali , vel corporali. \* ( *Hinc etiam*  
 » *graviter peccant filii negligentes preces , et*  
 » *Sacrificia offerri pro Parentibus. Salmant.*  
 » *tr. 24. c. un. num. 24. )* \*. IV. Si non im-  
 » pleat eorum testamenta , et legata , modo hæ-

Cap. II. De IV. Præc., etc. Dub. I. 517

» res sit. V. Si grave malum, v. gr. mortem  
 » illi optet. *Nav. Reg. lib. 20. n. 8. Fill. t.*  
 » 28. c. 1. q. 3. et 7.

Graviter ideo peccant filii, si non curent,  
 ut parentes in articulo mortis constituti suscipiant  
 Sacramentum Pœnitentiæ, et alia. *Bon. de IV.*  
*Præc. p. 4. n. 5. Fill. n. 3. Salm. de IV.*  
*Præc. Tr. 24. c. un. n. 4. cum Azor. Nav.*  
*Trull.* Item, si impediant parentes, ne faciant  
 testamentum. *Bon. ib. Tamb. n. 5.* Quod tamen  
 intelligitur, si malis artibus impediant; secus  
 vero, si modis permissis id faciant, tunc ab  
 omni culpa immunes erunt.

334. » 2. Contra reverentiam peccat graviter  
 » filius. I. Si percutiat etiam leviter, secundum  
 » *Reg.* II. Si manum ad percutiendum delibe-  
 » rate attollat. \* ( *Ita omnes communiter; et*  
 » *recte Advertit Spor. de 4. Præc. c. 5. n. 32.*  
 » *quod in his filius dupliciter peccaret; contra*  
 » *justitiam, et contra pietatem* ) \*. III. Si gra-  
 » viter Parentes contristet. *Reg. lib. 20. n. 24.*  
 » *Fill. c. 17. n. 17.* \* ( *Etiam si verba non sint*  
 » *graviter contumeliosa, ut probabilius ait Bu-*  
 » *semb. mox infra, et Bonac. de 4. Præc. p.*  
 » *3. n. 4. contra Elbel. eod. tit. n. 557. dicen-*  
 » *tem non esse mortale, si iracundia Parentum*  
 » *non oriatur ex ipso verbo aut facto, cum hoc*  
 » *sit leviter injuriosum, sed ex sinistra apprehen-*  
 » *sione, vel eorum indispositione; Nam si tunc*  
 » *non læditur graviter reverentia, saltem gra-*  
 » *viter violatur amor erga Parentes, eos sine*  
 » *justa causa graviter et deliberate contristan-*  
 » *do* ) \*. IV. Si animo deliberato ad gravem  
 » iram provocet verbis contumeliosis, vel tali-  
 » bus, quibus sciat graviter offendendos, \*  
 » ( *Hinc bene ait Roncag. de 4. Præc. c. 1.*  
 » *R. 1. in praxi non excusari a mortali, qui*

» *Matrem vocet: Pazza, ubbriaca, bestia, stre-*  
 » *ga, ladra, et similia. Qui vero diceret tan-*  
 » *tum, Vecchia, stordita, ignorante, et simi-*  
 » *lia, puto non posse de se absolute damnari*  
 » *de mortali, nisi Parens graviter de his verbis*  
 » *offendatur. Peccat autem graviter filius, qui*  
 » *Parentes frequenter torcis oculis aspicit, aut*  
 » *verbis asperis alloquitur, ita ut videatur eos*  
 » *odio habere. Bus. ut supr. et Bon. num. 3.*  
 » *cum Sylvest. Graff. etc. Elbel n. 550. Ron.*  
 » *R. 2: ) \*. V. Si maledicta, aut convicia in*  
 » *eos conficiat. \* ( cum Tournely t. 3. p. 338.*  
 » *Intellige in præsentia, ut videbimus in sub-*  
 » *sequenti Adnotatione. Item, si Parentes de-*  
 » *liberate gestu vel risu subsannet, ut Sporer*  
 » *n. 31. et alii. Dicitur deliberate, nam in his,*  
 » *et similibus ut supra, sæpe excusantur filii a*  
 » *mortali propter indeliberationem actus, ut*  
 » *notant Bon. et Elbel ) \*. VI. si Parentes pau-*  
 » *peres despiciat, vel nolit agnoscere: Quod si*  
 » *tamen exteris tantum dissimulet se nosse, et*  
 » *nolit apud se habere ex justa causa, dum-*  
 » *modo eos provideat de necessariis, Bon. n. 4.*  
 » *excusat eos a peccato gravi, eo quod ratio-*  
 » *nabiliter non sunt invitati. \* ( Hinc probabili-*  
 » *ter ap. Salm. de 4. Præc. n. 5. Az. Nav.*  
 » *Tol. et Trull. excusant eo casu filium a mor-*  
 » *tali, 1. si grave damnum passurus esset, 2.*  
 » *si Parentes infami crimine essent notati, 3.*  
 » *si solum exterius dissimularet, sine interno*  
 » *contemptu, quia tunc ( ut ait Bon. ) ipsi*  
 » *Parentes non censentur graviter, aut rationa-*  
 » *biliter invitati ) \*. VII. Si in foro externo fi-*  
 » *lius etiam de vero crimine Parentes accuset;*  
 » *extra crimen hæresis, prodicionis, vel con-*  
 » *jurationis in Principem, cum non sit alius*  
 » *corrigendi modus. Vid. Bon. l. c.*

Absolute dicit *Sporer d. c. 5. n. 30. et 31.* filium maledicentem Parentibus, sive eos subsannantem, non excusari a peccato mortali, sive faciat in eorum præsentia, sive in absentia. Nescio quomodo hic Auctor, quamvis in aliis suis sententiis salis æquus, et forte aliquando plus quam par est benignus, hoc potuerit absolute asserere: Nam, ut ipsemet fatetur *de 8. Præc. c. 6. n. 135.* et omnes docent, reverentia sive honor non læditur, nisi per contumeliam illatam in præsentiam offensi; vel in absentia, sed eo fine, ut alter resciat. Præterea accedit id quod dicunt plures graves DD. ut *Conink. de Ritu V. Sacr. art. 3. dub. 1. n. 230. Pontius de Matr. l. 10. c. 10. núm. 15.* ( et asserit commune ) *Tol. l. 5. c. 8. n. 11. Nav. c. 27. n. 256. in fin. item Az. Vasq. Sa, etc. apud Salm. de Matr. c. 15. n. 64.* Ajunt enim præfati AA. per copulam fornicariam occultam in Ecclesia non committi sacrilegium, nec pollui Ecclesiam; Ratio, quam tradit *Coninch. ap. Salm.* quia reverentia Ecclesia debita consistit in opinione hominum, sicut fama: ergo sicut homines non fiunt infames, nisi crimina innotescant, ita reverentia loci sacri non violatur, nisi publice pateat de crimine. Quidquid sit de hac sententia, quæ satis est probabilis, ut dicunt *Salm. n. 65.* licet opposita mihi sit probabilior, quia irreverentia tunc irrogatur Deo, qui in Ecclesia speciali modo assistit, et omnia occulta respicit. ( *V. infra de 6. Præc. n. 458.* ). Quod mea interest hic, est ratio adducta, nempe quod irreverentia non læditur nisi per manifestationem contumeliæ. Quomodo igitur peccabit graviter filius clam maledicens Parenti, aut subsannans in ejus absentia, cum non adsit tunc neque contumelia, neque

irreverentia? Et hoc puto dicendum; etiamsi hoc faciat coram aliis. Attamen non nego in hoc adesse quamdam vilipensionem exercitam, repugnantem reverentiæ Parentibus debitæ, specialemque malitiam contra pietatem continentem, sed quæ non pertingit ad peccatum mortale; nisi casu quo filius ei malediceret animo malevolo, aut cum magno contemptu, nempe si malediceret coram aliis eo fine, ut illi deinde Parentibus deferant, vel forte saltem præsumendo quod deferent.

Dicunt autem *Viva, Elbel, Tamb. Mazzot. et Bon.* cum aliis, filium Parentibus maledicentem graviter peccare, sive illi sint vivi, sive defuncti; sed præfati AA. (aliquantulum nimis inconsiderate) non explicant, an maledictio fiat cum animo, vel sine animo malevolò. Verumtamen omnino intelligendum non peccare graviter, si sine tali animo maledicat. Et revera *Nav. et Fill.* quos citat *Bon.* pro hac doctrina, sic intelligunt; *Nav.* enim *Man. c. 14. num. 12. v. Sexto*, dicit peccare filium, *qui ex animo Parenti maledicit, sive vivo, sive defuncto; si tamen oretenus tantum maledixerit; non amplius quam venialiter offendit.* Idque quasi eisdem verbis confirmat *Filliuc. c. 1. n. 17.*

335. » 3. Contra obedientiam graviter filius  
 » peccat. I. Si in re gravi sit inobediens circa  
 » ea, quæ pertinent ad gubernationem domus,  
 » bonos mores, vel animæ salutem. *Filli num.*  
 » 20. II. Si contra voluntatem parentis ducat  
 » uxorem se indignam. Indigna autem dicitur,  
 » cum qua non potest contrahere sine dedecore  
 » juxta suæ regionis usum: \* (*Vide dicenda*  
 » *de Matr. l. 6. n. 851.*) \* non tamen potest  
 » exheredari idcirco. \* (*Vide l. 3. n. 949.*) \*  
 » III. Si sine justa causa nolit eam ducere,



Cap. II. De IV. Præc., etc. Dub. I. 521

» quam vult parens, maxime si inde sopirentur  
 » odia, aut parentum necessitas levaretur: Erit  
 » autem justa causa, v. gr. si sit impar fami-  
 » lia, si infirma, deformis, fatua, vel immo-  
 » rigera. IV. Si, inconsultis parentibus nu-  
 » bat, \* ( *De hoc vide de Matr. lib. 6. num.*  
 » 849. ) \* ut habet *Sanch.* Potest tamen, ubi  
 » consuluit, ipsis invitis, prudenter contrahere  
 » cum se digua; cum circa electionem status  
 » sit sui juris. *Less. l. 2. c. 40. n. 43. Sanch.*  
 » *l. 4. c. 15. Fill. q. 10. n. 20.* An, et quo-  
 » modo peccent liberi furando a parentibus? \*  
 » ( *Vide infra l. 3. n. 543.* ) \* Item, an alie-  
 » nare possint bona? *Vide infra, l. 3. t. 5.*  
 » *c. 3. d. 1. l. 3. t. 5. c. 4. d. 1.*

Tenetur igitur filius obedire Parenti in iis  
 quæ mox dicta sunt, et peccat graviter peccato  
 speciali, in Confessione explicando, si materia  
 sit gravis, et Parens præcepto expresso, et serio  
 mandaverit, secus si tantum monuerit, ut *Spor.*  
*de 4. Præc. c. 5. n. 14. Ronc. c. 1. q. 3. et*  
*Holzm. n. 555.* Additque *Lugo de Pœnit. D.*  
*16. n. 226. et Bon. eod. tit. part. 6. num. 3.*  
*cum Nav. et Rodr.* filium tunc specialiter hoc  
 peccatum committere, cum Parens imperat ali-  
 quid, intendens obligare ad obediendum obedi-  
 tia sibi debita. Imo dicunt *Sporer num. 16. et*  
*Elbel de 4. Præc. n. 555. cum March.* tunc  
 filium graviter peccare, quando ordinarie præ-  
 ceptum transgreditur; Secus si aliquoties ex ne-  
 gligentia.

Præterea hic advertendum, filium non te-  
 neri obedire in iis quæ pertinent ad statum eli-  
 gendum. Hinc graviter peccant Parentes, qui  
 eos cogunt, etiam indirecte, invitos ad vitæ  
 statum eligendum sive Religiosum, sive Cleri-  
 calem, sive conjugalem; Vel contra, si eos

injuste retrahunt, etiam sine vi vel fraude, a statu Religioso, Clericali, vel conjugali, sine justa causa; quia Parentibus specialiter incumbit consulere bono spirituali filiorum. Ita *Mol. t. 5. D. 51. num. 2. Elbel num. 538. et Spor. n. 21. cum communi*. Unde si filius se sentiat a Deo vocatum ad Religiosum vel Clericalem statum, et advertat Parentes injuste impedituros, consultius agat rem eis celando, Divinamque voluntatem exequendo. Ita *Elbel l. c. Bon. l. c. n. 2. cum Sayr. Molf. Fill. et aliis*. Dictum est autem *injuste*, nam secus dicendum, si Parentes ob justam causam contradicerent, puta si remanerent in necessitate; vel si alias extingueretur nobilissima Familia, ut ait *Elbel num. 539*. In hoc tamen secundo casu puto non teneri filium ob id suam vocationem deserere. Vide alia, quæ de hac materia fuse dicentur *l. 4. ex n. 66*.

» 4. Tenetur proles alere parentes egentes, » adeo ut, si in gravi necessitate aliter juvari » non possint, tenentur manere in sæculo (Nisi » tamen in hoc illi certum, vel certe valde » probabile periculum salutis immineret).\* (Vide » de infra de Statu Relig. l. 4. num. 66. ubi » etiam de fraudibus n. 71.) \* et, si Religio- » nem sit ingressus, teneatur egredi, et juvare » parentes: dummodo eorum necessitas ejus pro- » fessionem antecesserit. *Fill. q. 5. n. 9. Bon. q. 1. p. 6. \** (Vide d. l. 4. n. 67.) \*.

» 5. Si vero necessitas post professionem su- » perveniat, si extrema sit, tenetur egredi, » petita prius, licet non obtenta, venia. Si au- » tem sit gravis tantum, in qua utcumque pos- » sint vivere, non tenetur quidem, potest ta- » men egredi; si Prælati permittat. Quo casu » tenetur; in quantum non obstat suo intento, » deferre habitum, et observare substantialia

Cap. II. De IV. Præc., etc. Dub. I. 523

» Religionis ; at , postquam parentibus subven-  
 » tum est , redire tenetur. V. *Less. l. 2. c. 41.*  
 » *dub. 3. \** ( *Vid. et infra de Statu Relig. l.*  
 » *4. n. 67. \** ).

DUBIUM II.

*Ad quid teneantur Parentes erga filios.*

336. *Quæ teneantur Parentes præstare filiis quoad alimenta , et educationem ?*  
 337. *An teneatur Pater dotare filiam nuptam contra ejus consensum ?*  
 338. *Sanctio Neapolitana circa alimenta filiorum.*  
 339. *Ad quid aliud teneantur Parentes.*  
 340. *Ad quid teneantur Fratres ?*  
 341. *An possint aliquando Parentes filios exhæredare ? Et quæ sint causæ justæ exhæredandi ? (Vide etiam de hoc n. 948. ).*

335. » **P**arentes , quo nomine etiam intelli-  
 » guntur ascendentes , v. gr. avus , proavus ,  
 » etc. tenentur gravi obligatione juris naturalis  
 » conservationem , et educationem liberorum cu-  
 » rare. Circa quod ex *Bon. disp. 5. q. 1. A2.*  
 » *p. 2. l. 2. q. 17. Fill. tr. 28. c. 2.*

*Resolvuntur hi Casus.*

» 1. Graviter peccant parentes , qui sine ju-  
 » sta causa prolem hospitali , vel locis publicis  
 » exponunt. Vid. *Bon. hic , et Fill. t. 21. p.*  
 » *2. c. 2. et infra tract. 5. cap. 1. \** ( *Justa*  
 » *autem causa est , si proles sit illegitima , ut*  
 » *probabiliter Loym. Dian. Henriq. Salm. de*  
 » *IV. Præc. num. 36. in fin. Vide de Rest.*  
 » *n. 656. \** ).

2. Mater tenetur ( sub veniali tamen ) lactare  
 » proprio lacte , nisi habeat justam excusatio-  
 » nem \* ( *V. gr. sit debilis , aut nobilis ob*  
 » *consuetudinem. Salm. n. 35. cum Nav. Azor.*  
 » *Trull. etc.* ) \* : tunc vero tenetur sub gravi  
 » peccato bonam nutricem quærere. *Bon. d. 6.*  
 » *q. 1. p. 6. Laym.* Item tenetur secundum  
 » jura prolem alere ad finem anni tertii. \* ( *Si*  
 » *vero mater non possit lactare , tenetur pater*  
 » *ad expensas lactationis , Croix l. 3. p. 1.*  
 » *num. 697. Et Salm. de 4. Præc. c. un. n.*  
 » *3. cum communi* ) \*. Postea educatio usque  
 » ad emancipationem spectat ad patrem. Exci-  
 » pe , nisi hic esset pauper , et mater dives.  
 » *Fill. Laym. l. 5. t. 10. cap. 3. Regin. lib.*  
 » *20. n. 32.*

3. Pater tenetur proli , non tantum legiti-  
 » mæ , sed etiam ( in quo jus civile a canonico  
 » correctum est juxta c. *Cum haberet* ) spuriam  
 » curare alimenta , hoc est , cibum , potum ,  
 » vestitum , et honestas artes , juxta suum sta-  
 » tum , nisi tamen aliunde se alere possit , et  
 » non indigeat ; deinde etiam dotem filia. \*  
 » ( *Respectu autem filiorum dicunt Sanch. de*  
 » *Matr. lib. 4. D. 26. num. 21. Boss. de Ef-*  
 » *fectu Matr. p. 2. cap. 4. num. 95. cum Glos-*  
 » *sa in c. Admonere 33. quæst. 2. ac Surdo ,*  
 » *et Megala , quod Pater tenetur alimenta præ-*  
 » *stare non tantum Filio ; sed etiam Uxori il-*  
 » *lius , quamvis eam duxerit sine dote , et con-*  
 » *tra ipsius Patris voluntatem. Præterea tenent*  
 » *Azor. p. 2. lib. 2. cap. 4. quæst. 12. , et*  
 » *Merenda Controv. lib. 4. cap. 34. num. 6.*  
 » *cum Buldo , et Jasone , quod Pater debet*  
 » *filium alere , etiamsi filius consummasset vi-*  
 » *tiose portionem jam prius sibi traditam* ) \*.  
 » Et quidem Clerici , etiam ex fructibus Ecclæ-

» siasticis possunt hæc suis spuris præstare. *Fill.*  
 » *loc. cit. t. 28. cap. 2. num. 28. Laym. lib.*  
 » *5. t. 10. p. 3. c. 5. Vide infra t. 5. cap. 4.*  
 » *d. 5. quæst. 1. Hinc peccant 1. Si non adhi-*  
 » beant diligentiam saltem mediocrem, ut acqui-  
 » rant bona, quibus filii alantur, habeantque  
 » hæreditatem secundum suum statum. 2. Si  
 » bona dilapidando impotentes se reddant ad  
 » liberos honeste secundum statum suum educan-  
 » dos, ac dotandos, *Bonac. d. 6. §. 2. ex Az.*  
 » *Pell. etc.* 3. Si sine legitima causa filiæ dotem  
 » negent (vel filium exhæredent), v. gr. quia  
 » vult ingredi, vel est ingressa Religionem, vel  
 » quia ipsis invitis nupsit, licet se indigno.  
 » *Bon. loc. cit. ex Az. Reginald. etc.* vel quia  
 » filius Ordinem sacrum suscepit: Sicut enim  
 » Patet tenetur dotare suas proles pro matrimo-  
 » nio, vel ingressu Religionis: ita etiam ad su-  
 » scipiendos sacros ordines. Neque hæc donatio  
 » est revocabilis: imo sic donata non posse com-  
 » putari in legitimam, aut divisionem cum fra-  
 » tribus, docet *Barb. cap. 17. Contrarium ta-*  
 » men tenet *Mol. etc. cum Dian. p. 8. t. 6.*  
 » *R. 91. et 92. \* (Et Salm. de IV. Præc.*  
 » *n. 78. At vide dicenda de Contr. n. 956.*  
 » *Ubi etiam vide de aliis bonis a filiis in col-*  
 » *lationem adducendis) \*.*

337. Quæstio est, an Pater teneatur dotare  
 filiam contra ejus voluntatem nuptam? Distin-  
 gue; affirma, si filia sit nupta major 25. an-  
 nis, etiamsi indigno, ut *Sanch. de Matr. lib.*  
*4. D. 26. n. 11, Salm. de 4. Præc. n. 40.*  
*cum Bon. Trull. etc.* Sed dubium majus est, si  
 nupta sit minor 25. annis? Alii etiam affirmant  
 absolute: Alii tantum si nupserit digno: Alii  
 dicunt patrem ei teneri tantum ad alimenta, si  
 tamen ipsa egeat, et hoc, etsi nupserit indigno,

ut *Sanch. num. 18. et 19. Salm. num. 41. cum Mol. Trull. Cor.* Et hoc probabilius. Hinc infert *Sanch. num. 20. cum Trull. et Bann. ap. Salm. n. 42.* quod si etiam filius nuptias ineat, patre invito, tenetur pater alere eum indigentem, et uxorem ejus. Vide dicenda n. 949.

338. Notandum obiter hic est, nuperrima S. R. Neapolitani Consilii, juncus quatuor Aulis, Sanctione, cui Regia Majestas annuit 15. Decemb. 1742. sancitum fuisse ( non licere parentibus sine justa causa a jure probata, vel a judice approbata, liberos, et filios, seu aliquem illorum immerito e domo sua expellere, eisque extra domum præstare alimenta. Et e converso filiis, et liberis, seu alicui ipsorum facultatem non esse discedendi ab obsequio patris pro libito, et alimenta habendi extra domum paternam. Sed voluntatem non morandi cum parente tunc filiis prodesse ad exigenda ab illo extra domum alimenta; cum filiorum voluntas est causa virtutis, non causa vitii, quacunque alia interpretatione, et rerum forsitan judicatarum auctoritate sublata deinceps perpetua lege inviolabiliter hoc observandum definitum est ).

» 4. Parens tenetur proli subvenire, relicta  
» Religione, iisdem casibus, quibus proles pa-  
» renti, quos vide *superiori dubio cas. 4. et 5.*

» 5. Parentes gravi obligatione tenentur in-  
» struere liberos per se, vel alios, in necessa-  
» riis ad salutem. Hinc graviter peccant, 1. Si  
» quantum in ipsis est, non curent, ut bonis  
» moribus inbuantur, doctrinam Christianam,  
» seu Fidei rudimenta addiscant, pravorum con-  
» sortia vitent, mandata Dei et Ecclesiæ obser-  
» vent, Sacramenta frequentent, a peccatis ab-  
» stineant, *Az. Fill. Bon. lib. 2.* Si occasiones  
» peccandi ab iis non avertant, vel in locis,  
» aut domibus suspectis habitare permittant;

» *Trull. l. 1. d. 3. n. 4. 3.* Si consilio, vel  
 » exemplo malo depravent. 4. Si non objurgent,  
 » puniantque dissolutos; moderate tamen: nam  
 » peccant etiam verberando immoderate; v. gr.  
 » ut notabiliter lædantur. *Sot. Sylv. Bonac. loc.*  
 » *cit. et d. 3. de contract. q. ult. p. 3.*

» 6. Tenentur etiam proli relinquere liberta-  
 » tem circa electionem status. Unde peccant in-  
 » vitos ad matrimonium, vel Religionem cogen-  
 » do, vel abstrahendo. \* ( *Vide d. n. 335. v.*  
 » *Præterea, et dicenda l. 6. n. 850. in fin.*  
 » *v. Dicit* ) \*. Et quidem *Trid. sess. 25. de*  
 » *Reg. 18. excommunicat cogentes ad Monaste-*  
 » *rium filias.*

340. » 7. Etsi frater fratri, vel sorori; sal-  
 » tem in extrema, vel quasi extrema necessita-  
 » te teneatur subvenire lege tum charitatis, tum  
 » pietatis; non tamen est ea obligatio, quæ in-  
 » ter parentes, et liberos, cum non sit ista de-  
 » pendentia. V. *Less. lib. 2. cap. 31. n. 34.*  
 » Unde; si professus est in Religione, non tene-  
 » tur egredi, ut eis succurrat. *Trull. lib. 2.*  
 » *c. 2. d. 24. n. 8. ex Suar. etc.* \* ( *Vide*  
 » *lib. 4. n. 67.* ) \*.

Notandum tamen hic, quemvis in utroque  
 foro teneri, si possit, alimenta, et dotes præ-  
 stare fratribus, vel sororibus in eorum non so-  
 lum extrema, sed etiam gravi necessitate. Ita  
*Salm. de IV. Præc. num. 69. cum Azor. Trull.*  
*Fag. Barbos. Men. etc.* Extendunt DD. doctri-  
 nam hanc ad fratres ex eodem patre natos, li-  
 cet ex diversa matre; nam isti ut utrinque con-  
 juncti in jure reputantur *ex l. Cum plures. §.*  
*Cum tutor. ff. De administratione Tutorum.* Si  
 vero fratres, sicut si sorores, sint tantum uterini ex  
 parte matris; tunc est obligatio eos alendi, sed  
 non sorores dotandi.

» Quæres , an filius aliquando possit a patre  
» privari hæreditate ?

341. » Resp. Potest ex justa causa , alias non:  
» eadem in testamento debet exprimi. *Auth. Sed*  
» *odie. C. de Inoff. test.* Talis autem censetur  
» I. Ingratitudo ( nisi in gratiam patris redie-  
» rit , ipsumque poenituerit ante testamentum  
» conditum ) , ut si affecit patrem gravi inju-  
» ria , vel ejus vitæ insidiatus est , vel manus  
» injecit , vel maleficiis se immiscuit. *Bon. d.*  
» 3. *quæst. 7. p. 4. ex Cov. Sanch. Az. Mol.*  
» *etc.* II. Si novercam , seu patris uxorem co-  
» gnoverit carnaliter , si parenti furioso , vel  
» carcere detento noluit succurrere , fidejuben-  
» do : si impedierit patrem testari : si bona pa-  
» rentum delapidaverit cum gravi ipsorum di-  
» spendio. III. Si filia minor 25. annis luxu-  
» riosam vitam elegerit , etc. Circa quas nota  
» valere has causas , quando filius aliunde ha-  
» bet , unde vivat ; nam alimentis ad vitam ne-  
» cessariis privari non potest , cum debeantur  
» jure naturæ , quod a jure civili tolli non po-  
» test. *Bon. d. 6. quæst. 1. p. 6. §. 3. ex*  
» *Sanchez , Mol. Az. Reg. Fill. Trull. lib. 4.*  
» *cap. 2. d. 3. et t. 2. lib. 7. et cap. 17. \**  
» ( *Secus de necessariis ad statum. Salmant.*  
» *ibid. n. 43. cum communi. Circa autem exhæ-*  
» *redationem filiorum , vide Contract. n. 948.*  
» *et 949. ) \**



DUBIUM III.

*Ad quid teneantur tutores, curatores, qui  
parentum sunt loco?*

» **T**utor ( idem est de Curatore ) tenetur cu-  
» ram gerere pupilli, ejusque bona rite, et fi-  
» deliter administrare. Ratio est: Quia in hunc  
» finem constituitur, et assignatur pupillo, pa-  
» tris loco. Quare, si delinquat, vel notabili-  
» ter sit negligens hac in re, peccat graviter,  
» et ad compensationem damni, quod pupillus  
» ex eo accepit, obligatur ( et saltem de dolo,  
» et culpa lata ): imo etiamsi tutoris officium  
» exercet pretio ( quod tamen si ab initio  
» non est constitutum, censetur suscepisse gra-  
» tis ): tenetur etiam de levi culpa. *Bonac.*  
» *de contract. d. 3. quæst. 19. p. 4.*

*Unde resolves.*

» 1. Tutor tenetur tueri personam pupilli,  
» dum opus est, eumque bonis moribus imbue-  
» re, et bene educare per se, vel per alios.  
» *Bon. loc. cit.*

» 2. Tenetur bona pupilli fideliter admini-  
» strare, ideoque ( officium tutoris suscipiens )  
» inventarium conficere, alioqui damna ex ejus  
» defectu secuta resarcire; nec licet illi, pupillo  
» pecuniæ nimium ad usus inutiles concedere.

» 3. Tutor ( uti et Curator ) tenetur conser-  
» vare omnia iura, bona, et actiones pupilli  
» ( vel minoris ), et bona alias peritura ven-  
» dere, pecuniamque convertere in emtionem  
» bonorum stabilium, vel in censum, etc. prout  
*Ligu. Theol. Tom. II.*

» fuerit utilius. *Ibid. ex Rebell. p. 2. lib. 22.*

» q. 17.

» 4. Si Tutor, vel Curator pecuniam pupilli convertit in suos usus, tenetur ad restitutionem totius lucri cessantis, vel damni emergentis, quod inde accepit pupillus, vel minor, *loc. cit. Rebell. q. 17.*

» 5. Tenetur item ad restituendos fructus (deductis expensis) quos ex bonis pupilli percipere poterat, et sua culpa non percepit. *Sylv. v. Tutor. §. 4. Reb. loc. cit.*

» 6. Tenetur nomina debitorum exigere, et debita pupilli persolvere, ita tamen, ut quantum fieri potest, bono pupilli consulat. *Sylv. Reb. ll. cc. Tab. ibid.*

» 7. Tutor, vel Curator non potest donationes, vel remissiones gratiosas facere de bonis pupilli, quia non ad destruendum, sed ad tuendum est constitutus, *ibid.* Excipe donationem remuneratorem: sic enim potest v. gr. stipendio debito pro liberali servitio aliud addere ex liberali donatione. *Mol. Lugo d. 23. sect. 10. Sanch. Trullench. lib. 7. c. 17. d. 8. Vid. Dian. p. 8. t. 6. R. 17.*

» 8. Denique tenentur (officio finito) reddere rationes, quia hoc onus est commune eorum, qui bona aliena administrant. Vid. *Bonac. de con. d. 3. quæst. 19. q. 4. et infra hoc libro t. 4. c. 3. in appendice ad Con- tractus.*

DUBIUM IV.

*Quæ obligatio Dominorum, et famulorum,  
Aliorumque Superiorum et Inferiorum  
erga se invicem?*

342. *Quid teneantur Superiores præstare subditis? An principes teneantur eligere digniores ad officia?*  
 343. *Quid teneantur famuli præstare Dominis?*  
 344. *An famuli non impediētes furta rerum Domini, teneantur ad restitutionem?*  
 345. *An famulus conductus ad annum, discedendo possit petere stipendium?*  
 346. *An ægrotans teneatur postea famulatum supplere?*  
 347. *An elapso triennio possit salarium exigere?*  
 348. *Quando famulus inserviens, nulla statuta mercede, possit exigere stipendium?*  
 349. *Quando possit mercedem sibi compensare?*  
 350. *An Servi capti in bello possint fugere ad suos?*

342. » **R**esp. 1. Domini, et Superiores tenentur habere curam famulorum, aliorumque suorum subditorum. Patet ex 1. ad *Timot.* Si quis suorum, etc. Et ratio est, quia sunt ipsorum caput, et vices parentum gerunt, ideoque tenentur quodammodo ad eadem, ad quæ parentes. Imprimis vero curare tenentur, quantum in ipsis est, ut servant præcepta Dei, et Ecclesiæ. *Bon. dub. 16. q. 1. part. 8.*

Quær. hic obiter, an Principes sæculares teneantur eligere digniores ad Officia sæcularia? Affirmant *Salm. de IV. Præcept. n. 103. cum*

*Sot. Bann. Less. Trull. etc.* Negant vero *Caj. Vasq. Lugo etc. ibid.* modo Officia non indignis distribuuntur: quia, ut isti dicunt, hæc Officia non pertinent ad justitiam distributivam, nec sunt bona communia, sed potius Regis, qui sufficit, si digne, non autem dignissime Republicam regat. Utraque est probabilis, sed prima sententia probabilior, quia alias Respublica grave pateretur nocumentum; ob quod motivum *Lug. D. 34. licet n. 19.* oppositum sustinuerit, tandem *n. 21.* concludit regulariter teneri Principes digniores eligere, excepto uno vel altero Ministro. An autem Reges possint Officia sæcularia vendere? Negant *Adrian. Ang. Turr. et Med. ap. Salm. l. c. n. 94. ex 1. Hæc lex ff. ad leg. Jud. de Ambit.* ubi hoc expresse prohibetur. Affirmant vero *Nav. Caj. Sot. Sanch. Azor. etc. cum D. Th. Opusc. 21. ap. Salm. ex n. 95.* Modo venditio sit omnino necessaria ad utilitatem Reip. et modo vendatur moderato pretio, ac dignis, et quantum fieri potest dignioribus. Ceterum omnes cum *D. Th.* conveniunt hanc venditionem non expedire; intellige de Officiis majoribus Magistratum, quibus datur justitiam ministrare; non autem de minoribus, quibus competit tantum eam exequi. Vide *Salm. l. c.*

» 1. Peccant domini graviter 1. Si sine justa  
 » causa impediant famulos, ne festis Missam  
 » audiant; vel si festis opera servilia imponant:  
 » vel si jubeant ea, quæ sine peccato fieri non  
 » possunt. *Nav. c. 14. etc.* 2. Si peccandi oc-  
 » casionem permittant, cum possint impedire;  
 » aut si graviter delinquentes non corrigant,  
 » vel negligentes necessaria ad salutem non mo-  
 » neant, corripiant. *Bon. l. c. \* (Communiter*  
 » *cum Salm. de IV. Præc. n. 140.) \**

» 2. Pecant item graviter I. Si gravibus in-  
 » juriis afficiant, diabolos, canes, etc. appel-  
 » lent. *Bon. l. c. et Trull. l. 4. c. 1. d. 6.*  
 » licet *Dian. p. 7. t. 7. R. 47.* excuset a pec-  
 » cato talem contumeliam, quod ex ira, et in-  
 » deliberatione soleat proferri. \* (*Et revera com-*  
 » *muniter hæc non habentur, ut graves injuriæ*)\*.  
 » II. Si alimenta convenientia non præbeant,  
 » mercedem justam ( dummodo fideliter ser-  
 » vierint ) non solvant, vel differant sine ratio-  
 » nabili causa. *Ibid.* III. Si ante elapsum ter-  
 » minum temere domo expellant: in quo casu  
 » ( nisi gravissima ex causa id fecerint ) tenen-  
 » tur ad solutionem integræ mercedis. \* (*Ut*  
 » *Salm. n. 150. cum communi; nec famulus in-*  
 » *juste expulsus tenetur redire ad complendum*  
 » *tempus; intellige, si tempus conventionis sit*  
 » *jam transactum et per ipsum non defuit, ut*  
 » *compleret; Tunc enim tenetur Dominus ad*  
 » *salarium promissum. Sed dubium est, si fa-*  
 » *nulus causa expulsionis nullum damnum pas-*  
 » *sus fuisset, an totum salarium ei deberetur?*  
 » *In hoc probabiliter opinari possumus, juxta*  
 » *dicenda n. 345. quod Dominus in poenam*  
 » *injustitiæ teneretur in conscientia solvere ei*  
 » *saltem majorem quam dimidiam partem sala-*  
 » *rii, imo ut notat Less. l. 2. c. 24. n. 8. te-*  
 » *neretur ex l. Qui operas 38. et 16. ff. Lo-*  
 » *cati, totam mercedem tribuere; sed hoc di-*  
 » *cinius, nonnisi post sententiam, juxta regu-*  
 » *lam omnium poenalium*)\*. *Less. Azor. c. 14.*  
 » *q. 1. Fill. n. 117. Regin. Molin. etc. Escob.*  
 » *t. 3. E. 9. q. 33.* IV. Si eum, qui liberos,  
 » aliosve domesticos verbis, exemplo, vel mo-  
 » ribus pravis corrumpit, et reprehensione non  
 » emendatur, e domo non dimittant. *Nap. c.*  
 » *14. Azor. Trull. d. 51. n. 2.*

534 Lib. III. Tr. III. De III. et IV. Præc. etc.

» 3. Herus non tenetur famulo infirmo (quàm-  
» diu ægrotat) dare salarium; nisi in extrema,  
» vel gravi necessitate (tunc enim debet ex ca-  
» ritate); imo sumtus in ejus curationem im-  
» pensos potest repetere. *Mol. l. 1. t. 28. c. 4.*  
» *n. 8. Escob. t. 3. c. 9. \** (*Salm. ib. cum*  
» *Mol. Azor. Less. communiter n. 148. Vide*  
» *dicenda hoc lib. n. 864. \**)

» 343. » Resp. 2. famuli, ceterique subditi te-  
» nentur suis dominis, et superioribus aliquo  
» modo eadem; quæ filii parentibus, nimirum  
» amorem, reverentiam, et obedientiam præ-  
» stare. Ratio patet ex dictis; quia sunt illis  
» quasi loco parentum. *S. Th. 2. 2. q. 103.*  
» *Regin. l. 20. n. 26.*

#### Unde resolves.

» 1. Peccant famuli graviter. I. Si non la-  
» borent, vel serviant fideliter: tenenturque ad  
» compensationem damni. *Mol. Less. l. 1. c.*  
» *24. II. Si grave damnum inferant, vel in-*  
» *ferri permittant, cum possint impedire. Nav.*  
» *c. 14. n. 22. Fill. tr. 28. c. 3. q. 10. Re-*  
» *gin. l. c. \** (*Cum Mol. Less. Azor. et Salm.*  
» *n. 138. ac communi \**) Et quidem, si da-  
» mnum illud inferatur sive a confamilis, sive  
» ab extraneis in rebus, quarum cura ipsis com-  
» missa est, a restitutione non possunt excusa-  
» ri. *Mol. Less. l. 2. c. 23. p. 30. n. 65. Fill.*  
» *tr. 36. c. 9. q. 9. n. 114. III. Si sine gra-*  
» *vissima causa discedant a Domino ante ter-*  
» *minum elapsam; ultra hunc vero manere*  
» *non tenentur, etiamsi morbo impediti servi-*  
» *re aliquandiu non potuerint. Molin. l. c. Re-*  
» *gin. n. 517. Escob. E. 7. n. 50. IV. Si Do-*  
» *mino in rebus magni momenti non obediant.*  
» *Bon. t. c.*

Quæritur 1. an famuli non impediētes furtā rerum Domini, teneantur ad restitutionem? Alii universe affirmant, ut *Renzi de IV. Præc. c. 1. q. 21. et de VII. Præc. sect. 3. q. 25. cum Pontio; et Dian. (contra Reb. Mol. Bon.)*. Quia (ut dicunt) ex ipsa ratione famulatus unicuique famulorum videtur Dominus in custodiam res suas committere. Alii vero, ut *Less. l. 2. c. 13. n. 75. Lugo de Just. D. 19. Holzmänn de Rest. n. 437. Salm. de 4. Præc. n. 138. cum Mol. Azor. etc.* communius, et probabilius distinguunt et dicunt, quod si damnum sit a domesticis, et res non sit famulis specialiter commissā ad curam (ut tuendam omnino cum *Bus. et communi*), non tenentur famuli ad restitutionem; tunc enim ipsi peccant tantum contra caritatem; non autem contra iustitiam; quia non obligantur ex iustitia res Domini a Domesticis tueri. Secus tamen, si furtum fiat ab extraneis, ut *Salm. loc. cit. cum communi, et Tamb. Dec. lib. 8. tr. 4. c. 3. §. 6.* Qui addit in eo casu unumquemque famulum teneri ad restitutionem in solidum; quisque enim ipsorum cum poterat, tenebatur totum damnum impedire; et si nequibat solus impedire, debebat saltem alios confamilulos advocare ad furtum impediendum.

345. Quær. 2. an famulus locans operas suas ad annum, si ante annum culpa sua discedat, possit stipendium petere pro tempore, quo inservit? Affirmit communior sententia, contra *Mol.* (nisi grave damnum inde domino evenierit); quia servitus exhibita meretur utique mercedem suam, quamvis non totam conventam; unde tenetur dominus solvere saltem parum minus dimidiæ partis stipendii. Ita *Az. p. 2. l. 2. cap. 3. q. 6. Fill. tr. 28. p. 2. c. 3. n. 68.*

536 Lib. III. Tr. III. De III. et IV. Præc. etc.  
*Sylv. v. Famulus, q. 6. et Trull. Dian. Fagund.*  
*cum Salm. de IV. Præc. n. 132.*

346. Quæres 3. an famulus locans operas suas ad annum, si per menses ægrotet, teneatur operas suas supplere? Minime ex *comm. cum Salm. ib. n. 133. cum Az. Bon. etc.* quia promissio tempori determinato alligata est. Salarium vero pro tempore ægrotationis petere nequit, ut dictum est supra cum *Bus. n. 342. in fine, v. Herus.*

347. Quær. 4. an famulus, elapso triennio postquam discessit a domino, salarium petere possit, et occulte sibi compensare? Affirmant *Sanchez de Matr. l. 7. D. 37. n. 17. et Salm. n. 134. cum Mol. Fag. Vill. et aliis*; quia, licet in foro externo famulus post præscriptionem triennii amittat actionem petendi salarium, ut dicunt *Cov. Med. et Llamas ib.* (contra *Mol.*) juxta legem Hispanicam, sive Bullam 33. S. Pii V. qua post biennium a servitio præstito adimitur famulo actio petendi salarium; sive juxta Sanctionem S. R. Consilii Neapolitani, junctis quatuor Aulis, relatum *inf. num. 516.* qua elapsis duobus mensibus, postquam famulus a Domino discesserit, negatur ei facultas mercedem in judicio petendi: Attamen in foro conscientie famulus jus ad salarium semper retinet; et dominus, si certus sit non solvisse, semper ad solutionem teneri videtur; tanto magis, quod in dicta Decisione (pro nostro Regno emanata) dicitur, actionem denegandam esse famulo non præscriptionis ope, sed vi præsumptæ solutionis. Hoc vero intelligendum, si famulo moraliter constet Dominum non legitime præscripsisse; nam si alias Dominus præscripsisset solutionem per triennium cum titulo, et bona fide, eo casu nec Dominus teneretur solvere, nec famulus posset salarium sibi compensare, etiamsi certus



esset de solutione non facta; quia Dominus tunc ratione præscriptionis, acquisivit jus non solvendi, juxta dicenda *infra* n. 517.

348. Quar. 5. an famulus nulla statuta mercede inserviens, possit justum stipendium (saltem infimum) petere, vel occulte surripere? Distingue; si dominus hujusmodi famulorum operas conducere solebat, affirma. Secus, si non; quemadmodum accidit cum pueris, quos Nobiles aut Episcopi rogantur in suam familiam admittere; tunc enim sufficit, si Domini tribuant eis victum, vestes, et habitationem, cum talis sit consuetudo. Ita *Salm. ib. n. 135*; cum *Mol. Azor. Trull. Vill. Fag. etc.* Famulis autem, qui inserviunt Magistris, ut artes ab ipsis apprehendant, certe nullum salarium debetur. *Salm. n. 136. cum Azor. Mol. Reb. Fag.* Nisi aliter sit in usu quoad aliquam artem; ex notabilitate enim artis quandoque aliquid a discipulo magister exposcit, ut est ars horologia construendi. Ex ignobilitate vero artis, sæpe discipulus debet aliquid a magistro recipere, ut est ars malleatoris, etc. Videndum igitur est juxta prudentum arbitrium, quod ex usu in qualibet arte observetur.

349. » 2. Famuli non peccant, si sustentationem vel mercedem justam Domino negante, » utantur compensatione occulta; *Mol. loc. cit.* » *Fill. tr. 36. c. 6. q. 3.* dommodo tamen alius » modus non sit impetrandi; nec plus accipiantur, quam debetur: neque scandalum, aut aliud incommodum grave timeatur. Vid. *Bon. de restit. d. 2. q. ult. p. 2. n. 16. \** ( *Hac tamen in re animadvertit Prop. 37. inter damn. ab Innoc. XI.* )\*.

» 3. Similiter pro obsequiis, ad quæ non tenebantur, præstitis ( si quidem illa non gra-

» tis, et liberaliter; sed animo mercedis exhibi-  
 » buerint) licere ex rebus domini accipere com-  
 » pensationem, quæ aliter obtineri non possit,  
 » docet *Nav. c. 17 n. 108. Less. l. c. Plura*  
 » de his v. *infra tr. 5. c. 1. d. 4. et c. 3. d.*  
 » *10. et Bon. d. 5. q. 1. p. 8. \** (*Nisi sponte*  
 » *suas operas auxissent. Salm. n. 136. cum Mol.*  
 » *Sot. Dian. etc.*)\*.

An autem famuli possint compensare sibi sa-  
 larium pro majori opera præstita? Vide *dicen-*  
*da n. 522.*

350. Notanda est hic obiter illa quæstio ad  
 praxim utilis, an servi justo bello capti licite pos-  
 sint ad suos fugere? Negant *Mol. Sylv. Panorm.*  
*et alii ap. Salm. de IV. Præc. n. 115.* quia  
 tales servi censentur tanquam perpetuo ad servi-  
 tutem damnati, cum dominus juste eos possideat.  
 Contrarium tamen communius et probabilius tenent  
*Less. l. 2. c. 5. n. 24. Sot. Lug. Pal. Felt.*  
*Vasq. et quam plures cum Salm. n. 116.* Ratio,  
 quia tale jus Gentium faciendi servos homines in  
 justo bello captos taliter acceptatum est, ut ipsis  
 relicta sit fugiendi libertas. Et patet ex *Instit.*  
*l. 2. tit. 1. de Rer. divis. ubi n. 17.* de istis di-  
 citur: *Qui tamen, si evaserint nostram potesta-*  
*tem, et ad suos reversi fuerint, pristinum sta-*  
*tum recipiunt.*

DUBIUM V.

*Ad quid teneantur Conjuges erga se mutuo ,  
vi hujus Præcepti ?*

351. *Ad quid teneatur uxor erga virum ?*  
 352. *An uxor nobilis teneatur officia vilia præ-  
stare ?*  
 353. *An teneat pactum pro uxore non mutandi  
domicilium ? An autem uxor teneatur  
sequi virum in exilium ?*  
 354. *An mortuo viro , teneatur uxor solvere  
debita contracta ad alendam familiam ?*  
 355. *Quid teneatur uxor restituere filiis primi  
matrimonii ?*  
 356. *Quomodo peccet vir in uxorem ?*

351. » **R**esp. Uxor in iis, quæ spectant ad  
 » domus gubernationem , et bonos mores , te-  
 » netur obedire marito ; hic vero uxorem , non  
 » ut servam , sed ut sociam tractare. Ratio est  
 » quia maritus est caput , et uxor commem-  
 » brum. Nav. c. 14. n. 20. Trull. Filliuc. t. 28.  
 » c. 9. n. 144. et comm.

*Unde resolves.*

» 1. Conjuges peccant. 1. Si debita intentio-  
 » ne non contrahant matrimonium. 2. Si siue  
 » dispensatione prætermittant proclamationes. 3.  
 » Si Sacramentum matrimonii in statu peccati  
 » mortalis recipiant. 4. Si utantur matrimonio  
 » contra naturam vel modo indebito , vel cum  
 » periculo abortus. 5. Si debitum siue justa  
 » causa negent. 6. Si cum periculo pollutionis  
 » tractus habeant impudicos.

» 2. Peccat graviter uxor. 1. Si maritum ri-  
 » xis, vel aliter verbis ad gravem iram, vel  
 » blasphemiam provocet. *Fill. loc. cit. n. 145.*  
 » et *Bon.* 2. Si quod notabile expendat contra  
 » voluntatem viri, et consuetudinem feminarum  
 » similis status, nisi tamen ex paraphernalibus,  
 » si habet. 3. Si, spreto viro, sibi imperium  
 » vindicet. 4. Si nolit sequi virum domicilium  
 » mutantem, dummodo possit sine periculo vi-  
 » tæ, et salutis, et contrarium non sint pacti;  
 » et maritus post nuptias non sit factus vagus.  
 » *Navarr. Tolet. Bon. p. 7. V. infra t. 5. c.*  
 » 1. *dub.* 5. Si sine sufficienti indicio male ju-  
 » dicet de mariti continentia. 6. Si sine justa  
 » causa debitum neget: v. *infra l. 6. 7.* Si se  
 » ingerat in administrationem domus sine justa  
 » causa, qualis est, si v. gr. maritus prodi-  
 » gus bona familiæ dilapidet. *Sylv. Trull. c. 1.*  
 » d. 4. n. 18. \* ( Vel si sit incurius, vel mi-  
 » nus aptus ad familiam gubernandam. *Elbel t.*  
 » 2. *Conf. 21. cum Fill. Gob. et Henno* ) \*.

352. Quær. 1. an uxor nobilis teneatur præ-  
 stare viro præcipienti officia vilia, v. gr. cibos  
 condire, verrere domum etc.? Affirmant *Ang.*  
*Tiraq. etc.* Sed probabilius negant *Sanch. de*  
*Matrim. l. 6. D. 6. n. 14. Salm. de IV. Præc.*  
*n. 59. cum Sylv. Garc. Fag. etc.* quia uxor  
 est socia, et ideo non tenetur præstare famulæ  
 opera, quæ ipsam dedecent. Et si ipsa præsta-  
 ret, posset sibi compensare, ut ajunt.

353. Probabilius valet pactum non mutandi  
 domicilium, nolente uxore, ut *Sanch. de Ma-*  
*trim. l. 1. D. 40. n. 2. cum Lop. Pal. etc.*  
*contra alios.* Sed hoc intelligendum, nisi nova  
 et gravis causa superveniat. *Sanch. n. 23. Salm.*  
*de IV. Præc. n. 61. cum Nav. Sylv. Fag. etc.*

Quær. 2. an teneatur mulier sequi virum mis-

sum in exilium? Negant *Henr. et Bartol. apud Salm. ib. n. 62.* quia non tenetur uxor innocens viri poenam subire. Sed probabilius affirmant *Salm. ib. et Sanch. lib. 1. D. 41. num. 11. cum aliis*; quia tenetur uxor sufferre non poenam, sed infortunium viri. Et idem dicunt *Salm. et Pal.* si vir alicubi excommunicetur. E converso dicunt *Salm. cum eisd. DD.* quod, si mulier necessitate coacta mutet domicilium, vir comitari eam debet.

354. Quær. 3. an uxor, mortuo viro, teneatur ex bonis dotalibus solvere debita contracta ad alendam familiam? *Prima* sententia affirmat, si vir erat pauper, dum debita contraxit, secus si locuples, quia pauper non tenebatur alere uxorem, ergo tenetur ipsa solvere quod conversum est in sui utilitatem. Ita *Fag. Burt. Lupus, et alii apud Sanch. l. 9. D. 4. num. 5.* *Secunda* vero probabilior sententia negat; sive vir fuerit pauper, sive locuples; Ratio, quia actio creditorum repetendi mutui facti est personalis, scil. tantum contra virum; et licet in viro ratione inopiæ suspensa erat obligatio uxorem alendi, non erat tamen extincta, quare si ex mutuo aluit, suum debitum præstavit. Ita *Sanch. n. 29. Salm. de IV. Præc. n. 64. cum Mol. Trull. et Bon.* qui tamen limitat, si vir contraxerit debita nomine uxoris, vel ipsa sciente; vel si vir protestatus sit nolle, stante sua inopia, gratis eam alere. Et quod dictum est hic de alimentis uxoris, dicit etiam de alimentis filiorum; ut *Salm. loc. cit.*

355. Quær. 4. an uxor ad secundas transiens nuptias debeat filiis primi matrimonii reservare quicquid a primo viro accepit, retento tantum usufructu? Affirma ex *Auth. Ex testamento, et Auth. In donat. C. de Sec. Nupt.* si accepit

titulo lucrativo, secus tamen, si oneroso, vel si accepit ab extraneo. Et idem dicitur respectu viri de rebus donatis a prima uxore. *Sanch. l. 6. D. 41. Salm. n. 66. cum aliis.*

356. » 3. Peccat graviter maritus. 1. Si ver-  
 » bis contumeliosus, vel infamatoriis afficiat ux-  
 » rem. \* ( *Et tale peccatum esset duplicis ma-*  
 » *litiæ, ut Salm. n. 67.* ) \*. 2. Si impediatur il-  
 » lam circa præcepta Dei, vel Ecclesiæ sine ju-  
 » sta causa. *Sayr. l. 7. c. 7. Nav. c. 14.* Si  
 » vero impediatur etiam sine causa circa ea bo-  
 » na, quæ consilii tantum sunt, ut est Confes-  
 » sio, Communio, etc. communiter tantum  
 » peccat venialiter, nisi constet, quod illa  
 » magnam ex iis utilitatem percipiat. *Sayr. Fill.*  
 » *Bon. q. 1. p. 7. Trull. 3.* Si cadat graviter:  
 » moderate tamen castigare verbis, vel etiam  
 » ex gravi causa moderatis verberibus, habita-  
 » ratione conditionis, et status, quandoque po-  
 » test. \* ( *Consentit huic Elb. Conf. 21. n.*  
 » *588. cum Gob.* ) \*. 4. Si alimenta neget,  
 » nisi tamen uxor a consortio marito propria  
 » culpa discesserit. \* ( *Vel nisi adulterium com-*  
 » *miserit, ut Sanch. de Matrim. l. 10. D. 8.*  
 » *n. 25. Pal. de Spons. D. 3. p. 6. §. 5. et*  
 » *Croix lib. 3. p. 1. num. 714.* Nequit autem  
 » vir retinere dotem uxoris adulteræ, si disce-  
 » dat ab ea ante sententiam propria auctoritate:  
 » quamvis ipse possit uxori repetenti dotem,  
 » opponere exceptionem adulterii, et petere,  
 » ut sibi applicetur, prout probabilius dicit  
 » *Croix num. 716. cum Abbat. et Pal. contra*  
 » *Sanch.* ). 5. Si negligit gubernationem domus,  
 » et rei familiarem. 6. Si uxori non cohabi-  
 » tet, vel sine justa causa diu absit. 7. Si  
 » cum possit, alimenta non procuret. V. *Fill.*  
 » *n. 140. et 141. Nav. c. 14. n. 19. Tol. lib.*

Cap. II. De IV. Præc. etc. Dub. VI. 543  
 » 5. c. 2. Sanch. lib. 10. de Matr. disp. 18.  
 » n. 16. Bon. p. 7.

## DUBIUM VI.

*Quæ obligatio Parochorum erga suos?*

357. *Ad quid teneantur Parochi circa residentiam?*  
 358. *Ad quid circa Sacramenta ministranda, præsertim tempore pestis?*  
 359. *An teneantur celebrare pro populo?*  
 360. *An concionari, et populum instruere, etc. (de quo vide etiam dicta n. 269.). Quomodo Parochi teneantur corrigere subditos? Dub. I. An ad id teneantur ex caritate, vel ex justitia? Dub. II. An teneantur requirere mores subditorum? Dub. III. An teneantur non deserere oves etiam cum periculo mortis?*

357. » **R**esp. Curatus, sive Parochus jure  
 » divino tenetur. 1. Residere in sua Parochia.  
 » Trid. sess. 23. c. 1. de Ref. Barb. de off.  
 » Paroch. c. 8. n. 1. alioqui in conscientia fructus non facit suos; teneturque pro rata absentia restituere fabricæ Ecclesiæ, vel causæ piæ. Potest tamen ex justa causa, et licentia Episcopi ad breve tempus abesse. V. Nav. c. 5. Azor. t. 2. l. 2. c. 4. Possev. Barb. Trull. l. 4. c. 1. d. 8. \* (Quoad residentiam, vide dicenda de Benef. l. 4. n. 111. et 123.)\*  
 » 2. Tenetur administrare Sacramenta \*. (Non solum in necessitate extrema, sed etiam grati, Salu. Tract. 21. de Carit. c. 6. n. 33. cum S. Th. et communi. Et ibi addit Bon.

» teneri Parochum etiam inquirere graviter in-  
 » digentes ) \*. Quoties , et quanto cum pericu-  
 » lo , v. infra et Bon. tract. 1. d. 2. q. 3. p.  
 » 2. Possev. Barb. II. cc. \* ( Quoad Sacramen-  
 » tum Pœnitentiæ , vide Busemb. de Pœnit. l.  
 » 6. num. 623. Resp. 2. et 3. Quoad Eucharis-  
 » tiam autem , tenetur ministrare quoties oves  
 » rationabiliter petunt. Vide Busemb. de Euch.  
 » dict. lib. 6. n. 253. et 254. Tempore autem  
 » pestis probabile est non teneri ministrare Eu-  
 » charistiam cum periculo vitæ. Vide de Euch.  
 » eod. lib. 6. num. 233. ) \*

358. » 3. Orare pro populo , et celebrare ,  
 » ut populus audiat Missam : quam etiam te-  
 » neri eum eidem applicare diebus saltem festis  
 » et aliquot aliis , docet Tol. lib. 3. cap. 5.  
 » Sed negat Suar. Con. in 3. p. quæst. 83. art.  
 » 1. cum nullo jure id cautum sit. V. Bon.  
 » quæst. ult. Barb. loc. cit.

359. Nota hic , quod a SS. Pontifice Bene-  
 dicto XIV. ex epistola Encyclica edita anno  
 1744. statutum est , quemcumque Parochum , si-  
 ve habentem , sive non , congruos redditus , tene-  
 ri omnibus Dominicis , et festis diebus applicare  
 Missam pro populo. Et quamvis concessum sit  
 alicui Parochi , si aliter vivere nequeat , appli-  
 care Missam pro eleemosynâ præbente in die-  
 bus festis , sancitum est tamen , ut debeant ipsi  
 in aliis diebus ferialibus Missas pro Populo sup-  
 plere. Et quoad Vicarios seu Oeconomos Ec-  
 clesiarum vacantium , data est facultas Episco-  
 pis assignandi eis congruam fructuum portionem ,  
 ut pariter possint diebus festis pro Populo cele-  
 brare. Vide Tom. II. lib. 6. n. 323.

360. » 4. Docere populum concionando , ar-  
 » guendo , etc. per se , vel per alios. Tol. lib.  
 » 5. c. 5. Possev. Barbos. Trull. II. cc. \* ( Vi-



Cap. II. De IV. Præc. etc. Dub. VI. 545

» de dicta de 3. Præcept. etc. num. 269. v.  
 » Hic obiter. Pariter Superiores Religionum et  
 » iam tenentur prædicatione pascere subditos,  
 » tamquam eorum Pastores, Elbel Conf. 21.  
 » num. 582. cum Henno ) \*.

» 5. Tenetur singulis diebus dominicis, et  
 » festis solemnibus populo doctrinam Christia-  
 » nam explicare, per se, vel per alium, ut  
 » constat ex Trid. sess. 24. c. 4. de Ref. id-  
 » que sub gravi obligatione etiam juris divini,  
 » ob summam necessitatem, propter quam eos  
 » ab Episcopis, aliisque Prælatiis ad id cogi  
 » posse sub pœna excommunicationis ( omnes-  
 » que alios, ut eam audiant, discant et sciant )  
 » docent Trull. l. 1. c. 1. d. 5. num. 7. et 8.  
 » Bald. t. 2. lib. 1. d. 43. Sanch. Pal. Barb.  
 » etc. ( Bene autem potest huic obligationi do-  
 » ctrinam Christianam explicandi, per alium  
 » satisfacere. Trull. et Led. ap. Salm. Tr. 21.  
 » c. 2. n. 55. ) \*.

» 6. Tenetur infirmos visitare, pauperum  
 » curam habere, peccata corrigere, etc. de  
 » quibus Poss. Reg. t. 2. l. 20. c. 5. sect. 3.  
 » Barb. c. 7. vide supra.

Parochi ( et tanto magis Episcopi ) tenentur  
 sub gravi corrigere oves, in peccato mortali vel  
 ejus proximo periculo existentes, etiam cum di-  
 scrimine vitæ; et non solum in extrema, sed  
 etiam in earum gravi necessitate, semper ac  
 adest spes emendationis. Ita communiter Bon.  
 D. 3. q. 4. p. 4. n. 5. cum Val. Mald. et Reg.  
 item Viva de Præc. q. 21. art. 6. n. 12. Maz-  
 zott. tom. 1. p. 453. Salm. tr. 21. c. 6. n. 33.  
 cum Suar. Con. et Trull. Vide etiam dicta l.  
 2. num. 40. Præterea Parochi tenentur cum  
 quocumque incommodo auferre scandala, unde  
 si aliquis subditorum sit incorrigibilis, sed suo

pravo exemplo sit aliis occasio ruinæ, tenetur Parochus tale damnum impedire, saltem Episcopum certiorando, non tantum semel, sed quousque scandalum perseverat, et spes effulget, ut illi occurrì possit.

Sed dubitatur I. An ad id Pastores teneantur ex caritate vel justitia? *Suar. et Tapia apud Salm. loc. cit. 7. n. 58.* censent teneri solum ex caritate. Sed probabilius tenentur ex justitia, ut sentiunt *Ronc. de Char. Quæst. IV. q. 1. Holz. eod. tit. n. 192. tr. 6. D. 3. p. 7. n. 8. cum Cajet. et Con. Salm. l. cit. cum Sanch. Val. Dian. et Trull.* Ratio, quia ad hoc utique a Communitate stipendium Pastoribus tribuitur, ut singulorum procurent salutem, et proinde vitia corrigant.

Dubitatur II. An Pastores teneantur inquirere mores subditorum? Respondetur affirmative ex communi sententia, ut docent *D. Th. 2. 2. q. 33. art. 2. ad 3. et Salm. cum Laym. Cajet. Soto, Ledesm. Villal. etc.* Ratio, quam tradit *D. Thomas*, est, quia illi qui specialem obligationem habent incumbendi salutem alicujus certæ personæ, sicut habent Pastores erga singulas suas oves, tenentur non solum corrigere delinquentes, sed etiam prospicere, an obligationi suæ satisfaciant. Secus vero dicendum de aliis, qui generalem obligationem habent erga proximos, istis enim sufficit corrigere eos tantum quos lapsos vel in proximo periculo labendi animadverterint.

Dubitatur III. An Episcopi et Parochi teneantur non deserere oves etiam cum periculo mortis? Respondetur cum *D. Th. 2. 2. q. 185. art. 5.* qui sic docet: *Ubi subditorum salus exigit Pastoris presentiam, non debet Pastor personaliter suum Gregem deserere, neque propter*

aliquid commodum temporale, neque propter aliquid personale periculum imminens, cum bonus Pastor animam suam ponere teneatur pro ovibus suis. Sic enim habetur in Joan. c. 10. et hæc verba non solum consilium, sed etiam præceptum continent, ut recte probant Salm. tr. 21. c. 2. n. 76. ex c. Sciscitaris, 7. q. 1. ubi clare hoc exprimitur. Si vero (subdit S. Th.) subditorum saluti possit sufficienter per alium provideri, tunc licet vel propter aliquid commodum Ecclesiæ, vel propter personæ periculum, Gregem deserere. Quænam autem sint causæ excusantes Parochos a residentia? Vide lib. 4. n. 125. Insuper notandum 1. quod Episcopus, cum suscipit regimen sui Episcopatus, debet (ut præcipit Concil. Trident. Sess. 24. c. 16. de Ref.) rationem exigere a Vicario Capitulari de omnibus ab eo gestis tempore vacationis. Notandum 2. teneri Episcopum ex eodem Trid. Sess. 24. c. 3. de Ref. quam celeriter potest, suam Diocesim visitare; et in visitatione nihil posse accipere, nisi victualia. Ibi sic dicitur: *Episcopi propriam Diocesim per seipsos aut si legitime impediti fuerint, per suum generalem Vicarium, aut visitatorem, si quotannis totam propter ejus latitudinem visitare non poterunt, saltem majorem ejus partem, ita tamen ut tota per se vel per visitatores suos compleatur, visitare non prætermittant.* Deinde additur. *Studeant quam celerissime, debita tamen cum diligentia, visitationem absolvere. . . Interimque caveant, ne ipsi, aut quisquam suorum procuratorum causa pro visitatione, etc. nec pecuniam, nec munus quodcumque sit, etiam qualitercumque offeratur, accipiant; non obstante quacumque consuetudine etiam immemorabili; exceptis tamen victualibus, quæ sibi ac*

Cap. II. De IV. Præc. etc. Dub. VII. 559

» V. Nav. cap. 23. et. 25. Fill. tr. 28. part.

» 2. c. 10. q. 1.

362. » 2. Magistri, et Pædagogi peccant 1. si  
» peccata discipulorum dissimulent, et non cor-  
» rigant, quando possunt. 2. Profectum eorum  
» in literis non sedulo promoveant. 3. Non do-  
» ceant bonos mores. 4. Si ex proposito falsa  
» doceant ut vera, vel superstitiosa, et saluti  
» noxia. 5. Non studeant ipsi, ut officio satie-  
» faciant. 6. Si stipendium exigant majus justo,  
» vel quem Gymnasii leges, aut consuetudo  
» permittant. 7. Doctoratus insignia negent di-  
» gnis, indignis conferant, quod *Navarr.* dicit  
» esse mortale; præsertim in Theologia, Jure  
» Canonico, Civili, et Medicina: nam in Phi-  
» losophia forte veniale tantum esse censet. *Ca-*  
» *jet.* verb. *Doctor.* 8. Si discipuli malo sint  
» exemplo. 9. Si malis moribus imbutos, et qui  
» aliis perniciosi sunt, ad scholas admisceant,  
» vel ex iis non dimittant. V. *Trull. lib. 4. c.*  
» I. d. II.

*Finis Tomi Secundi.*



# INDEX

CAPITUM, ET DUBIORUM,

HUIUS SECUNDI VOLUMINIS.

## LIBER II.

*De præceptis virtutum Theologicarum.*

pag. 3.

### TRACTATUS I.

*De Præcepto Fidei. ibid.*

#### CAPUT I.

*Quæ Mysteria Fidei necessario credenda  
sint? ibid.*

1. Quæ Mysteria credenda necessitate medii?
2. An Mysteria Trinitatis et Incarnationis sint credenda explicite?
3. Quæ ex præcepto scienda? et an memoriter?
4. Quale sit Objectum Fidei materiale, et quale formale?

#### CAPUT II.

*Quomodo obliget præceptum Fidei? pag. 12.*

5. Quos, et quando obliget præceptum Fidei?
6. Notantur Propos. damnatæ in hac materia.
7. Quoties teneamur in vita elicere actus Fidei,

et Spei? 8. Quoties actus Charitatis? 9. Quando Hæreticus teneatur suam Sectam ejicere? 10. An circa Fidem non liceat sequi opinionem minus probabilem? 11. Quando teneamur Fidem exterius confiteri? Et qui teneatur jure Ecclesiastico ad externam Professionem Fidei?

## C A P U T III.

*An aliquando liceat exterius Fidem veram negare , aut falsam profiteri ?*  
pag. 20.

12. An liceat unquam positive Fidem negare ?  
13. fugere? Vide alia ibid. 15. An uti vestibus?  
vel signis Infidelium? 16. An audire conciones  
Hæreticorum? Vide alia ibid.

## C A P U T IV.

*De Infidelitate et vitiis Fidei oppositis.*  
pag. 25.

## D U B I U M I.

*Quid , et quotuplex sit Infidelitas ?* ibid.

## D U B I U M II.

*De Judaismo. Queritur hic tantum , quæ communicatio cum Judæis sit interdicta Christianis ?* 26.

## D U B I U M III.

*Quid sit Hæresis ?* pag. 27.





